

S T E N O G R A M

**ČETVRTE RADNE SJEDNICE SKUPŠTINE KANTONA SARAJEVO
ODRŽANE 08.02.2023.GODINE**

Elvedin Okerić (Predsjedavajući)

Otvaram Četvrtu radnu sjednicu Skupštine Kantona Sarajevo. Himna Bosne i Hercegovine.

Prije nego što otvorim sjednicu Skupštine Kantona Sarajevo i krenemo sa utvrđivanjem dnevnog reda želim da povodom razornih zemljotresa u Republici Turskoj i Siriji, gdje je stradao veliki broj građana Turske i Sirije, evidencije koje imamo trenutno je nekoliko hiljada stradalih, stoga kao Skupština Kantona Sarajevo želimo da izrazimo duboko suosjećanje sa narodom Turske i Sirije, te pozivam zastupnice i zastupnike da svako na svoj način oda počast stradalim.

Također želim da najavim da će šefovi klubova danas imati pauzu prilikom tačke dnevnog reda gdje ćemo podnositi pitanja i inicijative i gdje želimo zajedno da podnesemo jednu inicijativu prema Vladi Kantona Sarajevo da se izdvoje sredstva za unesrećene u Republici Turskoj i Siriji. Vlada Kantona Sarajevo je poduzela već aktivnosti kada je u pitanju otpremanje timova prema Republici Turskoj i Siriji. Danas predstavnici Vlade imaju sastanak sa ambasadorom Turske i svakako vidjeće da aktivnosti koordiniraju u narednom periodu u cilju da se izađe u susret stradalim i da se pomogne na najbolji mogući način.

Mi nastavljamo dalje.

Pozdravljam uvažene kolegice i kolege zastupnike, članove Vlade i uvažene goste, kao predstavnike medija koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji službe sjednici prisutni 25 zastupnika, što je dovoljan broj za punovažan rad i odlučivanje. Izostanak sa ove sjednici pravdali su zastupnici Izetbegović, zastupnica Memić. Kašnjenje je najavila zastupnica Hodžić Admela i zastupnik Aljoša Čampara.

Na osnovu članova 72. i 73. Poslovnika Skupštine Kantona Sarajevo, Kolegij Skupštine Kantona Sarajevo je na sjednici održanoj dana 23.01.2023.godine utvrdio dnevni red, a isti je dopunio na sjednici Kolegija održanoj dana 03.02.2023. godine.

Prelazimo na utvrđivanje dnevnog reda današnje sjednice.

Na osnovu naprijed navedenog, Prijedlog dnevnog reda današnje sjednice, glasi:

1. Poslanička/zastupnička pitanja inicijative i odgovori;
2. Nacrt Budžeta Kantona Sarajevo za 2023. godinu;
3. Nacrt Zakona o izvršavanju Budžeta Kantona Sarajevo za 2023. godinu;
4. Prijedlog Odluke o razrješenju premijera Kantona Sarajevo;
5. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo, za zaključivanje Ugovora o kupoprodaji privremenog objekta radi rušenja, između Kantona Sarajevo, Ministarstvo saobraćaja - Direkcija za puteve Kantona Sarajevo i Zavoda za izgradnju Kantona Sarajevo sa jedne strane i Tucaković Ilijaza sa druge strane, u svrhu izgradnje „IX“ transverzale - rondo u ul. Safeta Zajke, a u skladu sa Odlukom o usvajanju Okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo broj: 01-04-19714/21 („Službene novine Kantona Sarajevo“, broj: 18/21).
6. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo za zaključivanje Ugovora o kupoprodaji privremenog objekta radi rušenja, između Kanton Sarajevo, Ministarstvo saobraćaja – Direkcija za puteve Kantona Sarajevo i Zavoda za izgradnju Kantona Sarajevo sa

jedne strane i Tucaković Iljaza sa druge strane, u svrhu izgradnje „IX“ transverzale – rondo u ul. Safeta Zajke, a u skladu sa Odlukom o usvajanju Okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo („Službene novine Kantona Sarajevo“, broj: 18/21 i 5/23);

7. Prijedlog Odluke o davanju saglasnosti Zavodu za izgradnju Kantona Sarajevo i Direkciji za puteve Kantona Sarajevo za zaključivanje Ugovora o kupoprodaji bespravno izgrađenih objekata radi rušenja, između Kanton Sarajevo, Ministarstvo saobraćaja – Direkcija za puteve Kantona Sarajevo i Zavoda za izgradnju Kantona Sarajevo sa jedne strane i „Bosnaplast“ d.o.o. Sarajevo sa druge strane, u svrhu izgradnje „IX“ transverzale – rondo u ul. Safeta Zajke, a u skladu sa Odlukom o usvajanju Okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo („Službene novine Kantona Sarajevo“, broj: 18/21 i 5/23);
8. Prijedlog Odluke o davanju saglasnosti za zaključenje ugovora o kupoprodaji bespravno izgrađenog stambenog objekta, štale, sušnice i platenika sve izgrađeno na k.č 173, 174/1 i k.č 174/3, K.O. Kobilja glava, između Direkcije za puteve Kantona Sarajevo i Zavoda za izgradnju Kantona Sarajevo sa jedne strane i Sivac Salih sa druge strane u skladu sa Odlukom o usvajanju Okvira za otkup imovine i naknade radi realizacije projekta izgradnje gradskih saobraćajnica u Kantonu Sarajevo („Službene novine Kantona Sarajevo“, broj: 18/21) radi rušenja u svrhu izgradnje saobraćajnice I transverzale, tunel Kobilja glava;
9. Prijedlog Odluke o davanju saglasnosti Zavodu za izgradnju Kantona Sarajevo za zaključivanje Ugovora o kupoprodaji nekretnine označene kao k.č. broj 22 gradilište k.o. SP_Sarajevo Mahala LXVIII, što po novom premjeru odgovara k.č. broj 2386/1 k.o. Sarajevo V, između Zavoda za izgradnju Kantona Sarajevo sa jedne strane i Univerziteta u Sarajevu sa druge strane;
10. Prijedlog Odluke o davanju saglasnosti na Finansijski plan Javne ustanove „Služba za zapošljavanje Kantona Sarajevo“ Sarajevo za 2023. godinu sa Odlukom o izvršavanju Finansijskog plana Javne ustanove “Služba za zapošljavanje Kantona Sarajevo“ Sarajevo za 2023. godinu;
11. Prijedlog Odluke o postojanju javnog interesa za osnivanje Javne ustanove Osnovna škola “ROSULJE” Vogošća;
12. Prijedlog Odluke o osnivanju privatne srednje škole pod nazivom - Privatna međunarodna gimnazija QSI International School of Sarajevo – QSI Međunarodna kvalitetna škola Sarajevo;
13. Prijedlog Odluke o davanju saglasnosti na prijedlog Ugovora o zakupu poslovnog prostora Poslovne zgrade KJP Centar “Skenderija” d.o.o. Sarajevo koji zaključuju Ministarstvo saobraćaja Kantona Sarajevo i KJP Centar „Skenderija“ d.o.o. Sarajevo.

Još jedan prijedlog, prije nego što se izjasnimo o dnevnom redu zamolio bih zastupnice i zastupnike da uvažavaju moj prijedlog, a to je da se tačka 4. Prijedlog odluke o razrješenju premijera Kantona Sarajevo razmatra kao tačka 1, odnosno kao tačka 2 nakon poslaničkih/zastupničkih pitanja i inicijativa radi radnopravnog statusa premijera Edina Forte koji je preuzeo funkciju u Vijeću ministara, kako bi mogle danas službe riješiti taj dokument.

Prije nego što usvojimo dnevni red molim prvo zastupnice i zastupnike da se izjasne o mom prijedlogu.

Anketa je spremna.

Zaključujem glasanje. Molim službu da objavi rezultate glasanja.

Za glasalo 24, protiv ništa, suzdržani ništa. Konstatujem da je prijedlog usvojen.

Sada pozivam zastupnice i zastupnike da se izjasne o predloženom dnevnom redu, onako kako sam pročitao.

Zaključujem glasanje. Molim službu da objavi rezultate glasanja. Za je glasalo 26 zastupnika, protiv ništa i suzdržanih ništa.

Konstatujem da je Skupština za Četvrtu radnu sjednicu Skupštine Kantona Sarajevo usvojila dnevni red kako je i predložen.

Prije nego što pređemo na realizaciju prve tačke dnevnog reda obavezni smo da razmatramo Zapisnike sa stenogramom sa Prve i Druge radne sjednice, koji su Vam dostavljeni uz poziv za sjednicu.

Da li ima primjedbi na ova dva zapisnika?

Molim vas da se izjasnite o Zapisniku sa Prve radne sjednice Skupštine Kantona Sarajevo.

Zaključujem glasanje. Molim službu da objavi rezultate glasanja.

ZA je glasalo 26 zastupnika, protiv i suzdržanih nije bilo.

Konstatujem da je Skupština potvrdila Zapisnik sa Prve radne sjednice Skupštine Kantona Sarajevo održane 28.12.2022. godine.

Molim vas da se izjasnite o zapisniku sa Druge radne sjednice Skupštine Kantona Sarajevo.

Molim službu da pripreme anketu za izjašnjenje.

Zaključujem glasanje. Molim službu da objavi rezultate glasanja. Za je glasalo 26 zastupnika, protiv i suzdržanih nije bilo. Konstatujem da je Skupština potvrdila Zapisnik sa Druge radne sjednice Skupštine Kantona Sarajevo održane 30. 12. 2022. godine.

Prelazimo na prvu tačku dnevnog reda. Sada je Tačno 9 i 25 ćemo staviti. Evo 26.

AD – 1.

POSLANIČKA/ZASTUPNIČKA PITANJA, INICIJATIVE I ODGOVORI

Zastupnica Fatima Gavrankapetanović- Smailbegović se javila prva riječ izvolite.

Fatima Gavrankapetanović-Smailbegović (poslanik/zastupnik)

Poštovani predsjedavajući, kolege zastupnici, članovi Vlade Kantona Sarajevo, danas pokrećem inicijativu za osiguranje finansijskih sredstava za liječenje oboljelih od upalnih reumatskih bolesti u Kantonu Sarajevo. Inicijativu sam podnijela u pisanoj formi tako da ću danas samo navesti neke najvažnije činjenice. Predmetnu inicijativu pokrećem u koordinaciji sa nevladinim organizacijama i članovima porodica oboljelih od upalnih reumatskih bolesti.

Osnovna bazna terapija je od velikog značaja za ove pacijente ali nažalost ona nije na esencijalnoj listi za ove oboljele pa njih ona mjesečno košta negdje između 350 do 500 konvertibilnih maraka. Liječenje sa biološkim lijekovima ne podrazumijeva terapiju za sve oboljele nego samo najurgentnije bolesnike, po strogim kriterijima i pravila struke i oni bi se na taj način pripremili za ovu terapiju. U Kantonu Sarajevo trenutno ima negdje oko 50 pacijenata koji su na listi čekanja za odobrenje ove terapije. Ona njih godišnje košta negdje od 12 do 15 000 konvertibilnih maraka. Mislim da je vrijeme da se reumatološki pacijenti riješi sistemski a ne projektno i ne ad hoc aktivnostima. Sigurnost i interesi pacijenata moraju biti prioritet. Nema niti jednog razloga da se ne osigura sve ovo što predlažemo inicijativom jer sigurno u Budžetu od 1, 2 milijarde konvertibilnih maraka ima dovoljno prostora da se osigura liječenje ovih zaista teških bolesnika, naših sugrađana. Zahvaljujem se.

Elvedin Okerić (Predsjedavajući)

Zahvaljujemo se uvaženoj zastupnici Gavrankapetanović-Smailbegović. Zastupnik Mahir Dević se javio za riječi.

Mahir Dević (poslanik/zastupnik)

Hvala predsjedavajući. Pokrećem inicijativu koju smo mi kao zastupnici dobili svi putem maila, a to radim već po treći put. Znači cijeli prošli mandat to sam uradio dva puta. Dobio sam ovdje jedno lažno obećanje od premijera da će ta izmjena zakona biti riješena u roku par mjeseci i nisam tražio da se Skupštinu o tome izjašnjava a tiče se legalizacija bespravno izgrađenih objekata u Kantonu Sarajevo. Ja evo po treći put pokreće inicijativu prema ne znam kome. Ne znam kojoj Vladi, ne znam kom premijeru, ne znam kojoj politici zaista u kojoj se mi nalazimo, ali evo apelujem u ime 30 do 40 000 građana Kantona Sarajevo da ne potrošimo ponovo cijeli mandat da se ovo pitanje ne riješi. Znači pokreće inicijativu da se obezbijedi svi zakonski uslovi u smislu izmjena i dopuna postojećeg Zakona da se po kategorijama vrijednosnim omogući legalizacija bespravno izgrađenih objekata na području Kantona Sarajevo. Obrazloženje. Nije istu kada vi treba da legalizirati bespravno izgrađen objekat u nekoj gradskoj opštini gdje ne znam neko napravio svoj objekat na nekoj komunalnoj infrastrukturi, što je potpuno opravdano da mu ne date takvu vrstu legalizacije. Znači nije to isto kao situacija nekog čovjeka na primjer u nekoj drugoj općini Kantona Sarajevo koji nije mogao na gradskom građevinskom zemljištu da dobije potrebne papire, dozvole iz tog razloga zato što nije imao riješeni imovinskopravni odnosi ,zato što je ta zemlja bila tamo ne znam 1 /150. U međuvremenu taj čovjek je proveo sve sudske ovaj procese, ne znam izlaganje katastarskog zemljišta ili advokat mu to zemljište ovaj riješio, nalazi se na gradskom građevinskom zemljištu, ponavljam, i ova Skupština četiri godine nije u stanju da izvrši izmjenu zakona da mu omogući da on legalizuje barem na gradskom građevinskom zemljištu. A da ne pričamo ovdje o kategorizaciji poljoprivrednog zemljišta, šumskog zemljišta itd. Vrlo neozbiljno. Evo ja po treći put pokrećem ovu inicijativu, ne znam prema kome ovdje u ovoj Vladi zaista, jer ovo je očigledno jedan raštiman orkestar koji prema kome više to uputiti, ali mislim da mi kao Skupština ovo pitanje zaista trebamo riješiti. Evo dobili smo svi taj mail. Pošto sam ja to radio već dva puta i treći put ja to pokrećem prema Vladi Kantona Sarajevo. Hvala predsjedavajućem.

Elvedin Okerić (Predsjedavajući)

Zahvaljujemo se uvaženom zastupniku Deviću. Zastupnica Smiljana Viteškić se javila za riječ.

Smiljana Viteškić (poslanik/zastupnik)

Zahvaljujem predsjedavajući. Ja sam za današnju sjednicu imala jednu inicijativu i dva pitanja, međutim inicijativu u sličnom tekstu je već iznijela cijenjena kolegica Gavrankapetanović tako da ću ja samo ponoviti da smo u prošlom mandatu zastupnica Hasagić iz Stranke demokratske akcije podnijela istu inicijativu i da je imala usmeno obećanje ministra zdravstva da će se to riješiti, pa evo nadam se da će se bar u ovom mandatu riješiti jer liječenje oboljelih osoba od reumatoidnog artritisa. Moje zastupničko pitanje upućeno je ministrici za odgoj obrazovanje nekako u ovo vrijeme prošle godine donešena je Odluka o osnivanju Javne ustanove Institut za razvoj preduniverzitetskog obrazovanja Kantona Sarajevo u 2020. godini finansirana su 23 uposlenika, u nacrtu budžeta za 2023. godinu predviđeno je finansiranje 48 uposlenika. Pitanje je, koliko je uposlenika iz prethodnog Pedagoškog prosvjetnog zavoda ostalo u Institutu. Koliko je uposlenika angažirano u preraspodjelom, koliko putem konkursne procedure i da li u strukturi uposlenih ima zdravstvenih radnika, ako ima kojih, s obzirom da Kantonu Sarajevo ima više srednjih škola medicinskog usmjerenja i da li smatrate da neke poslove npr u sektoru za vannastavne i posebne programe, naravno i u drugim sektorima ipak treba voditi osoba

zdravstvene struke? Za ovo pitanje želim pisani odgovor. A sljedeće pitanje usmeno da mi odgovori ja mislim ministar privrede. Na sred gradske saobraćajnice pristupni put Zetri postavljena je rampa te se na toj lokaciji vrši naplata parkinga. Prema informacijama koje raspoložu bilo za istu nije dobijena dozvola niti je istu moguće dobiti s obzirom da cesta pripada gradskim saobraćajnicama. Da li su pomenuti navodi tačni? Molim usmeni a naknadno i pisani odgovor. Hvala.

Elvedin Okerić (Predsjedavajući)

Zahvaljujem se uvaženi zastupnici Viteškić. Za riječ se javila zastupnica Jelena Pekić.

Jelena Pekić (poslanik/zastupnik)

Dobar dan svim kolegama i kolegicama u Skupštini Kantona i građanima i građankama. Moja inicijativa se odnosi prema Vladi Kantona Sarajevo gdje tražim hitno poduzimanje aktivnosti ka povećanju finansijskih sredstava za jačanje Kantonalne uprave civilne zaštite i Direkcije za robne rezerve za djelovanje u slučaju nastanka prirodnih katastrofa i elementarnih nepogoda. I tražim od Vlade Kantona Sarajevo da se utvrdi stanje raspoložive opreme i spremnosti svih uključenih aktera za brzo djelovanje u slučaju nastanka prirodnih katastrofa i elementarnih nepogoda. I ovu inicijativu ponosim u ime Kluba Socijaldemokratske partije u Skupštini Kantona. Dakle svjedoci smo nemilih događaja u Turskoj i Siriji gdje je uslijed razornog zemljotresa poginulo hiljade ljudi preko desetine hiljada povrijeđeni, a teritorij Bosne i Hercegovine predstavlja jedan od seizmološki aktivnijih dijelova Balkanskog poluotoka i također znamo je li kakvi su zemljotresi bili u Banjaluci, Skoplju i tadašnjem Titogradu, ali u skorije vrijeme u Stocu, u Zagrebu, Petrinji, pa i na području Kantona Sarajevo kada su otvorena brojna pitanja djelovanja u vanrednim okolnostima i sigurnost stambenih objekata u kojima živimo. Ovdje je jako važno još želim ovaj istaći da se uključi sve organizacije i udruženja koja djeluju u oblasti zaštite i spašavanja stanovništva; Gorska služba spašavanja, Odred izviđača, Crveni krst, Dobrovoljna vatrogasna društva kako bi se uradila da još jednom ponovim analiza stanja opremljenosti gore navedenih službi ovaj za rad u u slučaju nastanka vanrednih okolnosti, analiza stanja i raspoloživosti šatora, kreveta, deka, vreća za spavanje, agregata i opreme za osvjetljenje i drugih neophodnih proizvoda u slučaju nastanka prirodnih katastrofa na bazi broja stanovnika u Kantonu Sarajevo i planirati obavezno povećanje finansijskih sredstava za nabavku gore navedenih proizvoda i što jako važno realizovati namjenska sredstva koja imamo pri Civilnoj zaštiti za date potreba u toku 2023. godini i da se uspostavi program redovne edukacije, obuke za gore navedene aktere. Svjesni smo nadolazećih klimatskih promjena kada će i Kanton Sarajevo biti puno izloženiji prirodnim katastrofama, zemljotresima, poplavama, pojavama klizišta i požara. I odgovor tražim pismeno. Hvala.

Elvedin Okerić (Predsjedavajući)

Zahvaljujemo se uvaženoj zastupnici Pekić. Dopredsjedavajuća Danijela Kristić se javila za riječ.

Danijela Kristić (Dopredsjedavajuća)

Zahvaljujem predsjedavajući. Pozdravljam sve prisutne i gledaoce kraj malih ekrana. Ja za danas sam priprema jedan zaključak i molit ću zastupnike da se kasnije izjasne o ovom zaključku. Na osnovu člana 117 i 120 Poslovnika Skupštine Kantona Sarajevo predlažem da Skupština Kantona Sarajevo donese sljedeći zaključak:

"Obavezuje se Vlada Kantona Sarajevo i resorno Ministarstvo da utvrde i donesu prijedlog odluke o proglašenju udruženja koja direktno rade sa djecom sa poteškoćama u razvoju od posebnog interesa za Kanton Sarajevo".

Druga inicijativa podnosim inicijativu za produženje saobraćajnih traka za bočna skretanja gdje je to moguće na raskrsnicama glavne gradske saobraćajnice jer su nedovoljne dužine te automobili zbog toga zauzimaju još jednu dodatnu traku te se stvara dodatna gužva na raskrsnicama. Još jedna inicijativa. Podnosim inicijativu da se u Javni poziv za subvencioniranje rješavanje stambenog pitanja mladih, uslov da kupoprodajna cijena stana ili kuće, odnosno utvrđena vrijednost građevinskog dijela objekta u izgradnji ne prelazi iznos od 180 000 konvertibilnih maraka prema ugovoru o kupoprodaji stana ili kuće, odnosno rješenju nadležnog organa o uplati naknade za izgradnju skloništa poveća na iznos od 200 000 konvertibilnih maraka zbog povećanja cijene nekretnina, te da se Javni poziv proširi i na kategoriju samohranih majki. Hvala.

Elvedin Okerić (Predsjedavajući)

Zahvaljujemo se uvaženoj dopredsjedavajućoj. Zastupnik Igor Stojanović se javio za riječ.

Igor Stojanović (dopredsjedavajući)

Hvala lijepo. Pozdravljam sve prisutne i imam jedno pitanje za Kantonalnu inspekciju i za Ministarstvo prostorno, dakle koji reguliše izgradnju objekata. Radi se o sljedećem; svjedoci smo svi da na Trnovu, da u trnovskoj opštini i na Bjelašnici imamo jednu ekspanziju izgradnje objekata i naravno da se vrlo često dešavaju nepravilnosti. U ime grupe građana postaviti ću sljedeće pitanje: zašto Kantonalna uprava za inspekcijske poslove Kantona Sarajevo nije postupila po zahtjevu za inspekcijski nadzor postavljenom od strane fizičkih lica vlasnika nekretnina, apartmanskih sadržaja na lokalitetu planina Bjelašnica, općina Trnovo, a čiji zahtjev se odnosio na kontrolu zakonitosti rada i postupanja općine Trnovo Služba za civilnu zaštitu, inspekcijske i zajedničke poslove u postupku kontrole izgradnje objekta od strane investitora GOVZA doo u Sarajevu. Obrazloženje: nekoliko fizičkih osoba vlasnika apartmana u objektu na lokalitetu planina Bjelašnica obratilo se u septembru 2022. godine općini Trnovo jer su smatrali da je objekat u izgradnji GOVZA doo Sarajevu da se radi o eventualnoj bespravnoj izgradnji dijela objekta koji ugrožava kvalitet stanovanja podnosioca zahtjeva za inspekcijski nadzor, odnosno da se radi o izgradnji suprotno odobrenju za građenje. Prethodno ovi podnosioci zahtjeva u skladu sa propisima o pristupu informacijama pribavili dokumentaciju u vezi izgradnje predmetnog objekta, urbanističku saglasnost, odobrenje za građenje, izvod iz prostorno planske dokumentacije Zavoda za planiranje razvoja Kantona Sarajevo, te su potom uočili da postoje odstupanja u izgradnji predmetnog objekta od karakteristika objekta čija izgradnja je dozvoljena. Općina Trnovo je obavijestila podnosioca zahtjeva da je dokumentacija na osnovu koje se vrši izgradnja predmetnog objekta sačinjena u skladu sa važećim propisima, pri tome općina Trnovo je potpuno svjesno ili nesvjesno zanemarila činjenicu da se pomenuti podnosioci zahtjeva za inspekcijsku kontrolu nisu žalili na valjanost dokumentacije o izgradnji objekta nego na objekat koji je izašao izvan gabarita. Kantonalna uprava za inspekcijske poslove je poduzela određene aktivnosti koje su rezultirale nesuvislim i neprimjerenim odgovorom da su u postupku pribavili informaciju od općine Trnovo prema kojima je donošenje dokumentacije za izgradnju izvršeno u skladu sa važećim propisima, te da će postupak inspekcijskog nadzora biti nastavljen od strane inspekcije Trnovo. Obzirom da su podnosioci zahtjeva za inspekcijski nadzor jasno naveli da ne traže kontrolu valjanosti dokumentacije za građenje nego da traže kontrolu izvedenih radova, kontrolu da li su radovi izvedeni u skladu sa odobrenjem za građenje, odnosno da li je investitor odstupio od odobrenih karakteristika objekta u smislu gabarita, izgleda etaža.

Elvedin Okerić (Predsjedavajući)

Vrijeme kolega Stojanović.

Igor Stojanović (dopredsjedavajući)

Evo završavam molim da mi se odgovori na ovo pitanje. Također sam dobio neposredno pred sjednicu informaciju da je inspektor u Opštini Trnovo koji je radio na ovom predmetu faktički smijenjen sa pozicije i ja očekujem da se naša Inspekcija uključi u ovaj predmet kako bismo stali u kraj gradnji izvan dozvola koje imamo u Trnovu. Hvala lijepa.

Elvedin Okerić (Predsjedavajući)

Zahvaljujemo se uvaženom dopredsjedavajućem Stojanoviću. Sljedeći zastupnik koji se javio za riječ je zastupnik Nihad Uk.

Nihad Uk (poslanik/zastupnik)

Hvala predsjedavajući. Srdačan pozdrav vama, kolegama i kolegicama prisutnim i gledaocima pored malih ekrana. Zbog dinamike same sjednice i važnosti akta današnjeg Nacrta budžeta jednu inicijativu ću pročitati a ostatak ću dostaviti putem e-maila. Dakle pomenuta inicijativa glasi da se obilježi autobuska stajališta adekvatnim znakovima sa popratnim informacijama o nazivu autobusnih linija. Svjedoci smo da Vlada Kantona Sarajevo u prethodnom mandatu je veliki fokus stavila na saobraćaj u Kantonu Sarajevo i jako dobro ide to, radi se faktički o istorijskim projektima koji su u ovom u kontekstu usmjereni u tramvajski saobraćaj, mijenjanje tramvajskih pruga i stajališta na tramvajskim prugama. Međutim postoje određena autobuska stajališta a veliki broj takvih stajališta je u samom centru grada koja nisu nikako označena ni informacijom da se radi o autobuskim stajalištima niti informacijama o kojim se linijama vozi na tim na tim stajalištima. Tako da to stvara problem. Neko od građana koji često koriste autobus kao sredstvo kretanja s obzirom da je manje-više poznato njima gdje su stajališta, s druge strane stvara problem građanima koji ne koriste autobus kao sredstvo kretanja često ili turistima, posebno u kontekstu kada imamo sada i dosta komercijalnih linija prema Hrasnici, prema aerodromu, stvara se određena zabluda kod njih, pa bih molio resorno Ministarstvo i resornog ministra da u narednom periodu obilježimo ovakva stajališta kako ne dolazi do sličnih zabluda. Hvala.

Elvedin Okerić (Predsjedavajući)

Zahvaljujemo se uvaženom zastupniku Nihadu Uku. Zastupnik Faruk Selmanović se javio za riječ.

Faruk Selmanović (poslanik/zastupnik)

Hvala predsjedavajući. Uvažene kolegice i kolege, cijenjeni građani, moje, imam 2 pitanja za našu uvaženu ministricu Hotu, a odnosi se na Nacrt zakona o odgoju i obrazovanju u Kantonu Sarajevo. Naime Zakon je dobio saglasnost, Nacrt zakona je dobio saglasnost Skupštine Kantona Sarajevo i prošao je javnu raspravu, te pored toga je poslan dopis prema institutima, Vijeću roditelja, školama da se u roku od svega 3 dana izjasni da li su za skraćenje časa, nastavnog časa sa 45 minuta na 40. Moje pitanje je da li je za ovo urađeno neka naučna analiza, to jeste da li je koncentracija učenika smanjena, da li je smanjen obim gradiva i da li se vodilo računa o fondu sati koji će nastavnici imati, jer ako se ovo sve sabere mislim da na nivou godine će faliti jedan dan. I molim da mi se o ovome pismeno očituje. Hvala.

Elvedin Okerić (Predsjedavajući)

Zahvaljujemo se uvaženom zastupniku Selmanoviću. Zastupnik Damir Marjanović se javio za riječ.

Damir Marjanović (poslanik/zastupnik)

Zahvaljujem predsjedatelju. Pozdravljam sve kolegice i kolege kao i sve one koji prate ovu Skupštinu. Idemo par brzih pitanja prema Ministarstvu za visoko obrazovanje, nauku i mlade. Prvo pitanje što je urađeno i da li je riješen problem studenata Stomatologije? Koliko imam informaciju već dolazi na naplatu i druga rata. Imao sam priliku da se raspitam kod kolege iz Univerziteta u Sarajevu, oni su rekli da je osnovni problem u resornom Ministarstvu i u Zakonu onakav kakav je usvojen. Podsjetit ću prilikom usvajanja Zakona prošle godine skrenuo sam pažnju na to da će za realizaciju tog Zakona trebati određena budžetska sredstva iako je u rješenjima nadležnih Ministarstva rečeno da neće trebati. Molim vas da mi se odgovor usmeno na ovo pitanje. Drugo pitanje prema opet istom Ministarstvu. Što se dešava sa studentima Američkog univerziteta? Vjerujem da vam je poznata ta priča o čemu se radi. Što je Ministarstvo uradilo? Znam da je trebao biti sastanaka. Da li su održani sastanci sa predstavnicima studenata i u kojem pravcu ide to razrješenje problema, jer se radi o dječacima i djevojčicama iz Kantona Sarajevo koji su ostali skraćeni za svoja osnovna prava. Da vidimo što Ministarstvo radi da riješi taj problem? Treće pitanje je vezano uz jednu Uredbu, jako je zanimljivo, nekako povezujem sa pitanjem koje sam postavio prošli put vezano za naplaćivanje komunalnih pristojbi, zovite kako god hoćete, računa prema apartmanima koji se nalaze na jednoj od olimpijskih planina, pa smo ustanovili da bez obzira što se radi o nekim zvaničnim apartmanima naplaćuje se kao da se radi o stambenim objektima tj. kao da se radi u kućanstvima. U međuvremenu umjesto odgovora na to pitanje vidim da je 26.01. donesena Uredba o izmjenama i dopuni Uredbe o opštim uslovima za proizvodnju i isporuku i korištenja toplotne energije gdje je Vlada, potpisuje premijer Edin Forto, uvela novu definiciju koja se zove apartman u članu 1, da je to poseban dio stambeno- poslovnog ili stambeno poslovnog objekta koji ima status stambenog prostora. Znači na taj način apartmani su koliko mogu da shvatim izjednačeni sa stambenim prostorom, pa postavljam pitanje da li je ova Uredba u skladu sa Zakonom prostorno uređenje Kantona Sarajevo? Da li ovom izmjenom Uredbe između ostaloga se na neki način sada smanjuju mogućnost naplate i smanjuju iznosi koji bi trebali da budu naplaćeni od strane Kantonalnih preduzeća? Da li se ova Ured odnosi na sve apartmane koji se nalazi na području Kantona Sarajevo i da li i na koji način ovakvom smanjenom naplatom se utječe na relativno visoke račune koje i dalje dobijaju građani a vezano za toplotnu energiju za sve one komunalne račune koji nam dolaze? I na kraju, jedna inicijativa, malo ću se povezati sa gospođom Pekić, s kolegicom Pekić koja je iznijela odličnu inicijativu vezano za Civilnu zaštitu i za sve ono što se dešava. Ne znam koliko vam je poznato, mi plan evakuacije stanovnika Kantona Sarajevo, koliko je meni poznato, nije odavno updejtiran, kada govorimo o bilo kakvim velikim nesrećama. Mi smo imali priliku da vidimo što se dešava i u Turskoj i u Siriji i što se dešavalo u nekom bližem okruženju. Postavljam pitanje Civilnoj zaštiti prvo, kada je zadnji put updejtiran plan evakuacije građana Kantona Sarajevo i drugo, u kojoj formi se taj plan evakuacije nalazi u kojoj formi je dostupan građanima Kantona Sarajevo. I s tim u vezi pokrećem inicijativu da se taj plan kada se updejtira ili ako se updejtira da se digitalizira i da bude dostupan u 21. stoljeću svim građanima Kantona Sarajevo kroz onaj način komunikacije koji je najčešći, to je digitalni način, putem mobitela, računara ili drugih mreža. Znači molim usmene odgovore na sva postavljena pitanja a svakako ako ne dobijem usmene tražit ću pismene. Hvala velika.

Elvedin Okerić (Predsjedavajući)

Zahvaljujemo se uvaženom kolegi Marjanoviću. Zastupnica Sanela Klarić se javila za riječ.

Sanela Klarić (poslanik/zastupnik)

Hvala predsjedavajući. Dobro jutro svima, kolegama i kolegicama, članovima Vlade i gledaocima Televizije Sarajevo. Ja imam jednu inicijativu i jedno zastupničko pitanje

pripremljeno za danas. Zastupnička inicijativa govori o tome da ustvari iniciram za trajno rješenje održivog upravljanja građevinskim otpadom prema Ministarstvu komunalne privrede, infrastrukture, prostornog uređenja, građenja i zaštite okoliša, Zavoda za planiranje razvoja Kantona Sarajevo i Javne ustanove odnosno Javnog preduzeća RAD, da se izradi studija zbrinjavanja građevinskog otpada na održiv način, da se planira izgradnju reciklažnih dvorišta i odlagališta, donošenje standarda i propisa o građevinskim materijalima kojima se upravlja, i s druge strane pripremi smjernice za zeleno održivo građenje kojem bi se što više koristili upravo ti građevinski materijali koji dolaze iz otpada a koji mogu biti važni resursi. Ovo je sve u skladu sa zelenim dogovorom Sofijskom deklaracijom koju je Bosna i Hercegovina potpisala. Imamo dosta veliki broj i samih javnih trenutno projekata sa kojima imamo ogromnu količinu građevinskog otpada kojima upravlja i sama Vlada Kantona Sarajevo, naravno i privatne inicijative. Postoje određeni pravni okviri na federalnom nivou i Kantonu Sarajevo, ali nisu usklađene sa posljednjim zahtjevima održivog razvoja, a s druge strane sve je polovično napravljeno tako da građevinske firme imaju ogroman problem jer imaju zahtjeve ali nemaju infrastrukturu i rješenje na koji način da odlažu otpad. S druge strane niko ne vidi taj otpad kao resurs da se od tog otpada mogu raditi novi inovativni građevinski materijali koji već i u svijetu postoje i iz tog razloga možemo podržati i otvoriti nova radna mjesta. Što se tiče mog pitanja konkretno se odnosi na inicijativu odnosno Rezoluciju koju je Kanton Sarajevo odnosno ova Skupština ovaj usvojila 17. juna 2021. godine, a to je Rezolucija za unapređenje zraka u zatvorenim prostorima. Jednoglasno je usvojena i tada je obavezana Vladu da formira jednu interdisciplinarnu radnu grupu koja je sastavljena od članova ministarstava koji su uključeni ali i javnih institucija i naravno međunarodnih i domaćih nevladinih organizacija i stručnjaka jer ovo vrlo važno pitanje koje treba da riješi akcioni plan za zaštitu djece i mladih osoba od zagađenja zraka u zatvorenom prostoru, nacрте Zakona o kvalitetu zraka o građenju i naravno puno drugih podzakonskih akata. Važno je reći da je ova Rezolucija plod istraživanja naučni koji su rađeni zajedno sa Medicinskim fakultetom i drugim ovaj članicama Univerziteta Sarajevo i drugih univerziteta, privatnih u Sarajevu kojima je pokazano i dokazano da je kvalitet zraka u vrtićima i školama katastrofalan, da jako loše utiče na zdravlje i na akademski uspjeh naše djece. Iz tog razloga ova Rezolucija je usvojena, međutim skoro, znači više od godinu i pol dana ja nisam upoznata da je nešto urađeno i molim pismeni odgovor na koji način se Vlada odnosno Ministarstva odnose na ovu Rezoluciju. Hvala.

Elvedin Okerić (Predsjedavajući)

Zahvaljujemo se uvaženoj zastupnici Klarić. Zastupnik Davor Čičić se javio za riječ.

Davor Čičić (zastupnik)

Zahvaljujem predsjedavajući. Dobar dan uvažene kolegice i kolege i svim građanima koji nas gledaju preko malih ekrana. Ja bih danas podnio jednu inicijativu za Ministarstvo saobraćaja Kantona Sarajevo a tiče se uvođenja u pravo korištenja elektronske iskaznice besplatne godišnje karte za gradski prijevoz za djecu i odrasle osobe sa invaliditetom, i to da se osobe s invaliditetom kada ne spadaju kategoriju osoba koje imaju iskaznice po drugom osnovu uvedu u pravo korištenja elektronske iskaznice i besplatni godišnji kupona za prijevoz gradskim saobraćajem i da se pratioci osoba s invaliditetom kojima je potrebna tuđa pomoć u kretanju i komuniciranju uvedu u pravo korištenja elektronske iskaznice te besplatne godišnje kupone koji mogu koristi za vrijeme pružanja usluge odnosno kada su u pratnji osoba ili osobe sa invaliditetom. Obrazloženje: elektronske iskaznice i mjesečne godišnje kupone trenutno koriste različite grupe stanovništva po različitim osnovama, radni i socijalni status, uzrok nastanka invaliditeta. Ovakav način korištenja prijevoza osim što olakšava korištenje prijevoza putnicima jeftinije ili besplatan prijevoz pojednostavljuje i prijevoz putnika odnosno brzinu kontrole karata. Vozila Gradskog saobraćaja su uglavnom nepristupačna osobama s

poteškoćama u razvoju i funkcionisanju te kada i ako koriste gradski prijevoz primorani su ući u vozila na druga ili treća vrata što onemogućava korisnika prijevoza da kupi kartu kod vozača. Nadalje djeca i odrasle osobe s invaliditetom veoma često su izrazito lošeg ekonomskog statusa zbog nemogućnosti za rad, te dodatnih troškova lijekova, terapija i slično. Osobe s invaliditetom, odnosno djeca i odrasle osobe koji imaju visok stepen fizičkog onesposobljenja, mentalne poteškoće, kombinovane smetnje zahtijevaju tuđu njegu i pomoć u životnim aktivnostima. Tuđa pomoć je posebno potrebna u kretanju odnosno korištenju gradskog prijevoza, stoga predlažem da se pratioci osoba s invaliditetom kojima je neophodna tuđa pomoć u kretanju i komuniciranju uvedu u pravo korištenja elektronske iskaznice i godišnjeg besplatnog puna uz adekvatan dokaz tj. rješenje o invaliditetu, tuđa njega i pomoći i rješenje o starateljstvu ili izjava da je osoba pratioc osobe sa invaliditetom. I naravno da se navedene iskaznice odnosno da kuponi važe kod svih službi gradskog prijevoza; Grasa, Centrotransa, Željeznica Federacije BiH itd. Stoga podnosim ovu inicijativu Ministarstvu saobraćaja i očekujem pismeni odgovor. Hvala.

Elvedin Okerić (Predsjedavajući)

Zahvaljujemo se uvaženom zastupniku Čiču. Zastupnice Elza Gaković se javila za riječ.

Elza Gaković (poslanik/zastupnik)

Zahvaljujem predsjedavajući. Uvažene kolegice i kolege, članovi Vlade, cijenjeni građani sve vas srdačno selamim i pozdravljam. Ja za danas imam dvije zastupničke inicijative koje ću pročitati i 2 zastupnička ovaj pitanja. Prva zastupnička inicijativa, u periodu od par dana na Dobrinji na istoj lokaciji nažalost automobilom su udarena dva pješaka. Na ovaj problem upozoravalo se u ranijem periodu ali značajno se ništa nije poduzelo kako bi se ovaj pješački prijelaz na spoju ulica Salke Nezečića i Grada Bakua učinili bezbjednim za svakodnevnu upotrebu građana. Iniciramo da se na pomenutoj lokaciji ograniči kretanje automobila na brzinu od 50 km/h i da se postavi radarska kontrola. Ovaj pješački prijelaz jako je frekventan i koristi ga veliki broj školske djece, te shodno tome zamolit ću nadležne da što brže reaguju. Moja druga zastupnička inicijativa, Javna ustanova Zavod za zdravstvenu zaštitu žena i materinstva Kantona Sarajevo je zdravstvena ustanova čija je djelatnost zaštita reproduktivnog zdravlja žena i materinstva na primarnom nivou zdravstvene zaštite i specijalističko konzultativna dijagnostika. Obzirom da smo svjedoci nažalost čestih teških dijagnoza a u nedostatku opremljenosti lokaliteta novi dispanzerski centar Otoka iniciram kupovinu ultrazvučnog aparata sa 3 sonde za potrebe lokaliteta novi dispanzerski centar Otoka. Nabavka ovog ultrazvučnog aparata pacijenticama sa područja općine Novi Grad Sarajevo pružila bi se kompletnija i kvalitetnija ginekološka i radiološka zdravstvena usluga.

Zastupnička pitanja. Pitanje je za ministra zdravstva odnosno zdravlja da li je istina da Zavod za javno zdravstvo Kantona Sarajevo sada dok još traje epidemija i zbog važnosti nadzora nad zaraznim bolestima nema rukovodioca Službe za epidemiologiju niti voditelj odjela zaraznih bolesti? I da li je istina da u Kantonu Sarajevo nema antirabicne vakcine dok svi drugi Kantoni imaju? I zašto Zavod za javno zdravstvo nije nabavio tu vakcinu, niti vakcinu za pneumokok? Da li je istina da pomenute vakcine posuđujemo od drugih Kantona? Molit ću za ovu pismeni odgovor.

Vibor Handžić (Dopredsjedavajući)

Zahvaljujem zastupnica Gaković. Zastupnica Bešlija je sljedeća. Izvolite.

Vildana Bešlija (poslanik/zastupnik)

Hvala predsjedavajući. Koristim priliku da pozdravim sve one koji nas prate i sve kolege i kolegice u sali, naše goste i članove Vlade. Prva inicijativa je inicijativa za uspostavljanje

programa obezbjeđenja biološke terapije za liječenje osiguranih lica oboljelih od psorijaze u Kantonu Sarajevo. Ovo je inicijativa Udruženja psorijatičara Bosne i Hercegovine. Inače psorijaza je hronična, sistemska, inflamatorna, autoimuna bolest, često udružena sa drugim oboljenjima. Kod oko 30 % pacijenata sa psorijazom razvija se i psorijatični artritis. To je hronična i neizlječiva bolest i kao takva stigmatizira oboljele i utiče na sve komponente života a dokazan je negativan uticaj na svakodnevne aktivnosti, rad i društveni život sa mogućom pojavom depresije i drugim psihološkim problemima. Konvencionalnom terapijom je moguća uspješna terapija kod 70 % pacijenata, međutim vrlo često zbog neadekvatno nepravovremenog liječenja imamo pacijente kojima samo može pomoći biološka terapija i ovo su vrlo učinkoviti lijekovi u poređenju sa konvencionalnom terapijom u pomenutom slučaju. U Kantonu Sarajevo u 2018. godine postoji program obezbjeđenja biološke terapije za liječenje osiguranih lica oboljelih od reumatoidnog artritisa i sličnih oboljenja kojima se uz finansijsku podršku Zavoda zdravstvenog osiguranja, a po odluci Zavoda i Ministarstva liječe oboljeli od navedenih bolesti. Ali podnosim inicijativu da se uspostavi program za liječenje pacijenata od psorijaze u Kantonu Sarajevo uz obezbjeđenje biološke terapije. Druga inicijativa se odnosi na postavljane naljepnice sa uputstvom o postupanju u slučaju seksualnog uznemiravanja u vozilima javnog prijevoza i taksi vozilima. Naime prije godinu dana Sarajevski otvoreni centar je imao sličnu akciju u sredstvima javnog prijevoza i tim povodom obilježavanja prava žena i 8. marta kao Dana žena ova aktivnost je imala dobar odziv i smatram da je veoma korisna i tim povodom u saradnji sa Sarajevskim otvorenim centrom predlažem da ovaj vid edukativnih korisnik korisnih informacija bi mogle i u suštini trebale biti dostupne svaki dan i svim građanima Kantona Sarajevo sa koracima odnosno uputstvom koje treba poduzeti u slučaju uznemiravanja u bilo kom javnom prevozu ili taksi vozilima. Hvala vam.

Vibor Handžić (Dopredsjedavajući)

Zahvaljujem kolegice Bešlija. Zastupnik Bandić je sljedeći. Izvolite imate riječ.

Muamer Bandić (poslanik/zastupnik)

...predsjedavajući. Selamim i pozdravljam sa prisutne, kao i one koji nas prate putem malih ekrana. Prije svega želim da napomenem Vladu da još nisam dobio odgovor na pitanje zastupničko koje sam postavio na prethodnim sjednicama a koji se odnosi na prijedlog Nezavisnog odbora Skupštine Kantona Sarajevo da se policijski komesar smijeni sa dužnosti policijskog komesara. Molim da mi se taj odgovor dostavi što prije. S obzirom na činjenicu da sam ograničen vremenom i brojem pitanja samo za Javnu ustanovu Dom zdravlja Kantona Sarajevo imao bih postaviti na desetina pitanja. Ovom prilikom ću postaviti pitanje a vezano za Pravilnik o radu, unutrašnjoj organizaciji i sistematizaciji radnih mjesta u Javnoj ustanovi Dom zdravlja Kantona Sarajevo koji je usvojen krajem 2022 godine i Ugovor o pružanju usluga u porodičnoj medicini koji su potpisali direktori Zavoda za zdravstveno osiguranje i Javne ustanove Dom zdravlja Kantona Sarajevo 14. 10. 2022. godine. Naime Ugovor o pružanju usluga u porodičnoj medicini koji su potpisali generalni direktor Zavoda za zdravstveno osiguranje i direktor Javne ustanove Dom zdravlja Kantona Sarajevo, između ostalog stoji, da se usluga na nivou Kantona Sarajevo pruža za 191 tim porodične medicine, dok oko 15 timova porodične medicine ili cca 30 000 osiguranika nije obuhvaćeno ovim Ugovorom. Ovo je bitno zato što Dom zdravlja Kantona Sarajevo od Zavoda za zdravstveno osiguranje može naplatiti samo usluge za one osiguranike koji su registrovani u timovima porodične medicine, a koji su prijavljeni u Zavoda za zdravstveno osiguranje na ime doktora medicine. Na ovaj način Dom zdravlja Kantona Sarajevo iako pruža usluge tim osiguranicima taj novac ne može naplatiti. Pretpostavlja se da će Dom zdravlja na ovaj način izgubiti cca 1,5 do 2 miliona konvertibilnih maraka na godišnjem nivou. Dalje, u Ugovoru koji je potpisan između 2 ustanove, Dom zdravlja Kantona Sarajevo se obavezuje da će narednih 12 mjeseci obezbijediti PAD odnosno

dotatnu edukaciju iz područja medicine koja je neophodna doktorima da bi mogli voditi timove porodične medicine. Do sada ta edukacija nije počela a sama edukacija traje godinu dana. Ono što je bitno naglasiti jeste da Dom zdravlja Kantona Sarajevo ima oko cca sto ljekari koji vode timove porodične medicini a koji nemaju edukaciju iz PAD-a. Pravilnikom o radu unutrašnjoj organizaciji i sistematizaciji radnih mjesta koje je predložio Dom zdravlja a usvojilo Ministarstvo zdravstvom krajem prošle godine stoji da ukoliko doktor medicine nema certifikat o dodatnoj edukaciji iz porodične medicine odnosno PAD isti je dužan položiti u roku 12 mjeseci od početka rada u ustanovi. A do tada rad obavlja isključivo pod mentorstvom dok u Ugovoru između Doma zdravlja i Zavoda za zdravstvo osiguranje stoji da Dom zdravlja je dužan obezbijediti edukaciju tim doktorima. Sada se postavljaju dodatna pitanja. Ukoliko Dom zdravlja Kantona Sarajevo sa Zavodom potpisao ugovor u kojem stoji da je Dom zdravlja dužan obezbijediti edukaciju iz porodične medicine zašto Dom zdravlja istu nije obezbijedio? Zašto je Pravilnikom uređeno da je uposlenik dužan položiti tu edukaciju? Ističem da Pravilnikom iz 2018. godine edukacija iz porodične medicine

Vibor Handžić (Dopredsjedavajući)

Vrijeme kolega Bandiću. Vrijeme.

Muamer Bandić (poslanik/zastupnik)

Nije bila uređena na način da je uposlenik dužan položiti edukaciju jer tu edukaciju u Kantonu Sarajevo može obezbijediti samo Dom zdravlja Kantona Sarajevo. Dalje se navodi da će uposlenik dok ne položi tu edukaciju svoj rad obavljati pod mentorstvom. Imam sada situaciju da od ukupnog broja cca od 190 do 200 ljekara u porodičnoj medicini samo sto ljekara može raditi samostalno dok drugi cca 90 do 100 mora imati mentora jer nemaju PAD i nisu specijalisti porodične medicine, što znači da imamo oko 100 timova porodične medicine koji nemaju pripadajućeg doktora. Okolnost da ovo pitanje se ne odnosi direktno na ministra, ali ostavljam ministru na dispoziciju da provjeri ova pitanja koja sam ja naveo i da nakon toga sačini jedan pismeni odgovor. Zahvaljujem vam se i oprostite što sam probio vrijeme.

Vibor Handžić (Dopredsjedavajući)

Hvala kolega Bandiću. Zastupnik Samir Avdić ima riječ. Uključite zastupnika Avdića.

Samir Avdić (poslanik/zastupnik)

Hvala dopredsjedavajući. Najprije pozdrava prisutnima i ljudima koji prate naša rad putem medija. Ovaj drago mi je što je kolegica Pekić pa i kolega Marjanović da su pokrenuli ovu inicijative koje su u vezi sa djelovanjem civilnih zaštita i posebno mi je drago što je kolegica Pekić se sjetila da u strukturama civilne zaštite sudjeluju i dobrovoljna vatrogasna društva, odredi izvođača i Crveni križ, Caritas odnosno Merhamet, te Gorska služba spašavanja. Vrlo je važno ovaj vrlo je važno prepoznati i potencijal koji postoji u takvim udruženjima. Ono što bih ih je dodao na ove dvije inicijative a evo sad je aktuelno sigurno najviše cijenimo ovaj značaj Civilne zaštite kada nam je kada su aktuelne i ovaj prirodne nepogode, a to je da bez obzira što novca postoji, naravno možda nikad nije dovoljno koliko bi trebalo, ali novca postoji u svim opštinskim civilnim zaštitama, kao i u Kantonalnoj upravi civilne zaštite, međutim vrlo je teško realizovati budžete i to znaju ljudi koji se bave javnim nabavkama u civilnim zaštitama, a razlog zbog čega je to jako teško jeste što najprije federalni nivo vlasti nije promijenio određene pravilnike pa već dugo nije radio ni na Zakonu o zaštiti i spašavanje ljudi i materijalnih dobara od prirodnih i drugih nesreća. Još je lošija situacija sa pravilnikom koji uređuje na koji način i koja materijalno tehnička sredstva se mogu nabavljati tako da mi sada u 2023. godini, a to znam iz iskustva budući da sam kao izvođač dio strukture civilne zaštite Opštine Ilidža, ne možemo nabaviti opremu najmoderniju, savremenu koja je potrebna u ovom

vremenu, već se još uvijek ta sredstva nabavljaju na osnovu JUS-a odnosno pravilnika koji su iz 80. -tih godina, odnosno iz vremena bivše Jugoslavije. Pa tako na primjer da bi ovaj javnost bolje shvatila, ukoliko bismo htjeli da nabavimo Gajgerov brojač prema JUS-u i prema pravilniku koji je važeći morali smo nabaviti onaj koji je veličine otprilike kao ova skupštinska govornica, iako postoji na tržištu Gajgerovi brojači koji su veličine mobitela. Ne možemo kroz civilnu zaštitu nabaviti na primjer dron koji bi pomogao prilikom spašavanja odnosno traženja ljudi na nepristupačnim područjima već ustvari možemo nabaviti onu masku JU 79/12 itd. Vrlo je važno promijeniti te pravilnike i olakšati civilnim zaštitama i Kantonalnoj upravi civilne zaštite nabavku potrebne opreme. Zahvaljujem.

Vibor Handžić (Dopredsjedavajući)

Hvala zastupniče Avdić. Zastupnik Adi Kalem, izvolite.

Adi Kalem (poslanik/zastupnik)

Hvala. Zahvaljujem dopredsjedavajući. Selamim i pozdravljam sve prisutne. I pozdravljam i selamim također gledaoce pored malih ekrana. Ja sam danas pripremio dvije inicijative koje ću i pročitati. Svakako sam dostavio pismenim putem na ono Mail adresu. Pokrećem inicijativu za unapređenje saobraćaja u mirovanju na području Kantona Sarajevo uz obrazloženje: određena istraživanja su pokazala da građani grada Sarajeva i Kantona Sarajevo gube dosta vremena prilikom pronalaska parking mjesta. Problem predstavlja svakim danom sve veći povećan broj vozila na ulicama, tako i nedostatnost broja parking mjesta. Izgradnjom novih parking mjesta na području postojećih željezničkih stanica na području Kantona Sarajevo može se djelimično riješiti ovaj problem. Naime tripartitnim djelovanjem Vlade Kantona Sarajevo, Javnog preduzeća Željeznica Federacije BiH Sarajevo i lokalnih zajednica uveliko se može popraviti stanje dovoljnog broja parking mjesta u Kantonu Sarajevo. Obzirom da su Vlada Kantona Sarajevo, Željeznice Federacije BiH uz podršku i inicijative pojedinih načelnika općina na području Kantona Sarajevo uvele voz koji je predmet sporazuma, te da postoje prostorni kapaciteti oko staničnih područja, te da većina putnika ovog vida prijevoza su udaljeni staničnog područja isti dolaze privatnim automobilima do javnog prevoza željeznicom, predlažem Vladi sljedeći zaključak: "Zadužio se Vlada Kantona Sarajevo, resorno Ministarstvo da u roku 30 dana održi neophodne sastanke sa predstavnicima Željeznica i lokalnih zajednica, prikupe sve neophodne informacije o postojećim kapacitetima povećanja broja parking mjesta, te modelu finansiranja izgradnje istih, te da Vlada i resorno Ministarstvo obavijeste Skupštinu Kantona Sarajevo o provedenim aktivnostima. Također pokrećem još jednu inicijativa a tiče se Ministarstva privrede Kantona Sarajevo. Pokrećem inicijativu za izradu poslovnog biltena odnosno vodiča poslovnih subjekata sa područja Kantona Sarajevo uz obrazloženje: i pored rada reprezentativnih udruženja poslodavaca na nivoima Kantona i Federacije neophodno je učiniti sve napore za boljom i efikasnijom prezentacijom različitih vrste poslova i usluga privrednih i uslužnih subjekata, poboljšanja imidža privrednika koji gravitiraju na području Kantona Sarajevo radi institucionalne pomoći privrednim subjektima kroz određeni vid marketinga. Naime, općepoznata je činjenica da institucije, resori Vlade Kantona Sarajevo imaju mnogo dodirnih tačaka sa stranim investitorima i stranim institucijama kroz određene vidove međunarodne suradnje, te u svrhu lakšeg pronalaska domaćih partnera na području Kantona Sarajevo neophodno je napraviti reprezentativni godišnji vodič ili bilten poslovnih subjekata razvrstanih po djelatnostima kojima se bave. Smatram da bi puno pomogli sa jedne strane investitorima i izvođačima radova da se lakše adaptiraju na naše tržište a sa druge strane uveliko bi pomogao domaćim privrednicima u prezentaciji njihovih djelatnosti i pronalaska angažmana. Ja se izvinjavam, uglavnom tražit ću izjašnjenje za ovu inicijativu uz zaključak koji je dat u samoj inicijativi. Oprostite. Hvala.

Danijela Kristić (Dopredsjedavajuća)

Zastupnica Melank.

Miomirka Melank (poslanik/zastupnik)

Hvala dopredsjedavajuća. Pozdravljam i svima želim dobar dan. U Sarajevu postoji oko 120 nacionalnih spomenika koji su po kategorizaciji najznačajnija kulturno-istorijska dobra a koje je na listu stavila Komisija za očuvanje nacionalnih spomenika Bosne i Hercegovine. Sve intervencije na njima su nadležnost Federalnog zavoda u sklopu federalnog Ministarstva kulture i sporta. Svi ostali objekti od kulturno istorijskog značaja su u nadležnosti Kantonalnog zavoda. To je plava zona historijskog urbanog krajolika Sarajeva. Komisija je veliki dio grada kao ambijentalne cjeline proglasila nacionalnim spomenikom i podjela na 2 zone: crvenu koja pripada Federaciji i plavu o kojoj račun vodi Kanton. U separatima zaštite koji je uradio Kantonalni zavod za zaštitu kulturno historijskog i prirodnog nasljeđa Kantona Sarajevo štite se i pojedinačni objekti. U slučajevima kada u njihovom okruženju nema posebnih vrijednosti iz oblasti baštine. Zavod radi prijedlog prethodne zaštite spomenika, taj prijedlog usvaja Skupština Kantona. Prijedlozi prethodne zaštite nisu rađeni zadnjih petnaestak godina, a 6 je prijedloga pravne zaštite urađeno prošle godine. Svaki prijedlog je zapravo elaborat. Zavod nema listu prioriteta i može je uraditi ali prvo se mora osvojiti kategorizacija. Uslovno rečeno to su manje značajni objekti jer je Odlukom Komisije za očuvanje nacionalnih spomenika oduzeta nadležnost Zavodu i prebačena na Federaciju. Uredbom Vlade Federacije našem Zavodu je oduzeta i licenca za rad na nacionalnim spomenicima. To je potpuni paradoks da Zavod koji postoji 60 godina i koji je osnovan da bi sačuva baštinu Sarajeva sada više nema zakonsko pravo da to radi. Zakon kaže da je obaveza vlasnika kulturno istorijskog dobra tekuće održavanje. Da bi finansirali obnovu nekog dobra treba usvojiti kategorizaciju odnosno kriterij na osnovu koga biramo baš taj objekat za rekonstrukciju a ostalih stotine ostavljamo na čekanju, kako se to radi u svim drugim evropskim zemljama. Stoga pokrećem inicijativu za izradu kategorizacije prema sopstvenom Pravilniku Zavoda za zaštitu ili prema Pravilniku o kriterijima vrednovanja podijeli kategorizacije nacionalnih spomenika Komisije za očuvanje nacionalnih spomenika Bosne i Hercegovine koji ću dostaviti pismeno. Hvala vam.

Danijela Kristić (Dopredsjedavajuća)

Zastupnica Hašimbegović.

Marijela Hašimbegović (poslanik/zastupnik)

Zahvaljujem se dopredsjedavajuća. Srdačno vas sve pozdravljam, posebno naše sugrađane koje prate rad ove sjednice. Za ovu sjednicu pripremila sam dva zastupnička pitanja i tri inicijative. Samo ću obrazložiti ove inicijative koje sam već uputila u elektronskoj formi radi ograničenog vremena. Ući ću samo u meritum dakle inicijativa, one se tiču i podnosi ih naravno Vladi Kantona Sarajevo a tiču se izrade Zakona o lokalnoj samoupravi Kantona Sarajevo. Smatram da je zakon neophodan s tim u vezi jer na terenu imamo preklapanje nadležnosti više nivoa vlasti. Sljedeći zakon je Zakon o registru osoba sa invaliditetom obzirom da registar osoba sa invaliditetom na nivou Kantona Sarajevo nemamo. Treća inicijativa je upućena Ministarstvu za odgoj i obrazovanje i tiče se digitalizacije procesa prijema radnika u predškolske institucije i osnovne škole Kantona Sarajevo. Smatram da su procesi prijema radnika odveć jako komplikirani, što za komisije, a isto tako i aplikante i mislim da bi ovaj način uveliko relaksirao ove procese, učinio ih transparentnijim, smanjili bi troškove i na neki način spriječili bi bilo kakve nevoljne radnje prilikom prijema radnika u ove institucije. Hvala lijepa.

Danijela Kristić (Dopredsjedavajuća)

Zastupnik Zahiragić.

Haris Zahiragić (poslanik/zastupnik)

Zahvaljujem predsjedavajuća. Imao bih nekoliko pitanja- prvo je vezano za javni gradski prijevoz- konkretan slučaj linija Otoka- Boljakovo, a nije jedina linija koja ima takav problem. Centrotrans je dobio tu liniju i nije jedina javna linija koju je on dobio, međutim nakon što dobiju liniju počnu praviti pauzu od dva, tri sata, ljudi ne mogu da ostvare elementarno pravo na javni gradski prijevoz. I Ono što najgore Centrotrans ne priznaje kupone radničke, pa zanima me pitanje za ministra Štetu, ministra saobraćaja, na koji način kako je zakonito to što Centrotrans to radi. Koristim ovu priliku da apelujem na Centrotrans da ako je već uzeo posao javnog prijevoza da se ponaša kao javni operater a ne privatni, koji mu je isključivo kapital i profit u interesu jer ako žele da rade i da vrše javnu nadležnost onda se moraju drugačije ponašati. Pitanje za ministra Delića koliko će koštati Šumarijada koja je najavljena na Igmanu? Koliko sredstava će Kanton platiti za organizaciju i ko je organizator? Četvrto pitanje a možete shvati kao inicijativu. Na prošloj sjednici Skupštine Kantona Sarajevo ova Skupština jednoglasno usvojila moju inicijativu da se školarine za studente koji su ispunili uslove vrata i da se status redovnih studenata počne primjenjivati zato što je Zakon o visoko obrazovanje prošli koji smo donijeli to zapravo propisao. Nažalost situacija je takva da konkretno najgori slučaj, slučaj Stomatologije na kojem studenti ,osim što nisu prebačeni na redovne studente, a morali su jer su ispunili zakonske uslove, školarine su platili, bili su prinuđeni da plate školarine, a sada im ne žele refundirati, čak traže drugu ratu da se vrati. Ja se sjećam kada je usvojen zakon, kolega Marjanović koji je podržao tu vrstu inicijative je pitao da li postoje finansijska sredstva za to. Nažalost tada je ministar činim mi se Čičić premijer Forto i ministrica obrazovanja svi su rekli da to neće iziskivati dodatne finansijske troškove. Danas manje od godinu dana nakon tog zakona imamo situaciju da imamo normu koju niko ne provodi. To je nipodaštavanje Vladavine prava, to je pravna nesigurnost i za roditelje i za studente te insistiram da ministrica visokog obrazovanja odgovori kako sa do sada to implementiralo, zašto dopušta da Stomatologija, pa i Univerzitet koordinirano dezavuišu javnost i zašto se studentima ne vrati njihov novac, a one koji su ispunili uslove za prelazak na redovne, zašto ih ne prebacite? Ja znam da je prošla kampanja i da ste to radili iz tih razloga, ali to košta gospodo, snosite odgovornost, snosite troškove. I treće pitanje , četvrto za ministra Vranića. Mi smo bili usvojili inicijativu i zaključak da se mladi, da se obezbijedi program kojim će mladi ljekari svi u Kantonu Sarajevo a koji su na Birou dobiti priliku za prvo radno iskustvo. Prošlo je više od pola godine, takvog programa nažalost koordinacije Vlade i Ministarstva i Zavoda za zapošljavanje nema, pa me zanima da li je ministre išta tim povodom urađeno i kada možemo očekivati program? Mislím da to mora biti stalni problem koji se treba jednom za sva vremena donijeti a kako naši ljekari bi moglo dobiti priliku za prvo radno iskustvo a ne da odlaze po njega u države Zapadne Evrope. Hvala vam.

Elvedin Okerić (Predsjedavajući)

Zahvaljujemo se uvaženom zastupniku Zahiragiću. Zastupnica Admela Hodžić se javila za riječ.

Admela Hodžić (poslanik/zastupnik)

Zahvaljujem predsjedavajući. Dobar dan želim svima. Podnosim inicijativu prema Vladi Kantona Sarajevo da se u što kraćem vremenskom periodu uputi zahtjev svim nadležnim istražnim organima za provođenje istrage u Kantonalnom javnom preduzeću Sarajevo-šume doo Sarajevo zbog sumnje u činjenje nezakonitih radnji koje su iz Ureda za reviziju institucija Federacije Bosne i Hercegovine svojim izvješćem o finansijskoj reviziji utvrdili kao osnovu za negativno mišljenje a naveli su sljedeće nepravilnosti: pod 1. Poslovni biološke reprodukcije šuma nisu izvršeni u minimalnom obimu koji je predviđen šumsko gospodarskim osnovama

sukladno Zakonu o šumama Kantona Sarajevo i Ugovoru o prijenosu poslova gospodarenja državnim šumama na području Kantona Sarajevo u 21. godini. Šumsko uzgojni radovi izvršeni su u procentu tek 7 %. Nije postupljeno ni u skladu sa članom 19 Zakona. Pod 2. Trogodišnji plan poslovanja za razdoblje 21.- 23. te na osnovu njega nastali plan za 21. godinu donosi se tek u novembru 21. godine i ne mogu postavljati temelje za praćenje izvršenja poslovnih aktivnosti tekuće godine na način propisan članom 24 Zakona o javnim preduzećima Federacije Bosne i Hercegovine. Usvojeni plan poslovanja nije dostavljen Uredu za reviziju institucija u FBiH sukladno odredbama Zakona o javnim preduzećima u FBiH. Pod 3. Prodaja šumskih drvnih sortimenata nije vršena transparentno i na tržišni način sukladno Odluci o načinu prodaje drvnih sortimenata porijeklom iz državnih šuma na teritoriji FBiH, isporučene su veće količine od ugovorenih putem javnih oglašavanja, a za dodatne isporuke nisu primjenjivane veće cijena shodno javnom oglasu. Društvo nije ponudilo minimalno 20 % klasiranih šumskih drvnih sortimenata naknadnom prodajom jer je putem licitacije ugovoreno 8,64 % od stvarne realizacije. Pod 4. Popisom imovine i obaveza na datum bilanse nije utvrđeno stvarno stanje niti je u poslovnim knjigama izvršeno usklađivanje knjigovodstvenog sa stvarnim stanjem imovine dane drugim pravnim licima na zajam, potraživanja rezerviranja i ostalih pasivnih razgraničenja na način propisan Pravilnikom o popisu imovine i obavezi i Zakonom o računovodstvu i reviziji u Federaciji BiH. Pod 5. Društvo nije postupilo ni sukladno članu 4 Zakona o šumama Kantona Sarajevo kojim je utvrđeno da šume i šumsko zemljište kao dobro od općeg interesa uživaju posebnu brigu i zaštitu Kantona Sarajevo i općina. Zahvaljujem se. Ostalo će dostaviti u pisanoj formi.

Elvedin Okerić (Predsjedavajući)

Zahvaljujemo se uvaženoj zastupnici Hodžić. Zastupnik Irfan Čengić se javio se riječ.

Irfan Čengić (poslanik/zastupnik)

Hvala predsjedavajući. Ja imam jedno pitanje i inicijative ali pošto nema ministra komunalne privrede ja ću dakle traži da se pismeno izjasni a mislio sam usmeno. Dakle na prošloj sjednici Općinskog vijeća Stari Grad ponovo je usvojen zaključak da se izmijeni Odluka o zaštiti planinskih izvora vode za piće sarajevskog vodotoka sistema i djelotvornog toka rijeke Mošćanice 1977. godine. Ta odluka se tiče jedno 500 stambenih objekata u mjesnoj zajednici između ostalog u kojoj živim i jako mi je bitno da znam šta se dešavati dalje u ovom procesu. Dakle općina Stari Grad je uradila elaborat koji je dokazao da kvaliteta vode je loša i da se takva voda isključuje kao izvorište pitke vode. To je bilo u prošlom mandatu jednom na dnevnom redu pa je povučeno. Zanima me da ministar kada će dostaviti ponovo Vlada tu odluku na dnevni red Skupštine? Da li su otklonjeni svi nedostaci o kojima je govorio prošli put ministar kada je ta Odluka bila na dnevnom redu ili da li je općina odradila sve što je trebala općina da odradi i šta dalje možemo očekivati po ovom pitanju? Druga stvar jest inicijativa prema Turističkoj zajednici Kantona Sarajevo, da se u ovoj godini realizuje Program promocija brenda Visit Sarajeva kroz sport. Podsjećam da u prošloj godini i pred kraj prethodne godine dakle 10. augusta i 29. Decembra 21. preko 40 projekata udruženja sportskih saveza, klubova i 9 pojedinaca je dobilo preko 500 000 maraka iz Turističke zajednice Kantona Sarajevo za promociju brenda i mislim da to bila kvalitetno uložena sredstva za promociju Visit Sarajeva jer kada smo na europskim prvenstvima i utakmicama naših reprezentacija, naših olimpijaca i širom svijeta gledali slike gdje se vidi brend Visit Sarajevo itekako je donijelo promociji našeg Sarajeva grada i Kantona i mislim da taj projekat treba realizovati i ove godine kao što je to urađeno u prošloj godini kada je direktor bio sada naš kolega Kenan Magoda.

Elvedin Okerić (Predsjedavajući)

Zahvaljujem uvaženom zastupniku Čengiću. Dopredsjedavajući Vibor Handžić se javio riječ.

Vibor Handžić (Dopredsjedavajući)

Zahvaljujem predsjedavajući. S obzirom da se javljam prvi put dobar dan svima. Želim nam uspješan rad. Imam jednu inicijativu. Dakle ulica Alipašina 41 dakle tačnije onaj pješački prijelaz semafori iz ulice Sutjeska pa koji ide na ulicu preko puta dakle, dakle to zeleno svjetlo za pješake zaista prekratko traje. I tom relacijom dakle saobraćaju vozila ogromnom brzinom i jako su česte saobraćajne nesreće na tom periodu. S obzirom da se u 100 m oko tog pješačkog prijelaza nalazi jedna međunarodna škola, da se nalazi vrtić, da je tu sa desne strane Druga gimnazija podnosim inicijativu prema Ministarstvu saobraćaja i Direkciji za puteve Kantona Sarajevo za postavljanje saobraćajnih znakova na tom pješačkom prijelazu "djeca na putu" i "škola u blizini", te da evo Ministarstvo ili Direkcija iznađu način za regulisanje brze vožnje automobila dakle na tom prostoru, da li postavljanjem kamera, da li reguliranjem, odnosa smanjenjem maksimalne dozvoljene brzine na tom području. Inicijativa koju sam podnio na prvoj sjednici vezana za postavljanje stacionarnog radara i radara, pardon opet ista greška, i svjetlosne signalizacije u blizini osnovne škole Stari Ilijaš dobivam dakle bizarne odgovore. Dakle na inicijativu koju su prema Ministarstvu saobraćaja istu podnijeli Savjet mjesne zajednice Stari Ilijaš i zastupnica Bibija Kerla u odgovoru Ministarstva se kaže da je za to nadležna Direkcija za ceste Kantona Sarajevo. Ja sam inicijativu prosljedio u skladu s tim odgovorom na Direkciju za ceste. Direkcija za ceste mi je odgovara da je za to nadležno Ministarstvo saobraćaja i citira. Član 6 Pravilnika o unutrašnjoj organizaciji Ministarstva saobraćaja Kantona Sarajevo. Ovaj bezveze dakle gubimo vrijeme, ja ću inicijativu ponovno podnijeti na Direkciju za ceste i na Ministarstvo saobraćaja i na Ministarstvo unutrašnjih poslova i ja vas molim da se usaglasite oko toga ko je nadležan i da konačno dobijem neki odgovor u pravcu dakle realizacija ove inicijative zato što je zaista po đake te škole ovo nesigurno područje zbog velike brzine kojom se odvija saobraćaj na tom području. Zahvaljujem predsjedavajući.

Elvedin Okerić (Predsjedavajući)

Zahvaljujemo se uvaženom dopredsjedavajućem Handžiću. Zastupnik Elvis Vreto se javio za riječ.

Elvis Vreto (poslanik/zastupnik)

Hvala predsjedavajući. Koristim priliku da pozdravim sve prisutne kao i građani koji nas prate. Ja sam jednu inicijativu pred kraj mandata prošlog uputio, međutim vjerovatno zbog proceduralnih razloga isteka mandata ona nije došla do samog Ministarstva pa želim samo onaj ponovim. Znači upućujem je prema Vladi odnosno Ministarstvu komunalne privrede, infrastrukture, prostornog uređenja, građenja i zaštite okoliša da se planiraju sredstva i uvedu nova dva programa poticaja sufinansiranja kod ugradnje solarnih panela za proizvodnju električne energije, sistema toplotnih pumpi i slično kako za individualna domaćinstva tako i za poslovne subjekte u Kantonu Sarajevo. Također tražim od Vlade da razmotri ovaj program poticaja i kako za 23. godinu budžetsku tako i za naredne godine kao stalni program u kojim bi se zainteresovanim građanima i individualnim domaćinstvima i poslovnim subjektima putem sufinansiranja ugradnje pomoglo u što masovnijem korištenju ekološki prihvatljivih izvora energije. Svjedoci smo globalnog stanja i poremećaja sa cijenama energenata, smatram da je neophodno brzo djelovati i uvođenjem ove vrste poticaja. Posebno naglašavam da bi ova mjera dugoročno dala rezultate i oko poboljšanja kvalitete zraka u Kantonu Sarajevo. S obzirom na ozbiljne probleme po ovom pitanju i opredjeljenje Skupštine i Vlade Kantona Sarajevo za što brža a prihvatljiva rješenja po ovom osnovu. Tražim od Vlade Kantona Sarajevo odnosno resornog Ministarstva da razmotri i usvoji inicijativu uz prijedlog da se definiše procenat sufinansiranja i također tražim od vlade da se sa institucijama na nivou Federacije Bosne i Hercegovine, Elektroprivreda BiH i Fond za zaštitu okoliša, kao i lokalnim

zajednicama uspostavi model saradnje sa dodatnim učešćem podrške shodno programima i finansijskim mogućnostima. Posebno naglašavam neophodnu saradnju sa EU fondovima institucijama koje pružaju podršku proizvodnji obnovljivih ekoloških prihvatljivim vidovi energije. S obzirom na dosadašnje opredjeljenje Vlade Kantona Sarajevo vjerujem da će ova inicijativa dobiti podršku i za nju tražim pisano izjašnjenje. Hvala predsjedavajući.

Elvedin Okerić (Predsjedavajući)

Zahvaljujem uvaženom zastupniku Elvisu Vreti. Iskoristit ću svoje pravo da podnesem jednu zastupničku inicijativu. Inicijativu prema Vladi Kantona Sarajevo i nadležno Ministarstvu koja glasi: uzimajući u obzir činjenicu da je Bosna i Hercegovina od 6.9.2022 godine postala punopravan član mehanizma Europske unije za civilnu zaštitu stoga upućujem inicijativu prema Vladi Kantona Sarajevo i nadležnom Ministarstvu da stavi u prioritete u svoje prioritete donošenje Zakona o gorskim službama spašavanja kojim bi se uredio sistem funkcionisanja gorske službe spašavanja na nivou Kantona Sarajevo. Kako su gorske službe spašavanja udruženja građana na ovakav način bi se uredila oblast angažovanja iste u planinama na nepristupačnim područjima i drugim vanrednim okolnostima. Način gorske službe spašavanja, saradnja sa ostalim organima, kao i angažman svakog pojedinca člana gorske službe spašavanja koji je u radom odnosno učestvuje u interevenciji za vrijeme radnog vremena i slično. Vlada Kantona Sarajevo Uredbom o organizovanju službi zaštite i spašavanja jedinica specijalizovane namjene Kantona Sarajevo, a zbog svog značaja povezanošću sa djelatnošću civilne zaštite, Gorsku službu spašavanja stanica Sarajevo i Gorsku službu spašavanja Kantona Sarajevo proglasila službom zaštite i spašavanja na području Kantona Sarajevo koje su tehnički i materijalno opremljene za spašavanje iz lavina, potrage i spašavanja na vodi i pod vodom. Obje gorske službe spašavanja imaju veliku ulogu kada pri spašavanju treba primijeniti posebno stručno znanje i upotrijebiti odgovarajuću opremu za spašavanje na pogodnom području. Prema materijalnoj formaciji obje gorske službe spašavanja broje oko 86 pripadnika koji su sistematizovani kroz ličnu formaciju. Posebne rezultate su pokazali pri pronalasku izgubljenih planinara i turista te na obezbjeđivanju skijališta. Njihova uloga je nezaobilazna u sistemu zaštite i spašavanja, ima humanitarni karakter i pripadnici obje gorske službe spašavanja učestvuju u svim akcijama zaštite i spašavanja prilikom proglašenja stanja prirodne i druge nesreće.

Nema više prijavljenih.

S obzirom da smo probili termin od sat vremena kada je u pitanju podnošenje inicijativa i pitanja naredna tačka nam je Nacrt budžeta Kantona Sarajevo. U razgovoru sa kolegama iz drugih stranaka nagovijestili su također da pokušamo da izađemo u susret u određenom vremenu i pauzu da uskladimo zajedničku, tako da predlažem sljedeće: da ministri dostave odgovore pismenim putem a da mi nastavimo dalje sa sjednicom Skupštine Kantona Sarajevo i krenemo sa tačkom Razmatranje Nacrta budžeta Kantona Sarajevo za 2023. godinu.

Naravno, naravno. Naravno nećemo odmah Nacrt ovaj Budžeta veći idem redosljedom ali zbog ove tačke Nacrt budžeta predlažem da idemo dalje.

Zastupnik Haris Zahiragić izvolite, imate riječ.

Haris Zahiragić (poslanik/zastupnik)

Zahvaljujem predsjedavajući. U slučaju da, pošto su bila pitanja formulisana za usmene odgovore, da li možemo u slučaju da ministri neće sada odgovarati mogu li službe proslijediti usmena pitanja ministrima da bi odgovorili a kako ne bi smo pretvarali to formalna pitanja, ako nije problem.

Elvedin Okerić (Predsjedavajući)

Ako sam vas dobro razumio, pitanja koja ste postavili da službe prosljede da ne bi mislite izostavi neko pitanje da ne bi zaboravio. OK. Slažem se.

S obzirom da imamo inicijative za koje su zastupnici izrazili potrebu za izjašnjenjem predložimo jednu kratku pauzu 5 minuta samo da pregledamo inicijative jer evo sad imamo pred sobom inicijative koje sam tek sad vidio. Kratka pauza od 5 minuta. Šefovi klubova neka dođu.

NASTAVAK NAKON PAUZE

Elvedin Okerić (Predsjedavajući)

Da nastavimo dalje sa radom Skupštine.

Zastupniče Kalem jeste li dobili informaciju vezanu za vašu inicijativu. Inicijativa je OK, samo da stavimo u što kraćem roku, da Vladu ne obavezujemo ovim rokovima koje ste vi naveli 30 dana. OK..

Zastupnik Kalem izvolite.

Adi Kalem (poslanik/zastupnik)

Tiče se inicijative za izradu poslovnog biltena ili vodiča. Znači ovdje samo da se napomene da svi privrednici sa područja Kantona Sarajevo bez diskriminacije budu obuhvaćeni ovim biltenom. Eto toliko.

Elvedin Okerić (Predsjedavajući)

Možete prosto je jednom ponoviti.

Adi Kalem (poslanik/zastupnik)

Svi privrednici znači da budu obuhvaćeni bez bilo kakve diskriminacije prema privrednim subjektima. Znači ko god želi.

Elvedin Okerić (Predsjedavajući)

U kojem dijelu to trebam pročitati, gdje to treba pisati?

Adi Kalem (poslanik/zastupnik)

To trebate dodati ovdje na ovom dijelu "razvrstanih po djelatnostima koji se bave" znači svih privrednika zainteresiranih, naravno. Zajedno. Zahvaljujem predsjedavajući.

Elvedin Okerić (Predsjedavajući)

Zahvaljujemo se zastupniku Kalemu. Ovako. Nakon konsultacija, inicijativa dopredsjedavajuće Danijela Kristić će prvo biti upućena prema Vladi. Nakon izjašnjenja Vlade izjasnit ćemo se na sljedećoj sjednici Skupštine ukoliko bude bilo potrebe za tim.

Zatim inicijativa kolege Čengića. Nećemo se izjašnjavati o njoj. Kolega je dobio odgovore Vlade.

Zatim imamo 2 inicijative još su ostale.

Dvije inicijative zastupnika Kalema. Ja neću čitati obrazloženja već ću samo pročitati o kojim se inicijativama radi s obzirom da je zastupnik čitao u svom uvodu.

Zamolio bih v.d premijerka Darja Softić-Kadenić izvolite, imate riječ.

Darja Softić-Kadenić (ministrica)

Hvala. Ja imam samo vezano za inicijativu Danijele Kristića preko sad ste ju spomenuli. Imam jednu intervenciju. I molila bih da prije nego što to uputimo na Vladu ovaj preformuliše se jer piše da da Vlada i resorno Ministarstvo utvrde i donesu prijedlog odluke, ali Ustavom je definisano da je Skupština ta koja zapravo utvrđuje javni interes tako da bi ovo trebalo na drugi način formulirati. Vlada može biti predlagač ovakve odluke prema Skupštini.

Elvedin Okerić (Predsjedavajući)

Okej usaglasite to, usaglasite to sa dopredsjedavajućom, pa neka se pripremi dokument kako treba.

Zamolio bih zastupnice i zastupnike da se izjasnimo o inicijative zastupnika Adija Kalema, koja glasi:

"Pokrećem inicijativu za izradu poslovnog biltena- vodič poslovnih subjekata na području Kantona Sarajevo".

Neću čitati obrazloženje jer je to već uradio kolega Kalem. Zamolio bih zastupnice i zastupnike da se izjasne.

Zaključujem glasanje. Molim službu da objavi rezultate glasanja.

Za je glasalo 26, protiv 1, suzdržan ništa. Konstatujem da je Skupština usvojila inicijativu.

I drugu inicijativu koja se odnosi: "Pokrećem inicijativu za unapređenje saobraćaja u mirovanju na području Kantona Sarajevo".

Zamolio bih zastupnice i zastupnike da se izjasne.

Obje ove inicijative koje sam pročitao ne odnose se u ovom roku koji pišu u inicijativi, već "u što kraćem roku".

Zaključujem glasanjem. Molim službu da objavi rezultate glasanja. Za je glasalo 29 zastupnika, protiv i suzdržanih nije bilo. Konstatujem da je Skupština usvojila ovu inicijativu.

Sa ovim smo završili tačku 1. Pitanja i inicijative, odgovori.

Prelazimo na sljedeću tačku.

AD-2.

PRIJEDLOG ODLUKE O RAZRJEŠENJU PREMIJERA KANTONA SARAJEVO

Prijedlog odluke ste dobili u dopunskom materijalu. U ime predstavnika, odnosno molim predstavnika predlagača da podnese uvodne napomene.

U ime predstavnika predlagača podnosim uvodne napomene da je na zahtjev premijera Edina Forte Komisija za izbor i imenovanja i administrativna pitanja Skupštine Kantona Sarajevo utvrdila Prijedlog odluke o razrješenju premijera Kantona Sarajevo, koju ste dobili u prilogu, a danas ćemo evo o njoj se izjasniti. Ona glasi:

"Da se Edin Forto razrješava dužnosti premijera Kantona Sarajevo zaključno sa 25.01.2023. godine na lični zahtjev zbog imenovanja na poziciju ministra komunikacija i promet u Vijeću ministara Bosne i Hercegovine".

Da li predsjednici radnih tijela želi riječ? Ima li pitanja. Otvaram raspravu.

Zastupnik Haris Zahiragić, izvolite imate riječ.

Haris Zahiragić (poslanik/zastupnik)

Zahvaljujem se predsjedavajući. Zaista mi je zadovoljstvo da je došao taj trenutak da premijer Forto konačno ode iz Kantona Sarajevo u koji nikada nije trebao ni doći. Budžet koji se danas nalazi na sjednici to jest Nacrt budžeta i struktura tog Budžeta što je tačka naredna o kojoj ćemo naravno govoriti kada dođe ta tačka dnevnog reda, kao i raniji Budžeti su zapravo najbolja slika mandata Edina Forte.

Elvedin Okerić (Predsjedavajući)

Kolega Zahiragiću, molim vas ovo je tehnička odluka, mi sada ne raspravljamo o radu.

Haris Zahiragić (poslanik/zastupnik)

Pa naravno, ostavka premijera Forte, moramo prodiskutovati zašto je radio i zašto ćemo se mi izjasniti ovako ili onako. Ovo je tačka dnevnog reda predsjedavajući.

Elvedin Okerić (Predsjedavajući)

Imate li neku imate neku primjedbu novu razrješenje proceduralno?

Haris Zahiragić (poslanik/zastupnik)

Nije ovo samo proceduralna tačka izvinite.

Elvedin Okerić (Predsjedavajući)

Pročitajte šta piše: Prijedlog odluke o razrješenju premijera Kantona Sarajevo. Nigdje ne piše Izvještaj o radu premijera Kantona Sarajevo u prethodnom mandatu.

Haris Zahiragić (poslanik/zastupnik)

Ali pazite, mi da bi smo se izjasnili o toj tački moramo prodiskutirati doći do toga kada i kako i zašto je on podnio ostavku.

Elvedin Okerić (Predsjedavajući)

Vi ako smatrate da ima neka proceduralna greška vi upozorite na nju, ako mislite da nema, izjasnite se onako kako Poslovnik predviđa.

Haris Zahiragić (poslanik/zastupnik)

Izvinite, Poslovnik ne ograničava tačke dnevnog reda na koji način da govorimo. Ja znam da bi ste vi voljeli da govorimo o proceduralnim razlozima. Evo jedan od razloga da premijer Forto odlazi iz Kantona koji je u ozbiljnim problemima i da nemamo novo ime za premijer.

Elvedin Okerić (Predsjedavajući)

Ima li pravo po zakonu premijer Edin Forto podnijeti ostavku.

Haris Zahiragić (poslanik/zastupnik)

Ima. Imamo mi pravo ne prihvatiti tu ostavku po zakon? Da imamo vidite. E Sada ću ja reći zašto mi nećemo prihvatiti tu ostavku.

Elvedin Okerić (Predsjedavajući)

Poslovnička intervencija zastupnik dopredsjedavajući Vibor Handžić. Pardon. Poslovnička intervencija zastupnik Damir Marjanović.

Damir Marjanović (poslanik/zastupnik)

Zahvaljujem. Iako se često ne slažem sa kolegom Zahiragićem, imamo pravo to da odbijemo, govorim iz osobnog iskustvo 2012. godine kada sam ja podnio ostavku ova Skupština je odbila tu ostavku na poziciju ministra. Ja sam morao da ne dođe na posao, imam težu povredu radne discipline, tako da može provjeriti sekretar da li je to bilo tada i ja ne znam da li se sada odnosi. Samo da pomognemo ovo pošto vidim da se pojavila dilema. Hvala velika.

Elvedin Okerić (Predsjedavajući)

Poslanička intervencija zastupnik Aljoša Čampara.

Aljoša Čampara (poslanik/zastupnik)

Zahvaljujem predsjedavajući. Pa imam osjećaj da ponovo neki pokušavaju ovdje da prave određeno kino. Dakle radi se o tome da je premijer Forto izabran na funkciju ministra u Vijeću ministara Bosne i Hercegovine i to je osnovni razlog zašto je čovjek podnio ostavku i nalazimo se u jednom proceduralnom stanju. Dakle ne može čovjek biti ministar u Vijeću ministara Bosne i Hercegovine i premijer u Kantonu Sarajevo. Mislim da nema potrebe predsjedavajući da pravimo ovdje ovaj lakrdije. Nekad će bit vjerovati izvještaj o radu Vlade Kantona Sarajevo i premijera Forte za taj i taj period ,izvještajni period kao što je ovaj i dosad bilo. Dakle ne radi se o ostavci u nekom drugom smislu, kao što je nekada neko podnosio ovaj ostavite. Dakle radi se čisto o tehničkim proceduralnim stvarima jer je čovjek otišao na poziciju državnog ministra.

Elvedin Okerić (Predsjedavajući)

Koje zakon predviđa.

Aljoša Čampara (poslanik/zastupnik)

Tako.

Elvedin Okerić (Predsjedavajući)

Zahvaljujem se kolegi Aljoši Čampari. Nema više poslovnčkih. Kolega Zahiragiću zamolio bi vas zamolio bih vas nemojte ulaziti u raspravu i nemojte ulaziti u dio gdje ćete ocjenjivati rad premijera Edina Forte. Možete se.

Molim? Izvolite zastupnik Haris Zahiragić.

Haris Zahiragić (poslanik/zastupnik)

Zahvaljujem predsjedavajući. Ispoštovat ću da ne govorimo o radu i mandatu premijera Forte, evo to ću vašu ličnu molbu ispoštovati iako bih imao pravo da o tome govorim. Ali evo radi korektnosti itd. Kina koja spominje kolega Čampara i cirkus i stalno on to govori, to je sve što on zna reći. Dakle ovde nema poslovničke intervencije ili ovo u suštini, ne , zaista svaki put nakon moje diskusije smislene on pokuša na neki način da to banalizuje. Ja mislim da nije on imao poslovničku intervenciju nije kazao koji član Poslovnika je prekršen nego je samo pokušao da objasni navode da je primjer Forto. Mi znamo da dupljanje funkcija nije dozvoljeno itd. Ja znam da je on ekspert za duple funkcije i tako dalje, ali u suštini mi uprkos činjenici da je premijer Forto imenovan u Vijeće ministara možemo ne prihvatiti njegovu ostavku. Zbog toga se mi i izjašnjavamo. Razlozi zašto ja lično neću prihvatiti ostavku premijera Forte jeste da je Kanton Sarajevo u prilično nezavidnom položaju, smanjenje budžeta koje se desilo ovaj put , inflacija, svi problemi, kreditna zaduženja jesu rezultat rada premijera Forte. Mislim da nakon što je već odlučio da bude imenovan na viši nivo parlamentarna većina koja je stajala iza njega je paralelno sa njegovom ostavkom morala ponuditi novo ime za premijera. Druga tema je to što je on imenovan za ministra dok nije podnio ostavku i nikada je formalno nije ni podnio, ako ćemo o formalnim razlozima. Ima i tih nedostataka u ovoj proceduri ostavke

premijera Forte. v.d. Premijera kao takav ova Vlada je u tehničkom mandatu svakako, ostavkom premijera Forte cijela Vlada pada, toga trebate biti svjesni. Danas kada mi izglasamo eventualnu ostavku premijera Forte, Vlada više ne postoji. Ne može biti, pazite ja znam što je tehnički mandat, ali ako podnese ostavku i u redovnom i u tehničkom mandatu, Vlada ide kući. Svi ministri idu kući. Imamo jednu pravnu situaciju u kojoj ne može se biti v.d. Vlada u ostavci, dakle dupla v.d. Vlada, to ne može da postoji. Zakon o vladi ne prepoznaje takvu situaciju. Ostavkom premijera Forte Vlada odlaze kući, ne vrši dužnost do imenovanja nove, nego ministri idu kući a sekretari potencijalno ministarstava mogu vršiti funkciju ministra. To što je red koraka predsjedavajući pogrešno napravljen, što se paralelno sa ostavkom premijera Forte ili njegovom željom da ode na viši nivo vlasti, na sreću za Kanton, a na štetu za državu Bosnu i Hercegovinu, to ne amnestira od činjenice da niste spremili novo ime za mandatara .Možete uz konsultacije sekretarom, ministricom pravde, svim pravnicima koje imate na raspolaganju u službama 100 puta pročitati zakone i vidjećete da sam ovdje, na moju ličnu žalost, u pravu. Ja pozivam novu parlamentarnu većinu, ukoliko već želite prihvatiti ostavku premijera Forte da danas predložite ime novog mandatara u skladu sa Poslovníkom i u skladu sa zakonskim rokovima, jer Kanton Sarajevo će biti bez ministara. Ja upozoravam ministre u Vladi Kantona Sarajevo da svaki akt koji nakon današnje prihvaćene ostavke potpišu će biti predmetom krivične prijave. Kanton Sarajevo će današnjim danom biti blokiran. Nemojte, mislim, vidim da se pojedini smiju.

Elvedin Okerić (Predsjedavajući)

Nemojte kolega Zahiragiću unositi.

Haris Zahiragić (poslanik/zastupnik)

Predsjedavajući ja upozoravam

Elvedin Okerić (Predsjedavajući)

Pazite upozoravanjima na takav način unosite nemir kod građana, to nije istina.

Haris Zahiragić (poslanik/zastupnik)

Istina i te kako.

Elvedin Okerić (Predsjedavajući)

Nije istina.

Haris Zahiragić (poslanik/zastupnik)

Pročitajte Zakon o Vladi. Premijer ostavkom svi ministri podnose ostavku, predsjedavajući.

Elvedin Okerić (Predsjedavajući)

Nije tačno ovo što govorite.. Ono što govorite nije Tačno.

Haris Zahiragić (poslanik/zastupnik)

Ovo Tačno i tako.

Elvedin Okerić (Predsjedavajući)

Nije Tačno. Odlaskom premijer. Predsjedavajući Skupštine imenuje v.d. Premijerku.

Haris Zahiragić (poslanik/zastupnik)

Ne, ne odlaskom premijera Vlada pazite da premijer umre ne daj bože onda ovlašćujemo v.d.premijera. Kad premijer podnese ostavku Vlada podnosi ostavku. Tačno itekako predsjedavajući, možete

Elvedin Okerić (Predsjedavajući)

Zahvaljujem se zahvaljujem se kolega Zahiragić.

Haris Zahiragić (poslanik/zastupnik)

Nisam završio diskusiju.

Elvedin Okerić (Predsjedavajući)

Ne, maloprije sam vas upozorio da. Pa niste tako, pa niste korektni, pazi unosite insinuirate da je nešto nezakonito a nije istina, nije tako. Nije istina da to to što govorite. Nemojte to raditi. Uzmite član Zakona o Vladi pročitajte.

Evo kad završe diskusiju.

Zastupniče Zahiragić, zamolio bih vas, molim vas da se držite tačke dnevnog reda. Izvolite nastavite.

Haris Zahiragić (poslanik/zastupnik)

Dobro predsjedavajući. Evo postoje mišljenja i različita tumačenja da se može to desiti ,ja ustrajavam da ne može i vidjeti ćete u konačnici da ćemo i ovaj put biti u pravu. No međutim, ono što želim kazati kao završni dio svog na žalost kratkog izlaganja, više puta prekinutog, mi nećemo podržati ostavku premijera Forte iz razloga što nije ponuđeno novo ime. Kanton Sarajevo je kuća bez domaćina. U Kantonu Sarajevo je glavni grad i vrlo je bitno da imamo kontinuitet vlasti i pozivam vas da uz ostavku hitno predložite ime za novog mandataru i tada ćemo mi podržati rado ostavku, a novog mandataru u ovisnosti koga predložiti na tu funkciju. Hvala.

Elvedin Okerić (Predsjedavajući)

Hvala kolega Zahiragiću. Puno ima, puno ste ubjedljiviji kada ste konkretni, kad ne širite. Zastupnica Marijela Hašimbegović se javila za riječ.

Marijela Hašimbegović (poslanik/zastupnik)

Zahvaljujem se predsjedavajući. Ja bih zamolila našu uvaženu v.d. premijerku gospođu Softić -Kadenić da nam dostavi, da svoje pravno mišljenje po pitanju stavova koje je iznio zastupnik Zahiragić, a moja diskusija je bila u pravcu da li postoje proceduralne smetnje u smislu daljeg materijala ove današnje sjednice, obzirom da su sve odluke potpisane sa imenom premijera Edin Forto? Hvala lijepa.

Elvedin Okerić (Predsjedavajući)

Zahvaljujem se uvaženoj zastupnici Hašimbegović.
Zastupnik Mahir Dević. Izvolite, imate riječ.

Mahir Dević (poslanik/zastupnik)

Hvala predsjedavajući. Obzirom da je naziv ove tačke dnevnog reda. Kolege pričaju pa samo da...

Elvedin Okerić (Predsjedavajući)

Zamolio bih vas za mir u sali kako bi mogli na miru diskutovati u Skupštini .

Mahir Dević (poslanik/zastupnik)

Obzirom da je naziv ove tačke dnevnog reda znači Prijedlog odluke o razrješenju premijera ukazat ću na neke formalno- pravne nedostatke navedenog Prijedloga odluke.

U preambuli Prijedloga odluke pored člana 117 Poslovnika o radu Skupštine Kantona koji se uzima kao pravni osnov da Skupština između ostalog donosi i odluke kao opće akte, jel tako, trebalo je naznačiti i pravni osnov za donošenje Odluke o razrješenju. Naime članom 193 Poslovnika o radu Skupštine Kantona Sarajevo propisano je da se odredbe Poslovnika koje se odnose na postupak izbora i imenovanja shodno primjenjuju i na postupak razrješenja.

S obzirom da se odredbe Poslovnika od člana 193 do člana 200 odnose na postupak izbora i imenovanja, a shodno navedenom i na postupak razrješenja, smatram da je u preambuli Prijedloga odluke iz člana 117 treba dodati i član 200 stav 1 Poslovnika o radu Skupštine Kantona Sarajevo, a ne samo član 117.

Također ukazujem na zahtjev za utvrđivanje prestanka radnog odnosa koji je uputio premijer Edin Forto 25. 1. 2023. godine Komisiji za izbor i imenovanja i administrativna pitanja u kojem je naveo da zbog imenovanja na poziciju ministra komunikacija i prometa u Vijeću ministara Bosne i Hercegovine, a u cilju regulisanju radno-pravnog statusa iz radnog odnosa obraća se Komisiji sa zahtjevom za utvrđivanje prestanka radnog odnosa u Vladi Kanton Sarajevo. Pazite on je taj zahtjev uputio Komisiji za izbor i imenovanja.

Smatramo da je on Komisiji za izbor i imenovanje trebao uputi zahtjev za razrješenje dužnosti premijera kantona Sarajevo.

To je ono što je proceduralno trebao da uradi i da traži od Komisije. A da onda Komisija pripremi akt koji će se zvati Prijedlog odluke o razrješenju premijera Kantona Sarajevo. Znači mi ovdje cijelo vrijeme ovaj pozivamo se na neke članove, na neke pravne osnove koji na neki način ne drže vodu. Samim tim dovodimo naravno u jednu vrlo konfuznu situaciju Skupštinu Kantona Sarajevo i evo naš kolega ovaj Haris je maloprije u svojoj diskusiji kazao ovaj da mi jedan ovakav akt ne možemo podržati. Iako ne smatramo da je premijer Forto ikakvog hajra donio u Kanton Sarajevo, ali je ovu formalno, niti je pravni osnov, niti procedura dolaska do ovoga, niti ovo što je navedeno u preambuli. Znači ne možete vi koristila 117 Poslovnika koji govori o općim odlukama, ako imate 193 do 200 čitav proces imenovanja i razrješenja definisan.

Znači imate sedam članova koji o tome govori kako se imenuje, kako se razrješava. Vi sada kao pravni osnov koristite nešto što nema apsolutno ovaj veze s tim. Naravno mi kao Klub ne možemo dati podršku ovaj jednom ovako neozbiljnom aktu. Hvala lijepo. Da ne govorimo o suštinskim stvarima o izvještaju, to bi se dalo govoriti večeras do 12, o efikasnosti premijera. Sada govorimo konkretno o ovom aktu. Hvala.

Elvedin Okerić (Predsjedavajući)

Zahvaljujem se zastupniku Deviću. Zastupnica Vildana Bešlija se javila za riječ.

Vildana Bešlija (poslanik/zastupnik)

Ma evo samo da pročitam član 13, mislim zaista ulazimo u neke diskusije koje su stvarno bespotrebne ovaj Zakona o Vladi, sve je jasno rečeno i kaže: "Ako Skupština Kantona prihvati ostavku premijera, premijer i Vlada će obavljati sve poslove iz svoje nadležnosti do imenovanja nove Vlade, a u skladu sa članom 8. b) stav 2) ovog Zakona. Ako premijer prihvatio ostavku pojedinog člana Vlade rješenje o razrješenju potvrđuje Skupština Kantona Sarajevo na prvoj narednoj sjednici. Ministar može obrazložiti ostavku u Skupštini kantona, premijer će novog člana Vlade imenovati i predstaviti na sjednici Skupštine Kantona i zatražiti glasanje o potvrđivanju imenovanja tog člana, a u roku iz člana 8. a stav 3) zakona. Tako da ja bih zaista zamolila da se vratimo ovaj suštini, a to je evo da stavite na glasanja ovu odluku. Hvala vam.

Elvedin Okerić (Predsjedavajući)

Replika Haris Zahiragić. Pretpostavljam zastupnici Bešliji.

Haris Zahiragić (poslanik/zastupnik)

Kolegice Bešlija je apsolutno u pravu. Lijepo je pročitala to, samo nije možda razumjela na način na koji sam ja razumio, pa evo ja ću pokušati prikazati.

Elvedin Okerić (Predsjedavajući)

Kolega Deviću, molim vas, tiše malo.

Haris Zahiragić (poslanik/zastupnik)

Dakle, osim toga što nije podnio ostavku nego zahtjev za razrješenje, to su dva potpuno različita pravna akta, radni status je jedno, funkcija premijera je potpuno drugo, to je jedna tema. Ako prihvatimo da taj zahtjev za razrješenje sa radnog mjesta bi moglo biti u širem tumačenju, najširem mogućem ostavka, onda taj član 13 u vezi s članom 12 ovako glasi gospođu Bešlija: "Premijer i članovi Vlade mogu podnijeti ostavku. Premijer podnosi ostavku. Kad premijer podnese ostavku smatra se da su ostavku podnijeli svi članovi Vlade". Pazite sada ovo. To je član 12. Član 13 koji ste vi čitali: "Ako Skupština prihvati ostavku premijera" (nerazumljivo) "ako" dakle glasamo i izjašnjavamo se o tome kolega Čampara. "Premijer i Vlada će obavljati sve poslove iz svoje nadležnosti do imenovanja nove Vlade". Premijer i Vlada. Dakle premijer i Vlada. Vlada bez premijera ne postoji. I vi hoćete meni reći da Vlada u ostavci može imenovati v.d. premijera. Ne može. Ne može, a imenovali smo v.d. premijerku, a to je nezakonito. I sada će premijer, dakle sada imamo v.d. premijerku, a premijer još mu nije prihvaćena ostavka.

Elvedin Okerić (Predsjedavajući)

Nemojte to tako.

Haris Zahiragić (poslanik/zastupnik)

Mogu, itekako ću nego tako. Kako ću drugačije.

Elvedin Okerić (Predsjedavajući)

Nemojte to tako raditi, povišenim tonom govorite da je nešto nezakonito. To nije istina.

Haris Zahiragić (poslanik/zastupnik)

Pazite, ako premijer nije podnio još ostavku jer je mi nismo prihvatili, a ne, formalno nije podnio. Evo oni otkaz premijerov ugovora o radu hajmo reći, jer je njemu jedino Mahire plata je bitna.

Elvedin Okerić (Predsjedavajući)

Ne možete tako razgovarati kolege, vi razgovarate s kolegom Mahirom. (predsjedavajući i zastupnik Zahiragić govore istovremeno)

Haris Zahiragić (poslanik/zastupnik)

Izvinjavam se predsjedavajući.

Elvedin Okerić (Predsjedavajući)

Nemojte to raditi.

Haris Zahiragić (poslanik/zastupnik)

Dakle, ako prihvatite ovaj otkaz hajmo reći premijerov kao ostavku, mi tu ostavku moramo prihvatiti, ovdje. Dok je mi ne prihvatimo ne može postojati v.d. premijerka. Dakle mi moramo prihvatiti ostavku. Ako premijer podnese ostavku Vlada je također u ostavci. Ako nema

premijera ne može Vlada u ostavci imenovati vd premijera. Idete u jedan takav nezakoniti proces koji na svakom svom koraku, na svakom svom koraku, ima proceduralne i suštinske greške. Hvala.

Elvedin Okerić (Predsjedavajući)

Dobro. Kolega Deviću imate li vi još neku sugestiju? Izvolite.

Mahir Dević (poslanik/zastupnik)

Replika, druga diskusija, kako god želite.

Elvedin Okerić (Predsjedavajući)

Izvolite imate riječ.

Mahir Dević (poslanik/zastupnik)

Znači radi javnosti da ovdje bude jasno kolegica Vildana je čitala šta kaže Zakon o vladi, taj član je pročitala, evo kolega Haris je to je ovaj rastumačio. On je vrlo precizan, a radi javnosti da građani znaju. Premijer Edin Forto nije podnio ostavku na poziciju premijera Kantona Sarajevo kao formalno pravni dokument koji je trebao da prođe proceduru i Komisije za izbor i imenovanje i Zakonodavno pravne komisije i konačno da dođe na Skupštinu Kantona Sarajevo. Taj akt nije bio na Komisiji za izbor imenovanje, barem na kojoj sam ja bio, taj akt nije bio na Komisiji Zakonodavno-pravnoj jer nije bilo kvoruma. On je podnio nešto što je nazvao zahtjev za razrješenje u smislu radnog staža. Evo maloprije sam to kazao tačno kako se, kako je on to ovaj naveo. Prema tome, ovaj pravni vakuum u koji mi ulazimo je jedan presedan vrlo ozbiljan. Znači on je podnio zahtjev za utvrđivanje prestanka radnog odnosa, čovjek nije podnio ostavku, a to je već trebao uraditi ako je krenuo negdje. Nakon što ga mi razriješimo tek je tada mogao ići. Vi ste ovdje pobrkali redoslijed svih stvari i ne radi se ovdje o (nerazumljivo) nego o čistom pravnom i proceduralnom pitanju koje je potpuno nakaradno postavljeno. Hvala.

Elvedin Okerić (Predsjedavajući)

Zastupnik Muamer Bandić se javio za riječi, izvolite.

Muamer Bandić (poslanik/zastupnik)

Hvala predsjedavajući. Djelimično je kolega Mahir Dević u pravu. Ukoliko danas mi ne razriješimo premijera a imenovali smo v.d. premijerku, odnosno imenovali ste je, može se desiti situacija da ona potpisuje neke dokumente a da njeno, njen potpis nije deponovan već da bude deponovan potpisa gospodina Forte. Tako da ne trebamo da zaboravimo tu činjenicu. Vlada može, nakon ostavke premijera da obavlja svoju funkciju u tzv. tehničkom mandatu. Ne znam koliko se neko sjeća, možda kolega Damir Marjanović, mi smo 2014. godine imali jednu takvu situaciju i više od godinu dana smo radili u tom, uvjetno rečeno, v.d. mandatu, ali ovo je zaista jedna ozbiljna situacija, postoje određene proceduralne, proceduralni nedostaci i mislim da v.d. premijerku ne trebamo dovoditi u tu situaciju da ima možda neku nerazriješenu situaciju ukoliko se desi da gospodin Forto danas ne bude razriješen. Hvala.

Elvedin Okerić (Predsjedavajući)

Zahvaljujem se zastupnicima. A sad pozivam zastupnice i zastupnike da se izjasne o Odluci o razrješenju premijera Kantona Sarajevo koju je dostavila Komisija za izbor imenovanja i druga administrativna pitanja.

Zaključujem glasanje. Molim službu da objavi rezultate glasanja.

Za je glasalo 14 zastupnika, protiv 6, suzdržanih 8.

Konstatujem da Skupština nije donijela ovu odluku.

Pojedinačno izjašnjenje na zahtjev šefa Kluba Naše stranke.
Pauza 10 minuta pa onda nastavljamo dalje.

NASTAVAK NAKON PAUZE

Elvedin Okerić (Predsjedavajući)

Nastavljamo dalje sa sjednicom Skupštine Kantona Sarajevo. Na zahtjev Kluba Naše stranke tražena je, traženo je pojedinačno izjašnjenje. Zamolio bih sekretara da izvrši pojedinačno prozivanje. Sekretaru izvolite imate riječ.
Poslovnička intervencija zastupnik Mahir Dević.

Mahir Dević (poslanik/zastupnik)

Samo da se konstatuje sekretaru Skupštine radi zapisnika i stenograma. Znači zastupnici koji su bili u trenutku glasanja, pošto vidim u međuvremenu da ste doveli 4 zastupnika koji nisu bili na javnom glasanju, da se kaže ko su ti zastupnici novi koji sada dolaze da glasaju nakon što je zaključena rasprava i tako dalje. Poslovnik pitanje pojedinačnog izjašnjavanja vrlo jasno i precizno definicije da je ono potrebno da bude urađeno samo onda kada je bilo nemoguće utvrditi rezultate prethodnog glasanja, iz nekog razloga. Ovo sve drugo je zloupotreba i ono je nama vrlo važno zbog procedura koje ćemo dalje pokrenuti. Znači ko su ti novi zastupnici koji treba sada da pristupe glasanju a koji nisu bili jutros jer je to zloupotreba Poslovnika. Ovo radi stenograma govorim, naravno.

Elvedin Okerić (Predsjedavajući)

Sekretaru. Zastupnica Vildana Bešlija, poslovnička.

Vildana Bešlija (poslanik/zastupnik)

Evo samo radi nekog pojašnjenja, ja sam tražila pojedinačno izjašnjavanje. 2 kolegice iz Kluba su mi sugerisale jer tu sjede da nisu mogle glasati ovaj sa tasterom i njihov glas nije zabilježen. I osim toga nikad dosad nismo obrazlagali tražeći pojedinačno izjašnjavanje, ali evo ja sam tražila iz tog razloga. Hvala.

Elvedin Okerić (Predsjedavajući)

Hvala.

Aida Zeković (Sekretar Skupštine)

Dobar dan. Molim da se izjasnite.

Ademović Kemal za

Avdić Samir za

Bandić Muamer suzdržan

Bešlija Vildana za

Čampara Aljoša za

Čengić Irfan za

Čičić Davor za
Dević Mahir protiv
Gaković Elza suzdržana
Gavrankapetanović-Smailbegović Fatima suzdržana
Handžić Vibor za
Hašimbegović Marijela suzdržana
Hodžić Admela suzdržana
Izetbegović Sebjija opravdano odsutna
Kalem Adi protiv
Kapidžić Faruk odsutan
Klarić Sanela za
Kristić Danijela za
Magoda Kenan za
Marjanović Damir odsutan
Melan Miomirka za
Memića Arijana za
Okerić Elvedin za
Pekić Jelena za
Pilav Ilijaz suzdržan
Pobrić Rusmir za
Selmanović Faruk protiv
Stojanović Igor za
Šaljić Jasmin odsutan
Nikad Uk za
Viteškić Smiljana protiv
Vreto Elvis za
Vujović Vedrana suzdržana
Zahiragić Haris odsutan
Zuhrić Albin suzdržan

Elvedin Okerić (Predsjedavajući)

Za je glasalo 18 zastupnika, protiv 4, suzdržana 8.

Konstatujem da je Skupština donijela ovu odluku.

Zamolio bih samo sekretara da protumači konkretnu proceduru koja je provedena. Izvolite sekretaru.

Aida Zeković (Sekretar Skupštine)

Kada je u pitanju Prijedlog odluke o razrješenju premijera Kantona Sarajevo isti je Komisija za izbor i imenovanja i administrativna pitanja Skupštine Kantona Sarajevo donijela na sjednici održanoj dana 27. 1. 2023. godine.

Komisija je znači na svojoj sjednici razmatrala zahtjev koji je podnio premijer Edin Forto i u tom slučaju se vodila znači odredbama člana 8 Zakona o Vladi Kantona Sarajevo a koji definiše, citirati ću stav 3 člana 8 koji glasi: "U slučaju da mjesto premijera ostane upražnjeno kandidata za premijera se imenuje u roku 30 dana od dana kada je mjesto premijera ostalo upražnjeno na način utvrđen Ustavom do kada funkciju premijera obavlja član Vlade Kantona kojeg odredi predsjedavajući Skupštine Kantona u konsultaciji sa zamjenicima predsjedavajućeg Skupštine Kantona. S danom imenovanja kandidata za premijera smatra da su dosadašnji članovi Vlade u ostavci koja stupa na snagu danom potvrđivanje imenovanja Vlade u novom sazivu. Do potvrđivanja imenovanja Vlade u novom sazivu dosadašnji članovi Vlade nastavljaju s obavljanjem funkcije članova Vlade i ministara ministarstava. Potvrđivanje Vlade u novom sazivu obaviti će se u roku 30 dana od dana imenovanja kandidata za premijera". Shodno tome cjelokupna procedura je prošla nadležnu Komisiju i dostavljena je Skupštini sa kompletnom dokumentacijom na razmatranje i odlučivanje.

Elvedin Okerić (Predsjedavajući)

Zahvaljujemo se sekretaru.

Mi prelazimo na tačku 3.

AD-3.

NACRT BUDŽETA KANTONA SARAJEVO ZA 2023. GODINU

Nacrt ste dobili uz poziv za sjednicu. Molim predstavnika predlagača da podnese uvodne napomene.

Davor Čičić (ministar)

Zahvaljujem predsjedavajući.

Srdačno vas sve pozdravljam još jednom. Ustavni osnov za donošenje ovog Zakona sadržan je članu 18 ha) i 38 stav 3) Ustava Kantona Sarajevo kojim je utvrđeno da Skupština Kantona donosi zakone, te da se financiranje funkcija Kantona vrši kroz budžet koji donosi Skupština Kantona. U skladu s članom 26 Zakona o budžetima Federacije Bosne i Hercegovine budžet obavezno sadrži detaljan prikaz svih javnih prihoda, primitaka budžeta utvrđenih članom 10 i 11 ovog zakona, rashode i izdatke svakog budžetskog korisnika po pod kategorijama i glavnim grupama ekonomske klasifikacije po funkcionalnoj klasifikaciji, po izvorima financiranja i prijedlog rasporeda budžetskog suficita, odnosno izvore za financiranja budžetskog deficita. Budžet obavezno sadrži godišnji pregled predviđenih izdataka po stavkama za investicijske programe koji traje duže od jedne fiskalne godine. Nacrtom budžeta utvrđuje se visina tekuće

rezerve koje ne smije prelaziti 3 % budžetskih prihoda bez namjenskih prihoda vlastitih prihoda i bez primitaka. U okviru budžetske dokumentacije nalazi se obrazloženje koje sadrži makroekonomske pokazatelje, obrazloženje prihoda, primitaka, rashoda i izdataka, podatke o tekućim dugoročnim obavezama iz osnova vanjskog i unutrašnjeg duga Federacije, otplata glavnice, plaćanje kamata i ostalih obaveza iz osnova duga, sa analizom održivosti duga, isto tako sadrži podatke o kapitalnim izdacima i podatke o garancijama. Izrada Nacrta budžeta Kantona Sarajevo za 2023. godine počela je 14. 7. 22. godine donošenjem budžetskih instrukcija broj 2 odnosno izrada Zahtjeva za dodjelu sredstava iz Budžeta Kantona Sarajevo za 2023. godinu a od strane ministra financija Kantona Sarajevo. Ministarstvo financija je 14. 7. 2022. godine dostavilo svim budžetskim korisnicima budžetske instrukcije broj 2 sa rokom dostave Zahtjeva za odobrenje budžetskih rashoda do 31. 8. 22. godine. U periodu od 12. 9. do 27. 9. 2022 godine u Ministarstvu financija Kantona Sarajevo su održani sastanci sa resornim ministarstvima i organima uprave u vezi sa zahtjevima budžetskih korisnika i prioriteta budžetske potrošnje. Potrebno je istaći da su dostavljeni zahtjevi budžetskih korisnika u skladu s odobrenim limitima usvojenim budžetskim instrukcijama broj 2. Ministarstvo financija je u zakonskom roku 28. 10. 22. godine dostavilo Vladi Kantona Sarajevo Nacrt budžeta Kantona Sarajevo za 2023. godinu. Uz Nacrt budžeta Kantona Sarajevo za 2023. godine Ministarstvo financija je Vladi Kantona Sarajevo dostavilo izvještaj Ministarstva financija po osnovu člana 25 stav 3= Zakona o budžetima Federacije BiH-a u vidu tabelarni pregled potrebnih dodatnih sredstava iznad odobrenih limita koji su budžetski korisnici tražili kao prilog svog budžetskog zahtjeva za 23. godinu. Ministarstvo financija Kantona Sarajevo je u skladu sa projiciranim prihodima i u skladu sa Zakonom o budžetima Federacije Bosne i Hercegovine uravnotežilo prihodovnu i rashodovnu stranu. Predloženi Nacrt je ispoštovao odredbe člana 33 stav 1) Zakona o budžetima Federacije Bosne i Hercegovine, a što je federalno Ministarstvo financija dalo pozitivno mišljenje. Napominjemo da izrada Budžeta Kantona Sarajevo za 2023. godine prvi put podrazumijeva značajan pad prihoda po osnovu indirektnih poreza uzrokovan donošenjem novog Zakona o pripadnosti javnih prihoda u Federaciji BiH-a kojim je jedino Kantonu Sarajevo umanjen pripadajući udio u dosadašnjoj raspodjeli smanjenjem pondera sa 1,9658 na 1,5 , te će se svake sljedeće kalendarske godine umanjivati za 0,1 do koeficijenta 1,3. Federalno Ministarstvo financija je uvažavajući inflatorna kretanja da 07.11 22. godine dostavilo revidirane projekcije javnih prihoda za 2022. godinu i projekcije za period je 23.- 25. godina a u kojima je predviđeno povećanje najznačajnijih prihoda Budžeta Kantona Sarajevo. Prihod od poreza na dobit, prihod od poreza na dohodak, prihod od indirektnih poreza, što nije bilo moguće predvidjeti prilikom izrade Nacrta budžeta Kantona Sarajevo od strane Ministarstva financija u zakonskom roku. Pored dostavljenih revidiranih projekcija procjene rasta indirektni proreza koji pripadaju Kantonu Sarajevo je manja u odnosu na ostvarene prihode za indirektni poreze u 2022. godini. U skladu s naprijed navedenim, novim informacijama i inputima za izradu Budžeta Kantona Sarajevo za 2023. godinu, Vlada Kantona Sarajevo na sjednici održanoj 19. 1. 2023. godine izvršila dopune dostavljenog Nacrta budžeta Kantona Sarajevo od strane Ministarstva financija, kako u prihodovnoj tako i rashodovnoj strani budžeta. U prihodovnoj strani budžeta uvrštene su revidirane projekcije Federalnog Ministarstva financija, izmjene drugih poreskih neporeznih prihoda u skladu s ostvarenjem u prethodnoj godini, kao i procijenjeni suficit iz prethodne godine. U rashodovnom dijelu budžeta uvrštena su izmjene na poziciji bruto plata naknada i doprinosa kod svih budžetskih korisnika u skladu sa potpisanim kolektivnim ugovorima i planirano povećanje u 2023. godine kao povećanje ostalih rashodovnih pozicija definisanih zakonima, kao što su na primjer, zaštita

porodice s djecom, novčana egzistencijalna naknada za pripadnike boračke populacije i drugo. Na sjednici Vlade Kantona Sarajevo održana dana 19. 1. 23. godine utvrđen je Nacrt budžeta Kantona Sarajevo za 23. godinu i iznosi 1.193.051.372 konvertibilne marke. Prihodovna strana Nacrta budžeta Kantona Sarajevo u 2023. godini planirana je na osnovu zadnjih zvanično revidiranih projekcija javnih prihoda za 22. godinu i projekcija za period 23. -25 godina Federalnog Ministarstva financija od 07. 11. 22. godine koji uključuju značajan rast poreza na dobit, poreza na dohodak, drastično smanjenje indirektnih poreza koje pripadaju Kantonu Sarajevo u odnosu na prethodnu godinu. Osim toga, planirani su i ostali porezni i neporezni prihodi koji pripadaju Kantonu Sarajevo na osnovu trenda ostvarenja u prethodnom u proteklom periodu i procjena ostvarenja do kraja 22. godine, dok su vlastite prihode, donacije, transfere planirali budžetski korisnici u skladu s Instrukcijama broj 2. Kao što možete vidjeti u materijalima koji su dostavljeni, glavni prihodi Budžeta Kantona Sarajevo kroz ovaj Nacrt u odnosu na prethodnu godinu, prihodi od poreza na dobit su porasli 45 otprilike 45 000 000 KM, prihod od poreza na dohodak 27. 966.000, a Indirektni porezi koji pripadaju Kantonu Sarajevo su u odnosu na prethodni Budžet umanjeni za 110. 927. 787 KM. Po izvorima prihodi u Budžetu Kantona Sarajevo u ovom Nacrtu su izvor 10. tj budžetski prihod 9 74 407. 234 KM i oni predstavljaju 81,67 % ukupnog učešća u prihodima. Ostali prihodi vlastiti prihodi, namjenski prihodi, donacije, transferi i primici, čine ostalih malo više od 18 % i to možete vidjeti u materijalima koji su vam dostavljeni. Od ukupno planiranih prihoda u Nacrtu budžet Kantona Sarajevo, kao što sam već rekao, najveći iznos otpada na budžetska sredstva tih 81,60 %. Vlastiti prihodi budžetskih korisnika koji su ostvareni obavljanjem privredne djelatnosti koja ne obuhvaća obavljanje osnovne djelatnosti propisane zakonima i drugim propisima o osnivanju utvrđivanje djelokruga rada budžetskih korisnika iznosi cca 30,13 miliona KM i učestvuju sa 2,63 posto u prihodovnoj strani Nacrta budžeta Kantona. Namjenski prihodi budžetskih korisnika čije je prikupljanje i trošenje utvrđeno zakonskim propisima i ostalim propisima koji su na snazi, čine 3,22 % ukupnog prihoda. A budžetski korisnici su u 23. godine planirali da će ostvariti 851. 988 po osnovu donacija, 28 434.000 KM po osnovu transfera od međunarodnih organizacija i inostranih Vlada, kao i domaćih transfera od svih nivoa vlasti. Kanton Sarajevo je u Nacrtu budžeta Kantona Sarajevo za 23. godinu planirao da će se zadužiti za 119,6 milijuna KM, što predstavlja 10 posto ukupne prihodovne strane Budžet Kantona Sarajevo za 23. godinu. Ministarstvo financija Kantona Sarajevo u skladu s projiciranim prihodima i u skladu sa Zakonom o budžetima u Federaciji, uravnotežilo prihodovnu i rashodovnu stranu, predloženi Nacrt budžeta je ispoštovao odredbe člana 33 stav 3) člana 43 stav 1) Zakona o budžetima Federacije BiH-a. U skladu s planiranim prihodima u iznosu od 1.193. 051 372 KM utvrđene su i rashodi Nacrta budžeta Kantona Sarajevo za 2023. godinu koji su raspoređeni po namjenama i izvorima. Kroz materijal koji je dostavljen možete vidjeti da su plaće i naknada troškova zaposlenih i i doprinosa poslodavaca su planirani u skladu sa važećim zakonskim i provedbenim aktima koji su na snazi, a u okviru fiskalnog kapaciteta Kantona Sarajevo planirani su iznosu od 612.513. 241 KM i ukupno planirana u budžetu učestvuju sa 51,34 %. Ako bi gledali koliko plaće i naknade učestvuju samo u budžetskim sredstvima odnosno tzv. izvoru 10 oni učestvuju preko 61 %. Povećanje broja zaposlenih u Nacrtu budžeta Kantona Sarajevo za 2023. godinu u odnosu na Budžet Kantona za 22. u najvećoj mjeri se odnosi i na 506 zaposlenika u osnovnom i srednjem obrazovanju. Navedeno povećanje se ne odnosi na nova zapošljavanja nego se radi usklađivanju planiranog broja zaposlenih sa stvarnim stanjem koje je dostavljeno od strane resornog Ministarstva. 92 zaposlenika u Javno ustanovi Djeca Sarajeva za otvaranje novih vrtića, 23 zaposlenika u Javnoj

ustanovi Institut za razvoj preduniverzitetskog obrazovanja Kantona Sarajevo, 46 zaposlenika u Kantonalnoj upravi civilne zaštite za prijem vatrogasaca, 49 zaposlenih na Rektoratu Univerziteta u Sarajevo, odnosi se na zaposlenike u Zemaljskom muzeju koji dio plaće primaju preko Rektorata Univerziteta u Sarajevu i 24 zaposlenika u ustanovama socijalne zaštite. Osim navedenih povećanja broja zaposlenih, kod pojedinih budžetskih korisnika došlo do smanjenja broja zaposlenih te konačan broj zaposlenih u Nacrtu budžeta Kantona Sarajevo za 2023. iznosi 15.118. Povećanje bruto plaća uključeni su svi novi kolektivni ugovori kao i povećanje od 5 % za 23. godinu. Procjena bruto plaća predviđa osnovicu od 330 KM planiranu za isplatu plaća u 2023. godinu. U skladu sa navedenim u Nacrtu budžeta Kantona Sarajevo za 23. godinu planiran iznos od 612.513.241 marka na poziciju bruto plaća, naknada i doprinosa. Izdaci za materijal sitan inventar i usluge su planirani u iznosu od 96.777.000 KM u skladu s potrebama budžetskih korisnika i ukupno planirani u budžetu učestvuju sa 8,11 % . U ovu grupu izdataka spadaju i putni troškovi, izdaci za energiju, izdaci za komunikaciju i komunalne usluge, nabavka materijala, sitnog inventara, izdaci za usluge prijevoza i goriva, unajmljivanje imovine i opreme i nematerijalne imovine, izdaci za tekuće održavanje, izdaci osiguranja bankarskih usluga i usluga platnog prometa i ugovorene i druge posebne usluge. Kao najznačajni i izdatak unutar ove grupe rashoda izdvajaju se izdaci za materijal i usluge Univerziteta u Sarajevu koji su neophodni za normalno funkcioniranje visokoškolskih ustanova u iznosu 23.369.000 Konvertibilnih maraka od čega 7.758.000 su budžetska sredstva izvor 10, ostali su izvori su vlasti izvori donacija i transfera u iznosu 15.610.000 KM. Tekući transferi su planirali prioritarno u skladu sa zakonskim obavezama i u skladu sa realnim mogućnostima Nacrta budžeta Kantona za 23. godinu i iznose 243.876.604 Marke i u ukupno planiranom budžetu učestvuje sa 20,44 %. Najveći iznosi tekućih transfera po ministarstvima možete vidjeti kako vam je dostavljen materijalima i možete pogledati čitav prijedlog, ali evo neke najznačajnije stavke koje se odnose u pregledu tih tekućih transfera. Ministarstvu pravde i uprave subvencije javnim poduzećima Javna televizija Kantona Sarajevo 4.000.000 odnosi se troškove isplate bruto plata i doprinosa poslodavaca, troškove zaposlenih zakupnine, nabavka gotovog i proizvodnju vlastitog programa, kao i naknade organima i tijelima Televizije Sarajevo. Ministarstvo za boračka pitanja najveće su stavke novčana egzistencijalna naknada demobilisanim borcima u iznosu od 8.268.000 KM i odnosi se na isplatu naknade koja proističu iz federalnog Zakona o pravima demobiliziranih boraca i članova njihovih porodica za oko 3265 lica. Jednokratne pomoći boračkoj populaciji u iznosu 8.680.000 konačnim KM se odnose na isplatu jednokratne novčane pomoći za liječenje i rješavanje socijalnih potreba i drugih pomoći, ogrjev, prehrambene artikle, infrastrukturni priključci itd. Sredstva za troškove dženaza, sahrana, sredstva za profesionalnu, rehabilitaciju prekvalifikaciju, edukaciju, sredstva za liječenje u inostranstvu, sredstva za dodjelu pomoći za održivi povratak, sredstva za ocjenu stepena invalidnosti, radne sposobnosti, i troškove obrane optužene pripadnike Armije Republike Bosne i Hercegovine i MUP-a Republike Bosne i Hercegovine. Mjesečni transferi po boračkoj populaciji u iznosu 4.211.000 se odnosi na sredstva za osnovno obezbjeđenje učesnika Narodnooslobodilačkog rata, sredstva za mjesečno novčana primanja nosioci ratnih priznanja, RVI sa pravom za tuđu njegu, djeca bez oba roditelja, sredstva za besplatan i povlašten prijevoz ratnih vojnih invalida i članova porodica poginulih boraca, sredstva za mjesečni dječji dodatak za djecu RVI od 20-80 %, te profesionalnu asistenciju za ratni vojne invalide sa pravom na njegu i pomoć drugog lica. Sredstva za stipendiju djece iz boračke populacije su predviđena 2.385.000 KM se odnose na stipendiju za 9 mjeseci školske godine u mjesečnom iznosu od 100 maraka za srednju školu i fakultet. Sredstva za zdravstvenu boračke

populacije 800 000 KM se odnose na rehabilitaciju banjsko i klimatsko liječenje, te sredstva za uplatu doprinosa za zdravstveno osiguranje. Troškove rente uređenje za objekta boračke populacije iznose 800.000 KM i odnose se na naknadu za uređenje građevinskog zemljišta po osnovu Zakona o dopunskim pravima boraca, naknade za legalizaciju objekata, te refundaciju naknada za izgradnju stambenih objekata za pripadnike boračke populacije. Realizacija projekata od interesa za boračke populacije u saradnji sa neprofitnim organizacijama iznosi 1 070.000 KM, obuhvata subvencioniranje pravne pomoći u korist branilaca BiH-a , te udruženje građana boračkih udruženja financirana odnosno sufinancirana kroz programe i projekte. Ministarstvo saobraćaja, subvencije za javni prijevoz 21 000 000 maraka odnosi se na sredstva za subvencioniranje prijevoza penzionera, studenata, đaka i nezaposlenih lica koji koriste usluge javnog preduzeća Gras Sarajevo i Centrotrans DD Sarajevo kao i sufinanciranje prijevoza đaka u osnovnim školama po općinama. Ministarstvo privrede, poticaj razvoju male privrede 7 000 000 maraka, sredstva namijenjena za provođenje poticajnih mjera za osnovu Zakona o maloj privredi u Kantonu Sarajevo. Poticaj primarnoj poljoprivrednoj proizvodnji 7 miliona maraka sredstva namijenjena za provođenju poticajnih mjera na osnovu Zakona o poljoprivrednim podsticajima Kantona Sarajevo. Fond podrška privrednim društvima sa učešćem državnog kapitala interventne mjere u iznosi 1 350 000 maraka, tekući transferi i podrška poslovanju Javnom preduzeću Skenderija 7 50 000 KM i tekući transferi, podrška poslovanju preduzeća ZOI' 84 od 900.000 KM. Tekući transferi i podrška poslovanju javnom preduzeća Veterinarska stanica Sarajevo 700.000 Maraka sredstva su namijenjen za financiranje rada te ustanove. Ministarstvo zdravstva, troškove primjene Odluke o proširen obimu prava ratnih vojnih invalida na području Kantona Sarajevo u iznosu od 4 295 000 maraka, sredstva za proširen obim prava RVI na području Kantona Sarajevo u skladu s Odlukom o proširenim obimom prava za korištenje medicinskih sredstava i lijekova za RVI sa područja Kantona Sarajevo i prevencija očuvanje i unapređenje zdravlja stanovništva Kantona Sarajevo iznosi 1.102 000 KM, sredstva se odnose na provođenje obavezne sistematizacije, deratizacije, usluga mrtvozorstva, nabavka lijeka metadon, kao i na financiranje programa preventivne zdravstvene zaštite, odnosno prevencije bolesti. U Ministarstvu za odgoj i obrazovanje tekući transferi neprofitnim organizacijama, predškolsko obrazovanje i osnovno obrazovanje u iznosu 8 154 000 maraka koje se odnose na školu plivanja za učenike 140.000 KM, eksternu maturu 80 000 maraka, školu skijanja za učenike 250 000 maraka, realizaciju škole u prirodi za učenike četvrtog razreda osnovne škole 300.000 maraka, sufinanciranje predškolskog odgoja u iznosu 7 084 000 KM, škola planinarenja 200 000 maraka, realizaciju manifestacija regionalni susreti učenika 100 000 maraka. Tekući transferi neprofitnim organizacijama, pomoći usluga obrazovanja iznosi 1 940 000 maraka koji se odnose na razne programe koji su predviđeni u okviru ovog Ministarstva. Ministarstvo kulture i sporta predviđene su tekući transferi neprofitnim organizacijama iz oblasti sporta u iznosu od 5 000 000 maraka. Sredstva su planirana za raspodjelu putem javnog poziva sportskim udruženjima, savezima, organizacijske i za organizaciju sportskih takmičenja i manifestacija. Tekući transferi neprofitnim organizacijama iz oblasti kulture predviđeni su iznosu 4 500 000 i sredstva su planirana za raspodjelu putem javnog oglasa udruženjima iz oblasti kulture za organizaciju kulturnih manifestacija i filmsku produkciju. U Ministarstvu za rad i socijalnu politiku, raseljena lica i izbjeglice predviđeni su transferi zaštita porodice s djecom u iznosu 60. 000 000 KM, zaštita civilnih žrtava rata 15 300.000 KM, socijalnu zaštitu od 18 740.000 KM, Subvencioniranje rad javnih kuhinja u iznosu 2 649 000 konvertibilnih maraka, raseljena lica i izbjeglice u iznosu. 3 290 000 konvertibilnih maraka. Implementacija Zakona o

Srebrenici u iznosu 2 000 000 KM, sufinansiranje materijalnih troškova i podrška radu Gerontološkog centra u iznosu 1 106 188. KM, sufinansiranje, to se odnosi na sufinansiranje materijalnih troškova tog rada. Socijalni projekti su planirani iznos od 1 524 000 maraka odnosi se na projekte iz oblasti rada, socijalne politike ,raseljena lica i izbjeglica. Sve ovo možete detaljnije vidjeti u materijalu koji vam dostavljen i možete detaljnija traži pojašnjenje u okviru resornog Ministarstva. Ministarstvo komunalne privrede ,infrastrukture, prostornog uređenja građane okoliša najveći predviđeni transferi su praćenje preuzetih obveza preduzeća iz oblasti energetike i 2 200 000 maraka a odnosi se na IDA kredit u skladu s otplatnim planom i financiranja troškova zajedničke i individualne komunalni potrošnje u iznosu 16 000 000 konvertibilnih maraka. U Ministarstvu za nauku i visoko obrazovanje i mlade planirana tekući transferi neprofitnim organizacijama i inkluzija u visokom obrazovanju iznosi 800 000 maraka koje se odnose na normalno funkcionisanje Studentskog centra i projekte mladih, tekući transferi neprofitnim organizacijama nauka u iznosu od 4,5 milijuna konvertibilnih maraka. Izdaci za obaveze po kreditima i otplatu dugova planiran u iznosu 59 309 000 maraka i ukupno planirani u budžetu učestvuju čak 4,97 %. Iznos izdataka za obaveze po kreditima i otplate dugova računati su na osnovu otplatnih planova za domaće kredite kao procjena za planirano zaduživanje od 23. godini. Kapitalni transferi i izdaci sastoje se iz kapitalnih transfera, izdataka za nabavku stalnih sredstava koje čine kapitalni budžet Kantona Sarajevo iznose 175 275 000 maraka i u ukupno planiranom budžetu učestvuje sa 14,69. %. Najveći iznosi kapitalnih transfera i izdataka opisani su u vašim materijalima , evo ja ću izdvojiti neke najveće i najznačajnije. U Ministarstvu za boračka pitanja Kantona Sarajevo kapitalni transferi za očuvanje tekovina 92-95. i NOR 41- 45 u iznosu 1.400 000 maraka. Kupovina stanova u vlasništvu za boračku populaciju u iznosu 1 000 000 konvertibilnih maraka. Pomoć za rješavanje stambenih potreba boračke populacije na 1 100. 000 maraka, sredstva za izgradnju i opremanje veteranske bolnice u iznosu od milijuna konvertibilnih maraka. Ministarstvo saobraćaja Kantona Sarajevo izgradnja zgrade saobraćajne Južna longitudinala u iznosu 8 000 000 maraka, izgradnja saobraćajnice transverzale Prve transverzale iznos 5 miliona maraka, rješavanje imovinsko-pravnih odnosa iznosi 5 000 000 Km, izgradnja saobraćajnica na području Kantona Sarajevo isti iznos 5 miliona maraka. Ministarstvo unutrašnjih poslova najveće stavke su nabavka helikoptera u iznosu 12 150 000 maraka, nabavka zemljišta za hangar iznosi 5 000 000 maraka. Uprava policije nabavka opreme iznosi 5 940 000 maraka, nabavka specijalne opreme vojne i policijske Uprava policije odnosno 2 700. 000 maraka. U Ministarstvu privrede Kantona Sarajevo podrška projektima ZOI'84 u iznosu 13 000 000 maraka. Infrastrukturno uređenje i rješavanje imovinsko-pravnih odnosno privrednih poslovnih industrijskim zonama iznosi 8 000 000 maraka, kapitalni projekti iz šumarstva u iznosu 5 445.000 maraka i podrška projektima Skenderija u iznosu 5 000 000 maraka. U Ministarstvu zdravstva, obnavljanje voznog parka u svrhu efikasnosti i dostupnost zdravstvenih usluga u javnoj ustavno Dom zdravlja iznosi 1 000 000 maraka, nabavka medicinske opreme za potrebe KCUS iznosi 950 000 maraka, sanacija fasada i ugradnja termo fasada na objektu Opće bolnice "Primarius dr. Abdulah Nakaš" u iznosu 690 000 maraka, rekonstrukcija I sanacija centralnih i ambulantnih objekata u sklopu Javne ustanove Dom zdravlja Kantona iznosi 600000 maraka. U Ministarstvu za odgoj i obrazovanje planirana je rekonstrukcija osnovne škole Aleksa Šantić u iznosu 1 000 000 maraka, rekonstrukcija osnovne škole Avdo Smajlović iznosi 1 000 000 maraka i rekonstrukcija osnovne škole Malta u iznosu 600,000 maraka.

U Ministarstvu kulture i sporta planirana su kapitalni transferi Gradu i općinama u iznosu od 815 000 maraka. U Ministarstvu za rad, socijalnu politiku, raseljena lica i izbjeglice Kantona Sarajevo nabavka građe predviđena je nabavka građevina u iznosu 976000 maraka. U Ministarstvu komunalne privrede, infrastrukture, prostornog uređenja, građenja i zaštite okoliša predviđene su stavke izgradnja rekonstrukcija komunalnih objekata i infrastrukture kojom upravljaju Kantonalna javna komunalna preduzeća u iznosu 5.900 000 maraka, rekonstrukcija vodovodne i kanalizacija mreže na području Kantona Sarajevo iz vodnih naknada u iznosu 4 700 000 maraka, projekt upravljanje saniranje deponije Smiljevići u iznosu 3.900 000 konvertibilnih maraka. Energetska efikasnost iznos 2.730 000 maraka. Ministarstvo za nauku i visoko obrazovanje i mlade Kantona Sarajevo predvidjelo je u kapitalnim transferima izgradnju Akademije scenskih umjetnosti 1.500 000 maraka. U pregledu možete vidjeti i predviđena zaduženja za kapitalne projekte u Kantonu Sarajevo gdje vam je u tabelarnom prikazu sve dostavljeno u materijalima. I ono što trebamo reći u ovom trenutku Tekuća rezerve planirane u iznosu od 3.300.000 maraka. Tekuća rezerva podrazumijeva sredstva za nepredviđene namjene za koje u budžetu nisu planirana sredstva ili za namjene koja se tokom godine pokaže da za njih nisu utvrđena dovoljna sredstva ili ih pri planiranju budžeta nije moguće predvidjeti. U sredstvima planiranim za tekuću rezervu predviđena je i redovna tekuća rezerva i dio sredstava za izvršenje sudskih presuda u skladu sa Zakonom o izvršnom postupku, odnosno troškovi kamata i advokata za tužbe prema Kantonu Sarajevo. Akumulirani deficit je planiran u iznosu 2 000 000 maraka iz ostvarenog suficita prethodne godine. Planirani iznos za akumulirani deficit nalazi se i dio za realizaciju glavnice u skladu sa Zakonom o izvršnom postupku koja je popisom obaveza postalo sastavni dio akumuliranog deficita. To bi bilo najkraće moguće neke glavne stvari koje su koje se odnose na ovaj Nacrt budžeta. Svi ministri su ovdje na raspolaganju za vaša pitanja i odgovore po resorima. Mi predlažemo da se nakon usvajanja ovog Nacrta otvori javnu raspravu u periodu od 20 dana gdje će svi za sve zainteresirane strane moći dostaviti svoje prijedloge, primjedbe i sve ono što se tiče ovog Nacrta budžeta, a Vlada će naravno i Ministarstvo financija sve to uobziriti i pri donošenju na Skupštinu, i na Vladu i na Skupštinu Prijedlog budžeta Kantona Sarajevo za 2023. godinu. Hvala.

Elvedin Okerić (predsjedavajući)

Zahvaljujemo se ministru Čačiću. Da li predstavnici radnih tijela žele riječ.
Zastupnik Irfan Čengić, izvolite imate riječ.

Irfan Čengić (poslanik/zastupnik)

Hvala predsjedavajući. Dakle odgovorili ovdje govorim u ime Komisije za kulturu i sport kako bi se dotakao tih pitanja iz oblasti kulture i sporta u Nacrtu budžeta. Dakle Komisija za kulturu i sport je održala svoju treću sjednicu gdje smo razmatrali Nacrt budžeta i gdje smo skupštini Kantona Sarajevo i Vladi Kantona Sarajevo predložili sljedeće zaključke:

- da se 7 institucija kulture odnosno 6 ako je Zemaljski muzej regulisan njegovrad kroz Univerzitet u Sarajevu, kao posebne stavke u Budžetu Kantona Sarajevo izdvoje i da se izdvoje sredstva za njihov redovan rad, a ne da se prijavljuju na javni poziv Ministarstva kulture i sporta i onda u nezavidnu situaciju dovodimo i te institucije i samog ministra kada je u pitanju pravljanje.
- Drugi zaključak zajedničke Komisije za kulturu i sport jeste da se u Budžetu od dvoje 1 % za sport, jer ako je u proceduri usvajanje Zakona o sportu gdje je rečeno da će izdvajati 1 %

budžeta mi zahtijevamo da to bude i u Prijedlogu budžeta za 2023. godinu, kako bi se zakon mogao realizirati, i to 1 % za sport realizira kroz povećanje kapitalnih transfera za 3 miliona konvertibilnih maraka. Kapitalni transferi se mogu financirati iz zaduživanja i sličnih stvari. Podsjeća Komisija da je u Strategiji razvoja Kantona Sarajevo 2021. do 2027. kao jedan od prioriteta stavljeno ulaganje u sportsku infrastrukturu što se kroz ovaj budžet ne ogleda, a budžet bi trebao biti samo sredstvo za implementaciju Strategije razvoja.

- Drugi zaključak jest da se 1 % obezbijediti tako što će se 2 000 000 konvertibilnih maraka staviti za transfer za izmirenje poreznih dugovanja u skladu sa Zakonom o djelomičnom otpisu poreznih dugovanja Federacija koji je donijela jer na taj način ćemo puno veća sredstva moći otpisati, a veliki dio tih sredstava će zapravo ponovo završiti u van budžetskim fondom Kantona Sarajevo. Prije svega mislim na zdravstvo i budžet Službe za zapošljavanje. Zaključak Komisije za kulturu sport jeste da se slično kao i za sedam institucija kulture izdvoji posebna stavka Tekući transfere za košarkaški klub Bosna, rukometni klub Bosna i fudbalski klubovi Sarajevo i Željezničar kako bi bila stavke u budžetu a ne prijavljivao se za javni poziv. Na taj način bi u javnom pozivu ostalo više sredstva za ostale sportske klubove.

- Kao i zaključak da se ne smanjuju sredstva za 35 istaknutih umjetnika kojima Kanton Sarajevo plaća socijalno, penziono i zdravstveno osiguranje ako se ne varam već da se za ta 2 nedostajuća raspiše konkurs i poveća stavka u budžetu kako bi ukupni broj bio 35, jer Komisija je dobila informaciju da je taj broj smanjen odlaskom u penziju 2 umjetnika sa 35 na 33.

I zadnje što je predložila Komisija u ovom budžetu da se sredstva po Pravilniku o održavanju javnih događaja koja Ministarstvo unutrašnjih poslova naplaćuje našim sportskim klubovima financiraju iz budžeta kulture sporta, tako da predvidimo ta sredstva na rashodovnoj strani Ministarstva kulture sporta, a na prihodovnoj strani Ministarstva unutrašnjih poslova. Hvala predsjedavajući.

Elvedin Okerić (Predsjedavajući)

Zahvaljujemo se zastupniku Irfanu Čengiću. Zastupnik Rusmir Pobrić se javio ispred radnih tijela. Izvolite zastupniče.

Rusmir Pobrić (poslanik/zastupnik)

Hvala predsjedavajući. Sve vas srdačno pozdravljam. Obraćam se ispred Komisije za mlade Skupštine Kantona Sarajevo. Naime Komisija je prošle sedmice 2. februara održala sjednicu i uvažavajući informacije koje su prisutni predstavnici Ministarstva financija i nadležnog Ministarstva za mlade, to je Ministarstvo nauke, visokog obrazovanja i mladih iznijela, dakle uvažavajući da je budžet po jednom presom uslijed smanjenja prihodovne strane i smanjenja pondera po novoj zakonskoj regulativi na nivou Federacije Bosne i Hercegovine o raspodjeli javnih prihoda, te značajnim povećanjem sredstava za plate zaposlenih u Kantonu Sarajevo od kojih gotovo 2/3 su za plate zaposlenih u obrazovnom sektoru. I podržali smo jednoglasno Nacrt budžeta. Bilo bi bespredmetno da ga u ovoj fazi zaustavljamo, međutim donijeli smo niz zaključaka.

Jedan od tih je da s obzirom da nam ni iz Ministarstva financija ni nadležnog Ministarstva nisu dali sve informacije, malo je vidljivih stavki kada je riječ o pitanju institucionalne brige o mladima u budžetu, pa će nam trebati dodatna pojašnjenja kako bi jeli od strane predstavnika Ministarstva financija tako i od resornih ministarstava da se dostignuti standardi u oblasti institucionalne brige o mladima zadrže i po mogućnosti određene stvari unaprijede. Mi smo recimo primijetili niz stavki, jedna od njih je da su nevidljiva sredstva za podršku startupima,

odnosno samozapošljavanju i pokretanju biznisa od strane mladih ljudi i moguće je da je, da su ta sredstva predviđena u okviru možda Programa podrške maloj privredi, ali eto tu informaciju bi smo željeli preciznije vidjeti. Također tu je stavka o stambenom zbrinjavanju mladih dakle neki dostignuti standard. U protekle 2 godine izdvojene 14 miliona maraka, trenutno na toj stavci imamo 500 000 maraka. Znam da je u prethodnom periodu uglavnom kroz rebalans ili kroz preraspodjele sredstava da su ta sredstva umnogostručena, ali voljeli bismo da čujemo od predstavnika resornih ministarstava i članova Vlade i to da imamo pojašnjenje. Ono što je također važno da u ovom periodu od Nacrta budžeta u fazi pripreme prijedloga budžeta se uvažavaju Zaključci Skupštine sa Tematske sjednice o mladima održane 20 decembra 2019. godine. U kratkoj analizi vidjeli smo da su neki već izvršena ali tu postoji još stavki koje nisu urađene, kao i mjere predviđene u Strategiji prema mladima 2019 -2023 koja ove godine ističe. Također s obzirom da Strategija prema mladima u Kantonu Sarajevo ističe ove godine voljeli bismo vidjeti sredstva za pripremu nove strategije 2024- 2028.

Tu je još niz stvari. Na nekoj od prethodnih sjednica je i zastupnica Viteškić postavila pitanje o Zakonu o dualnom obrazovanju, u kojoj je fazi. Dakle također nismo ovaj primijetili i u budžetu jesu li predviđena sredstva, a vodimo se tim da je riječ o reformskom Zakonu, izuzetno važnom Zakonu. Ja ću vrlo kratko ilustraciju jednu iznijeti. Mi u srednjem obrazovanju imamo oko 4 200 učenika je li u srednjim stručnim školama, međutim od tog broja imamo više od trećine gotovo polovinu ekonomskih tehničara, medicinskih tehničara, itd a imamo evo i na pažnju javnosti na sve 3 godine u stručnim školama školujemo recimo 31 molera, 16 vodoinstalatera, 33 keramičara ili govorimo o drvnoj industriji kao perspektivnoj grani privrede, a na sve 3 godine u srednjim stručnim školama imam, dakle ovo su podaci iz 2018. godine i zamolio bih resorno Ministarstvo da je li provjeri i ažurira ove podatke, dakle 61 stolara. Govorimo o jednoj od najperspektivnijih izvozno orijentiranih grana industrije u Kantonu Sarajevo.

I za kraj jedna od tačaka, odnosno zaključaka s Tematske sjednice o mladima održane u decembru 2019. godine bilo je i otvaranje Centra za razvoj poduzetništva pri CMT-u pa bih volio u okviru je li ove diskusiji danas dobiti informaciju iz resornog Ministarstva u kojoj je fazi proces razvoja i otvaranja tog Centra? Hvala vam.

Elvedin Okerić (Predsjedavajući)

Zahvaljujemo se zastupniku Rusmiru Pobriću.

Ispred tijela čini mi se da se prijavio zastupnik Damir Marjanović.

Damir Marjanović (poslanik/zastupnik)

Jeste, hvala vam velika predsjedavajući. Vrlo kratko. Dakle Komisija Skupštinska Komisija za obrazovanje i nauku je razmatrala budžet iako je većinom glasova podržala, to nije ipak bilo dovoljno da Nacrt budžeta bude i zvanično usvojen. Normalno svi su se složili, svi će se složiti da Nacrt prođe takav kakav jest ali smo to nekako uradili da bi malo skrenuli pažnju na zaključak Komisije koji slijedi jest da smo svjesni svega onoga što se dešava, da smo svjesni da su Budžet Kantona Sarajevo će biti jedan od rijetkih budžeta, ako ne jedini u Bosni Hercegovini koji će ove godine biti manji u odnosu na prošlu godinu, ali isto tako smo primijetili u Nacrtu budžeta da mnoge stvari koje su bile reformske, koje su bili okosnica obrazovne politike i politike u izdvajanja za nauku, ove godine su drastično smanjene, od izdvajanja za besplatne knjige, od izdvajanja za subvencije u privatnim vrtićima do smanjenja za naučno istraživačku djelatnost, i tako dalje . Mi smo otprilike donijeli zaključak u kojem

smo rekli da pored svega ovoga i dalje ćemo inzistirati, vjerojatno kroz amandmane djelovati, da Vlada Kantona Sarajevo kroz od Nacrta do prijedloga budžeta ipak promijeni svoje mišljenje vezano za ove stavke i da na ovim stavkama obezbijediti dostatna sredstva za, kako smo naveli, kako je to lijepo zaokruženo, za održavanje postignutoga ili potencijalno unapređivanje onoga što već moramo raditi na reformi obrazovanja. Vrlo slično kao i kolega Pabrić i ja ću se pozvati na tematsku sjednicu vezano za obrazovanje ustvari reformu obrazovanja gdje smo donijeli veliki broj zaključaka i moramo da primijetimo, evo ja ću ovdje čak i pomalo osobno reći, da ovakav budžet, ovako koncipiran po ovim tačkama ne podržava ono što su bili zaključci Tematske sjednice. To je to.

Elvedin Okerić (Predsjedavajući)

Ispred radnih tijela javila se zastupnica Sanela Klarić, izvolite imate riječ.

Sanela Klarić (poslanik/zastupnik)

Zahvaljujem se predsjedavajući. Ispred Komisije za poljoprivredu, šumarstvo, privredu i prehrambenu industriju Skupštine Kantona Sarajevo također želim da naglasim da smo svjesni da je Zakon o pripadnosti javnih prihoda Federacije Bosne i Hercegovine i njegove implementacija dovela do toga da ovaj budžet za 2023. godine bude umanjen za 110 miliona i svjesni smo i da u ovom sektoru su morali pretrpjeti neka smanjenja. Međutim isto tako smo bez obzira što smo jednoglasno sa 5 za podržali Nacrt budžeta Kantona Sarajevo za 2023. godinu zaključili da komisija za je ustvari zahtijeva da se poticaje, poticaji u primarnoj poljoprivrednoj proizvodnji trebaju minimalno biti 10 miliona, svjesni situacije i COVID-a a i agresije Rusije na Ukrajinu, ovaj sektor je krucijalan za zaštitu sigurnosti i zdravlja ljudi i važno je da nađemo i iznađemo načina da se umjesto 7 miliona, a znamo da na svim drugim nivoima su podignuti upravo budžeti za poljoprivredu, da se nađe način da se podigne i u Kantonu Sarajevo, bez obzira na značajna umanjivanja ovog budžeta. Takođe još jedan zaključak ove komisije jest da predlaže Vladi Kantona Sarajeva da poveća izdvajanja na poziciji za Robne rezerve za nabavku robe robnih rezervi koji uključuju i otkup poljoprivrednih viškova od domaćih proizvođača na području Kantonu Sarajeva. Važno je da upravo sa ovim proizvođačima trenutačno imamo komunikaciju domaćim i da na taj način punimo rezerve. Hvala.

Elvedin Okerić (Predsjedavajući)

Zahvaljujemo se uvaženoj zastupnici Saneli Klarić.

Zastupnik Elvis Vreto se javio za riječ. Ukoliko nema više prijavljenih ispred radnih tijela. Nema. Izvolit, zastupnik Elvis Vreto.

Elvis Vreto (poslanik/zastupnik)

Pitanja. Hvala predsjedavajući, imam jedno pitanje za Ministarstvo financija da nam da podatak ako on ako posjeduju, koliko je uplaćeno iz Kantona Sarajevo PDV-a uz zajedničku jel tako onaj kasu u 20 22. godini s obzirom na podatak o famoznom Zakonu koji se primjenjuje od ove godine o pripadnosti javnih prihoda na nivou Federacije, da je povrat 469 000 000. Ovo želim da čuju građani Kantona Sarajevo, ne samo građani Kantona Sarajevo i oni koji prate van Kantona Sarajevo, da imamo da vidimo taj podatak koliko tih sredstava je li ide iz Kantona Sarajevo u zajedničku kasu kad je PDV u pitanju. A evo povrat podatak imamo. Drugo moje pitanje je po pitanju osnovne škole izgradnja Osnovne škole na Stupu. Molim ministricu da

nam da podatak koliko je sredstava do sada implementirano od strane Ministarstva za obrazovanje i kakav je plan za 2023. godinu s obzirom na podatak da ste stekli uslove je li izdavanje građevinske dozvole za samu izgradnju škole na Ilidži. Eto toliko, hvala.

Elvis Vreto (poslanik/zastupnik)

Zahvaljujemo se uvaženom zastupniku Vreti. Zastupnik Mahir Dević, izvolite imate riječ.

Mahir Dević (poslanik/zastupnik)

Hvala predsjedavajući. Mene zanima, vidim da su jako aktivno uzeli učešće predstavnici radnih tijela, zanima me mišljenje Zakonodavno pravne komisiji kada je u pitanju Nacrt budžeta Kantona Sarajevo. Naravno to je bilo suvislo postaviti i na prethodnu tačku Zakonodavno pravnoj komisiji takvo pitanje kako je moguće 26. 1. u potpisu stoji v.d. premijerka u objavi dokumenta u Službenim novinama a prije 5 minuta mi razrješavamo premijera Kantona Sarajevo? Pa bih molio evo da mi o prvo pitanje bude da mi Zakonodavnu pravna komisija odgovori proceduru usvajanja Nacrta budžeta. To je prvo pitanje.

Drugo pitanje za ministra financija jer nemamo premijera Kantona Sarajevo naravno, pa ću zamoliti njega da mi on odgovori zašto se događa smanjenje kapitalnih ulaganja u Nacrtu budžeta za 2023. godinu u odnosu na 2022. godinu? Ukupna razlike negdje oko 58 miliona konvertibilnih maraka. Koji su razlozi da dođe do tako rapidno pada kapitalnih projekata koji su ustvari generator ukupnog privrednog života u svakom društvu, a naravno tako i u Kantonu ovaj Sarajevo.

Tačka 3 vrlo zanimljiva a vezano je vjerojatno za ovu prethodnu pa možda na neki način objašnjiva jel. Kaže ukidanje planiranih radnih mjesta u Uredu za zakonodavstvo. U budžetu Kantona 2022. godinu planirano je bilo 8 zaposlenih. U Nacrtu budžeta za 23. taj broj 4. Vjerojatno ste vi vrlo stručni pa vam ovi ljudi ne treba, nema potrebe da pripremaju dokumentaciju. Ja bih vam Predložio amandmanom kluba SDA da zaposlite 16 novih da vam pomognu kada budete pripremali iako budete uopće u prilici da pripremate bilo kakve akte. Što je to, koji je to moment koji se desio pa nam ne treba 8 ovih ljudi već nam trebaju 4? Da nismo doveli neke eksperte u međuvremenu u oblasti prava pa smo potpuno sigurni da ono što radimo je ovaj potpuno zakonito?

Sljedeće pitanje Ministarstvo saobraćaja Projekat obnove voznog parka za javni prijevoz putnika treća faza, vrijednost 10 miliona eura. A realizacija tog kapitalnog djela do 30.09. 2022. godine što je objavljeno na zvaničnoj stranici Ministarstva financija kao Izvještaj o izvršenju budžeta koji se objavljuje svaki mjesec. Znači referiram se na deveti mjesec je bilo 0 konvertibilnih maraka.

I u 2023. godini je također planirana realizacija od 0 konvertibilnih maraka.

Šta ovo ustvari onda ovaj samo po sebi praktično znači? Sljedeće pitanje koje djelomično dotakao i kolega Čengiđ u oblasti kulture i sporta se smanjuje se financiranje u odnosu na raniji budžet. U ranijem budžetu je čini mi se financiranje kad se sve uzme u obzir bilo negdje oko 4,5 % budžeta Kantona Sarajevo, međutim ono se sada kreće negdje oko 3,1 %. Zašto štedimo na kulturi i sportu ovaj u Kantonu Sarajevo? Evo ne znam sada koliko je to tačno bile je četiri, pet pitanja nekih pa ću vas zamoliti da mi date odgovor na njih a ostalo ću naravno kazati kroz diskusiju.

Elvedin Okerić (Predsjedavajući)

Zahvaljujemo se zastupniku Deviću. Dopredsjedavajuća Danijela Kristić se javila za riječ.

Danijela Kristić (Dopredsjedavajuća)

Zahvaljujem predsjedavajuća. Ja ću imati isto par pitanja posebno po resorima. Prvo za ministricu visokog obrazovanja ili nekoga iz tog Ministarstva ko može ponuditi onaj odgovor. U Nacrtu budžeta navedeno je da tekući transferi neprofitnim organizacijama i inkluzija u 2022. godini iznosila je 2 270 000, a u 2023. 800 000. Interesuje me koliki dio od ovog je bio odvojen za inkluziju i koji su projekti realizirani u 2022. godini, koji su planirani u 2023?

Za ministra privrede podrška projektima ZOI izdvojeno je 13 000 000 ako možete reći na koje projekte se to odnosi i da li ćemo napokon imati gondolu na Bjelašnici?

Za nekoga iz Vlade možda i premijerka može odgovoriti na ovo pitanje. U Nacrtu budžeta je navedeno da u Kantonalnoj upravi za inspekcijske poslove se u 2023. godini ne povećava broj uposlenika 60 % je uposlano u odnosu na sistematizaciju. Svi znamo da nedostaje kadar, da u nekim sektorima koji su veoma bitni kao građevinski i stambeni imamo trenutno po jednog ili 2 inspektora. Ako želimo jaku Kantonalnu upravu za inspekcijske poslove moramo im obezbijediti i osnovne uslove za rad. Mislim da su to ljudski resursi. Tako da ovaj dio možete uzeti kao dio javne rasprave i planirati dodatna upošljavanja u prijedlogu budžeta.

U Nacrtu budžeta Ministarstvo za bračka pitanja izdvojilo je 300 000 konvertibilnih maraka za otvaranje dnevne bolnice za PTSP i ovim putem se zahvaljujem Ministru što je prepoznao važnost tog projekta. Moje pitanje prema ministru zdravstva da li su oni u Nacrtu budžeta izdvojili sredstva za ovu dnevnu bolnicu i ukoliko nisu molim da kroz prijedlog budžeta izdvoji dio sredstava koliko su u mogućnosti. I pitanje za ministra unutrašnjih poslova u Nacrtu budžeta u 2022. godini izdaci za školovanje na Policijskoj akademiji bilo je izdvojeno 1 400 000, a za 2023. godinu nije izdvojeno ništa, pa da nam samo taj dio obrazložite. I dio znači u Nacrtu budžeta također koji je naveden da je nabavka materijala za javni red i sigurnost vojnog materijala i uniforme za policijske službenike Uprave policije bilo izdvojeno 3 410 000 a sada u Nacrtu budžeta je izdvojeno 200 000 konvertibilnih maraka tzn. pa jel to znači da se uniforme neće nabavljati ili imate neko drugo obrazloženje? Hvala.

Elvedin Okerić (Predsjedavajući)

Zahvaljujemo se dopredsjedavajućoj Kristić. Zastupnica Marijela Hašimbegović se javila za riječ.

Marijela Hašimbegović (poslanik/zastupnik)

Zahvaljujem se predsjedavajućem. Dobar budžet je nešto što je temelj odgovornosti i transparentnosti i participacije. S tim u vezi očekujem da će u ovom dijelu participacije, ukoliko usvojimo ovaj dokument, da će se građani i ostale nadležne institucije odazvati po pitanju kreiranja i unapređenja ovoga dokumenta, a u dijelu odgovornosti i transparentnosti očekujem od našeg tijela da će napraviti velike napore kako bi se ponuđeni dokument zaista unaprijedio. S tim u vezi postaviti ću prvo pitanje za Vladu Kantona Sarajevo u kojoj fazi su pregovori sa sindikatom po pitanju povećanja plaća za budžetske korisnike? Da li su ti pregovori završeni? Mi do sada nemamo tu informaciju, a ove informacije su jako važne koje trebaju biti sastavni dio ovog dokumenta.

Između DOBA, između svih planiranih projekata, između situacije da smo mi većina nas novi zastupnici koji smo praktično imali 12 radnih dana od vremena primitka ovog dokumenta trebali smo dobiti određeno vrijeme kako bi usvojili dakle sve ponuđene stavke i s tim u vezi ja ću uputiti jedan svoj prijedlog za projekte i aktivnosti za koje smatram da zaslužuju biti sastavni dio dokumenta budžeta Kantona Sarajevo. Zato se zahvaljujem zastupniku Čengiću

koji je ujedno i predsjednik Komisije za kulturu i sport, čiji sam član, i moram još jednom da podcrtam jer to je moja pojedinačna odgovornost, da sam presretna da ćemo vidjeti, iskreno se nadam, u prijedlogu budžeta Kantona Sarajevo i alineju koja se tiče 7 institucija kulture koja su bez statusa, jer apsolutno smatram da su godinama ostali nepravедno zapostavljeni i na ovaj način ćemo omogućiti da ih odvojimo od situacije za koju su bili tako na jedan ponižen način povezani da utiču i da budu vezani sa budžetom i alinejom nemam koja se tiče poziva po projektu. Na ovaj način sredstva će biti obezbijedena samo za njih. S tim u vezi presretna ću biti kada vidim i temeljne organizacije kulture naroda Bosne i Hercegovine koji će biti sigurno sastavnim dijelom ovog budžeta, tako da želim isto tako da vidim i strukovna udruženja kulture koje su isto tako važna i bitna. U ponuđenim informacijama Nacrta budžeta vidjela sam da su za stavke koje se tiču budžetskih korisnika posebno pozorišta da su povećane alineje koje se tiču budžeta za plaće uposlenika, što je pohvalno, međutim moramo voditi računa i o produkcijskim sredstvima i s tim u vezi očekujem da će se napraviti korekcija i da će biti izvršena korespondencija sa onim što je izvršenje budžeta u prošloj godini jer ono bi trebalo biti jednako ako ne i veće za ovu godinu.

Elvedin Okerić (Predsjedavajući)

Ja sam izvinjavam kolegice Hašimbegović, mi smo sad na pitanjima. Rasprava ide poslije. Ako možete sad postaviti pitanja kako bi se ministri mogli pripremiti za odgovor a kasnije ćemo imati prostor za raspravu.

Marijela Hašimbegović (poslanik/zastupnik)

U redu, hvala lijepa. Znači postaviti ću pitanje koje se tiče zaštite okoliša. U kojoj fazi je rekonstrukcija kotlovnice Zvijezda i zašto već četvrti put pada tender za ovo kotlovnicu? Da li je obezbijeden dovoljan broj sredstava za demobilisane borce po pitanju ukopa i bankog liječenja? Da li ćemo imati fond za liječenje djece od teškog oboljenja pošto to nikada nismo imali u budžetu Kantona Sarajevo? Da li ćemo imati i Projekat kulture na ulice, koji smo imali u prošloj godini? Da li ćemo imati obezbijedena sredstva za tehničku kulturu i inovacije?

Da li ćemo imati dovoljno sredstava za komunalnu policiju? I pitanje za uvaženog ministra unutrašnjih poslova što je sa objektom Ministarstva unutrašnjih poslova koje se planiralo da se gradi na Pofalićima? Hvala lijepa.

Elvedin Okerić (Predsjedavajući)

Zahvaljujemo se uvaženoj zastupnici Hašimbegović. Zastupnica Vedrana Vujović se javila za riječ. Izvolite.

Vedrana Vujović (poslanik/zastupnik)

Zahvaljujem predsjedavajući. Obzirom da se prvi put javljam danas za riječ pozdravljam sve zastupnike, članove Vlade i građane Kantona Sarajeva koji prati rad današnje Skupštine. Ja ću za početak imati samo 1 pitanje. Kolega Rusmir Pobrić već ranije spomenuo odnosi se na poticajima, odnosno ulaganju u realni sektor i upućujem pitanje ministru privrede. U Nacrtu je istaknuto 7 000 000 za poticaj razvoju male privrede. Taj iznos je umanjen u odnosu na prethodnu godinu za 1. 800 000. Očekujem obrazloženja zašto je umanjen i te koje su aktivnosti predviđene ovim iznosom od 7 miliona i da li se tu nalaze ovi poticaji i start up za mlade ljude koji je u ranijim budžetima taj iznos je bio predviđen. To će biti samo 1 pitanje

zasad, a u toku rasprave ću možda malo detaljnije obrazložiti sve ovo što je i gospodin Pobrić i zastupnik Marjanović spominjao u kontekstu mladih. Hvala.

Elvedin Okerić (Predsjedavajući)

Zahvaljujemo se uvaženoj zastupnici Vujović. Zastupnik Damir Marjanović. Pitanja.

Damir Marjanović (poslanik/zastupnik)

Zahvaljujem kolega Okeriću. Pa levo, vrlo kratko i vrlo brzo. Tekući transferi neprofitnim organizacijama Ministarstvo za visoko obrazovanje i nauku i mlade, već je kolegica Danijela dobro primijetila, vezano za transfere neprofitna organizacijama i inkluziji, visoko obrazovanje smanjeno je sa 2,2 miliona na 800 000. Što to podrazumijeva? Vjerujem da je resorna ministrica i Vlada su zauzeli stav gdje će biti to smanjenje što tzn. za politiku sprovođenja u oblasti visokog obrazovanja i nauke. Druga stvar je transfer neprofitnim organizacijama nauke sa 5,9 miliona na 4,5 miliona. Da li tzn. da će ukupni iznos za znanstvene projekte biti smanjen ili će se eventualno neke institucije koje su do sada bile financirane iz budžeta Kantona Sarajevo neće se više financirati? Konkretno postavljam pitanje da li politika resornoga Ministarstva bila da prestane financirati Akademiju nauka i umjetnosti ili da eventualno smanji to financiranje? Za resornu ministricu odgoja i obrazovanja. Vidimo da je ogroman iznos smanjen nekih 7 ili 8 miliona ovih tekućih transfera. Koliko mi je poznato, dozvoljavam da griješim, većina tog novca je išla upravo za nabavku besplatnih udžbenik, onakvi kakvi jesu, nekvalitetni, ali Bože moj, a i bilo je između ostalogo dobar dio išao i za subvencije prema privatnim vrtićima da bi se obezbijedili uvjeti da sva djeca u Kantonu Sarajevo mogu ići u vrtiće. Da li tzn. da će se sada budžet smanjivati upravo u tom momentu kako nam je bar nagovješteno na Komisiji i da li tzn. da Vlada odustaje od onoga ovog koncepta koji je bio jako bitan i jako dobar koji je bio nešto jako pozitivno u proteklom periodu. I na kraju za ministra financija jedno brzinsko pitanje. Jako me obradovalo kada sam na Univerzitet u Sarajevu, Ekonomski fakultet vidio između ostalog da će se za rekonstrukciju i investiciono održavanje izdvojiti ove godine 2 000 000 maraka. Moram priznati da me je obradovalo zato što to znam probleme s kojima se susreću kolege s Ekonomskog fakulteta i zanima me pošto smo prije 10 godina pokušali na taj način to isto riješiti, ovo su koliko sam shvatio kreditna sredstva, i koliko znam kredit je podignut, i koliko znam ide se ka rekonstrukciji zgrade, što je dobro. Samo mi nije jasno da li ta rekonstrukcija zgrade može da se realizira s obzirom da nije u vlasništvu Kantona Sarajevo i koliko imam informacije ne može se započeti uopće ni rekonstrukcija zato što ne postoji plan, program, projekat, upravo zbog problema sa ZK, sa nekim sudskim presudama i sa nekim sudskim procesima koji. Tzn. koliko sam ja shvatio, zamolio bih gospodina Čičića da mi objasni da su ova kreditna sredstva podignuta, da se ona već otplaćuju, a koliko mi se čini ne mogu se realizirati. Da li će se realizirati ovako kako je napisano? I ako se neće realizirati da li će se možda preusmjeriti u nešto, možda baš u neki od ovih stvari poput besplatnih udžbenika, poput subvencije za vrtiće itd, itd. Hvala velika.

Vibor Handžić (Dopredsjedavajući)

Zastupnica Admela Hodžić ima riječ. Izvolite.

Admela Hodžić (poslanik/zastupnik)

Zahvaljujem dopredsjedavajući. Pa ja imam malo više pitanja, ali evo manje-više svi su se dotakli tih tema pa ako nešto i ponovim, ako ministri već odgovore nema potrebe ovaj jednako

me zanima kao i sve ostale kolege. Počet ću od, na ekonomskom kodu 716 116 prihodi od poreza na dohodak od drugih samostalnih djelatnosti iz člana 12. stavka 4. Zakona sa prošlogodišnjih 12 000 000 povećano ove godine predviđanje na 14 miliona i 200 000, što je za 2,2 milijuna više nekih 16 % na osnovu čega?. Predviđate? Je li realna ova projekcija?

Centar za napredne tehnologije u Sarajevu. Prihodi koji se ostvaruju od obavljanja osnovne djelatnosti prošle godine 267 000, ove godini ovaj 0 prihoda. Samo da nam obrazložite zbog čega, koliko je novozaposlenih u prošloj godini u odnosu na '21. i koliko se planira uposliti novih uposlenika ove godine? Koliko dodatnih sredstava u odnosu na Budžet za 2022. godinu? Koliko je planirano ove godine za novouposlene?. Koliko je u prošloj godini podijeljeno sredstava udruženjima i nevladinim organizacijama više u odnosu na '21, te koliko se planira sredstava izdvojiti ovim budžetom za udruženja i nevladine organizacije u '23. godini zbog toga što svi znamo da je prošla godina bila izborna godina pa da uporedimo malo te podatke da vidimo da li je eventualno povećano zbog izbora i izborne kampanje.

Tekući transferi pojedincima prošle godine 123 miliona, ove godine 130 000 000. Možete li nam obrazložiti malo detaljnije ovo povećanje u ovoj godini.

Ekonomski i kod 614 800. Drugi tekući rashodi 3 600 000 ove godine 4 70.000 povećani za 1,1 milion. Također ako može obrazloženje.

Koliko ste planirali izdvojiti sredstava za podsticaje poljoprivrednicima u Kantonu Sarajevo za ovu godinu? Koliko je to manje ili više ili jednako u odnosu na prošlu i zašto?

Kapitalni transferi sa 103 000 na 78.000. Također tražim pojašnjenje nekih 25 % manje. Kapitalni transferi drugim nivoima vlasti i fondovima sa 22 miliona na 18,5..

Kapitalni transferi pojedincima 15 300.000 smanjeni na 4 400 000. Također obrazloženje i za ovo. Kapitalni transferi neprofitnim organizacijama 27,5 miliona na 17 300 000. Nekih 10 000 000 manji.

Izdaci za inostrane kamate sa 3 800 000 povećavaju se na 12 miliona, nekih 10 000 000 više. Molimo ministra financija da nam ovo obrazloži.

Rekonstrukcija i investiciono održavanje sa prošlogodišnjih 27 900 000, ove godine povećava se na 32200.000.

Također tekuća rezerva 16 000 00, 3,3 miliona ove godine. U Nacrtu budžeta Kabinet predsjedavajućeg i zamjenika predsjedavajućeg Skupštine Sarajevo 2 uposlena planirano u ovoj godini. Ured za borbu protiv korupcije i upravljanje kvalitetom Kantona Sarajevo +8 zaposlenih. Za sve ću vas zamoliti samo kratko obrazloženje. Ministarstvo pravde i uprave Kantona Sarajevo 4 nova uposlena. Ministarstvo saobraćaja Kantona Sarajevo 5 uposlenih novih. Ministarstvo unutrašnjih poslova Kantona Sarajevo budžet sa prošlogodišnjih 128 400000 smanjuje se za nekih 6 miliona, na 122 000 000, zbog čega? Nabavka za isto Ministarstvo, nabavka zemljišta za hangar 5 miliona, nabavka helikoptera prošle godine 17 miliona, ove godine 12 000 000. Molimo ministra evo MUP-a da nam ovo obrazloži. Koliko je planirano za nabavku opreme svim pripadnicima MUP-a? Ovdje je prikazana nabavka opreme pod stavkom za helikoptersku jedinicu od 369 000 u prošloj godini, ove godine 257 000 samo za tu jedinicu. Pitam šta je sa ostalim pripadnicima MUP-a, da li oni ovaj evo za Upravu policije nabavka materijala za javni red i sigurnost, vojnog materijala i uniforme za policijske službenike Uprava policije sa 3 400 000 prošle godine, ove godine smanjujemo na 200 000.

Izdaci za školovanje na Policijskoj akademiji također je već postavljeno pitanje 1400.000, ove godine a nisu planirana sredstva. Nabavka specijalne opreme, vojne i policijske. Uprava policije sa 10700.000 na 2700000, ove godine manje planirano sredstava 8,7 miliona. Broj

zaposlenih u za ovu Ministarstvo je 1858 bilo za prošlu godinu, ove godine 1749. 100 uposlenika manje, zbog čega?

Tekući transferi podrška poslovanju, e sad ovdje imamo jednu tehničku grešku ja bih rekla u budžetu. Kantonalna agencija za privatizaciju piše, a otiđite na strance pa pročitajte to je Kantonalna agencija za privlačenje investicija i privatizaciju.

Ove godine je planirano nekih 200 000 više. Tražimo da se dostavi izvještaj o dosadašnjim rezultatima od posljednjeg izvještavanja o radu. Na stranici je postavljen Izvještaj za 2018. godinu. Ako ništa barem da nam se do usvajanje budžeta dostavi izvještaj o tome šta je urađeno od dana 12. 5. 22. godine kada je usvojen Zakon o Kantonalnoj agenciji za privlačenje investicija i privatizaciju.

Ovim Zakonom osnovala se Kantonalna agencija za privlačenje investicija i privatizaciju, Fond podrška privrednim društvima sa učešćem državnog kapitala, interventne mjere. Ove godine je nova stavka u budžetu i iznosi 1350 000. Evo samo ministar privrede da nam kratko obrazloži ako može.

Poticaj razvoju male privrede je smanjen za 1,9 miliona, kapitalni transferi javnim poduzećima sa 22 miliona povećan na 24.900.000.

A zatim kapitalni projekti iz šumarstva povećani za 2,5 hiljade.

Vibor Handžić (Dopredsjedavajući)

Izvinjavam se kolegice Hodžić. Možemo samo pitanja, pošto su ovo sad konstatacije u vezi sa ciframa iz budžeta, jer se već malo oteglo kao da je diskusija. Nemate poslovničko ograničenje ali eto čisto zbog drugih zastupnika.

Admela Hodžić (poslanik/zastupnik)

Znam da nemam poslovničku ograničenje al evo sve sam zamolila što sam pročitala da nam se pojašni, to možete razumjeti kao pitanja. Ako ministri smatraju da ne trebaju obrazlagati i davati odgovore, ne moraju, mislim nije.

Vibor Handžić (Dopredsjedavajući)

Nisu ministri ništa rekli, samo o ja s vama komuniciram.

Admela Hodžić (poslanik/zastupnik)

I evo samo još jedno pitanje za ministricu obrazovanja. Naknada za komisije za 100 000 je ove godine povećano. Pa ako može da nam obrazloži. Zahvaljujem.

Vibor Handžić (Dopredsjedavajući)

Hvala. Zastupnik Samir Avdić, pitanja izvolite.

Samir Avdić (poslanik/zastupnik)

Hvala dopredsjedavajući. Prije nego što postavim pitanja ovaj samo da izrazim zaista svoje zadovoljstvo zbog razumijevanja koje pokazuje ovaj Komisija za kulturu i sport, kolega Čengić, kolegica Hašimbegović. Prepoznaju važnost 7 institucija od značaja za Bosnu i Hercegovinu. Ja bih samo tu dodao da da bilo bi jako dobro ukoliko se ovaj napravile stavke za 6 institucija dok bi Zemaljski muzej, s obzirom da je dijelom riješen kroz ovaj Sporazum sa Univerzitetom trebalo ostaviti u upravu da da aplicira na javni poziv, s obzirom da ta sredstva su jako značajna za njegovo funkcioniranje. Što se tiče pitanja, prvo pitanje za ministra Delića,

pošto vidim da je predviđen 1 000 000 KM za azil u Rakovici, zanima me da li se radi o izgradnji nekog novog azila ili pošto znam da postoji određeni mali azil ili neko ulaganje u postojeći? Ukoliko ovaj može da nam da nam objasni o čemu se radi kada je ta stavka u pitanju. I Ovo opremanje pretpostavljam da je to ovaj opremanje azila u Prači ili se radi opet o opremanju ovoga u Rakovci?. Ukoliko sam dobro razumio kolegu Čičića htio sam pitati o kakvim novim zapošljavanjima se radi u Kantonalnoj upravi za civilnu zaštitu Kantona Sarajevo, ali evo čini se da je to zapošljavanje vatrogasaca, pa bih to pohvalio. Ukoliko nije, evo onda ministar može i ovaj odgovoriti, ukoliko se radi o nekim drugim zapošljavanjima. Vidimo iz ovog Nacrta da možda da sredstva su umanjena skoro svim ministarstvima, a možda i najviše iz Ministarstva saobraćaja, više od 40 miliona, pa me zanima a s obzirom na to veliko breme koje to Ministarstvo nosilo kada su u pitanju isplate po osnovu tužbi radnika na osnovu ovaj kolektivnih ugovora koji su od 2007q godine na štetu Kantona Sarajevo ovaj kreirani i potpisivani. Koliko je ustvari u prošloj godini isplaćeno sredstava i da li postoji projekcija za ovu godinu koliko još sredstava se mora po tom osnovu isplatiti radnicima? Pitanja za Ministarstvo obrazovanja. S obzirom da u prošloj godini smo imali ovaj određene stavke kada su kad je u pitanju izgradnja odnosno dogradnja i rekonstrukcija osnovnih i srednjih škola, u ovom Nacrtu ih nema. Zanima me kada je u pitanju škole na Stupu da li će eventualno u preraspodjeli sredstava biti predviđena neka nova sredstva? Koliko je do sada ovaj proslijeđeno opštini Ilidža za izgradnju osnovne škole na Stupu, te isto pitanje kada u pitanju izgradnja osnovne škole na Pofalićima, dogradnja osnovne škole Zahid Baručija i rekonstrukcija Srednje grafičke škole ovaj najveći na Ilidži. Zahvaljujem.

Vibor Handžić (Dopredsjedavajući)

Zastupnica Gavrankapetanović- Smailbegović ima riječ, izvolite.

Fatima Gavrankapetanović-Smailbegović (poslanik/zastupnik)

Zahvaljujem se. Ja imam par kratkih pitanja za ministra zdravstva prof. Harisa Vranića. Prvo da li je pripremljen i odobren plan specijalizacija i subspecijalizacija za 2023. godinu i zašto nisu predviđena sredstva za to u ovom Nacrtu budžeta? Zašto je smanjen iznos za prevenciju, očuvanje i unapređenje zdravlja stanovništva Kantona Sarajevo? Zašto je ukinuto sufinansiranje nabavke ortopedskih pomagala za reprezentativce Bosne i Hercegovine u sjedećoj odbojci i zašto u isto vrijeme se izdvaja 1 000 000 maraka za obnavljanje voznog parka u Domovima zdravlja? Voljela bih samo znati na koja se to auta odnose, da li su to auta ovaj za patronažu, za hemodijalizne pacijente ili je to nešto drugo? Hvala vam najljepša.

Vibor Handžić (Dopredsjedavajući)

Hvala. Zastupnica Smiljana Viteškić ima riječ, izvolite.

Smiljana Viteškić (Dopredsjedavajuća)

Zahvaljujem se dopredsjedavajući. Također imam nekoliko pitanja. Prvo je ministrici za rad, socijalnu politiku, raseljena lica i izbjeglice Kantona Sarajevo. Na ekonomskom kod 614 300 u 2022. godini bilo je 474 200, a u ovoj godini planirano 1 524 700 konvertibilnih maraka za socijalne projekte. Interesuje me koji su to socijalni projekt koji će biti financirani iz ovih sredstava? Direkcija za robne rezerve Kantona Sarajevo, nabavka robnih rezervi ekonomski kod 821 400 u 2022. 3379000 u ovoj godini znači u 23. 1424.000 više od pola manje iznosa. Interesuje me da li je taj iznos dovoljan? Zašto je smanjen kad znamo kakav je značaj robnih

rezervi? Kao i moje prethodne kolege imam pitanja za ministricu za nauku visoko obrazovanje mlade Kantona Sarajevo. Interesuju me naravno smanjenja na tekućim transferu neprofitnim organizacijama, tekućem transferu neprofitnim organizacijama nauka i tekući transfer neprofitnim organizacijama inkluzija, na svim stavkama je znatno manji iznos. Mene interesuje ono što je kolega Marjanović pitao, da li će biti smanjena za neke dosadašnje projekte? I s obzirom da je jedina institucija kulture koja je u Sarajevu je li, a financira se iz sredstava Ministarstva za nauku i visoko obrazovanje i kulturu Nacionalna i univerzitetski biblioteka Bosne i Hercegovine koliko sredstava će biti izdvojeno za ovu ustanovu? Zaštita životne sredine upravljanje otpadom, upravljanja otpadnim vodama u 2022. godini 8 000 000 a u '23. 4900 000. Zašto je došlo do ovog smanjenja?

Ministarstvo privredi kapitalni projekti iz šumarstva znatno povećana budžetska sredstva, čak 5200000 interesuje me koji su to projekti planirani?

I u komunalnim djelatnostima prihod od parkirališta na ekonomskom kodu 722427 iznosi 550 000 , interesuje me koji iznos od ovih sredstava je planiran da se uloži u obnovu i rekonstrukciju postojećih parkirališta? Da li je to onih ne znam po zakonu 40 % ili će u ovoj 2023. godine biti nula? Zahvaljujem.

Vibor Handžić (Dopredsjedavajući)

Zastupnice Elza Gaković, izvolite.

Elza Gaković (poslanik/zastupnik)

Zahvaljujem. Obzirom da nisam u Nacrtu budžeta za 2023. godinu primijetila planirana izdvajanja za postavljanje nadzornih kamera na ulazu i izlazu iz Kantona Sarajevo, mene zanima da li je planirano budžetom i ono zaista što bih morala da podcrtam jeste da mi se odgovori u kojoj je fazi izgradnje objekta Uprave policije obzirom da znamo da je nekako postavljeno uspostavljanje videonadzora sa postojanjem takvog objekta. Obzirom da su smanjena sredstva u Budžeta Kantona Sarajevo za 2023. godinu kada je u pitanju prevencija zdravlja građana Kantona Sarajevo mene zanima koji su to programi konkretno prevencije, da li je urađena studija vezano za prevenciju zdravlja građana Kantona Sarajevo i ako može resorni ministar da nam odgovori? Hvala.

Vibor Handžić (Dopredsjedavajući)

Zastupnica Jelena Pekić, izvolite.

Jelena Pekić (poslanik/zastupnik)

Obzirom da smo mi kroz rad komisija imala sam priliku da dosta diskutujem sam s ministrom Delića vezan za stavke ovaj iz budžeta resornog Ministarstva, samo jedno pitanje koje mi je tada ostalo ovaj nekako nedorečeno jest samo da se pojasni Stavka Fond podrška privrednim društvima sa učešćem državnog kapitala interventne mjere u iznosu od 1 350 000 KM. Dakle pojašnjenje na šta se konkretno odnosi, a već je kolegica Vedrana pitala vezano za 7 000 000 za poticaj razvoju male privrede, pa evo možda neka tu detaljnija pojašnjenja konkretno na koje programe u skladu sa Zakonom o poticaju maloj privredi. Hvala.

Vibor Handžić (Dopredsjedavajući)

Zastupnik Kenan Magoda, izvolite.

Kenan Magoda (poslanik/zastupnik)

Zahvaljujem dopredsjedavajući. Manje-više moje kolege su postavili mnoga pitanja na koja sam ja želio čuti odgovor, međutim ono što me zanima Ministarstvo privrede postavljam pitanje uvaženom ministru Deliću. Centar za napredne tehnologije u Sarajevu od ukupnog Nacrt budžeta 1 773 000, 028 KM. 70 % budžeta odlazi na plaće i naknade i ostale materijalne troškove, a ima jedna stavka koja me zanima je nabavka višenamjenskog tačko vozila 500 000 KM. Pa me samo zanima ko je to vozilo i za koje svrhe se koristi eto.

Vibor Handžić (Dopredsjedavajući)

Zahvaljujem zastupniku Magodi. Zaključujem ovaj dio koji se tiče pitanja s obzirom da se niko od zastupnika i zastupnica više nije javio. Sada s obzirom da članovi Vlade moraju pripremiti odgovore na ova vaša pitanja i s obzirom da po mojim informacijama dio Vlade u 3 sata ima sastanak u Turskoj ambasadi, a vezano za ova dešavanja za koja svi dobro znamo, predlažem da sada napravimo ovu jednu malu dužu pauzu o kojoj se Skupština Kantona Sarajevo mora izjasniti. Dakle moj prijedlog je da pauza bude do 16,00 sati.

I molim vas da glasamo o tome. Ne možemo prije odgovora.

Hajde molim vas da se izjasnimo.

Možete se izjasniti o pauzi samo. Ajte kolega Deviću.

Možete li se samo izjasniti o pauzi jeste li za ili protiv ili nećete?

Kolega Deviću žao mi je što niste bili tu dok sam dao obrazloženja. Dakle Vladi treba vrijeme da se pripremi za odgovore na pitanja i Vlada, dio Vlade u 3 sata ima sastanak u Turskoj ambasadi vezano za događaje koji su se desili. Ako za to nemate razumijevanje, izvolite glasati protiv pauze.

Molim vas da se vi samo izjasnite. Šta je bilo?

Možete li molim vas ponoviti anketu za glasanje zato što se dio zastupnika želi da ne može uopće karticu da ubaci.

Sad će se restartovati. E sad izvolite glasovati.

Mirsad Mahmutović (radnik iz tehnike)

Znači kad se pokrene glasanje nema manipulacije s karticama, ukoliko se kartica izvuče pravi problem ili ako se nakon toga ponovo ubaci.

Elvedin Okerić (Predsjedavajući)

Dajte vi meni rezultate.

Sa 18 glasova za i 2 suzdržana. Pauza do 16 sati. Zahvaljujem.

NASTAVAK NAKON PAUZE

Elvedin Okerić (Predsjedavajući)

Nastavljamo dalje sa sjednicom. Skupštine Kantona Sarajevo.

Zamolio bi ministricu i ministre da ponude odgovore na postavljena pitanja zastupnika.

Evo, prvi se javlja za ministar Omer Osmanović. Izvolite imate riječ.

Omer Osmanović (ministar)

Hvala. Poštovani zastupnici i zastupnice, poštovani gledatelji Kantonalne televizije selam alejkum i dobar dan i odmah bi se ovom prilikom zahvalio uvaženoj zastupnici Marijeli Hašimbegović na postavljenom pitanju u vezi Nacrta budžeta gdje se vidi da je uvažena zastupnica pročitala i prostudirala Nacrt i uvidjela gdje su mogući neki nedostaci. A ona je tada pitala da li su obezbijedena sredstva, dovoljna sredstva za dženaze, sahrane ovih umrlih boraca, kao i za banjско liječenje. U Nacrt Budžeta moram reći da je to 1 agregirana pozicija gdje je 8. 200 000 na jednoj poziciji koja se zove jednokratne pomoći i u okviru te pozicije su predviđena sredstva za dženaze i sahrane, gdje smo prošle godine samo imali preko oko 5. 800 000 maraka i imamo trend povećanja izdvajanja sredstava za to. Također na toj poziciji su nama jednokratne pomoći za liječenje, jednokratne pomoći za socijalne potrebe, također tu nam je pomoć za optužene naše pripadnika Armije i MUP-a. Tu su nam također liječenje u inostranstvu, priključci za infrastrukturu i mi smo na toj poziciju prošle godine imali preko 11 000 000 maraka tj. sada u Nacrtu je 3 miliona i nešto, tako da se nadam da će po ovoj poziciji da ćemo imati razumijevanja od zastupnika Skupštine Kantona, kao što smo i dosad uvijek ima za boračku populaciju da će biti uvaženi neki naši prijedlozi i da će nekim preraspodjelama da ćemo na tu prvu poziciju prebaciti određena sredstva. Također za banjско liječenje uvažena zastupnica je primijetila da imamo skoro duplo manje sredstava. Također mi smo to na Vladi razmatrali, tu je uvaženi ministar financija rekao da ćemo pokušati u Prijedlogu budžeta da ćemo pronaći određena sredstva da bi boračka populacija ne bi osjetila ovu silnu, silni udar na Budžet Kantona Sarajevo koji se odnosi kroz ovaj ponder i tih 110 miliona manje i kroz ove plate za budžetske korisnike, tako da ovom prilikom se zahvaljujem i nadam se da će amandmanima zastupnici uputiti u sljedećem periodu i da ćemo na ovaj način popuniti budžet prema bračkoj populacije. Također ovom prilikom se zahvaljujem dopredsjednici Danijeli Kristić gdje je ona također primijetila da smo izdvojili 300 000 u Nacrtu za dnevnu bolnicu na Psihijatri gore za oboljele od PTSP-a, kao i ovom prilikom bih napomenuo razumijevanje od kompletne Vlade i ministra financija gdje smo u Nacrtu Budžeta ugradili za veteranski odjel u bolnice u Kantonalnoj bolnici milion maraka. Hvala vam još jednom. To su bili odgovori koji su bili upućeni prema Ministarstvu za boračka pitanja.

Elvedin Okerić (Predsjedavajući)

Ministrica Naida Hota-Muminović, izvolite imate riječ.

Naida Hota-Muminović (ministrica)

Hvala lijepo. Uvaženi predsjedavajući, dopredsjedavajući, uvažene zastupnice i zastupnici, ministri i ministrice, vršiteljica dužnosti premijera Kantona Sarajevo i građani Kantona Sarajevo. Zadovoljstvo mi je što je skupštinska komisija za obrazovanje usvojila zaključak povodom ovog Nacrta u smislu da se ne bi trebalo ići ispod postignutih standarda koje smo ostvarili u protekloj budžetskoj godini, dakle 22. godini kada je u pitanju budžet Ministarstva za odgoj obrazovanje. A to će nam umnogome pomoći kada budemo nakon javne rasprave objedinjava priloge javnoj raspravi i kreirali prijedlog budžeta. Uvaženi zastupnik Elvis Vreto pitao je za Osnovnu školu Stup tim povodom htjela bih reći da smo mi u ovoj budžetskoj godini '22 izdvojili 1 900000 konvertibilnih maraka za ovu školu. Nakon što su pribavljene sve dozvole krenut će se u proceduru javne nabavke kako bi se krenulo u izgradnju ove škole na koju ovo naselje dugo čeka i zaista postoji velika potreba jer je to jedno od naselja koje brzo raste. U ovoj budžetskoj godini mi nemamo uopće predviđenu stavku. Mi smo se ovdje najviše

fokusirali na budžetska sredstva a izgradnja novih objekata uglavnom se financira iz kreditnih sredstava, tako da se nadam da ćemo kroz kreditno zaduženje otvoriti ovu stavku u budžetu Ministarstva za odgoj obrazovanje jer naravno 1 900 000 neće biti dovoljno. Uvažena zastupnica Hašimbegović pitala je za sredstva da li će biti izdvojena sredstva za tehničku kulturu ,odnosno za inovacije. Mi smo sugerirali da se u prijedlogu budžeta uvrsti agregirana stavka koja bi se općenito odnosila na kurikularnu reformu jer ovakva vrsta inovacija, odnosno potreba da se sagledaju i ove vrste poduzetničkih kompetencija , kao i kompetencija u smislu STEM obrazovanja definitivno spada u tu oblast tako da nećemo ići previše usko ali da će to biti 1 od prioriteta u jačanju ovih STEM vještina kod učenika i znanja, naravno da hoće. Uvaženi zastupnik Marjanović pitao je vezano za stavke za udžbenike za učenike koje smo kao standard uveli u ovoj prošloj budžetskog godini. Mi smo planirali dakle sredstva za nabavku udžbenika , kroz program utroška se to detaljno precizira što je zapravo i smjer koji nam je sugerisan iz Ministarstva financija sa iz Vlade Federacije Bosne i Hercegovine. Ali je ohrabrujuće saznanje da je usvojen amandman na budžet Federacije koji predviđa novčana sredstva Kantonima za nabavku udžbenika za učenike od prvog do četvrtog razreda, tako da nam je zaista drago što to postaje standard za sve učenika a ne samo za učenike koji su u stanju socijalne potrebe i nama ostavlja mogućnost da onda taj novac preusmjerimo dakle i na starije razrede u srednjoj školi, ukoliko to bude moguće. Uvaženi zastupnik Samir Avdić je pitao za projekte rekonstrukcije kroz '22. godinu i ima li ih sada u ovom budžetu. Mi dakle u ovom Nacrt Budžeta nemamo dakle nikakvih projekata rekonstrukcije dozvoljenih, odobrenih, odnosno upisanih. Imamo ih samo agregiranoj stavci rekonstrukcija i investiciono održavanja 800 000 konvertibilnih maraka što je više u odnosu na ranije godine koje su bile 200 000 konvertibilnih maraka ali apsolutno nisu dovoljne. I za izradu projektne dokumentacije koja prethodi recimo projektima rekonstrukcije i investicijskog održavanja. U '22. godine mi smo imali velike poduhvate u tom smislu, već smo spomenuli školu Stup sa 1 900000. Školu Zahid Baručija gdje je Kanton izdvojio 2 miliona i 850 000 za dogradnju i rekonstrukciju, taj je javni poziv raspisivan 3 puta i nažalost nije uspješno provedena javna nabavka, prema zadnjim saznanjima koje imamo, u toku je žalbeni postupak ponuđača. Osnovna škola Pofalići nije prošla kroz kreditno zaduženje u prošloj godini ali je takođe tačno da i škola nije nije još uvijek izdala sve potrebne dozvole za gradnju. Nadam se da ćemo kroz kreditna sredstva osigurati početne iznose za Osnovnu školu Pofalići. Također Grafička škola, rekonstrukcija Grafičke škole. Riječ je dakle u prostoru koji je će biti rekonstruiran za potrebe Muzeja Obrazovanje pod opsadom i tu smo osigurali 1 000 000 konvertibilnih maraka u budžetu '22. godine i trenutno se rješavaju pitanja projektne dokumentacije. Eto toliko, mislim da sam obuhvatila sva pitanja koja su mi bila upućena. Hvala.

Elvedin Okerić (Predsjedavajući)

Zahvaljujemo se uvaženoj ministrici Naidi Hota-Muminović. Uvažena ministrica Ivana Prvulović se javila za riječ, izvolite.

Ivana Prvulović (ministrica)

Uvaženi predsjedavajući zahvaljujem se. Pozdravljam zastupnike i zastupnice Skupštine Kantona Sarajevo i građane Kantona Sarajevo koji prate rad današnje sjednice skupštine. Pitanje za Ministarstvo za rad socijalnu politiku raseljena izbjeglice Kantona Sarajevo uputila je uvažena zastupnica Viteškić koja je primijetila da na poziciji, agregiranoj poziciji pod nazivom socijalni projekti bilježimo u Nacrtu Budžeta Kantona Sarajevo za 2023. godinu uvećanje u odnosu na 2022. godinu. Planirana su sredstva u iznosu od 1 524 700 konvertibilnih

maraka u odnosu na prošlogodišnju realizaciju od 474. 200 konvertibilnih maraka. Razlika sredstava se ogleda u razlici na pod pozicijama koje se tiču projekata iz oblasti rada, socijalne politike, raseljenih lica i izbjeglica na kojoj su sredstva uvećana za oko 40 000 konvertibilnih maraka, sufinansiranje rada humanitarnih organizacija na kojoj poziciji su sredstva uvećana za oko 10 000 konvertibilnih maraka i na projektu uklanjanja arhitektonskih barijera za osobe sa poteškoćama u kretanju na kojoj su sredstva uvećana za oko 1 000 000 konvertibilnih maraka. Hvala lijepa.

Elvedin Okerić (Predsjedavajući)

Zahvaljujem ministrici Prvulović. Zastupnik, pardon uvaženi ministar Adnan Delić, izvolite imate riječ.

Adnan Delić (ministar)

Zahvaljujem predstavljajući. Pozdravljam sve zastupnice i zastupnike Skupštine Kantona Sarajevo. Ja sam imao nekoliko pitanja, nadam se da nisam ništa izostavio od toga. Prva 2 pitanja je uputio uvaženi zastupnik Rusmir Pobrić. Prvo se odnosilo na podršku start up subjektima male privrede na području Kantona Sarajevo. Obzirom da ta stavka nije izdvojeno definirana u budžetu za 2023. godinu, u suštini ona nikada dosad nije bila izdvojena iz ovog Programa poticaja razvoju male privrede, odnosno mikro malim i srednjim poduzećima na području Kantona Sarajevo i uvijek se kreira budžet za ovaj jedan od 11 programa, koliko ih je bilo u 2022. godini na osnovu raspoloživih sredstava. Meni je žao što Kanton Sarajevo ima umanjene prihode po odnosu umanjenja umanjenja pondera tako da su evo budžeti u svim ministarstvima bili umanjeni, ali evo moram da podijelim ovu stvar sa svim zastupnicima i da kažem da je ova podrška znači kroz poticaj mikro malim i srednjim poduzećima jedina podrška privatnom sektoru u budžetu Kantona Sarajevo a privatni sektor najvećim dijelom puni budžet od prihoda, odnosno poreza na dobit, poreza na dohodak, indirektnih poreza i da je veoma važno taj budžet zadržati, evo ako ne u Nacrtu onda u prijedlogu na nivou koji je bio 2022. godine. On je iznosio 8 892 000 KM i kolegica zastupnica je također imala slično pitanje vezano za ovu temu pa da se ne ponavljam reći ću da ovaj program podrške maloj privredi sadrži 10 programa. U okviru tog programa imamo kreditnu liniju po najpovoljnijim uslovima za sve subjekte male privrede na području Kantona Sarajevo po 100 % subvencioniranim kamatnim stopama kod 3 komercijalne banke tako da se naši privredni subjekti mogu zadužiti uz pomoć Kantona i to je ja mislim 1 od najpovoljnijih i najbolji kreditnih linija u državi i šire. I pored tog programa koji se odnosi na kreditna sredstva imamo programe koji se odnose na grant sredstva. To podrazumijeva da svaki privrednih subjekata koji želi da tehnološki moderniziraje svoju proizvodnju kupujući nove alate, mašine, sredstva za rad, može da ostvari Grant sredstva, ujedno može da tu mašinu kupi na kredit koji mu garantuje znači Kanton Sarajevo. Tu imamo programe tehnološke modernizacije, uvođenja standarda kvalitete ISO i svega ostalog, digitalne transformacije, digitalizacije, razvoja ženskog poduzetništva, sufinansiranja kamatnih stopa po preuzetim kreditima. Mnogo je programa i svi oni budu adekvatno iskomunicirani sa privrednim subjektima. U ove 2 godine smo povećali nivo implementacije ovih programa i veoma je važno da ovaj budžet ne bude manji nego je bio u prethodnim godinama. Kao što sam rekao ovo je jedina stavka putem koje Vlada odnosno Skupština Kantona Sarajevo daje podršku onima koji pune Budžet Kantona Sarajevo i onima koji doprinose znači prihodima Kantona Sarajevo. Drugo pitanje uvaženog zastupnika Pobrića se odnosilo na mjere podrške mladima na području Kantona Sarajevo i mi smo pokrenuli shodno tim zaključcima Skupštine Kantona Sarajevo pokrenuli određene aktivnosti a najvećim

dijelom se to odnosi na uspostavljanje Centra za preduzetništvo u okviru kojeg planiramo da imamo preduzetnički inkubator koji u pravom smislu riječi podrška svim novim start up subjektima male privrede kojima u prvim godinama njihovog postojanja najvažnije mentorska pomoć pored ove financijske koju mi izdvajamo. U protekloj godini mi smo izdvojili 1 000 000 konvertibilnih maraka i osnovali 45 novih start-up subjekata male privredna na području Kantona Sarajevo. Tim start up subjektima male privrede neophodan prostor u kojem će imati apsolutno zagaranтовanu podršku u svim segmentima poslovanja. Pored ovog financijskog dijela njima je potrebno mentorstvo iz oblasti prodaje, marketinga, odnosa sa klijentima, pozicioniranja na tržištu i svega ostalog. Neformalno imamo dogovor oko prostora koji bi trebao da se nalazi u našem Javnom Kantonalnom preduzeću Centar Skenderija. Na Vladi je prošao 1 dokument i zaključak Vlade koja odobrava studiju ekonomske opravdanosti uspostavljanja jednog takvog centra i na Skupštini prekinutoj Kantona Sarajevo se nalazi tačka dnevnog reda koja se odnosi na širenje djelatnosti Centra za napredne tehnologije, obzirom da je bilo pod postavljenih pitanja na tu temu. To je preduslov znači uspostavljanja ovog Centra za preduzetničkog inkubatora širenjem djelatnosti Centra za napredne tehnologije. Planirano je da taj Centar za poduzetništvo bude u njihovoj nadležnosti i ingerenciji. Također Centar za napredne tehnologije, pošto se radi o javnoj ustanovi, planirano je da mu se pridodaju nadležnosti istraživanja prirodnih resursa i bogatstava na području Kantona Sarajevo, obzirom da za to uglavnom se raspisuju određeni javni poziv i angažuju privatne kompanije. Mi želimo da kao Kanton brinemo o svojim prirodnim resursima kako bi na najbolji mogući način i zaštitili i ja se nadam evo da ćemo uspjeti u ovim u ovim namjerama. Što se tiče sljedećeg pitanja, ono je bilo upućeno od uvažene zastupnice Sanele Klarić vezano za poljoprivredu i ovo su možda i dvije najvažnije stavke u Ministarstvu privrede koje nose možda najveći dio budžetskih sredstava, ne računajući namjenska i kreditna sredstva. Budžet za poljoprivredu je nažalost u Nacrtu umanjen za skoro 1 000 000 konvertibilnih maraka u odnosu na 2022. godinu kada je planirano 7 miliona a implementacija je bila 7 miliona i 850 000 konvertibilnih maraka, ne računajući projekat se osjemenjavanja iz poljoprivrede koji smo pokrenuli. I mislim da ne treba trošiti riječi kada je poljoprivreda u pitanju. Mi smo u dodatnim zahtjevima koje smo uputili Ministarstvu financija, ali uz potpuno uvažavanje razumijevanje znači trenutne situacije, naravno pristali smo da u Nacrtu bude ovako, ali ja se nadam da ćemo ili u prijedlogu ili kasnije podići sredstva za poljoprivredu. Ona moraju biti minimalno 10 000 000 konvertibilnih maraka da bi pokrili sve gubitke koje poljoprivrednici imaju usljed znači poskupljenja cijena đubriva, goriva i svega ostalog, a da ne spominjemo znači česte poplave koje uništavaju usjeve, da ne spominjem znači čestu sušu koja uništava sve ono što ti poljoprivrednici znači urade. Dosta toga se uradilo. Drago mi je da smo spustili materijal za novi Zakon o poljoprivrednim poticajima i ruralnom razvoju na području Kantona Sarajevo. On sam treba da bude zakonska osnova za povećanje s povećanjem izdvajanja za poljoprivrednu proizvodnju. Sljedeće pitanje je bilo od uvažene zastupnice Danijele Kristić, odnosi se na stavku u Budžetu 13 milijuna konvertibilnih maraka za ZOI i kao što ste primijetili radi se o kreditnim sredstvima. Mi trenutno u ove 2 godine smo iz Ministarstva privrede financirali točno 24 000 000 konvertibilnih maraka, ne uzimajući neke druge stavke koje evo sad ne želim da spominjem, u razvoj infrastrukture i revitalizaciju olimpijskih borilišta na Bjelašnici i Igmanu. Drago mi je da ove sedmice imamo 2 Europska prvenstva, jedno je europsko prvenstvo u nordijskim ski disciplinama za šumare tehničare iz čitave Europe. Obnovili smo Strelišta uradili nove staze, kupili ratrake nove, znači omogućili da vratimo i sjaj olimpijski Igmanu ali i da vratimo taj sport koji Kanton Sarajevo odnosno Grad Sarajevo mora

da ima. Mi trenutno imamo od ZOI-ja skoro 100 000 000 zahtjeva kada e infrastruktura u pitanju i ja mogu sad ovdje da pročitam sve te projekte, ali mislim da nema smisla između između ostalih poštuje zastupnica pitala da li ćemo imati gondolu. Ta gondola je planirana znači u ovim narednim godinama. Vrijednost izgradnje gondole je 35 000 000 konvertibilnih maraka. Ja se nadam da ćemo sva sredstva koja smo uložili u narednim godinama mnogostruko vratiti kroz direktne i indirektno prihode i ZOI i svih onih koji na neki način imaju prihode po osnovi znači dolaska turista i svega ostalog. Uvažena zastupnica Vujović i ostali su traži obrazloženje umanjnja iznosa na maloj privredi. Mislim da sam u mnogome objasnio tu stavku. Naš prijedlog je svakako bio 8,9 miliona i nadam se da ćemo to popeglati u znači ili prijedlogu, to je zakonska obaveza Kantona Sarajevo, to nije naša želja. Mi imamo Zakon o poticanju razvoja male privrede koji u jednom od članova kaže da je Vlada Kantona odnosno Skupština dužna da izdvoji od 0,5 do 2 % od ukupnih znači prihod Kantona Sarajevo. Ovdje je sad bilo više pitanja od uvažene zastupnice Admele Hodžić. CMT razlika u prihodima. Ja moram da kažem da Javna ustanova Centar za napredne tehnologije nema prihoda, da je to Javna ustanova koja je kreirana dogovorom Kantona i Federacijom, ali nažalost ostavljena je na milost i nemilost Kantona i mi smo se potrudili da sredstva koja izdvajamo ne budu bačena samo u uvodu nego da taj Centar za napredne tehnologije ima određene aktivnosti i doprinos ovom društvu. Možda nije tema sad ovako javno da pričamo šta to sve centar radi ali izvještaj Centra za napredne tehnologije već pušten na Skupštinu Kantona Sarajevo i imat ćete priliku o njemu da raspravljate. Uvaženi zastupnik Kena Magoda je postavio pitanje vezano za višetaktičko vozilo. To je bila namjera da Centar za napredne tehnologije izradi 1 takvo vozilo za MUP Kantona Sarajevo iz kreditnih sredstava, ali je MUP Kantona Sarajevo nažalost odustao od tog projekta. Ja se nadam evo da ćemo na neki način uspjeti da realiziramo i takve takve projekte pošto u Centru za napredne tehnologije sigurno da imamo i znanje i iskustvo da se to da se to uradi. Uvaženi zastupnik Samir Avdić je pitao za stavku u budžetu 1 000 000 konvertibilnih maraka za azil u Praći. Planirali smo znači da u okviru naših ustanove terapijska zajednica uspostavimo novi azil za nezbrinute pse i mačke. Kapacitet je 300 pasa i 100 mačaka. Mi smo izdvojili znači planirali sredstva u budžetu. Terapijska zajednica ima gotov građevinskih projekat. Mislim da je to win-win kombinacija i za rješavanje javnog veterinarskog zdravlja na području Kantona Sarajevo obzirom da u protekle 2 godine provodimo akcije humanog zbrinjavanja pasa preko projekta sterilizacije i kastracije i čipovanja pasa i mačaka. I pored toga znači raspisan je javni poziv za renoviranje azila u Praći i to je bilo pitanje sljedeće. Uloženo je odnosno obezbijedena su sredstva od 1 900 000 konvertibilnih maraka i to podrazumijeva potpuno renoviranje znači samog azila u Praći i povećanje njegovog, njegovog kapaciteta. Ima.

Elvedin Okerić (Predsjedavajući)

Dostavite pismenim putem.

Adnan Delić (ministar)

OK.

Elvedin Okerić (Predsjedavajući)

Ja se zahvaljujem na kratkim i konciznim odgovorima ministra Adnana Delića a sada nam se prijavio uvaženi ministar Admir Katica, izvolite imate riječ.

Admir Katica (ministar)

Hvala lijepa predsjedavajući. Lijep pozdrav svim građankama i građanima Kantona Sarajevo svim zastupnicama i zastupnicima u Skupštini Kantona Sarajevo. Imao sam više pitanja, pa evo krenut ću redom. Uvažena zastupnice Kristić je imala pitanje vezana za stavku koja se odnosi na izdatke u školovanju koja je umanjena. Tu su radi uglavnom o logici tog zapošljavanje policijskog kadra. Mi smo imali prijem policijskih službenika njih 197 u protekloj godini. Oni se nalaze na obuci do mjeseca juna, nadam se da će se naći na ulicama Kantona Sarajevo i davati sigurnost građanima Kantona Sarajevo. Dok s druge strane Vlada Kantona Sarajevo u novembru odobrila novo upošljavanje policijskih službenika i to 250 u činu policajac i 36 u činu mlađi inspektor. Ta procedura još nije započeta od strane Uprave policije, nije raspisan još javni konkurs i nadam se da će uskoro, ali bilo kako bilo, ove godine neće sigurno biti školovanja na Policijskoj akademiji povodom tog konkursa, pa to je logika zašto je ova stavka dakle umanjena. S druge strane i ova stavka vezana za nabavku policijskih uniformi, vi poznajete to znate to da je da je nabavka jedinstvenih policijskih uniformi, nabavka jedinstvene policijske uniforme regulirano Uredbom o jedinstvenim policijskim uniformama. Više sam puta pričao o tome. Postojala je inicijativa policijskog komesara da se to pitanje, da se izmjeni Uredba, pokrenuo je to pitanje na nivou foruma svih policijskih komesara u Federaciji Bosne i Hercegovine zajedno sa direktorom Federalne uprave policije i odlučilo se krenuti u taj pravac i trenutno posljednjih nekoliko godina nije nabavljana uniforma za policijske službenike, što je odluka Uprave policije zajedno sa sindikatom policije Kantona Sarajevo. Obzirom da nije izvršavana ova stavka u prethodnom periodu i to je razlog zašto je ova stavka smanjena, ali svakako ćemo u ovom periodu transformacija od Nacrta prijedloga, ja sam već pripremio prijedlog da se to dakle ubaci u prijedlog budžeta Kantona odnosno MUP-a Kantona Sarajevo ovaj, a nadam se da će se ta Uredba uskoro usvojiti da će. Uprava policije krenuti u nabavku neophodnih uniformi za policijske službenike. Sa prethodnim pitanjem odnosno pitanjem školovanja i pitanjem upošljavanja policijski kadrova povezano je pitanje uvažene zastupnice Admele Hodžić koje se odnosi na ovu razliku između 1 749 i 1858, koliko je bilo prošle godine i 1749 ove godine. To vam je u suštini ono na što mi već duže vrijeme upozoravam, dakle dolazi već osjetno do odliva kadrova iz MUP-a Kantona Sarajevo, taj će se proces pojačati u narednom periodu i to je jedan od razloga zašto smo mi kao Vlada Kantona Sarajevo smo za masovno zapošljavanje mladih ljudi u policiju a neophodan uslov je dakle i ovo unapređenje policijskih službenika kako bi se oslobađala mjesta za mlade policijske službenike. To je jedan proces koji moramo dodatno maksimalno pojačati u narednih nekoliko godina počev od sad. Dakle da zadržimo policijski kadar, da zapošljam jer kao što vidite veliki broj ljudi, njih preko 100 otišao u penziju ili na drugi način otišao iz Ministarstva unutrašnjih poslova Kantona Sarajevo i to je najverovatnije ustvar penzionisanje koje u suštini kao organizacija ne možemo predvidjeti je to vezano za upisivanje ratnog staža od strane pojedinih policijskih službenika koji to po svom dakle po svojoj volji hoće ili neće uraditi. Pitanje uvažene zastupnice Marijele Hašimbegović vezana za objekat Ministarstva unutrašnjih poslova odnosno sjedišta Uprave policija. Ja mora reći da smo mi zajednički i MUP i policijski komesar došli do zaključka da bi idealna lokacija za MUP bila u ulici Kolodvorska zgrada koja je ruinirana zgrada, koja je vlasništvo Javnog komunalnog preduzeća Vodovod i kanalizaciju. Međutim pored napora mi nismo mogli taj taj prijedlog do kraja realizirati zbog postojanja određenih tehničkih problema. Ja nadam se da će se ti tehnički problemi otkloniti. Ako se ne otklone onda ćemo morati vrlo brzo ići u promjenu ideje o lokaciji Ministarstva unutrašnjih poslova jer to je siguran sam za budućnost jedno od strateških pitanja i to ne samo pitanje

zgrade Ministarstva unutrašnjih poslova u sjedištu, već i zgrada i pojedinih policijskih uprava, posebno kritičnih Novo Sarajevo i Ilidža. Dakle to će biti sigurno u narednom periodu nešto što će biti u žiži u interesu Ministarstva unutrašnjih poslova. Vezano za pitanja uvažene zastupnice Gaković vezano za kamere na ulazima i izlazima. Ja ću da vas informišem da smo mi još 2019. godine pokrili ulaze i izlaze u Kanton Sarajevo videonadzorom. Dakle tu je bila jedna hitna mjera u borbi protiv auto-kriminala na području Kantona Sarajevo koji je bitno smanjen na području Kantona Sarajevo, to više nije problem. A pitanje kriminaliteta vezanog za auto kriminalitet dakle nije izraženo, kako zbog ove činjenice, tako zbog pojačane aktivnosti policije po ovome pitanju. Tako da to je to, to je pitanje riješeno dakle što se tiče ulaza i izlaza u Kanton Sarajevo, a vezano za objekat nadam se da sam već odgovorio. Hvala vam.

Elvedin Okerić (Predsjedavajući)

Zahvaljujem se uvaženom ministru Katici.

Uvažena v.d. premijerka Darja Softić-Kadenić, izvolite imate riječ.

Darja Softić-Kadenić (ministrica – v.d. premijerka)

Hvala lijepo. Evo sada prvo zvanično obraćanje danas. Lijep pozdrav svim zastupnicama i zastupnicima u Skupštini i gledateljima koji prate prenos Skupštine na televiziji. Pitanje zastupnice Danijele Kristić vezano za činjenicu da broj zaposlenih u Kantonalnoj upravi za inspeksijske poslove nije povećan u Nacrtu Budžeta. Kad mahom brojevi uposlenih ne samo u KUIP-U nego i u drugim ovaj organima uprave nisu povećani u Nacrtu Budžeta. Ali su ušli u Nacrt prema zahtjevima kako su ih ti dati organi odnosno budžetski korisnici komunicirali prema Ministarstvu financija. Dakle u ovom slučaju je preuzet zahtjev onako kako je iz KUIP-pa ovaj kako je iz KUIP-a upućen i nije Vlada intervenirala autom u tom smislu. To stoji opredjeljenje Vlade koje je višekratno konstatovani u smislu opredijeljenosti da se dodatno kapacitirati Kantonalna inspekcija za, ovaj Kantonalna uprava za inspeksijske poslove. To nije sporno, činjenica da smo sada u Nacrtu postupili ovako kako jesmo i da su ga budžetski korisnici postupili na način da su se morali uklapati u okvire koji su bili zadati i da jednostavno nije bilo prostora za koji se nadamo da ćemo naći nekog dodatnog prostora u ovoj fazi između između ovaj Nacrta i prijedlog da interveniramo u ovim situacijama u kojima je to neophodno potrebno. Pitanje zastupnice Marijele Hašimbegović u vezi sa fazom u kojoj se nalaze pregovori sa sindikatima kratko ću reći da je nakon što je na Skupštini izglasana inicijativa vezana za nastavak dijaloga sa sindikatima Vlada uputila ovaj poziv Koordinaciji sindikata za sastanak koji je zakazan za sutra u 14 sati u cilju nastavka ovih pregovora. Međutim ono što je važno reći da je već u Nacrtu faktički ugrađeno određeno povećanje plata u iznosu od 26 miliona. Ono što je predmet razgovora i predmet negodovanja sindikata jeste mehanizam na koji je Vlada ponudila da se realizira to povećanje kroz povećanje boda posredstvom unošenja boda u Zakon o izvršenju budžeta. Sindikati imaju drugačije zahtjeve i insistiraju na linearnom povećanju i u suštini se predmet pregovora vodi u tom kontekstu, a ne toliko samo oko samog iznosa. Ali kao što rekoh sutra ovaj je zakazan nastavak pregovora sa Koordinacijom sindikata, uz to su otvoreni trenutno pregovori sa još posebno još pregovori sa 2 sindikata. Pogotovo sa sindikatima komunalne privrede koji nije član Koordinacije sindikata do kraja mjeseca februara. U pogledu pitanja koja je postavila uvažena zastupnica Admela Hodžić u vezi sa dodatnim zapošljavanjima planiranim u Uredu za borbu protiv korupcije. Ovdje ću reći mada ne Vladam ova je predetaljnim informacijama ali evo iskoristit ću priliku da u ime ovaj da kao ministar pravde ovdje odgovorim. Ured za borbu protiv korupcije je s obzirom na Zakon o

prevenciji suzbijanju korupcije dobio niz novih nadležnosti za čiju implementaciju već u samoj u izradi teksta zakona i onim obrascima koje smo planirali planirano određeno dodatno zapošljavanje od 5 ovaj izvršila na raznim pozicijama vezanim za te nove nadležnosti za provođenje ovog Zakona. Uz to su još planirana 3 izvršioca i to 2 vezana za kontrolu javnih nabavki. U ovom kontekstu je Ured uspostavio određenu komunikaciju sa Agencijom za javne nabavke. Agencija za javne nabavke je ocijenila jako korisnim aktivnosti koje provodi Ured za borbu protiv korupcije u ovom kontekstu i cijeneći da imaju izuzetno dobre kapacitete za to, za razliku od Agencije koja nažalost nije ni kadrovski ni što se tiče opremljene, ni na bilo koji drugi način dovoljno kapacitirana da na nivou države adekvatno nadzire taj ogromni broj postupaka koji se provode gdje je uspostavljen taj neki vid sinergije i zajedničke saradnje, s tim u vezi Ured jača svoje kapacitete u ovom u ovom praksa dodatno 2 izvršioca. Još je 1 na poslovima samo trenutak, to sam sad zapisala ali sam zaboravila tačno koji je, koji je sektor. Negdje mi je promakao izvinito. Samo trenutak. A još 1 dodatno vezano za implementaciju Zakona o kontroli i prijavljivanju imovine. Što se tiče Ministarstva pravde i uprave imamo planirana 4 nova uposlenika. To se vezuje ponajprije za činjenicu da su isto proširene nadležnosti u Sektoru za propise vezane za usvajanje Uredbe o procjeni uticaja propisa tokom prošle godine čija primjena tek ovaj implementacija tek krenula. To pretpostavlja da u pripremi zakona i sad prije svega zakona kasnije i drugih ovaj drugih propisa se provodi posebna procedura procjene uticaja propisa, kako je to već stalna procedura na višim nivoima vlasti, na Federaciji i na državnom nivou. Ovdje Ministarstvo pravde i uprave preuzima dvojaku ulogu, ima ulogu tog tzv. centralno kontrolnog organa i s tim u vezi su potrebna 2 nova uposlenika u Sektoru za propise da bi se ova Uredba adekvatne implementirala. Zatim imamo već određeni zastoj u Sektoru za finansijsko ekonomske poslove s obzirom da u tom sektoru imamo samo jednog izvršioca koji je međutim zadužen i da prati utrošak sredstava pravosudnih organa i dodjelu transfera i isplate prema kazneno popravnim zavodima i psihijatrijskim ustanovama, ekstradicije. Ono što je trend je enormni porast isplata apelantima po odlukama ustavnih sudova i Europskog suda za ljudska prava vezano za kršenje prava na suđenje u razumnom roku. Zatim planiranje, realizacija i izvještavanje budžeta Ministarstva, sve to radi 1 osoba 1 izvršilac koji je naravno ponekad na godišnjem ili na bolovanju što ovaj otvara potrebu za još jednom osobom u ovom sektoru. I u konačnici u Sektoru za upravu koji je po broju predmeta najopterećeniji sektor u Ministarstvu pravde i uprave. U toku prošle godine smo u tom sektoru imali 1586 predmeta, pri tome je 1 stručni savjetnik na porodiljskom odsustvu i pored ovaj poslova koji su vezani za ovaj registriranje udruženja, Sektor se bavi i pripremom materijala vezanih za sindikate. Prema sistematizaciji u tom Sektoru bi trebalo biti 6 osoba, mi imamo trenutno od državnih službenika jednog i jednog na porodiljskom odsustvu i jednog namještenika.

Elvedin Okerić (Predsjedavajući)

Zahvaljujemo se v.d. premijerci. Ministar Adnan Šteta izvolite imate riječ.

Adnan Šteta (ministar)

Hvala predsjedavajući. Dobar dan svima ovdje u sali, dobar dan i našim gledaocima koji nas gledaju. Imao sam 3 pitanja. Prvo pitanje je bilo od zastupnika Devića vezano za projekat obnove voznog parka za javni prijevoz putnika treća faza u iznosu 10.000.000,00 EUR. Radi se o ino zaduženju preko EBRD-a. Pitanje je bilo zašto sredstva nisu da kažemo trošena u ovoj godini nisu planirana ni u protekloj godini, narednoj godini pardon. 24. maja 22. godine, prošle

godine Skupštine je usvojila ovaj Projekat. Ovaj projekat i projekata adaptivnog upravljanja saobraćajem, sa ovim sredstvima idemo u kupovinu dodatnih tramvaja, znači osim onih 15 koje već imamo naručenih jedan od prvih tramvaj treba doći krajem ove godine, idemo u kupovinu dodatnih tramvaja, uzimajući u obzir da ćemo graditi prugu prema Hrasnici. Imat ćemo potrebu za većim brojem tramvaja. Tako da realizacija i utrošak ovih sredstava neće biti 23. godini, bit će 24. pa nadalje, ali mora biti u planu i Nacrtu Budžeta, sutra u prijedlogu jer su sva ino zaduženja tu. Osim ovoga, evo ja napominjem za one za sve one koji možda ne znaju da mi trenutno imamo više od 150.000.000,00 EUR ino kredita EBRD-a i EIB-a trenutno u saobraćaju u Kantonu Sarajevo koje su implementaciji. Radi se o rekonstrukciji tramvajske postojeće pruge, kupovine trolejbusa, kupovani tramvaja, nova pruga koju ćemo graditi prema Hrasnici, trolejbuskoj mreži prema Vogošći, izgradnja prvoga tunela na Kobiljoj glavi koji mi gradimo, spajanje Devete transverzala i autoputa, adaptivno upravljanja saobraćajem koje sam već spomenuo i izgradnja novog depoa za trolejbus na lokaciji gdje trenutno sada imamo trolejbuski depo. Drugo pitanje bilo zastupnice Admele Hodžić vezano za povećanje uposlenika u Ministarstvu saobraćaja sa 25 na 30. Evo nabrojao sam sve kapitalne projekte koje mi radimo, koji se nisu radili u prethodnim godinama. Ministarstvo saobraćaja iz jednog administrativnog Ministarstva prelazi postepeno u razvojno Ministarstvo i 46 % ukupno pozicija Ministarstvu saobraćaja je upražnjeno, tako da u narednim godinama sigurno uz uspostavu svih mehanizama na kojima radimo, centara za upravljanje saobraćajem, ova brojka uposlenika će se morati dodatno povećati. A treće pitanje zastupnika Avdić vezano za isplate tužbi i projekcije za 2023. godinu iz budžeta Kantona Sarajevo. Mi smo u zadnje 2 godine 21. i 22. godini na ime tužbi radnicima Grasa isplatili blizu 43 miliona maraka. Radi se o tužbama naime kolektivnog ugovora 2007. osma, pa nadalje, koji je tada potpisan bez fiskalne procjene. Nisu se te plati isplaćivale tako kako je tada bilo potpisano i radnici su nas tužili i to nam je došlo sada na naplatu. Znači ove 2 godine smo 43 000 000 maraka budžetskih sredstava utrošili na to. Projekcija neka koju imamo iz Grasa jeste da bi u 2023. godine to mogla biti između 9 i 12 000 000 maraka. No ono što je bitno naglasiti, a vjerujem da ste vidjeli kroz budžete i budžetska sredstva da ta sredstva nažalost nemamo u Nacrtu Budžeta za 2023. godinu, kao što nema sredstva za penzionisanje uposlenika koji bi trebalo 2023. godine u Grasu biti nekih četrdesetak. Prošle godine smo 80 ljudi da kažem uspjeli skupiti novce blizu 3 000 000 maraka budžetskih sredstava, dokupiti im staž, to jeste uplatiti ono što im nije uplaćivano od 2009. do 2017. da bi ljudi mogli otići u penziju. Nama će za 2023. godinu i tu trebati dodatna 2 miliona maraka koje nemamo, nažalost opet ponavljam, u Nacrtu Budžeta, tako da 23. godine će biti dosta izazovna po pitanju budžetskih sredstava koji se odnose na isplate tužbi radnika, penzionisanja radnika, a i subvencije pokriće gubitka koje imamo u Nacrtu Budžeta. Hvala.

Elvedin Okerić (Predsjedavajući)

Zahvaljujem se ministru Šteti. Sljedeća je ministrica Aleksandra Nikolić. Oprostite. Ministar Samir Avdić je sljedeći. Izvolite, imate riječ.

Samir Avdić (ministar)

Hvala predsjedavajući. Srdačno pozdravljam sve zastupnice i zastupnike, naravno i gledaoce Televizije Sarajevo, naše građane Kantona Sarajevo.

Više ću se referirati na dvije konstatacije zastupnika Irfana Čengića i zastupnice Marijele Hašimbegović, prije svega u potpunosti pozdravljam ovu inicijativu zastupnika Irfana Čengića da i idemo sa 1 % sredstava za sport i to je nešto što nam može donijeti poseban napredak s

obzirom da u protekle 2 godine mandata pokazali smo da je Kanton Sarajevo odnosno Ministarstvo kulture i sporta zaista bilo jedna velika podrška, kako našim državnim selekcijama, isto tako i klubovima i udruženjima koji egzistiraju na teritoriji Kantona Sarajevo. Klubovi od značaja od značaja za Kanton Sarajevo, a to su 4 pobrojana kluba: košarkaški klub Bosna, rukometni klub Bosna, fudbalski klub Željezničar i fudbalski klub Sarajevo, da se uvedu u klubove od posebnog interesa i da se dodijele sredstva. I ovaj put želim da kažem da su ovi klubovi značajno sufinancirani iz Ministarstva Kantona, Ministarstva kulture i sporta i smatram da kao nekih posebni brendovi našeg Kantona trebaju da imaju takav status. Promocija brenda Visit Sarajevo i to u potpunosti pozdravljam i želim da se referiram na veoma uspješnu saradnju koju sam imao sa bivšim direktorom Turističke zajednice Kantona Sarajevo Kenanom Magodom i smatram da smo kroz naše sportske klubove, reprezentativne selekcije i svi oni koji su bili u sistemu sporta u potpunosti i na kvalitetan način promovirali Visit Sarajevo i iskreno vjerujem da će u budućnosti ova saradnja biti na jednom zavidnom i visokom nivou. Kada je infrastruktura u pitanju, slažem se evo mi smo imali kroz kreditna zaduženja ulagali smo sredstva u razvoj infrastrukture, kako u oblasti sporta, tako oblasti kulture. I konačno da završim kada je zastupnik Irfan Čengić u pitanju, institucije kulture od značaja za Bosnu i Hercegovinu su bile u posebnom fokusu Ministarstva kulture i sporta kada je resorno Ministarstvo u pitanju za 2021. godinu 6 institucija od značaja kulture za Bosnu i Hercegovinu bile su sufinancirane u iznosu od milion konvertibilnih maraka, 2022. - 953 uz jednu reviziju broja zaposlenih i svih potreba, tako da na jedno zajedničko zadovoljstvo institucije žive i egzistiraju i naravno veoma su bitne kako za državu Bosnu i Hercegovinu tako i za Kanton Sarajevo.

Zastupnica Marijela Hašimbegović također se referirala kada je 7 institucija kulture od značaja za Bosnu i Hercegovinu pa evo da se ne ponavljam, nadam se da je odgovor, zadovoljna ovim mojim djelom izlaganja kada su ove institucije u pitanju. Bilo je pitanje da li ćemo nastaviti sa Projektom "Kultura na ulice". Naravno da ćemo nastaviti i iskreno vjerujem da će biti podignut još jedan veći nivo s obzirom da je Javna ustanova Narodno pozorište Sarajevo bila nosilac tog projekta i zaista prošle godine u periodu od mjeseca maja do oktobra uživali smo različitim programskim sadržajima koji su isporučeni, kako građanima Kantona Sarajevo, tako i onima koji su posjetili naš grad. Kada su temeljna udruženja kulture naroda Bosne i Hercegovine u pitanju na dnevnom redu Treće radne sjednice Skupštine Kantona Sarajevo nalazi se Odluka i iskreno vjerujem da će biti usvojena od strane uvažениh zastupnika i zastupnica. I naravno u proteklom periodu od 2 godine su bili također značajno podržani i sufinancirani od strane resornog Ministarstva. I evo za kraj, kada su javne ustanove kulture, njih 13 koji su u nadležnosti Ministarstva kulture i sporta i uvažena zastupnica Marijela Hašimbegović je zaista mogla da svjedoči da saradnja resornog Ministarstva sa svim, kako direktorima, tako i uposlenicima, bila je na jednom visokom nivou uz potpuno razumijevanje i iskreno nadam se da će se to i nastaviti. Evo ulazimo što je ministrica i premijerka Darja Softić-Kadenić izjavila da smo evo u završnoj fazi oko donošenja kolektivnog ugovora kada su uposlenici kulture u pitanju. Iskreno vjerujem da ćemo uspjeti da sve realiziramo i da sredstva koja sam siguran da ćemo obezbijediti bit će nešto na zadovoljstvo, kako nas koji obnašamo izvršnu vlast, tako i građana Kantona Sarajevo. Hvala.

Elvedin Okerić (Predsjedavajući)

Zahvaljujem se ministru Samiru Avdiću. Ministrica Aleksandra Nikolić, umjesto nje pomoćnik. Možete li nam se samo predstaviti zbog stenograma? Izvolite, imate riječ.

Nihad Šeta (pomoćnik ministrice)

Dobra večer. Pozdravljam sviju. Moje ime je Nihad Šeta, ja sam pomoćnik ministrice Aleksandre Nikolić za finansijsko- računovodstvene poslove. Ministrica je nažalost trenutno odsutno, ali evo dobili smo nekoliko pitanja vezano za Ministarstvo za nauku, visoko obrazovanje i mlade i pokušat ću u što kraće ta odgovorim na ista. Pošto su zastupnica Kristić, zastupnica Viteškić i uvaženi zastupnik Marjanović postavili skoro identična pitanja za 2 pozicije koje se nalaze u budžetu Ministarstva tj. za pozicije transfere neprofitnim organizacijama za visoko obrazovanje, odnosno transfere za nauku. Kao i kod svih ostalih Ministarstva, moram napomenuti da je i kod Ministarstva za nauku, visokoobrazovane i mlade došlo do smanjenja budžeta u odnosu od skoro 5 miliona konvertibilnih maraka, tako da se u okviru postojećih sredstava moramo uklopiti i moramo izvršiti sve svoje obveze koje imamo. Uvažena zastupnica Kristić je postavila pitanje vezano za inkluziju. Naime Vlada Kantona Sarajevo je u aprilu 2022. godine donijela poseban program unaprjeđenja inkluzije u Kantonu Sarajevo na osnovu inicijative interresorne radne grupe. Ministarstvo imalo 6 oblasti koje je uspješno završilo i sredstva za tu namjenu u budžetu u 22. godini su bila u iznosu 270 000 konvertibilnih maraka. Svaka od tih radnih grupa je napravila svoj finansijski izvještaj, kao i smjernice za rad u toku 2023. godine, tako da se nadam da će Vlada Kantona Sarajevo od svih radnih grupa iz svih ministarstava preuzeti smjernice i u skladu sa odobrenim sredstvima nastaviti, odnosno donijeti novi program poboljšanja inkluzije u Kantonu Sarajevo. Ukoliko ima potrebe mi možemo zastupnici Kristić dostaviti detaljan izvještaj svih radnih grupa o poduzetim aktivnostima, odnosno o stanju na terenu koji su nalazili. Pošto su nekih od tih hajmo reći zadataka bili izvršenja analize arhitektonske, informacijske, komunikacijske pristupačnosti studenata sa invaliditetom, objektima Univerziteta u Sarajevu, odnosno organiziranje prakse za studente nastavnčkih fakulteta, poboljšanje života studenata s invaliditetom koji se radi skupa u saradnji sa Uredom za podršku studentima s invaliditetom Univerziteta u Sarajevu. I svaka od tih radnih grupa ponavljam imala svoj finansijski izvještaj odnosno smjernice i preporuke za dalji rad. Ukoliko ima potrebe možemo dostaviti pošto su to malo veći materijali od nekih 200- 300 stranica. To je prvo pitanje bilo. Također bilo je pitanje od uvažene zastupnice Viteškić i zastupnika Marjanovića u vezi novčanih sredstava za nauku, odnosno za visoko obrazovanje. Sredstva, zaista je tu došli do nekih samo na te 2 pozicije je došlo do 3,5 miliona smanjenja. Ministarstvo će u okviru svojih mogućnosti, u okviru svojih odobrenih sredstava i dalje da financira Nacionalnu univerzitetsku biblioteku odnosno da prosljeđuje sredstva za nauku. To je to što je bilo vezano pitanje za Ministarstvo. Hvala.

Elvedin Okerić (Predsjedavajući)

Zahvaljujemo se na ponuđenim odgovorima. Uvaženi ministar Haris Vranić, izvolite imate riječ.

Haris Vranić (ministar)

Hvala predsjedavajući. Pozdravljam sve zastupnice i zastupnike i građane koji nas prate putem TV prenosa. Kao što ste mogli vidjeti u ovome Nacrtu budžeta Kantona Sarajevo Ministarstvo zdravstva ima znatno manja sredstva za nekih 11 000 000, tako da praktično svedeno je li što

bi rekli medicinskim žargonom na bazni metabolizam. Nadam se da će kroz inicijative zastupnika i kroz javni kroz javnu raspravu se to znatno popraviti. Imao sam 2 pitanja od uvaženih zastupnica Danijele Kristić i profesorice Gavrankapetanović. Prvo pitanje je bilo od dopredsjedavajuće Kristić se odnosi na dodjelu sredstava za formiranje veteranske bolnice na razdjelu Ministarstva zdravstva. Financijska konstrukcija za formiranje veteranske bolnice koja je inače inicirana od strane Ministarstva boraca, ministra Omerovića, u sklopu u ukupnom iznosu od 1 700 000 konvertibilnih maraka je već zaokružena, s obzirom da je Ministarstvo za boračke pitanja za ovu namjenu u 2023 godini planiralo sredstva u iznosu od 1 000 000 maraka, dok će sredstva u iznosu od 670 000 maraka obezbijediti Javne ustanove Opća bolnica sredstvima od zakona koji su dobili usvajanjem Zakona o financijskoj konsolidaciji. Pitanje zastupnice Gavrankapetanović je bilo da li je Ministarstvo zdravstva pripremlilo prijedlog plana specijalizacije i zašto nema planiranih sredstava za ovu namjenu u Nacrtu Budžeta za 2023. godinu. Aktivnosti na izradi prijedloga plana specijalizacije planirane su za mjesec april 2023. godine kada će biti izvjesno da li će tražena sredstva za ovu namjenu od strane Ministarstva zdravstva biti uvrštena i u Budžet Kantona Sarajevo za 2023. Moram naglasiti da smo mi iz Ministarstva zdravstva u dogovoru sa Zavodom zdravstvenog osiguranja planirali značajna sredstva od nekih 4 000 000 koje bi pokrilo nekih 74 deficitarne specijalizacije u Kantonu Sarajevo, koje bi bile financirane cijelim tokom specijalizacije kroz budžetskog stavku specijalizacija za potrebe javnih ustanova u Kantonu Sarajevu. Nadam se da će ova sredstva biti odobrena tako da ćemo sistemski moći početi rješavati i nedostatak specijalističkog kadra. Drugo pitanje je bilo zašto su umanjena sredstva sa 2,5 milijuna na 1 100 000 na poziciji prevencije očuvanja i unapređenja zdravlja stanovništva Kantona Sarajevo. Ministarstvo zdravstva u zahtjevu za dodjelu sredstava za 2023. godinu planiralo 2,5 milijuna za ovu namjenu. Nacrtom Budžeta sredstva su smanjena primjenom novog modela pondera kao što znate sredstva umanjena za cijeli Budžet Kantona Sarajevo, ali ćemo mi učiniti sve da se ta sredstva ponovo vrate na nivo od prošle godine čime se moglo, čime bi se mogli nastaviti započeti projekti i programi a prvenstveno tu mislimo na projekte koji se bave ranim otkrivanjem karcinoma kod našeg stanovništva. Treće pitanje je bilo zašto nisu planirana sredstva za reprezentivce u sjedećoj odbojci ,misleći se vjerojatno na protetička sredstva. Navedena pozicija je preimenovana , ona dalje postoji u budžetu Kantona Sarajevo u poziciju za zdravstveno zbrinjavanje osoba sa invaliditetom čime je proširena kategorija za dodjelu savremenih protetičkih pomagala a ovdje se prvenstveno će se odnositi za mlade i za radno sposobno stanovništvo. Četvrto pitanje je bilo u vezi nabavke vozila za javnu ustanovu Dom zdravlja u visini od 1 000 000 maraka. Ta sredstva su bila ona su obezbijedena kroz kreditna sredstva za 2023 godinu. Moram napomenuti da su ta sredstva bila delegirana i prošle godine u nešto većem iznosu, međutim ona nisu dobili nisu dobila je li potrebna kreditna odobrenje tako da u prošloj godini se one nisu mogli realizirati, tako da smo ih mi obnovili kroz kreditna zaduženja za ovu godinu s obzirom da i sami znate da je intencija ovoga Ministarstva da se prvenstveno razvija patronažna služba, da se pojačaju vozila koja će se baviti patronažom i približavanjem ljekara i medicinskog osoblja prema pacijentima, a čime bi se dijelom rasteretio zdravstveni sistem. Hvala.

Danijela Kristić (Dopredsjedavajuća)

Zahvaljujem. Ministar Hadžiahmetović.

Enver Hadžiahmetović (ministar)

Hvala. Koristim priliku da pozdravim zastupnice i zastupnike i gledaoce kraj TV ekrana. Kao što su rekli moji prethodnici ministra dakle i budžet ovog Ministarstva je znatno smanjen u odnosu na prošlu godinu, nekih 16 000 000 je manji, tako da smo morali mnoge budžetske stavke smanjiti.

Zastupnik Pobrić je konstatirao i tražio je dakle mišljenje odnosno stav ovog Ministarstva i ministra vezano za zbrinjavanje, stambeno zbrinjavanje mladih gdje je u budžetu predviđeno 500 000 konvertibilnih maraka. Evo mogu da kažem da je i prošle godine također bilo predviđeno 300.000 KM, međutim u preraspodjeli smo o uspjeti osigurati 5 200 000 tako da smo nekih 510 mladih uspjeti da damo subvencije i najamnine ovaj za stanove. Također i '21. godine smo imali slučaj gdje je bilo planirano u budžetu 3.000.000,00 KM a uspjeti smo da osiguramo 11,2 miliona KM. Nadam se da će i ove godine da li sistemom preraspodjele, da li u rebalansu budžeta i i procjene da vidimo koji će to biti broj osigurati dovoljan iznos sredstava za stambeno zbrinjavanje mladih.

Uvažena zastupnica Marijela Hašimbegović postavila je pitanje dokle su došli radovi na kotlovnici Zvijezda. Ova kotlovnica već treću godinu nije opravljena, već treću godinu se objavljuje tender. Prvi je bio 2020 godine, uložena je žalba. Odbor za žalbe odbio itd. 21. godine se niko nije prijavio. 22. godine također bio javni oglas. Ponovo je upućena žalba i trenutno je predmet znači na Uredu za žalbe. Očekujemo da će se to riješiti. Inače za ovu kotlovnicu mi smo stavili dakle planirali smo budžet čini mi se oko 2,5 milijuna KM, tako da sredstva su osigurana i čekamo povoljan ishod ovog javnog poziva odnosno tendera.

Također ista zastupnica je pitala iz kojih sredstava će se financirati komunalna policija. Imajući u vidu dakle da čekamo da se Zakon o komunalnoj policiji donese, čim bude donesen imat ćemo dakle potrebu za financiranjem imajući u vidu da je ovo novi budžetskih korisnika, dakle sredstva će osigurati Ministarstvo financije iz tekućih rezervi.

Dodao bih još dio pitanja koji se odnosi na sindikat, pošto imamo osim Sindikata državnih službenika i sindikat komunalne privrede. Imali smo dakle jučer sastanak sa pregovaračkim timom. Mi imamo obavezu dakle do kraja ovog mjeseca da završimo pregovore prema protokolu koji smo potpisali odnosno koji smo donijeli na Vladi. Nadam se da ćemo do kraja ovog mjeseca dakle do 28. februara naći rješenje za komunalnu privredu. Hvala.

Danijela Kristić (Dopredsjedavajuća)

Hvala. Ministar Čičić.

Davor Čičić (ministar)

Zahvaljujem dopredsjedavajuća. Ja ću pokušati koncizno odgovoriti na ovih par pitanja koje ste postavili a kasnije ću kroz rasprave još neke stvari reći. Uvaženi zastupnik Vreto, koliko je uplaćeno iz Kantona Sarajevo PDV-a po evidenciji Uprave za indirektno oporezivanje za 2022. godinu? Nažalost ovaj podatak još trenutno nemamo. Uprava još nije objavila te podatke. Uprava ne ažurira nam tako da kažem uopće objavljuje ove podatke. Zadnji podatak koji mi imamo je 2019. godine da je iz Kantona Sarajevo uplaćeno preko 3,5 milijarde konvertibilnih maraka po pitanju indirektnih poreza. S obzirom da se desila u međuvremenu situacija sigurno je ova prethodna godina bila puno veća od te 3,5 milijarde uplaćeno iz Kantona Sarajevo. Vi ste kao što vidite u Nacrtu ovog Budžeta ono što je predviđeno da pripada od tih para Kantonu Sarajevo neki 453 000 000 KM pa sad, vi sada možete samo prosuditi evo sami da li je to pošteno prema građanima Kantona Sarajevo da se u biti toliko manje vraća nego što se uplati. Reda veličina, Republika Srpska otprilike dobije onoliko koliko uplati, mnogi drugi Kantoni u Federaciji Bosne i Hercegovine dobiju onoliko koliko uplate, tako da je ova izmjena pondera

naniijela veliku štetu i brutalnu, da tako kažem destrukciju Budžeta Kantona Sarajevo. Ono što još treba napomenuti znači ne samo da uzimate uplate PDV-a, vi kada bi ste pratili krajnju potrošnju koja se ostvaruje po fiskalnim računima u Kantonu Sarajevo to je puno veći iznos nekih preko 7 000 000 KM se ostvari u Kantonu Sarajevo. Kada bi ste gledali porez na dohodak od nosno koliko se dohotka ostvari u Kantonu Sarajevo, i to je puno veći iznos od onoga što na kraju se po procentima vrati u Kanton Sarajevo i ovo je jedna od stvari koje sigurno mi, nije pitanje ni opozicije ni pozicije, nego mislim da se trebamo kroz federalne parlamente, i Dom naroda i Predstavnički dom, zastupnici koji su došli iz Kantona Sarajevo da se i dalje bore da se ovaj Zakon, nepravedno doneseni zakon izmijeni. Dalje, zašto se događa, uvaženi zastupnik Dević, zašto se događa smanjenje kapitalne investicije za 58 000 000. Znači imamo 2 razloga: 1 je razlog da bi se kapitalne investicija realizirale moraju svi budžetski korisnici dostaviti svoj zahtjev koji podrazumijeva da imaju potpuno završen projekat i svu dokumentaciju koju moraju priložiti uz to da bi delegirali uopće taj projekat za kapital investicije. Imamo znači jednu stvar da je ono što je stavljeno je delegirano, a druga stvar ovo što sam maloprije rekao, smanjenje pondera značajno se smanjuju sredstva u budžetu, s jedne strane, a s druge strane imamo i povećavanja izdataka plaća i naknada radnicima, tako da je negdje moralo doći do nekog smanjenja. Dalje, uvaženi zastupnik Marjanović rekonstrukcija Ekonomskog fakulteta 2 000 000 konvertibilnih maraka kreditnih sredstava. U Budžetu prošle godine 22. bio predviđen stavka rekonstrukcije Ekonomskog fakulteta. Ministarstvo financija je provelo tender za zaduživanje po pitanju ovoga projekta, tender je okončana krajem prošle godine. Ugovor s bankom još nije potpisan jer smo sad u periodu privremenog financiranja i bit će potpisan nakon usvajanja budžeta Kantona Sarajevo, znači ova sredstva još nisu aktivna. Ugovor nije potpisan tako da taj projekat se još ne može realizirati. Ono što se tiče realizacije ovih sredstava znači svaki budžetski korisnik odgovora zakonito izvršavanje sredstava koja su mu dodijeljene. Što se tiče svih dozvola koje su potrebne za realizaciju ovog projekta znači odgovoran je budžetskih korisnik, odnosno Ekonomski fakultet. Dalje, uvažena zastupnica Hodžić, rast prihoda od poreza na dohodak od samostalne djelatnosti. Znači rast, odgovor zašto je rast. Znači rast prihoda od poreza na dohodak predviđen je projekcijama federalnog Ministarstva financija i Ministarstvo financija je dobilo pozitivno mišljenje na planirane prihode, odnosno mi smo ugradili u Nacrt Budžeta one prihode koje su koje su nam i dostavili u svojim projekcijama. Znači rast prihoda od poreza na dohodak najviše na osnovu rasta plata koji se dešava u znači u Kantonu Sarajevo, ne samo u KS nego generalno zbog inflatornih kretanja rasta u privredi. Isto tako bilo je pitanje generalno pitanje po stavkama iz B tabele Budžeta znači da jako teško općenito komentarisati jer u svakom resoru postoji razlog zašto su pojedine stavke u okviru te B tabele umanjene u '23. u odnosu na '22., ali ono što se znači na kraju kad vratimo zašto je sve umanjeno, sam Budžet je umanjen zbog tzv. pondera i usvajanja Zakona o pripadnosti javnih prihoda. Neki su rekli da je cilj tog donošenja Zakona o ponderu znači u biti smanjenje mogućnosti razvoja Kantona Sarajevo i samim tim znači većina ovih stavki je tretirano po osnovu tog smanjenja. Jednu rečenicu ću reći. Znači da nije usvojen Zakon o pripadnosti javnih prihoda ovaj Budžet odnosno ovaj Nacrt Budžeta bi bio veći za 110 000 000 KM i mi vjerojatno ne bi imali sve rasprave nego bi sve ove stvari koje i ja smatram kao i većina zastupnika, 99 % zastupnika koji su ovdje napomenuli većina tih stavki je neophodna Kantonu Sarajevo, većinu stvari bih apsolutno podržao. I da imamo 110 000 000 vjerojatno danas uopće ne bi raspravljali o ovim stvarima, tako da, s obzirom na ovo umanjjenje negdje se moralo štedjeti. Je li ovo prava stvar, evo zato imamo javnu raspravu da svi dostavite svoje prijedloge kroz javnu raspravu šta su to prioriteti Kantona Sarajevo. Možda će kroz

prijedlog ovaj budžeta u biti redefinirati da tako kažem prioritete koje moramo financirati iz ovog budžeta za 23. godinu. A ono isto što tako želim da kažem, da s obzirom da većina zastupnika se u biti osvrnula na umanjene pozicije, znači budžet mora biti uravnotežen. Znači moraju biti uravnoteženi prihodi i rashodi i s obzirom da većina traži povećanje po pojedinim stavkama, mi isto tako i kroz amandmane i kroz raspravu moramo ponuditi gdje ta sredstva možemo uštediti . gdje ta sredstva možemo naći da bi neku poziciju povećali, neku poziciju moramo umanjiti, baš zbog tog uravnoteženja. I s obzirom na to predlažem da kad vodimo raspravu o tome da odmah aludiramo i alociramo sredstva sa kojih pozicija smijemo skinuti da bi neku poziciju povećali, a ne samo puko povećanje, dajte povećati ovdje 10 000 000, ovdje 5 000 000, ovdje ovoliko. Znači budžet mora biti uravnotežen. Isto tako imali smo pitanje vezano za Tekuću rezervu i akumulirani u biti deficit. On je planiran po trenutnom Zakonu, minimalan iznos koliko je predviđa da se mora planirati u budžetu po Zakonu o budžetima, tako da i to je vjerojatno podložno promjenama do prijedloga budžeta, ali evo o tom- potom. Hvala.

Danijela Kristić (Dopredsjedavajuća)

Hvala. Otvaram raspravu. Zastupnik Dević.

Mahir Dević (poslanik/zastupnik)

Hvala dopredsjedavajuća. Trebalo je biti vjerovatno neko prvo ono kao neko nezadovoljstvo odgovorima jel, ali dobro hajde evo kazat ćemo to kroz diskusiju, nije ni važno toliko. Ja sam postavio nekih četiri, pet pitanja. Nisam dobio odgovor ni na jedno. Mislim da sam ih jasno adresirao, ovaj od koga očekujem odgovore. Da li je to sada neki namjeran odnos ili ministri nisu zabilježili ta pitanja ovaj koja ih se tiču nije više, na kraju krajeva nije više ni važno. Nacrt Budžeta Kantona Sarajevo 2023. godinu je očekivano nešto manji zbog usvajanja ovoga Zakona koji cijelo vrijeme nekako politički pokušava da se stavi na teret SDA-u, DF-u itd itd, potpuno zaboravljajući da zastupnici svih klubova, uključujući i Klub SDP-a, uključujući Klub Naše stranke, uključujući Klub SDA iz drugih Kantona dali podršku jednom ovakvom Zakonu. Ja sam dobro sjećam, pratio sam taj proces kao šef Kluba SDA u Skupštini Kantona, naši ljudi koji su bili u Domu naroda ispred Kluba SDA sarajevski delegati ispred SDA u Predstavničkom domu su glasali protiv takvog zakonskog rješenja. Ali u suštini, to jeste napravili neku vrstu ovaj problem Kantonu Sarajevo, međutim nije dobro da se pravi bilo kakva vrsta racionalizacije kojom se krije potpuna ekonomska nelogika i nesposobnost ove Vlade Kantona Sarajevo da se krije zbog nemanja rezultata iza jednog takvog zakonskog ovaj rješenja. To jeste napravio neki problem, ali ni blizu onakav kakav ste vi napravili kao vlast i Vlada koja je u jednom momentu pisala neke dokumente koji su se zvali ne znam 300 mjera i principa, pa je to sve usput promijenjeno, pa gdje su ti principi, gdje su te mjere, kako je to sve na kraju izgledalo. Ustvari vi ste ti koji ste potpuno iscrpili finansijske mogućnosti Kantona Sarajevo, a ne ovaj Zakon. To ću ja sada brojevima, naravno, vrlo jednostavno pokazati šta ste to vi ustvari radili u ovo predizborno vrijeme u toku izborne kampanje, kako ste zapošljavali, koje su razlike u broju zaposlenih bile kada ste vi došli, kako to danas izgleda i šta planirate da uradite u 2023. godini. Znači ti brojevi su neumoljivi, tako da svaka vrsta pokušaja da se neka politička odgovornost za finansijsko stanje u koje ste vi doveli Kanton Sarajevo prebaci na ovaj Zakon, jednostavno ekonomski nije opravdano. Zašto? Ako imate Nacrt Budžeta u kome vi umanjujete kapitalne investicije, kao što vi sada radite znači rapidno obarate kapitalne investicije skoro 58 000 000 konvertibilnih maraka koje bi trebale da budu razvojna komponenta svakog budžeta. A s druge strane rapidno povećavate broj zaposlenih ljudi u

administraciji Kantona Sarajevu bez da ste dobili ikakvu dodatnu ustavnu nadležnost. Naravno da će to ugroziti cijeli ekonomski sistem u Kantonu Sarajevo i naravno da jedan takav budžet niti ima viziju, niti ima politiku, niti je jasan, niti ima ciljeve i sada ga pravi neko da ta procedura nekako se otkoči, evo moglo bi se pozdraviti pa da se kaže evo imamo sad neki Nacrt pa ćemo do prijedloga vidjeti gdje ćemo.

Šta se ustvari dešava jel? Broj zaposlenih ljudi u Kantonu Sarajevo 2020. godine u vrijeme kad je SDA bila kratko vlast nekih osam, devet mjeseci je bio 14 000 i činim sa 6 ili 8 ljudi. 2022. godine vi ste već došlo na 14 462 a u Nacrtu Budžeta vam je 15 118 ljudi. Znači povećanje od skoro 1000, 1100 i više ljudi. Ukoliko uzmemo neku prosječnu cifru da za 1 radno mjesto potrebno evo minimalno 25 000 KM na godišnjem nivou, a to je više za ovakva sistematizirana radna mjesta sa visokom stručnom spremom itd itd. I to pomnožite dobit ćete stavku od skoro 30 000 000 KM potencijala budžeta Kantona Sarajevu kojeg ste vi uzeli ovim mahom stranačkim zapošljavanjem. Znači 90 % od ovoga su ustvari bila stranačka zapošljavanja koja su korištena u predizborne svrhe i koja su dovela Kanton Sarajevo u ovaj problem. Druga stvar, naravno da sindikati očekuju da budu plate povećane, ne znam koeficijent ili bodovi, kako oni već ovaj žele da se desi i mi smo u stanju u kakvom jesmo u Kantonu Sarajevo. Ako tome još pridodate vašu strašnu neefikasnost u realizaciji budžeta Kantona Sarajevo, govorim od strane Vlade, da vi imate kapitalni dio budžeta kojeg realizirate u trećem kvartalu sa 12 % , 13 %, naravno da ćete vi ući na sigurne tračnice koje vas vode u propast i ovo kako vi radite gospodo ovo Kanton Sarajevo sigurno vodi u ozbiljne probleme. Znači povećavati broj ljudi u administraciji, imati loše izvršenje budžeta na kapitalnom djelu budžeta, podizati enormne kredite na koje danas građani Kantona Sarajevo ovaj plaćaju penale, planirati takve stvari u budžetu, a ništa za 4 godine ozbiljno nemate kao neki veliki infrastrukturni projekat, mi ćemo naravno doći u izuzetno ozbiljne probleme. Sljedeća stvar koja je pored ovoga znači finansijskog dijela budžeta ,znači koji se pravi mimo svih ekonomskih logika, imate nekih i suštinskih stvari, ne znam namjenska sredstva od parkirališta, naknada za parkirališta, namjenska sredstva Ministarstva saobraćaja u iznosu 500 000 KM se ovaj troši se na neka tekuća održavanja 280.000 i 200.000 kao tekući transferi Gradu i općinama. Valjda bi trebalo da ova namjenska sredstva se usmjere na održavanje postojećih i izgradnju novih parking mjesta u Kantonu Sarajevu, vi znate koji je problem sa parking mjestima u Kantonu Sarajevo. Ako mi imamo situaciju da je danas parking mjesto za 1 dan jeftinije u Austriji nego u Sarajevu onda imamo problem koji vi očigledno ne prepoznajete. Danas će vas taj dan više koštati na Bašćaršiji negdje da se parkirate nego da ste to uradili ovaj košto kažu u Austriji. Spomenuo sam maloprije ovaj Ured za zakonodavstvo, ono gdje bi trebalo da se mi pojačavamo, gdje bi trebalo da uvodimo struku, gdje bi trebalo da se snažimo, vi tu ustvari smanjujete a povećavate tamo na ovim parainstitucijama od Ureda za borbu protiv korupcije pa nadalje. Dodajemo neke sebi vanustavne nadležnosti pa popravimo od nekih ureda institucije, a institucije koje bi trebale da pomognu svakoj Vladi i premijeru kao što je Ured za zakonodavstvo, on je potpuno evo na neki način ovaj devastiran s 8 tu može 4, ali ćemo na drugom mjestu zaposliti 20 koji nam trebaju ovaj iz stranačkih razloga. Zakon o izvršenju budžeta također koji je tačka iza ovoga podrazumijeva da se i dalje koristi ova Uredba koja je doduše bila osporavana pred Ustavnim sudom Bosne i Hercegovine, ali čini mi se da nije prošla samo iz proceduralnih razloga. Znači tamo u tom dijelu ovaj Zakon o izvršenju budžeta treba da stoji jasno da se primjenjuje isključivo Zakon o javnim nabavkama a ne neki drugi podzakonski akti koje usvaja ovaj neustavno Vlada Kantona Sarajevo. Znači čini mi se da to na neki način da se pokušalo namjerno ovaj tamo da da ovaj provučete. Robne rezerve. Evo u vrijeme situacije u kojoj evo

kao što je u Turskoj, preko noći doživite neku vrstu kataklizme da se sve ovaj sruši, da ne daj Bože dođemo u kakvu vrstu potrebe pazite, u momentu kad svi budžeti u Federaciji rastu, kad ekonomija raste, u vas robne rezerve Kantona Sarajevo padaju. Mislim koja je to ekonomska logika, mislim to mi nikako, neshvatljivo mi je potpuno, jel tako. Oblast kulture i sporta, evo spominjali su kolegice i kolege, itd, govorio ministar i zaključke nekih Komisija itd. Stalno se nekako mi tu vrtimo, krenemo naprijed. Pazite, ako imate situaciju da vam je, ne znam vrijeme ministar Šarića čini se iz SDA, koje je bio Ivica, izdvajanje bilo tada kada je on bio ministar 4,5 % budžeta .To je koja godina mogla biti više se ne sjećam, 2006. 2008 itd i da imate sada 2023. godinu i da imate nekih 3 % budžeta izdvajanje, onda koji im to putem mi idemo, što radimo, koji su to principi ekonomski itd. Naravno, to su takvi principi da imate jedan potpuni kolaps u svim klubovima našim, i nogometnim i košarkaškim i svakim drugim. Ako hoćete da imate ozbiljne klubove morate dati ozbiljnu finansijsku podršku tome, ako hoćete da imate glavni grad koji je prepoznatljiv kroz klubove morate u njih investirati ,ako ne investirate vi to ovaj naravno nećete imati. Nije ovo kao ovaj Nacrt budžeta Kantona Sarajevo dobro postavljeno jer se. Kolega Čengiću ja kao predsjednik kluba mogu govoriti 15 minuta, pa, ne, mislim, jedino ako treba predsjednik kluba da vam najavi da govori kao predsjednik kluba.

Danijela Kristić (Dopredsjedavajuća)

Ja pretpostavljam da kolega u ime Kluba govori, on je predsjednik Kluba.

Mahir Dević (poslanik/zastupnik)

Vidim da nešto kolega Čengiće onaj. Ja obično kada to pravo prepustim nekom kolegi Zahiragiću ja to kažem, ili kolega to ovaj napomene. Čudi me da vam ova diskusija. Nije kolega Zahiragić je u Domu naroda, ja sam predsjednik Kluba. a vi to naravno jako dobro znate i vama smo pomogli da odete u Domu naroda da nas nije bilo ne biste ni otišli.

Danijela Kristić (Dopredsjedavajuća)

Samo da napomenem da vam ovu ulazi u diskusiji i vrijeme svoje trošite.

Mahir Dević (poslanik/zastupnik)

Naravno, ali eto malo i kolegu upozorite, na neki način čudi me da mu smeta ova diskusija koja korespondira s onim zaključcima komisije koje je on maloprije ovaj kazao. U principu se Nacrt bilo kog dokumenta treba podržati. Međutim dokument koji ima problem s osnovnom logikom kao što je ova, maloprije ekonomska logika, a koji tretira finansijski život kompletnog Kantona Sarajevo, svih stanovnika u Kantonu Sarajevo, svih sektora života, da se ovako postaviti, to je nakaradno postavljeno. I ovdje treba dobro razmisliti da li ćemo mi kao Klub dati podršku ovom dokumentu, čak iako je u pitanju Nacrt. A do prijedloga naravno, nakon ovog diskusija ovaj ćemo vidjeti da djelujemo što kažu ovaj amandmanski ukoliko budemo imali razumijevanje i podršku neke Vlade i neki ove stare, više ne znam koja nas ovaj očekuje, vidjet ćemo kako ćemo se prema ovome odnijeti. Ovu kako nas sada vodite, ovaj način da punitu uhljebe stranačke na Budžet Kantona Sarajevo, a u pitanju su hiljade ljudi . Ovdje nisam napomenuo one koji su otišli u penziju, naravno i takvih je barem 1000 bila, a da smanjujete kapitalni dio budžeta i da to sada prebacuje nekom federalnom zakonu za kojeg su glasali svi zastupnici iz svih stranaka, iz različitih Kantona naravno, jer im Sarajevo na neki način ovaj je po njihovu mišljenju uzimalo više sredstava, po našem mišljenju mi to zaslužujemo. Na takav način da pokušate opravdati nesposobnost ove vlasti i Vlade, bojim se da je to neka bajka koju

vi možete sebi pričati, ali u jednom momentu ćete se sresti sa činjenicama i jasnim i egzaktnim podacima. Evo toliko od mene u pravoj diskusiji. Hvala lijepa.

Danijela Kristić (Dopredsjedavajuća)

Zastupnica Melank.

Miomirka Melank (poslanik/zastupnik)

Kada je konačno postalo jasno 2020. da ova većina na čelu sa SDA i DF-om koja je prije toga 20 godina bila na vlasti neće moći zadržati vlast u Kantonu Sarajevo u Parlamentu Federacije aktiviran je operativni plan b) izmjena Zakona o pripadnosti javnih prihoda Federacije Bosne i Hercegovine kojom je u moru optužbi o navodnoj otimačini za Sarajevo, ostatak Federacije odlučio drakonski kazniti građanke i građane svog najvećeg glavnog grada stomilijunskim smanjenjem prihoda u Budžet Kantona Sarajevo. Drastična mjera kojom se koeficijent za Sarajevo smanjuje sa 2 na 1,5 kolokvijalno skraćeno nazvana ponder osakatila budžet počevši od januara 2023. godine, ove godine, onemogućivši ga da održi ritam kojim je Kanton krenuo da napreduje u različitim oblastima, uključiti socijalne, potpore porodiljama, obrazovanje, kapitalna ulaganja, infrastrukturu, ali i ulaganja u projektne aktivnosti. Uprkos upozorenjima ekonomskih stručnjaka iz cijele Bosne i Hercegovine da je ponder nerealan i nepravedan s obzirom na prihode, potrebe, značaj, ritam razvoja i da će izazvati ozbiljne poremećaje u financiranju Kantona, Parlament Federacije Bosne i Hercegovine na talasu lokal patriotskih i populističkih vjetrova izglasao je ovu promjenu protiv koje je bila prvobitno i sama Vlada Federacije. Tako će u svim drugim budžetima u Bosni i Hercegovini 2023. godine prihodi porasti, što zbog inflacije, a ponegdje zbog realnog rasta privrednih aktivnosti, jedino će Kanton Sarajevo ostati kratak više od 100 miliona, i kako reče ministar Vranić sveden na bazni metabolizam. Taj se manjak morao rasporediti tako da se omogući funkcioniranje svih institucija i svih budžetskih korisnika. Zahvaljujući manjku koji će se kretati između 110 i 130 miliona, zavisno od privrednih aktivnosti je li, konvertibilnih maraka, i to prihoda od indirektnih poreza, ostatak će uskraćeni gotovo sve oblasti i sva Ministarstva, a jedino povećanje koje sleduje, a koje se vidi u Nacrtu bit će za plate budžetskim korisnicima, i to u ukupnom iznosu za 86 miliona. Da bi to povećanje bilo moguće u okolnostima smanjenog pondera morat će ispaštati nacionalni spomenici, umjetnici, poljoprivrednici, kulturni radnici, institucije kulture od značaja za Bosnu i Hercegovinu, bit će smanjeni transferi organizacijama i pojedincima, projektima i drugim nivoima vlasti, prepолоvit će se robne rezerve i nabavka opreme, a sredstva smanjena svim ministarstvima. U takvim okolnostima, unatoč je ipak izdvojeno nekoliko projekata koje smatram važnim, a jedan od njih je konačno popunjavanje neophodnih za takav orkestar 12 novih pozicija za muzičare. Prema sistematizaciji radnih mjesta Sarajevske filharmonije u organizacionoj jedinici orkestar predviđeno je ukupno 113 pozicija, a zaposleno je tek 48 umjetnika. Dakle značajno manje od predviđenog sastava orkestra. U jubilarnoj 100. godini proslave rođendana Filharmonije jedino profesionalnog orkestra u našoj državi, Sarajevska filharmonija prvi put u svojoj historiji dobit će kompletiran minimalni (nerazumljivo) sastav orkestra kakav zaslužuju. Planira se da će ova slavljenička godina biti puna vrhunskih umjetničkih događaja koji će pozicionirati Sarajevo na mapu svjetske muzičke scene. Još jedan značajan prijedlog našao je mjesto koje bih željela istaći u Budžetu ove godine, a radi se o projektu kapitalnih ulaganja čijom realizacijom će se kvalitetno unaprijediti muzičko scenski program pozorišta SARTR i stvoriti pretpostavke za gostovanja programa iz produkcije izvođača iz zemlje i inostranstva, uključujući scensko muzičke nastupe, festivale i programe za mlade. Projektantska procjena sanacije cjelokupnog objekta Doma

mladih Skenderija, koja će omogućiti funkcionalniju upotrebu prostora je također jedna od stvari koja bi se eventualno mogla istaći u ovom Nacrtu i koja bi eventualno mogla dobiti neka sredstva za izvođenje, tu se trenutno radi otprilike 9 miliona maraka od kojih se očekuje u ovoj godini ulaganje od bar trećine iz budžeta Kantona. Projekat je u planu kapitalnih investicija sa izuzetkom suterena Doma mladih odnosno djela Privrednog grada koji se naknadno planira uklopiti. Paralelno s ovim procesom Općina Centar i Komisija za očuvanje nacionalnih spomenika su pokrenuli proces za ishodovanje potrebnih suglasnosti i odobrenja. U Skenderiji će osim ovoga ulaganja također doći do pokretanja nekih aktivnosti, Dom mladih nema budžet za programske aktivnosti i u ovom budžetu nije planiran, nema ravnopravan zapravo status u odnosu na druge javne ustanove ustanove kod apliciranja na projekte Ministarstva kulture i sporta , to bi se dalo ispraviti s obzirom da je riječ o Nacrtu, podrškom programskim aktivnostima koji nemaju komercijalni karakter, mogao bi se omogućiti razvoj alternativne umjetničke muzičke scene kako je to bilo prošlosti, ali uz primjenu novih kreativnih praksi. Za ostanak mladih u Sarajevu, u Bosni i Hercegovini , za njihov kulturni razvoj i šansu za izražavanje, nužno je osim u infrastrukturu, ulagati u programe i inovativne oblike djelovanja. Trebalo bi sanirati i obezbijediti prostore za komunikaciju, za dijalog , za alternativnu edukaciju, vježbanje, nastupe mladih muzičkih stvaralaca, izložbe umjetnika i ja se nadam daće se eventualno u ovome Nacrtu, odnosno do kraja u prijedlogu budžeta naći sredstva za ovakvu vrstu vrstu aktivnosti. Skenderija je proglašena javnim dobrom i bilo bi dobro da se u punom kapacitetu stavi na raspolaganje građanima i građankama Sarajeva, odnosno cijelog Kantona Sarajevo, njene su mogućnosti ogromne. Riječ je o mjestu našeg sjećanja, ona je još uvijek arhitektonski urbani raritet, ona je kulturni kulturni sportski, privredni, sajamski, kongresni centar i samo kontinuiranim ulaganjem u infrastrukturu i programe, da naglasim, i programe, mogu se punom smislu iskoristiti prostori i lokacije na kojoj se ona nalazi. Nadam se da će i ovakav jedan koncept naći mjesta do kraja u javnoj raspravi i da će se do izglasavanja prijedloga kompletnog budžeta naći sredstva i za ovakve programe. Hvala vam.

Danijela Kristić (Dopredsjedavajuća)

Zastupnik Čengić.

Irfan Čengić (poslanik/zastupnik)

Hvala predsjedavajuća. Dakle neće biti toliko detaljan jer se radi o Nacrtu Budžeta, imat ćemo svi priliku kroz javnu raspravu se fokusirati na mnoge oblasti, htio bih samo govoriti o onim oblastima koje su mi zaista bitne i o kojima sam ranije govorio. O sportu smo rekli, iznijeli svoje stavove kroz Komisiju za kulturu i sport. Ono što želim da pohvalim jeste 25 000 000 za povećanje plata u odnosu na 2022. godinu i tu pozivam zaista Vladu da nastavi dijalog sa sindikatima jer nema razloga da sindikati budu nedovoljni kada mi njima izdvajamo 25 000 000 više, zaista bih čestitao ministru financija na tome i treba kroz dijalog vidjeti kako će se tih 25 000 000 utrošiti, jer utrošiti 25 miliona građana, novca građana, a da neko bude nezadovoljan tim, mislim da nije cilj niti građanima, niti Vladi, a niti tim sindikatima, posebno, jer se tu radi i svim budžetskim korisnicima, kao što su uposlenici u obrazovanju i socijalnoj politici, dakle gdje treba zaista povećati plate, dok kada govorimo o zdravstvu, tu je na sceni jedan kolektivni ugovor koji traje 2 godine i treba već početi pregovore i pripreme za novi kolektivni ugovor kada ovaj istekne jer zdravstvo ne prima platu iz Budžeta Kantona Sarajevo. Ono što me zabrinulo u ovom budžetu jeste da nismo predvidjeli sredstva za nove kadete koji će doći u Ministarstvo unutrašnjih poslova, odnosno Upravu policije jer je tamo planirano

smanjenje zaposlenih sa 1858 na 1749. Dakle to su svi oni ljudi koji su planirani da odu u penziju naredne godine, o čemu je ministar Katica govorio, a bit će pritisak na budžet kada dođu kadeti i kada se zaposle, ako se ne varam, u narednoj godini u Upravi policije. Sa druge strane u budžetu stoji stavka "kupovina zemljišta za hangar helikoptera 5 000 000 konvertibilnih maraka" molim vas ispravite tu stavku, jer nije samo zemljišta 5 miliona konvertibilnih maraka, bilo gdje u Kantonu Sarajevo za takvu namjenu, vjerojatno pretpostavljam da je to i izgradnja i kupovina zemljišta i izgradnja objekta da ne bi bilo kasnije problema. Također, mislim da mnogima je 9. januar već davno bio pa smo zaboravili sigurnosnu politiku, smanjujemo stavku nabavke specijalne opreme vojne i policijske sa 10 miliona na 2.700.000 smatram da bi tu stavku trebalo povećati u Budžetu. Ono za što još dajem kao prilog javnoj raspravi jest da se uvrsti u Ministarstvo obrazovanja dakle stavka za izgradnju odnosno rekonstrukciju objekta hotel Nacional koji je u vlasništvu dakle Kantona Sarajevo i sa kojim treba početi postepeno rekonstrukcija objekta kako bi uklonili i ruglo u centru grada ali taj objekat osigurali funkcionalnim za potrebe Ministarstva i svih onih ustanova koje pripadaju Ministarstvu, kao i toj Srednjoj školi koja je tu naslonjena taj objekat. Također želio bih reći nekoliko stvari oko pondera i oko svega. Tačno je ovo sve što su govorili i kolega Čičić i kolegica mi Miomirka ali je tačno i ono što je kolega Dević govorio, na žalost sve su stranke izvan Sarajeva skoro svi zastupnici glasali i tu smo pokazali kao stranke jednu nezrelost koja se danas nažalost vraća građanima Kantona Sarajevo. Ono što je dobro da Skupština, da Vlada nije dosta ovaj Budžet u hitnom postupku kako to radi Vlada Federacije i druge Vlade jer to bi bilo nezakonito. Ali zaista osjećam na neki način poniženje kao zastupnik jer nam je vrijeđana inteligencija s argumentima koji su izneseni prošli put da se odgađan usvajanje Nacrta Budžeta zbog neke nove Vlade. Mi ne da nemamo novu Vladu i nove politike, nego nemamo ni onog premijera kojeg smo imali. 28. decembra. Dakle nikakva razlika ne postoji zašto ovaj Nacrt nije usvojen. 28. decembra na sjednici ili danas 8. februara. Također mi prema strategiji i zakonima trebamo do 27. godine ići prema programskim Budžetima, gdje će zastupnici ovdje kada budu čitali Budžet znati apsolutno svaku stavku u Budžetu. Ono što sam primijetio u Budžetu Kantona Sarajevo za razliku od budžeta i lokalnih zajednica i Grada Sarajeva i Federacije i državnog budžeta da se uporno ide na te agregirane stavke i tu se uporno može sakriti mnogo projekata, mnogo izdataka i svega. Mislim da stavke trebaju direktno biti navedene Budžetu, ali jasno mi je opredjeljenje Vlade da se ide u tom smjeru agregiranih, pa onda imate puno pitanja zastupnika koji nisu shvatili da su zapravo te stavke negdje u sklopu neke agregirane stavke. I žao mi je što nema ovdje ministra Delića, na Komisiji je ponovio istu stvar koju danas ovdje rekao je Skupštini. na Komisiji nisam reagovao jer sam mislio da je greška ali pošto je ponovio i na Skupštine moram ispraviti da to nije tačno. Dakle ne puni privreda sama najviše ovaj Budžet, 3 poreza koja najviše pune Budžet Kantona Sarajevo su dakle indirektni porezi kao što je PDV, porez na dobit i poreza na dohodak. Od toga poreza dohodak i indirektni porezi, odnosno PDV nisu porezi privrede, to su porezi građana. Porez na dohodak se plaća na svaki dohodak u skladu sa Zakonom o porezu na dohodak i plaćaju ga radnici, kada prometujete nekretninom i mnoge druge poreze. Dakle to su porezi ljudi i radnika. PDV nije porez privrede, PDV koji je najveći dakle indirektni porez u državi Bosni i Hercegovini, on je porez običnih ljudi na potrošnju. Dakle privrednik svoju cijenu iskaže a onda doda PDV. Sva ta 3 poreza su najmanja u Federaciji BiH, mislim u čitavoj Europi. Dakle rijetko gdje možete na stavku PDV-a da je 17 % . Skoro nigdje ne možete naći stavku poreza na dobit 10 % , osim možda na Cipru. I ne možete nigdje naći stavku poreza na dohodak od 10 % . Dakle to su 3 najmanja poreza ali kada govorimo o doprinosima za zdravstvo i PIO i

drugim oni jesu negdje u sredini europskih standarda, ali se toliko ne tiču Budžeta Kantona Sarajevo, tačnije ne tiču se skoro nikako jer se porez na zdravstvo su van budžetski dakle fond našeg Zavoda zdravstvenog osiguranja, a doprinos koji se plaćaju za penzioni sistem su zapravo Budžet Federacije. Tako da nije samo privreda tako puni budžet Kantona Sarajevo, zapravo najvišega pune građani svojom potrošnjom, a sa druge strane građani svojim ličnim dohotkom, jer se dohodak uplaćuje po mjestu stanovanja, a mi smo svi svjesni za razliku od Federacije Bosne i drugih Kantona da smo mi uzeli sebi taj porez na dohodak, a u većini drugih Kantona taj porez na dohodak ide jedinicama lokalne samouprave, ali mi imamo taj problem što smo uzeli sebi i nadležnosti pa onda je logično da uzmemo i taj novac sebi, što će se apsolutno morati izmijeniti novim i Ustavom Kantona Sarajevo i Zakonom o lokalnoj samoupravi koji nadam se će uskoro biti dostavljen.

Danijela Kristić (Dopredsjedavajuća)

Zastupnik Uk.

Nihad Uk (poslanik/zastupnik)

Zahvaljujem se dopredsjedavajuća i želim prije svega da pohvalim domaćinsko raspolaganja budžetom od strane Vlade Kantona Sarajevo po principu pokrij se jorganom onoliko koliko je i sam dug. Žalosno je što je Kanton Sarajevo se našao u ovoj.

(kratka stanka jer se upalio protivpožarni alarm)

Nihad Uk (poslanik/zastupnik)

Hvala. Dakle žalosno što se Kanton Sarajevo našao u ovakvoj situaciji da danas razgovaramo o jedinom pretpostavljam Budžetu u čitavoj Federaciji koji nije rastao a sve zbog sramotne i osvetničke izmjene Zakona o pripadnosti javnim prihodima, odnosno tzv. ponderom. Danas je jedan zastupnik branio jednu političku stranku zbog ovoga, sam je se sam je sebe i tu stranku prozvao, mislim da to nije djelo jedne stranke već više stranaka koje su neracionalno i osvetnički prema Kantonu Sarajevo i prema građanima Kantona Sarajevo djelovali u tom trenutku. Bez obzira što je u uvodnom izlaganju ministar Čičić prilikom predlaganja Budžeta detaljno obrazložio umanjeње Budžeta za 110 000 000 zbog tzv. pondera, mislim zbog ozbiljnosti teme treba to danas ponoviti 10, 15 puta kako bi građani Kantona Sarajevo znali da je danas 110 000 000 konvertibilnih maraka manje za potrebe Kantona Sarajevo, upravo zbog osvetničke politike kakve su zastupnici u Federalnom parlamentu imali prema Kantonu Sarajevo. Kao prilog ,odnosno kao prijedlog za punjenje budžeta u 2023. godini a sam ću se zalagati u narednom periodu tome jeste ideja da se prodaju potraživanja komunalnih preduzeća Kantona Sarajevo agencijama koje su zainteresirane za otkup takvih potraživanja. Prema nekim informacijama komunalna preduzeća u Kantonu Sarajevo potražuju preko 300 miliona konvertibilnih maraka od pravnih i fizičkih lica u Kantonu Sarajevo i dobar dio tih potraživanja je već zastario. Pouzdano znam da postoje određene agencije koje su zainteresirane da otkupe takva potraživanja i mi bi dobili višestruki efekt na taj način. Pod a) inkasirali bi odmah između 40 i 50 000 000 konvertibilnih maraka u postojeći Budžet, pod b) rasteretili bi općinske sudove sa ovim niskim vrijednosnim sporovima gdje Općinski sud potražuje 15 konvertibilnih maraka za određeni račune, pod c) također rasteretili bi službe za naplatu komunalnih preduzeća koje su se pokazale neefikasne s obzirom da smo u situaciji da razgovaramo o dugu komunalnih preduzeća u iznosu od preko 300 000 000 konvertibilnih maraka. S tim u vezi zamolio bi i

Vladu i resorno Ministarstvo, prevashodno Ministarstvo komunalne privrede da razmotri da već u ovoj godini poduzme sve aktivnosti kako bi na ovaj način ustupili, odnosno prodali svoje dugovanja i između ostalog rasteretili pravosudni sistem kako bi funkcionirao za nešto mnogo korisnije. Iskoristio bi ovu diskusiju kao prilog javnoj, kao prilog javnoj raspravi da zamolim Vladu da u periodu do samog prijedloga ovog Budžeta iznađe sredstva za sanaciju Doma mladih, s obzirom da se Dom mladih nalazi u poprilično teškoj infrastrukturnoj poziciji s obzirom da krov prokišjava, hidroizolacija je u jako lošem stanju i suterenske prostorije nisu nikada od rata opremljene, odnosno rekonstruirane. U ovom mjesecu se očekuje završetak glavnog projekta rekonstrukcije Doma mladih i iskreno bih volio da Vlada u ovom kontekstu iznađe sredstva u prijedlogu kako bi Dom mladih sufinancirali njegovu rekonstrukciju. Također volio bih da u prijedlogu Budžeta nađu se sredstva za izgradnju muzeja Ars aevi. Sramotno je da jedini glavni grad u regionu, a da ne govorim u široj, širem geografskom području, nema Muzej suvremene umjetnosti. Mi imamo jako ozbiljnu i daleko cijenjenu kolekciju Ars aevi. Grad Sarajevo i Kanton Sarajevo su otkočili proces izgradnje ovog muzeja na već postojećoj lokaciji koja je i regulacijskim planom predviđena. U ovoj fazi je izrada glavnog projekta i očekuje se u naredna 2 mjeseca završetak tog projekta. Nosioци tih aktivnosti Muzej grada Sarajeva je već i iznašao 2 000 000 konvertibilnih maraka od stranih donacija, odnosno od Vlade Italije koja je spremna da financira izgradnju, ali za ozbiljan poduhvat su potrebna sredstva od Kantona Sarajevo, tako da bih molio da se u ovom Budžetu iznađu i ta sredstva. Također ministar komunalne privrede je govorio o komunalnoj inspekciji i rekao je da će biti dovoljno novca u rezervama za komunalnu inspekciju ove godine. Ukoliko ne bude i ukoliko bude određeni rebalans volio bih da se u samom rebalansu ona pronađe tačna stavka za komunalnu inspekcije jer to veliki poduhvat ove Vlade. Dakle govorimo o jednom historijskom poduhvatu s obzirom da ćemo napokon imati jedan organ koji će rješavati te komunalne probleme. Nećemo opterećivati i policiju i druge organe koji nisu kapacitirani i koji su preskupe za rješavanje tih problema. Također, želio bih da se osvrnem na jednu od diskusiju kolegij iz opozicije koji između ostalog zamjerke na ovaj Budžet našao po broju uposlenika, broj uposlenika da se povećava, o čemu će kolegica Vildana Bešlija nešto više pričati u svojoj diskusiji, a s druge strane napao je Budžet zbog velikog broja kreditnih zaduženja. Dakle ja iskreno podržao bih bilo koji Budžet iz pozicije i opozicije koji će imati veliki stepen kreditnih zaduženja, samo ukoliko ide u razvoj odnosno investicione projekte. Mi smo danas upoznati, dakle ne radi se o nikakvom populizmu, mi smo danas upoznati gdje novac od kreditnih zaduženja ide. Dakle to je rekonstrukcija postojeće pruge, izgradnje nove pruge, kupovina novih autobusa, kupovina novih trolejbusa, kupovina novih tramvaja, izgradnja nove trolejbuske linija prema Vogošći, izgradnja tunela prema Vogošći, i meni je drago i ponosno bih izašao pred građane Kantona Sarajevo da kažemo da smo podigli još više kreditnih sredstava i uložili u takve projekte, a ne ko što se dešava na Federaciju da se dižu kredit da se plaćaju odnosno da se plaćaju kazne za nepovlačenje tih sredstava, kao što je u ovom slučaju protekle 4 godine dvadesetak milijuna konvertibilnih maraka Vlada Federacije Bosne i Hercegovine platila kazni za ne povučena a dogovorena kreditna sredstva. Hvala vam.

Danijela Kristić (Dopredsjedavajuća)

Zastupnik Zahiragić.

Haris Zahiragić (poslanik/zastupnik)

Zahvaljujem se. Kolega Uk bi trebao da zna da je veliki broj stotina hiljada i miliona penala koji Kanton Sarajevo plaća za nepovučena sredstva. Trebali bi ste to znati. Da znate čitati Budžet možda bi ste to vidjeli iz raznih, i u ovoj godini budžetskoj, prošloj i prethodnoj. Puno više nego što je to slučaj na Federaciji, i vi dižete kredite ne samo za kapitalne, pogledate pozicije ministarstava vidjet ćete koliko ide iz domaćih sredstava, iz budžetskih sredstava, koliko iz kreditnih zaduženja. Pogledajte na šta idu domaća zaduženja. Ja ću baš uzeti skenirati pošto građani možda teško mogu pristupiti Budžetu. Skenirat ću strancu iz ovog prijedlog Budžeta koja govori o domaćim kreditnim zaduženjima i vidjet ćete da ste u stvari zaduženi kao najveći kockar koji je prokockao sve pa je ono dugo mikroredit. Počeli ste mikro kredite dizati u domaćim banka za puno banalnije stvari od kapitalnih projekata. Istina, veliki međunarodni krediti jesu zaista za kapitalne projekte. Kada već govorimo o tim velikim kapitalnim projektima ja bih vas podsjetio na rokove za izvršenje tramvajskih šina, rekonstrukciju tramvajskih šina, podsjetio bih vas da ugovor još nismo vidjeli, što je nezapamćeno u historiji demokratije da ugovor o utrošku javnih sredstava ,desetina a vjerujem do sada i stotina miliona se krije od građana čiji se novci troše. Sjećam se pred izbore, onih mjesec dana kada ste završili dionicu od 200 m, kada ste doveli i Kineze i Turke i izvođači okolo govore da je Haris Zahiragić im problem napravio jer je svojim diskusijama u Skupštini natjerao njih da u predizbornoj kampanji završe onu dionicu da bi tada zastupnik, sada ministar vanjskih poslova, mogao snimiti kako se tramvaj vozi. Gle čuda, u Sarajevu 2023. godine. O kvalitetu izvođenja samih radova, o pucanju tih tišina, to je posebna tema. Tako da nije problem samo zadužiti se, problem je to izvesti kako treba. A očito se to ne izvodi kako treba. Rok za čitavu prugu je još par mjeseci, čini me se, pa vidjet ćete kako će se tu plaćati penali za povučena ili nepovučena sredstva i mi želimo da znamo i saznat ćemo, kad li-tad li, koliko novca je uopće potrošeno i utrošeno u rekonstrukciju pruge. O šljunku kojeg je više nabavljeno nego što je trebalo da bi kamenolom blizak predsjednicima nekih stranaka prodavao viška šljunka u Kantonu Sarajevo, dok vi to sve gledate i znate, to su posebno tek teme gospodine Uk, o tome ćemo još svakako govoriti. Građani također trebaju doznaju 21 000 000 samo na kamate plaćamo. Pazite. Onda izađete na televiziju i kaže Kanton nije prezadužen. Naravno da nije, 50 % , to se govori o državama. Kanton nije država i taj kreditni, mogućnost kreditnog zaduženja i opterećenost Budžeta se odnosi na države koje te novcu uzimaju za ozbiljne infrastrukturne projekte. Ili za kreditno ropstvo kojim mnoge države idu. Kanton Sarajevo kao jedan srednji nivo, čak i niski nivo vlasti, nešto jači od lokalne samouprave po nadležnostima, u kontekstu Evropske konvencije o lokalnoj samoupravi, zapravo troši 21 milion na kamate godišnje u Budžetu. Samo na kamate. I vi kažete to nije puno. Također taj kapitalni projekat koji spominjete, između ostalog nabavka trolejbusa. Evo ja vam dajem ponudu gospodine Uk. Ako vi meni sad pokažete 20 trolejbusa koje smo mi platili kreditom, bilo gdje, parkirane, neparkirane, sve trolejbusa koje smo platili, do sada je rok isporuke došao. Ako su došli u Kanton Sarajevo ja podnosim ostavku na mjesto zastupnika, jel pošteno? Evo javno pred kamerama u javnost. Podnosim ja ostavku ako su vam svi trolejbusi došli, ministre Šteta molim vas, nemojte dobacivati. Nisu vam svi trolejbusi došli, nisu funkcionalni. Staju. I ta kreditna zaduženja na to idu. Adaptivni sistem upravljanja saobraćajem, hoćete da vam kažem koja firma to radi. Pa me vlasnik i te firme koji je fiktivno prodao, susreće u restoranima sarajevskim kaže nemoj tu temu otvarati i tako dalje. Hoću otvarati kolega Uk jer ja nemam oraha u džepu. Pa hoću otvarati. Jel vi mislite da građane ne vidi koliko se pare troše, a tek će saznati. To što imate trenutno instrumente vlasti pa ne želite pokazati te ugovore, mislite da se to ne vidi. Mali

je ovo grad sve se u njemu sazna i saznat će svaki građani svaki detalj ovih kreditnih zaduženja. Kabinet predsjedavajućeg 380 000 maraka u Budžetu, ponovo. Svake godine raste. Da građani mogu da saznaju 380 000 maraka jedan pojedinac dijeli. Pa znate šta tzn.

Plata prosječna je 1200 maraka u Kantonu Sarajevo. Neko godišnje podijeli 600 skoro plata prosječnih. Koje taj pojedinac koji bez ikakvog osnova bez ikakvog pravilnika treba toliko novca da dijeli? Pogotovo neko ko nije u izvršnoj vlast zato jeste borba oko mjesta predsjedavajućeg. "Kultura na ulice", bolje ministre nemojte, uz dužno poštovanje, ako ćete onakvu kulturu na ulice, kao prošli put izvoditi, bolje da je ne financirate, molim vas. Centar za napredak tehnologije. Ministar Delić kaže ne može javno govoriti, evo ja ću javno govoriti. Taj Centar je napravljen na inicijativu Vlade Federacije zato što je Kanton Sarajevo mjesto gdje nemamo političke opstrukcije iz drugih država, barem smo mislili da nemamo. A onda su došle stranke koje su s tim razlogom osnovane pa su taj centar sveli u mjeru u kojoj ne da ne može razviti vozilo nego se ne može baviti ničim ozbiljnim. To je trebao biti centar za razvoj visoko sofisticiranih sistema za namjensku industriju, da budem do kraja otvoren. Ali došla peta kolona i taj centar sada ne služi ničemu. Nabavka policijskih uniformi. Ministar kaže Uredba Vlade, komesar itd. Koliko se vadimo tom Uredbom federalnom do sad su te uniforme da su nabavljene već bile potrošene. Ljudi, policajci nam hodaju poderani. Mene stid, ja vozim auto, svaki dan me policija zaustavi i na svakom zaustavljanju mi ljudi kažu, pokažu mi dio uniforme, pokažu mi čizme itd. To što su svi drugi Kanton prekršili tu Uredbu, ta Uredba ne valja. Imate i druga mjesta, uostalom u skupštinskim klupama sjedi ministar unutrašnjih poslova koji treba predložiti tu uniformu, tu Uredbu i nije nam to vadiona. Uprava policije svake godine prenose sredstava za nabavku oružja i transportera. U teškim političkim uslovima u državi i regionu neko ne provodi ta sredstva pa ih prebacujemo u narednu godinu. Dakle jedna od suštinskih grešaka svih saziva skupštine jeste to što je Uprava policije kao takva dobila potpunu finansijsku nezavisnost. U tom smjeru treba da razmišljamo u budućnosti da se vrate u okvir Ministarstvo unutarnjih poslova, pa kada se ne provede neka nabavka, a Skupština to u Budžet stavila, ministar podnese ostavku. Ova posredna demokratija u kojoj Skupština imenuje Vladu, Nadzorni odbor, Nadzorni odbor podnosi inicijativu itd. nas dovodi da 3 godine nismo u stanju nešto što je u teškim političkim okolnostima bilo neophodno da se nabavi u ovom društvu i državi. Povećanje zaposlenih se jeste desilo sa 14 000 na 15 200. 1200 zaposlenih je zaposleno u prethodne 2 godine. Došli ste na vlast sa pričom o borbi protiv zapošljavanja u javnom sektoru. A plate svaki dan rastu. I na kraju, pošto nemam puno vremena, ponder 2 famozni teatralni koji kolegica Milomirka Melank iznijela kao problem budžeta Kantona Sarajevo je predložio vaš potpredsjednik Mirsad Čamdžić između ostalih. 100 puta ponovljena laž, kao što je Dobrica Ćosić kazao, postaje istina, al nekada postoje ljudi koji tu istinu 101 put su spremni demantovati. Zakon o raspodjeli javnih prihoda su u parlametarnu proceduru uputi zastupnici SDA, SDP-a, DF-a, Naše stranke i još par njih iz Tuzlanskog Kantona. I da vam kažem ovo, Tuzlanski Kanton koji ima više stanovnika od Sarajevskog Kantona ove godine ima Budžet ne 600.000.000 nešto ispod 600 miliona. Dakle imaju ljudi duplo manji budžet od nas uprkos tome ponder, a puno ozbiljnije i bolje projekte rade nego što to radi Vlada sarajevskog Kantona. Dakle naš Budžet je istorijski opet, preko milijardu. To što neko nema vizije, to što netko ne zna na koji način te pare raspodijeliti, što uske partikularne interese zadovoljava, što stranačkim filma nabacuje poslove, što nas zadužuje za nešto što neće biti u narednih deset godina gotovo, i kad bude gotovo kvalitet toga neće biti na onom nivou na kojem treba biti, to je druga tema. Što zapošljavate nemilice na nivou godine to košta 50 miliona. Eto vam pondera u 1200 radnika viška. To što Sarajevo ima kompleks više

vrijednosti ima i odgovornost glavnog grada. Ne vrijede građani Sarajeva više od građanina bilo kojeg drugog mjesta u Bosni i Hercegovini, barem kada su u pitanju raspodjela tih javnih prihoda. Jesmo li u stanju, ja sam predlagao da se porez poveća na trgovini nekretninama. Kod nas pojedinci imaju pedeset nekretnina i plaćaju porez isti kao kad imaju jednu. To treba da bude hrabrost ove Vlade pa ćete naći 100 000 000 za dan.

Danijela Kristić (Dopredsjedavajuća)

Vrijeme.

Haris Zahiragić (poslanik/zastupnik)

Zahvaljujem se predsjedavajuća. U drugoj diskusiji ću nastavak svoje diskusije. Hvala.

Danijela Kristić (Dopredsjedavajuća)

Replika zastupnik Uk.

Nihad Uk (poslanik/zastupnik)

Hvala dopredsjedavajuća. Kolega je ponudio opciju da usreći građane Kantona Sarajevo tako ako mu se pokaže 20 trolejbusa novih da će podnijeti ostavku, evo ja pozivam kolegu sa ministrom Štetom da odemo na parking i da mu pokažemo ili da mu pokaže ministar Šteta 22 nova trolejbusa koja su došla u Kanton Sarajevo. Hvala.

Danijela Kristić (Dopredsjedavajuća)

Replika zastupnik Zahiragić.

Haris Zahiragić (poslanik/zastupnik)

Ne znam zašto vi govorite u ime ministra Štete.

Drago mi je da ste njegov portparol. Ti trolejbusi su trebali davno stići, ja sam kazao funkcionalno trolejbusa u saobraćaju, a njih 22 nema jer ja živim u Sarajevu gospodine Uk. Krećem se. Ta 22 trolejbusa nisu u saobraćaju u Kantonu Sarajevo. Ako jesu ta ponuda ostaje i dalje. Pokazat ću i ja vama 122 u Bjelorusiji. Šta znače u parking, što nisu u saobraćaju?

A sad ćemo otići opet 5 , hajde ministre Šteta šapnite molim vas zastupniku Uku zašto nisu u saobraćaju pa možda mi ponovo replicira. Hajde, dajem vam minutu fore za repliku.

Danijela Kristić (Dopredsjedavajuća)

Zastupnik Kapidžić.

Faruk Kapidžić (poslanik/zastupnik)

Zahvaljujem predsjedavajuća. Evo odnosno pod predsjedavajuća. Evo. odnosno podpredsjedavajuća, v.d. Ovdje je izgleda sve v.d u ovoj državi. Ovaj obzirom da se šicamo ovim ostavkama, ministar Šteta nije ispoštovao svoju ostavku, neće ni Haris Zahiragić, a ako već UH hoće da delegira onda nek i on ponudio ostavku pa nek se ide tamo brojat, pa ako ih bude, podnijet će Haris, a ako ih ne bude podnijet će gospodin Uk.

Danijela Kristić (Dopredsjedavajuća)

Ja bih zamolila samo da se vratimo na temu, Nacrt budžeta.

Faruk Kapidžić (poslanik/zastupnik)

Nisam, nisam ja ni skrenuo s teme, to su oni skrenuli. Dakle vezano za Budžet, mi smo sada evo koji je ovo februar, ovo je trebalo biti u decembru. Mislim da je relativno glupo ovaj ne usvojite ovaj Nacrt Budžeta obzirom da privremeno financiranje ističe krajem marta, al da je jako neodgovorno usvojite ovaj Nacrt Budžeta. Ja sam, ja sam možda sam staromodan ali sam isprintao Budžet na tvrdu kopiju nekih 350 listova i ovaj otvorio sam, ovo je vaš koliko sam uspio upratiti peti Budžet, ove trojke, koji treba da se usvoji i da se sprovodi. Ja sam ga otvorio i zatvorio baš kao teško oboljelog pacijenta koji nema šanse da preživi. Dakle ovo što sam vidio vidjelo se i na prvom Budžetu vašem uglavnom sve isto. Od helikoptera do milion drugih projekata koji nisu sprovedeni. Dakle, ono što se osjeća iz ovog Budžeta to je da da ste vi de facto Kanton Sarajevo napustili i da ste prepustili administraciji jer ovo se ne može nazvati razvojnim budžetom, ne može se nazvat ekonomski, ne može ni socijalnim, obzirom da je ovo najveći Budžet u državi, tako da je ovo jedan ovaj pravi administrativni Budžet, te se ne bih spuštao na stavke po Budžetu, sitne stavke, nego uopćeno bilo bi dobro da povučete ovaj Nacrt Budžeta i podhitno da napravite nešto, al pošto ne može ništa značajno napraviti obzirom da ste navikli 4 godine raditi administrativni Budžet onda mislim da od toga neće biti ništa. Problem ovog Budžeta je zato što nema potpis, on on nema ničiji potpis. Ja ovdje ja ovdje ne osjetim nikakvu politiku, nikakav plan i program, nikakvu strategiju. Ovo je znači ispunjavanje onih stvari koje se ispunjavaju, koju ispunjava administracija, od plata do rekonstrukcija i nabavki onoga što je potrebno Kantonu. Nema niti jedan potez a krenuli ste u priču sa 300 mjera i sa 20 principa. Kada se uđe u stavke, kada se siđe u stavke onda bi se moglo reći da je ovo ovo je borba za korupciju a ne borba protiv korupcije na kojem ste krilima ušli u vlasti. Druga, treća stvar, peta stvar najvjerovatnije da se najviše ovdje osjeti potpis, potpis međunarodnih banaka jer ovo je, ovo bi se moglo reći da je to, da je ovo njihov Budžet. Ja razumijem da vi sprovodite njihove politike bez bez ikakvog protivljenja, ali mislim da to građani ovi nisu zaslužili. Dakle prije nego što je famozna trojka došla na vlast bilo je dvadesetak Budžeta. Tih dvadesetak Budžeta mislim da možda prvih 10 da recimo je ličila na nešto poslije se to počelo lagano kvariti, ali preuzeli ste Kanton sa nekih sto pedesetak miliona duga, ili tako nešto, nemojte me uzimati za riječ. Za 4 vaša Budžeta i ispunjenje realizacije došli smo do 350. Ako se ovo usvoji to će biti nekih 350 miliona ovaj kredita, što da poštovanim gledaocima i građanima slikovito predstavim, kada sam listao Budžet i ovih 350 stranica, svaka stranica je 1 000 000 kredita, zaduženja. Dakle sa 150 stranica doguralo se do 305 stranica. Što najbolje govori o vašoj viziji, odnosno o toj uspješnoj priči koju sada trebate prenijeti na Federaciju. Ne daj Bože da prenesete na Federaciju jer bi onda ono sve što je gospodin Fadil Novalić sa svojom ekipom izliječio na Federaciji vi bi to za 4 godine, kao i Kanton Sarajevo, dakle protutnjali bi kod termite i ostavili bi pustoš i dugovanja. Znam da to nije vaš cilj, ali vjerovatno neki vid nesposobnosti i neke ne nema, nedostatka vizije bilo kakve dovodi do toga da se kreditnim sredstvima radi i što treba i što ne treba. Da se radi pod nepovoljnim uslovima i da strani kreditori vas uslovljavaju na neke stvari koje nisu okej. Ja imam puno pravo da to kažem jer sam se uvjerio za 10 mjeseci sprovođenje isto vašeg Budžeta jer ste ga usvojili a mi smo ga preuzeli onda tada. Nismo imali ponder 2 ali smo imali korona ponder i završili smo Budžet sa milijarde završili smo ga sa 900 miliona. Bilo je 100 miliona umanjen zbog korone i situaciji. Dakle možete vi sada se izvlačiti koliko god hoćete na ponder, iako ste ga vi izglasali skupa sa SDA, može vam to biti jedina izvlaka ali realno onome onome ko zna čitati Budžet vidi tu daleko ovaj više nekih drugih problema. Kada se spusti znači i ovaj Budžet, baš kao i ovaj Kanton Sarajevo sa dronom kad dignete iznad ovog grada dron na 500 m ovo je slika

fantastičnog grada, nema ga na planeti zemaljskoj, pa i noću i danju. To je mali grad u kotlini koji je tako divno smješten sa puno zelenila oko njega itd. Tako možda izgleda nekome ovaj Budžet. Vama izgleda zato što ne vidite sa distance, ne možete da se izmakne iz te slike. A kad pustite dron na 50 m ovaj grad se raspada. Znači ovaj grad je doveden u potpuni raspad i ja vam moram reći da da ovakvim budžetom i dalje ako nastavimo nama neće treba zemljotres. Mi smo vidjeli slike užasa zemljotresa koji se u trenutku desio i srušio tri dole grada i u Siriji i na jugu Turske. To je stravično šta se ljudima desilo, međutim čitavom svijetu je ono opomena, pa i nama opomena šta se može desiti, a nama stoje na zidovima zgrada stoje papiri gdje piše oprez fasada se obrušava. Znači nama se godinama obrušavaju fasade bez zemljotresa. Što drugim riječima znači ne daj Bože da udari i manji zemljotres ne bi se više fasade obrušavale jer ih ne bi bilo, sve bi se obrušilo. Mi nemamo nikakvu stavku u budžetu, nemamo nikakav pravac vezano za Kanton, Grad i ono što nam slijedi da bi zaustavili, nego imamo samo zaduženja koja nećemo osjetiti. Ja stvarno ne znam u šta se osjeti 200 i nešto miliona koje ste zadužili za 4 godine, ako znamo da recimo jedan olimpijski bazen je koštao ondašnji para 16-17 000 000 maraka. Nema ništa da bi se vidjelo što se to ovaj uradilo, a zaduženje je ogromno. I ovaj da ne dužim dalje, znači nadam se da ovaj Nacrt nećete usvojite, da ćete ga povući i napraviti nešto od ovoga, bar malo da ima neku viziju i pravac, inače osjeti se ovdje kao da ste napustili Kanton jer u njemu više nemate ništa. Interesuju vas neke druge, ovaj drugi nivoi vlasti i ne iznenađuje me to od premijera Forte jer on je već jednom ovaj Kanton napustio. Iznenađuje me od vas koji ste ovdje i koji živite ovdje.

Danijela Kristić (Dopredsjedavajuća)

Zastupnica Hašimbegović.

Marijela Hašimbegović (poslanik/zastupnik)

Zahvaljujem se predsjedavajuća.

Prevažodno bi zamolila kolege zastupnice i zastupnike da ne etiketiraju članove Demokratske fronte u vidu bilo koje druge političke opcije, u ovom slučaju SDA i posebno u dijelu kome su iznesene neistine, pa evo molim da ćemo u duhu zajedništva svih kolega i kolegica, zastupnica i zastupnika raditi zajedno u ovom sazivu. Što se tiče moje diskusije vezano sada za Nacrt budžeta, složila bih se sa kolegom Čengićem da je zaista nije utemeljeno vrijeme kada se moglo razmatrati i Nacrt budžeta i donijeti prijedlog budžeta, jer to se sve moglo desiti na kraju prošle godine. Zaista nisu utemeljeni razlozi zbog čega se to nije desilo. Mi smo već u februaru mjesecu, pješćani sat se okrenuo i mi do kraja ove godine nemamo baš tako puno vremena za za realizaciju svih potreba koje traži Kanton Sarajevo. Ono što meni lično nedostaje u ovom Nacrtu budžeta jeste vizija jer svaki Budžet je ustvari vizija djelovanja. Razuđenost prioriteta je apsolutno vidljiva, tako da je to nešto što vjerujem da ćemo u vremenu koje donosi i vrijeme javne rasprave, naravno i priprema amandmana za prijedlog budžeta, da ćemo nekako uspjeti unaprijediti ovaj dokument. Mislim da nije dobra ideja da se sad odustaje od ovog Nacrta iako bi možda to bilo najbolje rješenje, ali vi za vi naših građana i viza vi toga da nas čeka zaista jako puno posla, mi iz Demokratske fronte ćemo podržati ovaj Nacrt budžeta. Ja ne bih bježala od tačaka koje su zaista na mene ostavile određeni trag, kao što je pitanje nabavke helikoptera u zaista u iznosu koji je neprimjeren jer se radi u preko 12 miliona predviđenih sredstava i smatram da je to zaista neprimjereno. Također se pojavljuju uvećane stavke za putne troškove itd. itd. Međutim nisam vidjela da je iko, pa čak i evo i od kolega zastupnika i zastupnica, pa i od saziva Vlade kojim se ujedno zahvaljujem na sve dostavljene odgovore, niko nije postavio

pitanje zagađenosti zraka što je ustvari prioritet rješavanja problema Kantona Sarajevo. Dakle to su ta pitanja gdje se postavljaju prioriteti kao u kući kada radite u mikro svom svijetu, kada pravite raspored svog budžeta, tako i u ovom vrlo odgovorno svi moramo da pristupilo I da se poslužimo što je to ono što je najbitnije i u kojem pravcu trebamo djelovati. Tako da ja ću iskoristiti ovu priliku da predložim još par projekata za koje smatram da trebaju biti kapitalni projekti ovog budžeta, a tiču se fasade i rekonstrukcija i obnove fasade Narodnog pozorišta, koja ne samo u estetskom smislu je ugrožena i ostavlja takav trag odnosno lice vlasti, jer lice tako neugledne fasade je ustvari lice kulture, odnosno lice vlasti. I s tim u vezi vjerujem da ne želimo vidjeti takvo lice. I sem toga ta fasada ne samo da je ruglo u gradu već je ona ujedno i opasna, to je upravo ovo o čemu je i kolega Kapidžić govorio, komadi fasade otpadaju sa Narodnog pozorišta i ugrožavaju ne samo uposlenike već i prolaznike, naše sugrađane.

Sljedeći projekat to je mala scena sa radionicama i smještajnim kapacitetima. To je inicijativa koju sam ja već uputila Vladi Kantona i tu se isto radi o objektu koji je oštećen usljed djelovanja klizišta koje se nalazi direktno uz objekat. Sljedeće što želim vidjeti Budžetu jeste stara priča vjerujem u novom ruhu, to je koncert hol Sarajeva koji već dugo dugi niz vremena nema svoju realizaciju i očekujem da će ako ništa biti iskorišteno ovo vrijeme da se naprave barem pripremni dokumenti, da se odluči konačno koja će lokacija biti dodijeljena za ovaj objekat.

I slažem se također sa kolegom Nihad Ukom što se tiče podrške Muzeju savremene umjetnosti Arsaevi, smatram da Kanton Sarajevo zaista treba participirati u jednom takvom vrijednom objektu. Ovo će biti moja diskusija, obzirom da sam ja već iskoristila svoje vrijeme u odnosu na pitanje prema sazivu Vlade, tako da sam već na neki način dala svoju prvu diskusiju za ovaj dokument Nacrta budžeta, ujedno pozivam naše sugrađane , pozivam sve institucije koje trebaju da učestvuju u periodu javne rasprave da iskoriste svoje vrijeme i da zajedno oblikujemo i unaprijedimo ovaj dokument za dobrobit svih nas. Hvala lijepa.

Danijela Kristić (Dopredsjedavajuća)

Zastupnica Vujović.

Vedrana Vujović (poslanik/zastupnik)

Zahvaljujem predsjedavajuća. Evo ja na samom početku moram istaći kao ima kolegica Marija Hašimbegović da je zastupnica Melank iznijela jednu neistinu, a to je da je Demokratska fronta 20 godina u nekoj koaliciji sa SDA. Naime, Demokratska fronta je osnovana 2013. godine, participirao u vlasti i parlamentarna stranka od 2014. tako da nadam da ćemo u budućnosti malo više svi mi paziti na odabir riječi kada su ovakve stvari u pitanju. Ja ovu diskusiju povodom Nacrta budžeta počeo ću sa zaključcima koji je prošli saziv Skupštine usvojio još 2019 godine na Tematskoj sjednici o statusu mladih Kantona Sarajevo. Ranije nam prilikom izvještaj radnih tijela kolega, odnosno zastupnik Pobrić i zastupnik Marjanović su se malo pozvali na to. Ja ću se možda ponoviti nećete mi zamjeriti ali ja moram istaći da ova sadašnja Vlada analizirajući ovaj Nacrt, u potpunosti zanemarila pojedine zaključke pomenute sjednice. Naime zaključak je da budućem radu vlasti Kantona Sarajevo prioritet bude kreiranje politika prema mladima, uspostava i jačanje institucionalnih mehanizama za podršku mladima, kao i da se mladima omogući aktivno sudjelovanje u kreiranju svih politika prema ovoj populaciji, da u aktivnostima resornih ministarstava mladih njihove potrebe budu prepoznate kao zasebna kategorija u skladu sa strategijom prema mladima za period 2019- 23, kao što je rečeno i kao što vidimo ističe ove godine. Taj zaključak evo u ovom Nacrtu nije realizovan. Naime potrebno je budžetski planirati analizu i izradu nove Strategije prema mladima koja podrazumijeva

aktivnosti i Vlade, ali i radnih tijela, ali možda najvažnije raditi na organizovanju Vijeća mladi Kantona Sarajevo, s obzirom na to da je isto trenutno neaktivno, a prema pojedinim informacijama koje raspolazem i ja, a i šira javnost, ono je gotovo ugašeno. Mislim da je to nedopustivo u skladu sa obzirom na to nije ni u skladu sa federalnim Zakonom o mladima, a isto tako ti zaključci i samo učešće mladih u participiranju u Kantonu Sarajevo ne može biti realizovana u punom kapacitetu. Ovu diskusiju posvećujem mladima, ističem je iz jednog razloga, a to su amandmani na Ustav Federacije Bosne i Hercegovine koje svojom odlukom Visoki predstavnik nametnuo u izbornoj noći. Vjerujem da su zastupnici i javnost upoznati sa tim odredbama Šmitovih odluka, te smo proteklih i sedmica i mjeseci stalno u medijima slušali one silne brojeve 11, 13, 7, 8, no ono što je najvažnije u ovom kontekstu momentu za mlade jest amandman 130, član 11 h) stav 2) koji glasi: "Zakonodavna i izvršna vlast Federacije, Kantona, gradova i opština će uspostaviti odgovarajuće strukture za inkluzivno učešće u mladima u pitanjima koje se tiču njihove budućnosti u navedenim nivoima vlasti u roku od godinu dana od dana stupanja na snagu ovih amandmana na Ustav Federacije Bosne i Hercegovine". U ovom Nacrtu Budžeta ne vidim, a voljela bih da nije tako, uopšte nije predviđen način učešća mladih na način koji zamislio i odredio Visoki predstavnik. Ono što jeste predviđeno budžetom, a a iz Ministarstva za visoko obrazovanje nauku mlade su nam to ranije potvrdili za omladinske projekte civilnog društva predviđeno 80 000 maraka odnosno 0,007 Nacrta Budžeta Kantona Sarajevo, što mislim da je nedovoljno. Ne bi samo kritikovali, ima nešto pohvalno. To smo ranije i to je i resorni premijer govorio jeste izdvajanja od pola miliona maraka za subvencioniranje mladih pri rješavanju stambenog pitanja. To sad postaje višegodišnje kapitalno ulaganje i predstavlja 0,042 Budžeta Kantona. O ovome se možda može posebno diskutovati i vjerujem da će u narednom periodu, u periodu javne rasprave biti prilike mnogo više. S obzirom na to da je praksa pokazala da je predviđeni iznos nedovoljan, imajući u vidu poskupljenja cijena kvadrata nekretnina u Sarajevu, vjerujem da će se kriteriji prilikom ispunjavanja ove budžetske stavke korigirati u skladu sa tržišnim cijenama, te da će isti iznos biti značajno povećan jer se isti iznos ranijih godina povećavao kroz rebalanse budžeta, ali ovaj iznos i ovaj način rješavanja stambenog pitanja mladih opet diskriminira i onu grupu mladih ljudi koji možda nisu u mogućnosti da kupe prvu nekretninu, unatoč tome što su zaposleni. Stoga preporučujem Vladi Kantona Sarajevo da razmotri druge načine pomoći mladima pri rješavanju stambenog pitanja, npr kroz posebne kreditne aranžmane prilagođene mladima u dogovorima sa bankama, povoljnije uslove kreditiranja, te da u tom smislu možda Kanton Sarajevo na neki način, u nekom narednom budžetu, u nekim narednim politikama postojeća rješenja unaprijedimo i na taj način obuhvatimo veći broj mladih ljudi. Možda jedna od najvažnijih stavki svakog Budžeta predstavlja ulaganje u realni sektor. Ministar Delić je djelimično odgovori na to kako će se utrošiti 7 000 000 za mala preduzeća. Ovim putem ističem da Budžetu ne postoji alineja koja se odnosi na poticaj pokretanja mali biznis ili start upa za mlade pri Ministarstvu pravde. Vjerujem da postoji linija u fondu vanbudžetskom fond Zavoda za zapošljavanje. U našem Kantonu postoji mnogo uspješnih biznisa koji su osnovali mladi ljudi i koji je namijenjen i čiji su korisnici mladi ljudi. Ja ću evo iskoristi priliku i za takav primjer navesti (nerazumljivo). Prvi univerzitetski hub u Bosni i Hercegovini koji nije univerzitetski da ga je osnovala Vlada Kantona Sarajevo ili Univerzitet u Sarajevu, nego je univerzitetski jer upravo radi sa mladim ljudima, primarno s Univerziteta u Sarajevu, ali on djeluje mnogo više sa mladim ljudima i studentima, ali i srednjoškolicima širom Bosne i Hercegovine, Evrope i svijeta. Njega ističem iz razloga što smo mi kao zastupnici Skupštine Kantona Sarajevo, ali i članovi Vlade u ovom sad sazivu, imali priliku da dobijemo poziv i

možemo svako od nas ih može posjetiti. Mi smo iskoristile to svoje pravo kolegica Hašimbegović i ja i uvjerile smo se u rad i viziju takvog jednog kvalitetnog sad već biznisa, koji je krenuo kao start up i vjerujem da će se Budžetu naći u mogućnost i prostor da takve biznise, koji su pokrenuti u Kantonu Sarajevo kao start upi i koji danas uspješno posluju, a za finalni cilj imaju opšte dobro, da će pronaći mjesto i u prijedlogu budžeta s obzirom dodao da ga u Nacrtu trenutno nema, svaki Budžet pa kao i ovaj kao što sam rekla treba da bude orijentisan ka opštem dobru, ka građanima i u konačnici da osigura bolji kvalitetniji život građana Kantona Sarajevo. Nadam se da će Vlada Kantona Sarajevo i Ministarstvo privrede pronaći način poticaj za pokretanje biznisa, ulaže u postojeće biznise po ne samo po određenim kriterijima koji se tiče IT struke, treba ulagati u taj resor, ali treba obuhvatiti mnogo veći broj malih privatnika, malih preduzetnika. Iako je mjesec februar, evo kolege su ranije o tome govorili, mi da danas tek raspravljamo o Nacrtu budžeta. Mi smo naime kao Demokratska fronta kroz medije i kroz Skupštinu inzistirali još prilikom preuzimanja mandata da dobijemo Nacrt Budžeta i da o tome raspravljamo javno, međutim to se nije da smo. Sada stopostotno mogu tvrditi da je sad već danas već bivši premijer Kantona Sarajevo nas sve ovdje izvršio obmanu i obmanuo i nas i građane i javnost Kantona Sarajevo, te da mi danas imamo novu Vladu Kantona Sarajevo, ali evo imamo Nacrt budžeta u februaru, što mislim da ukoliko se ne usvoji neće donijeti ništa dobro, čak štaviše nećemo samo može štetiti građanima Kantona Sarajevo. Stoga ćemo mi kao Klub Demokratske fronte podržati ovaj Nacrt Budžeta iako se na ne slažemo sa proceduram, a ni sa samim sadržajem jer građani Kantona Sarajevo zaista ne zaslužuju da budu taoci nikakvi politika, ni političkih previranja i ne zaslužuju da ispaštaju radi nepostojanja određenih političkih dogovora. Evo toliko od mene za prvu diskusija, a vjerujem da će biti prilike i da se kasnije javim hvala..

Danijela Kristić (Dopredsjedavajuća)

Zastupnik Magoda.

Kenan Magoda (poslanik/zastupnik)

Hvala uvažena dopredsjedavajuća. Drage moje građanke i građani Kantona Sarajevo iza nas su dvije veoma teške godine sa najvećom ekonomskom krizom nakon Drugog svjetskog rata u kojoj Vlada Kantona Sarajevo gradi kao ni jedna druga do sada. Samo da uzmemo primjer Ministarstvo saobraćaja Kantona Sarajevo i da navedemo samo mali dio onoga što je on uradio, baš budžeta Kantona Sarajevo, a potrošeno sve u svrsi da se olakša i unaprijedi kvalitet života svih građana Kantona Sarajevo.

Potrebno je naglasiti i to da građani Kantona stalno imaju u glavi i trebaju da znaju i to konstantno ponavljamo, da je nažalost Vlada Federacije kaznila građane Kantona Sarajevo, koja izmjenom federalnog Zakona o pripadnosti prihoda Kanton Sarajevo ostavilo za preko 110 000 000 KM, 110 miliona KM manje u Budžetu Kantona Sarajevo za 2023. godinu. Što je itekako narušilo funkcionalnost Kantona i svih njegovih potreba i projekata koji znači za razvoj našeg. Kantona. Dovoljno je samo napomenuti da kolega iz Tuzlanskog Kantona u Federalnom parlamentu, parafraziram sada jer ne mogu baš biti tako sirov kako je on to rekao, da su smanjenjem prihoda prema Kantonu Sarajevo spriječeni razvoj Sarajeva. Moram razočarati uvaženog delegata Federalnog parlamenta i reći mu da je Sarajevo iz godine u godinu ljepše i ljepše i pozivam ovim putem na jednu predivnu turističku turu da se uvjere ovo što pričam. Nakon više od 40 godina u 2023. godini dolaze novi tramvaj, a nakon toliko godina i maštanja uskoro će i tramvaj doći do Hrasnice, iako su mnogi govorili da su to neka lažna predizborna

obećanja. Međutim građani imaju oči i građani sve vide. Građani vide da unazad 5 mjeseci mogu vidjeti i koristiti nove trolejbuse koji su došli naš grad, trolejbusa na koje Sarajevo čekalo više od 40 godina. Da je Budžet Kantona Sarajevo istinski socijalni Budžet govori činjenica da Ministarstvo saobraćaja Kantona Sarajevo samo u prošloj godini izdvojilo 3 miliona KM za uvezivanje staža i otpremnina prema radnicima Grasa, a kojima godinama nije uplaćen radni staž i otpremnine. I to za period 2008 i 2016 godina. Da je urađena subvencija troškova javnih prijevoza za kategorije penzionera i slijepih, slabovidnih osoba 12,5 miliona, subvencija javnog prijevoza za kategoriju studenata 2,4 miliona, kategoriju učenika 7 miliona, kategoriju nezaposlenih osoba 600.000 KM. Subvencije troškova pojedinačnih karata 1,4 miliona. Za tužbe radnika Grasa samo u 2021 i 2022. godini više od 40 miliona KM. Dug prema Elektroprivredi u iznosu većem od 5 miliona KM, i to sve iz prethodnih godina. Ali je Elektroprivreda prijetila isključenjem dovoda struje baš onda kada se promijenila vlast u Kantonu Sarajevo. Pitam se ustvari šta su ustvari čekali prije, al ustvari to više nije ni bitno jer je dug isplaćen. Program željezničkog putničkog saobraćaja u saradnji sa JP Željeznicama. Uplaćeno je 1,5 miliona KM. Mnogo je važno da građani znaju ustvari gdje ide novac građana Kantona Sarajevo i da svaki novac transparentno pokažemo i stalno naše građane upoznajemo s tim. Veoma je važno iz domene sporta i kulture moje kolege su manje-više sve rekli međutim važno je da povećamo Grant za poticaj za filmsku i TV produkciju. Mislim da je to najveći povrat ulaganja u kreativnu industriju, digitalne tehnologije i IT oblasti. Ne samo da je najveći i najbrži po povrat već zadržava u zemlji mlade ljude ustvari naš najveći potencijal.

Stoga je veoma bitno da povećamo grant u programu "Poticaja za snimanje filmova i TV serija". Kreativne industrije kao što su kinematografija, TV, muzika, video igre, digitalne aplikacije i druge grane kreativna industrije, najbrži su rastući sektor globalne ekonomije i radi se o oblasti u kojoj potencijalno leži mnoga radna mjesta. Ovo je praksa koju su koju već odavno imaju i Zagreb i Beograd i velika šteta da ne iskoristimo šansu koju imamo i shvatimo da će ulaganja u filmsku industriju vratiti višestruko u Budžet Kantona Sarajevo. Priča o Ministarstvu zdravstva, predlažem da se u okviru budžeta Kantona Sarajevo za 2023. godinu u razdjelu 20 predvidi transfer za dodjelu sredstava za deficitarne specijalizacije i SUB specijalizacije javnim zdravstvenim ustanova Kanton Sarajevo u vrijednosti od 4 000 000 KM. Zašto kažem da se predvidi? Ministarstvo zdravstva Kantona Sarajevo utvrdilo je deficitarne specijalizacije, subspecijalizacija zdravstvenih radnika iz zdravstvenih saradnika u Kantonu Sarajevo. Evidentno je da u Kantonu Sarajevo nedostaje specijalističkih odnosno SUB specijalističkih kadrova iz različitih grana medicine. I to kao primarnom tako i sekundarnom i tercijarnom nivou zdravstvene zaštite. Pandemija Korona virusa uzdrmala je cijeli svijet i postavila nove izazove pred. Institucije i pojedince u zdravstvu ali i društvu ukupno. Svjedoci smo devastirajućih učinak pandemije Korona virusa na zdravlje. Zdravstveni sistem u Bosni i Hercegovini kao Federaciju Kantona Sarajevo pa samim time Kantonu Sarajevo nije ostao pošteđen negativnih učinaka. Osim razmjerno visoke smrtnosti kovida posebno je pogođenom zdravstveno osoblje, ljekari, medicinski radnici, medicinske sestre i brojni saradnici u zdravstvu koji su uložili napore da očuvaju kontinuitet zdravstvene zaštite, a posljedice navedenog stanja još ću uvijek prisutna u Kantonu Sarajevo. Ova pandemija odnosno pandemija epidemija ukazala je na loše planiranje specijalizacija odnosno SUB specijalizacija u Kantonu Sarajevo, te ozbiljan nedostatak pojedinih specijalizacija iz sljedeći grana medicine: epidemiolozi, radiolozi, infektolozi i drugi specijalisti. To je zdravstveni kadar u Kantonu Sarajevo je potrebno zanoviti zbog odlaska specijalista u penziju i sve većeg odlaska doktora na radu u inostranstvo. Smatram da navedeni dokument koji treba biti polazište za finansiranje

specijalizacija i subspecijalizacija Kanton Sarajevo i korištenje sredstava ovog transfera bi se detaljno razradilo u skladu sa Zakonom o izvršenju budžeta Kantona Sarajevo za 2023 godinu, a naravno sve u skladu sa programom Vlade Kantona Sarajevo koji bi jasno utvrdio kriterij i mjerila za korištenje sredstava ovog transfera od strane javnih zdravstvenih ustanova u Kantonu Sarajevo. Cilj je osiguranje nedostajućeg specijalističkog odnosno SUB specijalističkog kadra u javnim zdravstvenim ustanovama u Kantonu Sarajevo, a time poboljšanje dostupnosti nedostajućih specijalističkih i odnosno SUB specijalističkih usluga u Kantonu Sarajevo, a što u konačnici dovodi do poboljšanja sigurnosti i kvalitete ukupnog zdravstva u Kantonu Sarajevo. Hvala.

Danijela Kristić (Dopredsjedavajuća)

Ja bih samo zamolila ako možete zovnuti zastupnike koji u hodniku stoje da se priključe sjednici jer iako su vani ometaju rad. Zastupnica Klarić.

Sanela Klarić (poslanik/zastupnik)

Dopredsjedavajuća hoćete li da sačekamo da uđu, jer malo će smetati ovom mom izlaganju.

Danijela Kristić (Dopredsjedavajuća)

Možete vi krenuti.

Sanela Klarić (poslanik/zastupnik)

Hvala. Ja neću ponavljati koliki pritisak ovaj budžet ima zbog svega što su do sada kolege govorile, ali ono što bih voljela naglasiti, što je važno i što sam iskomunicirala sa građanima Kantona Sarajevo iz različitih oblasti želim prenijeti njihov utisak kroz svoje izlaganje. Ono što je važno jeste dotaći se teme poljoprivrede koju ovdje niko do sada nije spominjao a koja govori o tome da u posljednjih 30 godina je domaća poljoprivreda uništena. Imamo situaciju da 85 % hrane uvozimo da znači uništavamo praktično lokalnu proizvodnju što to što dovodi do smanjenja sigurnosti i to smo vidjeli u ovim kriznim godinama kovida i agresije Rusije na ovaj Ukrajinu kada smo ustvari shvatili koliko je lokalna proizvodnja važna, zato kroz ovu diskusiju želim istaknuti da je jako važno da u ovom sektoru povećamo sredstva, na minimalno 10 miliona, ali da pored toga iznađemo način da zato što Federacija Bosne i Hercegovine nikada to nije učinila a od Federacije Bosne i Hercegovine odnosno cijele Bosne i Hercegovine se očekivalo od 2008 godine da napravi poljoprivredni popis. Taj popis jako važan u Kantonu Sarajevo da bismo shvatili šta imamo, kojim resursima raspolažemo, koje resurse uopšte ne koristimo, i da onda kroz sisteme poljoprivrednih registara kojih u Evropskoj uniji ima preko 47, mi govorimo trenutno o jednom registru, i zahvalni smo da Kantonu Sarajevo postoji veliki interes da se razvijaju druge vrste registara, znači jako je važno da radimo i na razvoju registara, da kontrolišemo koliko poljoprivredni proizvođači i na koji način dobijaju podsticaje, ali ne samo od Kantona, nego Federacija, Općinskog nivoa, da uvežemo te registre da bi ustvari oni poljoprivredni proizvođači koji stvarno rade na svojim poljima i vrijedno pokušavaju i kada su katastrofe prirodne katastrofe u pitanju da zaštite svoju proizvodnju, da im kroz, njima pomognemo na taj način. Tu je i ona inicijativa da se ustvari zaštite i mali poljoprivredni proizvođači sa inicijativom Hanumice, jer te žene upravo koje imaju malu proizvodnju koje nisu dovoljno hrabre niti imaju dovoljno proizvoda, da izađu, da se udruže, da na neki način ih brendiramo. Tu je Zakon o pčelama, a ono što bih jako voljela istaknuti da je vrlo važno da Kanton Sarajevo izradi strategiju ruralnog razvoja i da na taj način svim onima koji žive u

dijelovima Kantona koji je ruralan a možemo reći da je ogromna površina Kantona pa i sami Centar po kriterijima Evropske unije možemo proglasiti ruralnim jer nismo riješili ni vodovod kanalizaciju a evo ni javni prevoz, što nam je naravno u cilju u budućnosti da na neki način upravo kroz tu strategiju obezbijedimo kvalitet života i tih ljudi koji žele na svojim oranicama da proizvode primarne poljoprivredne proizvode. I naravno da ih uvezemo sa onim prerađivačima da napravimo diversifikaciju, povežemo ih sa turizmom i sportom i da praktično na neki način sve ono što proizvodimo u Kantonu Sarajevo možemo ponuditi i kroz druge usluge, kao što su restorani i hoteli, a naravno i da ih povežemo sa robnim rezervama. Ono što je takođe jako važno kad govorimo o kontroli, a o tome i kolegica Krišto govorila i v.d. Premijerka Kadenić, jako je važno da takođe izdvojimo sredstva da se popuni trenutno sistematizacija pa da se možda i promijeni sistematizacija kad govorimo o Kantonalnoj upravi za inspeksijske poslove jer znamo koliki su problemi upravo što nemamo tu kontrolu i što pored znači ovih inspekcija trebamo svakako raditi na registrima. Kada govorimo o cirkularnoj ekonomiji, o okolišu, dekarbonizaciji iako je Kanton Sarajevo 1 od 100. Gradova koji su se obećali da će u narednih 10 godina ovaj dostići nultu Carbonizaciju, u ovom budžetu nažalost nismo imali prostora za takve projekte, zato apelujem da je jako važno da ovom Budžetu prepoznamo i one projekte koji se odnose na cirkularnu ekonomiju, na okoliš. Kada govorimo o energetske efikasnosti tu su takođe smanjena sredstva. I važno je povezati projekte energetske efikasnosti sa lokalnom proizvodnjom. Ne trebamo kroz projekte energetske efikasnosti podržavati tuđe ekonomije nego naći načina da koristimo one proizvode i one materijale koje možemo koristiti, koji su resursi lokalnih, kao što su recimo ovčja vuna, slama, drvo, glina, sve ono što jesmo tradicionalno i koristili u gradnji kada govorimo o bosanskoj arhitekturi. A takođe jako važno da se posvetimo zelenom certificiranju, da se posvetimo zraku, zaštiti vode, zemlje i zraka i u ono što je takođe važno, ne samo o zraku o kojem koji je vanjski zrak koji je zagađen i kojeg smo svjesni jer živimo u takvom gradu u kotlini, nego i o unutrašnjem zraku u objektima jer mi 90 % vremena provodimo u zatvorenom prostoru. Danas sam podnijela inicijativu o građevinskom otpadu a to jeste upravo vezano za cirkularnu ekonomiju jer na taj način ne odbacujemo toliku količinu materijala kroz ove investicije koje imamo i danas evo ako govorimo o saobraćaju, vidimo sami kada se vozimo pored ovog dijela pruge koji se trenutno rekonstruira koliko je to građevinskog materijala koji ne smije završiti u otpadu, koji se mora koristiti reciklirati ili inovativno koristiti u različite svrhe. S druge strane smo smanjili nažalost budžet za nauku, veliki broj kolega je govorio o ovom problemu i jako važno da iznađemo načina kroz Evropske fondove da pojačamo naučno istraživačke radove, naučno istraživačke projekte, da ih povežemo sa industrijom i da upravo kroz ta kroz tu sinergiju inovativnosti i tehnologija u stvari možemo odgovoriti na ova pitanja cirkularne ekonomije dekarbonizacije, zaštite okoliša i sve ono što u principu uče na kvalitetniji život građana. To možemo pokriti i pitanje obnovljivih izvora energije, zašto u Kantonu Sarajevo imamo najmanji broj projekata iz proizvodnje energije iz obnovljivih izvora, govore naravno i naši zakoni koji nisu usklađeni, ne samo na federalnom nivou nego na Kantonalnom nivou, tako da je jako važno takođe u Budžetu da se nađe novac za subvencije protjuma jer se iskreno nadamo da će na federalnom nivou uskoro biti usvojen set zakona koji će omogućiti građanima da na svojim krovovima proizvode energiju ali u ovom momentu bar da imamo pa bar projekata koji će na javnim objektima kao što su škole, vrtići ili evo više puta smo spomenuli Dom mladih čiji će krov će biti u fazi rekonstrukcije dana takvim krovovima možemo proizvoditi energiju iz obnovljivih izvora energije. Možemo se naravno i jako je važno kada govorimo o saobraćaju, govoriti o sigurnosti saobraćaja. Pohvalno je da koristimo sada

željeznicu za saobraćaj, ali molim vas da razmislimo i na koji način da zaštitimo prilaz željezničkim stanicama jer gubimo živote u tom dijelu. Sve navedeno daje nam priliku da stvorimo nova zelena radna mjesta, da podržimo start upe i mlade ljude i da upravo kroz cirkularnu ekonomiju i održivi razvoj i zelene politike Sofijsku deklaraciju i 9 milijardi EUR-a koje je rezervisano do 2030. godine za zemlje zapadnog Balkana stvorimo strategije i zakonodavni okvir da možemo iskoristiti taj novac i na taj način stvoriti kvalitetniji život za građane u Kantonu Sarajevo. Hvala.

Danijela Kristić (Dopredsjedavajuća)

Zastupnik Avdić.

Samir Avdić (poslanik/zastupnik)

Zahvaljujem dopredsjedavajuća. Evo slušajući ovaj dosadašnje diskusije ovaj naučio sami i 2 nova simpatična politička termina izvlika i vadiona, zbog toga zahvaljujem, ovaj pa evo i ja da izađem sa jednim iz psihologije, a taj termin selektivna memorija. Čini mi se da u ovim skupštinskim klupama postoje ljudi koji ovaj nekako selektivno pamte, kao da je devastacija ovog grada počela prije 2 godine sa dolaskom u ovaj Vlade trojke ili eventualno prije četiri sa šestorkom. Ovaj a ne sjećamo se da je devastacija krenula već za vrijeme agresije na našu zemlju i da od ulaganja odmah 90-tih. iza rata dok je, kad je Kuvet popravljalo ona stakla u Titovoj ovaj i nije nakon toga bilo a da možemo ih ocijeniti kao kapitalne.

Kada je u pitanju ovaj Nacr, evo iz dosadašnjih diskusija i iz odgovora ministara mnogi smo čuti priznanje da je on dosta umanjen i da na različitim stavkama je Vlada Kantona Sarajevo bila jednostavno natjerana na rezanje troškova, ne zbog toga što je to vizija ili politika koju želi provoditi ta Vlada i ova skupštinska većina koja je na pomolu, već i iz razloga koji se pomalo i relativizirao maloprije kroz diskusije. Prije svega zbog 110 miliona manje sredstava ove godine zbog izmjena federalnog Zakona o pripadnosti prihoda tzv. umanjena tzv. pondera i tu ne smijemo relativizirati. To je najveći udar na naš budžet znači 110 miliona, nije malo, radi javnosti još jednom podsjećam to nije malo i tome treba dodati jednu pozitivnu mjeru koja košta 86 miliona, a to je mjera to je 86 miliona kroz koje će se iz finansirati povećanja plata po kolektivnim ugovorima. Prošle godine po prvi put u istoriji Kantona su potpisani svi kolektivni ugovori, odnosno njih 12. I nova zapošljavanja o kojima ću poslije. Znači 110 i 86 to je skoro 200 miliona i svako ko zna išta o budžetima zna barem onu osnovnu stvar a to je da budžeti moraju biti uravnoteženi. Znači prihodi i rashodi moraju biti uravnoteženi i mi moramo biti toga svjesni. Vjerujem da ne postoji osoba zastupnik ili zastupnica u ovim skupštinskim klupama bez obzira u kojem redu sjedi a da ne želi dobro ovom Kantonu. A ne mislim da postoji i jedna ideja, i jedna inicijativa koja bi se ticala Nacrta ili kasnije prijedloga budžeta a da nije pozitivna, međutim moramo biti objektivni, moramo biti realni i kao što je kolega UK rekao, možemo se pokriti jorganom onoliko koliko je isti dug. Čuli smo maloprije kroz odgovore iz kojih to ministarstava, sa kojih stavki je najviše umanjeno. To je prije svega Ministarstvo saobraćaja, zatim Ministarstva komunalne privrede. Itd, zatim Ministarstvo privrede, veliko je umanjenje u Ministarstvu osnovnog i srednjeg obrazovanja, ovaj kada su u pitanju izdvajanja sama koja su u prošloj godini bila za samo Ministarstvo, ali je s druge strane jako dobro i pozitivno da su uvećana sredstva za plate koje kroz to Ministarstvo će ići kako za nova upošljavanja tako i za povećanje plata nastavnici, nastavnicama, učiteljicama, ljudima koji rade u vrtićima itd. Također to niko nije spomenuo, ali velika su velika su i smanjenja na stavkama nabavka stalnih sredstava, opreme, građevina, robnih rezervi, to je već spomenuto,

zemljišta, kapitalnih transfera, prije svega pojedincima, ali i neprofitnim organizacijama, s tim da se pazilo da se ta stavka ne umanjuje puno ili ne umanjuje značajno kada je u pitanju Ministarstvo boračkih pitanja radi osjetljivosti ovaj kategorije koje se prije svega tiče kojih se tiče to Ministarstvo i Ministarstvo socijale, također ovaj transfer pojedincima i neprofitnim organizacijama nisu značajno smanjeni. Smanjeni su izdvajanja za ugovorene i druge usluge, za nabavku materijala i sitnog inventara itd. To je nešto što bi vjerovatno svako predložio da se prvo smanji ukoliko se nešto mora smanjivati. Kada je u pitanju ono što je ministar Čičić zajedno sa saradnicima u Vladi uspio uraditi a to je da je bez obzira na sve probleme koje smo svi spominjali, uspio napraviti Nacrt budžeta i predložiti ga ovdje u ovoj Skupštini, a za koji je relevantna osoba, a radi se o direktor Ekonomskog instituta profesoru Halilbašiću rekao da ovakvim uslovima i s obzirom na udare na Budžet Kantona Sarajevo o kojima smo svi govorili, da je najbolji mogući Nacrt koji se mogao napraviti. Ukoliko to misli prof. Halilbašić, odnosno direktor Ekonomskog instituta, ja mislim da niko od nas nije dovoljno kompetentan sa te stručne, naučne strane a da opovrgnemo to njegovo mišljenje. Narednih 4 minute koliko mi je preostalo morat ću iskoristi iz razloga koji donekle i ličan. 31. decembra kada smo ovde bili natjerani da glasamo za jednu populističku inicijativu u vezi sa isplatom jednokratne pomoći, iako bez obzira kako smo glasali, kakav bio epilog tog glasanja, to glasanje ne bi imalo nikakvu nikakvog efekta odnosno svakako ne bi bilo isplaćeno, sada vidimo zbog čega Vlada tu odbila tih 27 miliona je ustvari u ovom Nacrtu 25 uvećanje od 5 % , ali i ali bez obzira na to moja fotografija i fotografije drugih ljudi koji su tada bili suzdržani su bili svim viber grupama a ovaj gdje su sindikalci iz osnovnog i srednjeg obrazovanja. S obzirom da imam puno prijatelja posebno u osnovnom obrazovanju, budući da sam dugo radio i saradivao s njima kroz Zemaljski muzej, znam te ljude i znam sa kojim problemima se susreću i otprilike znam koji su bili njihove reakcije kada su vidjeli mene na tim fotografijama, po meni jako nepravedno ovaj od onih koji su to šerovali. Zato imam potrebu da ih odbrani s obzirom da su na određen način u jednoj od diskusija nazvani uhljebi prilikom prilikom spominjanja novih 590 zaposlenih u Kanton Sarajevo. Znači radi se o broju 590. Od tih 590 - 460 su u osnovnom i srednjim obrazovanju. Ja mislim da to nisu uhljebi i mislim da ne postoji osoba u ovoj sali koja prima primanja kakva mi primamo a da ima pravo za ikoga reći da je uhljeb.

Da vam ilustrujem i zamolit ću nastavnike i nastavnici koji rade u tim školama da nam se jave ukoliko slučajno je u pitanju uhljeblijevanje a ne konačno rješavanje i prekid jedne loših prakse, a to je da vam rade po 2 godine nastavnici i nastavnice, pa im dajte otkaz nakon 2 godine da ih ne bi morali primati za stalno. To je konačno na ovaj način prekinuta praksa i ti ljudi većinom će se za zaposliti za stalno. Od tih 460 koji će se zaposliti u osnovnim i srednjim školama, većinom je u osnovnim, u moju osnovnu školu Peta osnovna u Koloniji je 10 novih. U Šestoj, to vam je na Stupu, 11, u Sedmoj, to vam je Blažuju mislim da je kolega Bandić tu radio novih 14 nastavnika, nastavnica, učiteljica, učitelja. Na Grbavici 1 - 22, u Pofalićima novih 14, u Zahid Baručija školi koju dograđujemo novih 19, Zajko Delić novih 17, Osman Nakaš novih 15, Aleksa Šantić novih 25, u Osnovnoj školi Ćamil Sijarić novih 26 nastavnika nastavnica, u Osnovnoj školi Osman Nuri Hadžić novih 30. U Zavodu za specijalno obrazovanje i odgoj Mjedenica novih 31. To je tih 460. Većinom je u osnovnim školama, ima nešto malo u srednjim školama, vrlo malo. U Rektoratu malo. S tim da kad je u pitanju Rektorat tu 48 iz Zemaljskog muzeja koji sada po zakonu moraju. Molim vas da završim pa vi replicirajte. 61 to je ovaj dio u Rektoratu, a 48 su radnici i radnice Zemaljskog muzeja s obzirom na ovaj sporazum koji smo već spominjali . Znači ne radi se o uhljebima, radi se o 460 ljudi obrazovanih koji će raditi kao nastavnici nastavnice, učiteljice, učitelji ovaj koji koji će raditi u vrtićima i tako dalje. Znači

460 od 590. Ovaj ostatak je po troje četvero u ministarstvima i najviše ustvari u ovaj u Ministarstvu čini mi se pravde, u Sudu je oko 20 itd. Zahvaljujem u 9,47. Hvala. Vatrogasci 49.

Elvedin Okerić (Predsjedavajući)

Zahvaljujem se uvaženom zastupniku Avdiću. Replika zastupnik Mahir Dević.

Mahir Dević (poslanik/zastupnik)

Koristio bih poslovničku mogućnost replike, ali prije svega ispravka krivog navoda. Vjerovatno se kolega referirao na moju diskusiju. Znači nijednog momenta ja nisam kazao da je bilo ko- ko radi u prosvjeti uhljeb. To su samo vaše kolega konstrukcije političke, vrlo nevjesto iznesene.

Elvedin Okerić (Predsjedavajući)

Samo da završi repliku pa onda ćete vi dobiti ispravku krivog navoda.

Mahir Dević (poslanik/zastupnik)

Očito su loše to su vaše konstrukcije.

Elvedin Okerić (Predsjedavajući)

Sačekajte repliku da završi dobit će ispravka krivog navoda.

Mahir Dević (poslanik/zastupnik)

Predsjedavajući ja ću vas stvarno zamoliti da organizirate neku mini edukaciju oko Poslovnika. Ja razumijem.

Elvedin Okerić (Predsjedavajući)

Molim vas, molim vas, molim vas malo tiše.

Mahir Dević (poslanik/zastupnik)

Ja razumijem da neke kolege možda ne znaju da su novi, to je OK , ali dajte ljudima objasnite, ovo je već treća,1 četvrta sjednica, kakva je procedura. Mislim ja se držim Poslovnika i dobro bi bilo da se kolegama objasni o čemu se radi. Znači ja nisam ni jednog momenta to kazao pošto kolega šalje potpuno pogrešnu i netočne informaciju o javni prostor da je neko spomenuo prosvjetne radnike. Prema ovoj njegovoj sada analizi ispada da se nama povećao broj učenika u školama za jedno četiri, pet hiljada ovo sada što je on rekao. Znači on potpuno miješa ovdje kruške i jabuke. Znači on uopće ne razumiju šta su nova upošljavanja, šta su odlasci u penziju, šta su ugovori o radu na određeno, šta su ugovori o radu na neodređeno znači apsolutno ono što govori nema veze sa činjeničnim stanjem. Ja ću još jednom radi javnost ponoviti to činjenično stanje pošto kolega dezavuirava javnost, a pored toga ne iznosi tačne podatke. Tačni podaci su sljedeći: upravo oni koje sam ja kazao naravno u diskusiji. Broj zaposlenih u budžetu Kantona Sarajevo za 2022. godine u Nacrtu je bio 14. 462. Ja pričam o dokumentu koji se zvao Nacrt budžeta Kantona Sarajevo. Da li je on bio realizovan u ovom broju, to je sada potpuno drugo pitanje. U Nacrtu budžeta za 2023. godinu, to je 15 118, što je razlika 656 osoba. Ja govorim o 2 dokumenta.

Ovdje ne ulazi uopće priča oko onih koji su otišli u penziju itd itd. A posebno ovo znači apsolutno odbacujem, ako ste naravno to meni instruirali da sam ja eventualno spomenu za prosvjetne radnike za one itd ovaj ja to odbacujem. Ako niste to meni ovaj prigovorili, to je onda potpuno druga priča, možda se ovaj nismo razumjeli. Ja sam iznosio znači tačne podatke inače i sam sam po struci prosvjetnih radnika i apsolutno znam to je obrazovni sistem i znam što su pedagoški standardi i znam šta podrazumijeva svaka škola, svako radno mjesto koje potpuno jasno precizno sistematizirano opisano i taj broj radnih mjesta se ne mijenja nešto specijalnu u odnosu na broj učenika. Ono što se dešavalo i što je bila dobra stvar od strane ove Vlade jesu ovi ljudi koji su bili zapošljavani u ove mobilne timove, u specijalne timove ovaj unutar škola koji su radili sa djecom sa poteškoćama u razvoju. I To smo mi pozdravili.

Elvedin Okerić (Predsjedavajući)

Vrijeme kolega Deviću.

Mahir Dević (poslanik/zastupnik)

Izvinjavam se, evo kratko. Naravno ako se ovo ticalo moja diskusije, ja ću se opet javiti, ako nije to je nešto drugo, da ne bi otišlo pogrešno u javnost, samo je to razlog bio.

Elvedin Okerić (Predsjedavajući)

Zahvaljujemo se. Zastupnik Avdić odgovor na repliku. Izvolite imate riječ. Odnosno ispravka krivog navoda ili odgovor na repliku. Uključite zastupnika Samira Avdića.

Samir Avdić (poslanik/zastupnik)

Zahvaljujem dopredsjedavajući. Ja zaista ovaj niti sam imao namjeru niti ću u narednih četiri godine ikada ovaj polemizirati ad hominem, tako da ukoliko se kolega na bilo kakav način osjetio prozvanim ili uvrijeđenim, ja se izvinjavam, ali sam ovaj, a i ono što je neispravno u navodu jeste da sam rekao da je on rekao da su konkretno ovi koje spominjem uhljebi. On je spominjao ili evo da kažem kolega Dević, ali pošto on govori mu i ja ću njega zamjenicom on, on je spominjao nova zapošljavanja i u tom kontekstu iskoristio termin uhljebi. Ukoliko zaista nije mislio, a mislim da, ne mislim da je takav čovjek da je to pomislio, ovaj izvinjavam se. Ali ne mislim ni ja da je bilo ko od ovih ili barem 90 % od ovih koji će biti zaposleni nanovo ili će im se dosadašnji ugovori od na godinu ili na 2 godine na određeno konačno ovaj produžiti da budu zaposleni na neodređeno da su uhljebi. Još jednom još jednom bih ovaj s obzirom da imam ja tri minute, kolega je tri i po pa nisam zaista prekidao. Ovaj evo kolega kada se javi, s obzirom da dolazi iz prosvjete, zamolit ću ga neka odgovori da li je i on saglasan sa mnom da je ta praksa da se drži neko dijete, neki nastavnik, nastavnica godinu ili 2 na poslu i onda mu se prekine ovaj radni odnos da ne bi morali primiti tu osobu ovaj zastalno odnosno na neodređeno. Prema informaciji koju ja imam, najveći broj ljudi među ovih 460, najveći broj ljudi upravo su ljudi iz te da kažem kategorije. Da se konačno prekine sa tom lošom praksom, praksom nesigurnost jer ti prosvjetni radnici se osjećaju nesigurno, ne mogu uzeti, nisu kreditno sposobni, ne znaju do kada će ostati na poslu itd. Ja sam nabrojao među ovih 460 ovaj i ove i ove osnovne škole sa najvećim brojem ovaj prosvjetnih radnika koji će biti primljeni. Evo zamolio kolege koji već rade u ovim osnovnim školama ukoliko su im čudni ovi brojevi, evo na primjer Peta osnovna 10 novih prosvjetnih radnika. Ukoliko oni tu vide da se radi o nekoj korupciji, da se radi o nekom uhljebljenju da se jave u bilo koji od klubova zastupnika. Ja sam

siguran da ćemo mi odmah iznijeti na sljedećoj sjednici skupštine ukoliko se radi o nečemu što nije pozitivno.

Elvedin Okerić (Predsjedavajući)

Zamolio bih kolege da se vrate na temu, Nacrt budžeta Kantona Sarajevo.

Samir Avdić (poslanik/zastupnik)

Evo tri minute, izvinjavam se, neću replicirati, izvolite.

Elvedin Okerić (Predsjedavajući)

Odgovor na repliku zastupnik Dević, pa onda replika zastupnika Haris Zahiragić.

Mahir Dević (poslanik/zastupnik)

Vi kolega možda mene možda ne razumijete, jer vi koristite termin novih ljudi. Nisu to novi ljudi, to su ljudi koji postoje u sistemu samo na drugačiji ugovor o radu, a ne na ugovor o rad na neodređeno. Naravno da se slažem s vama da za svaku sistematizovano radno mjesto, ukoliko zaista postoji potreba za takvim radnim mjestom, treba ga odmah raspisati javni poziv na neodređeno primiti, a ne trošiti pare na konkurse. Mislim ko bi normalan bio ovaj protiv toga. Nisam ja u toj tendenciji govorio. Ja sam govorio ovdje o stanju 20 kad je bila SDA-ova Vlada 14 006 zaposlenih i '23. Nacrt kada evo nije SDA Vlada koji prelazi 15 118. To je značajno opteretilo budžet Kantona, 1000 novih ljudi, bez obzira gdje su zaposleni. A ako počnem pričati o tim stranačkim uhljebima, vjerujte od ministarstava, preduzeća. Sada da uzmemo spisak imena i prazimena mislim da nam to svima ne treba, sad ću vam ih sto nabrojati i reći ko je iz koje stranke. E na te sam ja mislio, a ovo što se tiče ovaj ljudi, oni već postoje u sistemu, samo njihov radnopravni odnosi nije na određeno, a možda ima potrebu da da bude, i ja se slažem evo odmah da sve te ljude koji već imaju 2 godine, 3 godine, 4, ta radna mjesta postoje, naravno da ih treba primiti da nam se ne dešava situacija da ne znam jedan učenik učiteljicu 3 puta mijenja u 4 godine. To svako normalan bi naravno podržao. Evo.

Elvedin Okerić (Predsjedavajući)

Replika zastupnik Zahiragić.

Haris Zahiragić (poslanik/zastupnik)

Zahvaljujem se. Replika kolegi Avdiću. On je spomenuo uhljebe kao neki negativni termin koji je kolega Dević na neki način spomenuo ili nije. Međutim ja moram da vas podsjetim na činjenicu da taj termin nije inoviran u bosanski jezik iz kluba SDA nego baš suprotno, iz klubova stranaka koje danas čine većinu. Mi bismo zaista željeli da ljudi koji rade u javnom sektoru, puno njih evo ovdje koji su u službama, koji cijeli dan ovdje rade za duplo manju platu nego što mi imamo, se konačno prestanu zvati uhljebima i da se razdvoje ljudi koji rade svoj posao od onih koji ne rade svoj posao, bez da gledamo da li je neko simpatizer član i tako dalje. Kada su već nažalost takva pravila igre da se ljudi sataniziraju već godinama unazad zbog toga što rade u javnom sektoru onda je kolega Dević htio da kaže da je 15 200 zaposlenih je povećanje od 1200 potencijalnih uhljeba, ma šta taj uhljeb u vašem svijetu značio. Kada je u pitanju obrazovanje, lično sam podnosi inicijativu da se promijeni taj pravilnik famozni u kojem se boduju, ne boduju, konkursi na određeno raspisuju, jer nije samo problem statusa tih zaposlenih u prosvjeti, nego problem najveći baš što je i kolega Dević kazao, djece koja za

svoje školovanje u osnovnoj školi promjene pet, šest učitelja, profesora određenog predmeta. To nije zdravo za razvoj djeteta. Ako pogledate iznos kojim financiramo osnovno i srednje obrazovanje i generalno obrazovanje u Kantonu Sarajevo, dobićete da preko 50 % sredstava u Budžeta Kantona Sarajevo, ako izuzmemo ove kreditne kapitalne projekte odlazi upravo na sistem obrazovanja. Ako će nama neko reći da obrazovanje generiše dobre stvari u društvu, da je to dobar sistem koji svake godine razvoj 20 do 30 miliona onda nek neko preuzme tu odgovornost. 18 predmeta u školama, norme koje su razni sindikati, razni direktori, ministri otuđeni centri moći, s vremena na vrijeme provodili te reforme doveli su u situaciju da imamo višak zaposlenih u prosvjeti, a da oni dobri mladi ljudi moraju po 10 puta potpisivati ugovore. I posljednja stvar što ste rekli koju bih također želio replicirati jeste da kažete da nisu to sve nova zaposlenja, da imaju već ljudi rade na određeno i tako dalje. Svako zaposlenje na neodređeno po Uredbi Vlade Kantona Sarajevo i po zakonu se mora provoditi javnim oglasom, ukoliko se raspiše javni oglasi ili javni konkurs ti ljudi koji rade sada ne mogu biti zagarantovano da će nastaviti raditi, tako da nadam se da niko ovdje ne promovise kršenje propisa koje je donijela ova parlamentarna većina. Hvala.

Elvedin Okerić (Predsjedavajući)

Hvala kolega Zahiragiću. Uvaženi zastupnik Bandić izvolite imate riječ.

Muamer Bandić (poslanik/zastupnik)

Hvala predsjedavajući. Pa Nacrt budžeta za 2023 godinu je odraz politika stranaka koje čini trojka i u nekom prethodnom kontaktu sa ministrom finansija one aktivnosti koje su bile zanimljive Stranici za Bosnu i Hercegovinu i za koje smo pokazali interesovanje, one su komponirane ovaj Budžet. Okolnost da se radi o Nacrtu imamo mogućnost da još neke druge projekte za koje smo zainteresovani uvrstimo u taj Budžet. Tako da će Stranka za Bosnu i Hercegovinu podržati ovaj Nacrt budžeta. Ministar za financije je u ovom dijelu dogovora korektno ispoštovao sve ono što je nama bilo interesantno ja sam na tome zahvalan. Nadam se da u narednom periodu na bazi takvog odnosa i dogovora će i ostale programske aktivnosti za koje Stranka za Bosnu i Hercegovinu zainteresovana biti unijete u Budžet za 2023. godinu. I još jednom ponavljam dakle Stranka za Bosnu i Hercegovinu će podržati ovaj Nacrt budžeta. Hvala.

Elvedin Okerić (Predsjedavajući)

Zahvaljujem se zastupnik Muameru Bandiću. Zastupnik Davor Čičić se javio za riječ.

Davor Čičić (zastupnik)

Zahvaljujem predsjedavajući.

Moraću da se osvrnem kroz ovu svoju diskusiju na par stvari koje su iznesene kroz prethodne diskusije. Nisam htio da repliciram da ne bih remetio tok čitavih biti izlaganja zastupnika ali evo par stvari koje kažem. Jedna je činjenica znači da nije usvojen Zakon o pripadnosti javnih prihoda da bi ovaj Nacrt budžeta bio 120, 110 miliona konvertibilnih maraka veći nego što je sad. Da se to nije desilo bez obzira što rasprave je bilo da su razne politike uticale na to. Istina je da su razne politike odnosno podijeljene po Kantonalnim Kantonima uticale da se ovakav Zakon donese, isto tako je činjenica da nisu uzete nikakve fiskalne procjene, da nisu urađene nikakve ozbiljne analize kod donošenja tog zakona, da nisu konsultovani niti je napravljeno neko na federalnom nivou neka ozbiljna komisija utvrdila način kako da se riješi to pitanje. Mi

i sada imamo u biti još jednu ustavnu tužbu koja treba da se riješi po pitanju procedura u federalnom parlamentu da kako bi se ocijenila ustavnost donošenja tog Zakona. Ja evo vjerujem da će Ustavni sud cijeniti tu ustavnu apelaciju ocijeniti odnosno pozitivno, da će oboriti ovakav Zakon koji je donesen preko koljena na način da niko ko je donosio taj Zakon nije dostavio ono što je propisano u Zakonu o budžetima a tj. jednu fiskalnu, ozbiljnu fiskalnu procjenu a ne jedan lista A4 papira gdje je neko kroz Excel razvukao formulu i smanjio po nekoj svojoj formuli ponder Kantonu Sarajevo, u ovom slučaju za 110 000 000 maraka. Što se tiče duga i zaduživanja, znači vi znate da postoji Zakon o dugu i zaduživanju na nivou Federacije BiH ne na nivou Kantona koji kaže da dug Kantona može biti maksimalno 10 % , servis duga u tekućoj godini može biti maksimalno 10 % od prihoda iz prethodne godine. Znači u ovom trenutku Kanton Sarajevo je na 5,7 % i itekako je još kreditno sposoban da ide u dalje projekte, odnosno za dalje kreditno zaduživanje i ono što hoću da ističem, znači svo to kreditno zaduživanje, koliko god vi to sad spominjali da da se radi o tekućim, što se tekućim stvarima, a to se može vidjeti kroz prethodne budžete, se odnosi na kapitalne projekte u Kantonu Sarajevo i ne samo na kapitalne projekte u smislu izgradnje novih objekata nego i za rekonstrukciju postojećih objekata u Kantonu Sarajevo i mi kao Vlada nikada sebi ne bi dopustili da u biti se zadužujemo za tekuće potrebe. Vi kada biste znali jednu osnovnu lekciju iz nekih financija koja kaže da se nikada za kapitalne investicije, da se kapitalne investicije ne plaćaju iz tekućih priliva, vama bi bilo jasno zašto mi kao Vlade idemo u ovakva zaduživanja. Znači vi kada bi ste došli u neku korporaciju i na nekom Budžetu kada bi branili taj Budžeta u toj korporaciji rekli tom svom vlasniku ili direktoru korporacije da ćete platiti izgradnju zgrade iz tekućih priliva vi bi ste mogli automatski fino da uzmete knjižicu i da napustite tu firmu, jer bolje da sami odete nego da vam neko da otkaz. Znači nigdje u svijetu se kapitalne investicije i višegodišnje investicije ne plaćaju iz tekućih priliva, iz tekućih sredstava. To tzn. u svijetu nekom normalnom financijskom ne postoji, a sad mi ako ćemo se baviti populizmom onda možemo svašta reći. Najlakše je stvoriti ovu, ispričati priču radi nekog jeftinog populizma, evo zadužujemo našu djecu, naša djeca će plaćati kredite, ali evo da ja još jednom ponovim, znači sada kada bi to plastično objasnili ako bi Kanton imao plastično plaću od 1000 maraka rata kredita bilo 57 maraka, što znači da svaki naš građanin koji ima bilo kakav kredit ima veću ratu kredita nego što vi ovdje predstavljate da zadužujemo našu djecu i pričamo o nekim bajkama da da se ti krediti neće vratiti. Isto tako kada govorite o tim kreditima morate biti svjesni da se pored zaduživanja tekući krediti odnosno dug se i vraća kroz Budžeta tekućih godina. Mi smo samo prošle godine vratili oko 40 000 000 kredita i zaduživanja iz svih prethodnih godina. Ako ćemo pričati o stvarnom dugu koji je napravljen ovdje, mi se ovdje kao pravimo laici da ne znamo u biti ko je 20 godina Vladao ovim Kantom. Znači imamo dug u Grasu preko preko 300 preko 300 miliona konvertibilnih maraka. Samo dug u Grasu koji se odnosi na poreze i doprinose. Dalje da ne pričam koliko, znači samo na struju u Grasu iz prethodnih godina je bilo preko 5 000 000 duga. Kolega Magoda je to i obrazložio i ova Vlada je to našla način da vratimo. Hoćemo li pričati o poreskim dugovima koji su nastali u Parku, u drugim komunalnim preduzećima? Hoćemo li pričati o poreskom dugu koji su u Studentskom centru koji ova Vlada servisira vraća? Hoćemo li pričati po fakultetima gdje su nastali svi poreski dugovi koje ova Vlada nalazi načine da servisira? Znači mi ne možemo se ovdje praviti ova Vlada je od 2 godine. Ne Možemo se praviti da nije ništa , da nije ništa postajalo 30 godina i da se sve to sad urušilo u zadnje 2 godine. Sve ovo što se što se dešava i što ova Vlada pokušava da sanira se desilo zadnjih 30 godina. Hoćete da pričam koliko smo ovaj platili tužbi po pitanju kolektivnih ugovora? Samo u Grasu smo platili 4 2 000 000 protekle 2 godine. Samo

u Grasu. Pored toga platili smo isplate tužbi i dugova u Kantonu Sarajevo, što kroz vansudsku nagodbu što kroz zakonsku obavezu koje smo isplatili 0,3 to obaveznu, 0,3 % Budžeta. Samo u protekle 2 godine preko 25 000 000 maraka. I sve su to dugovi koje ova Vlada sanira, vraća, nalazi načine kako da to sve ona isplati. Kad već pričamo o dugu moramo znati sve te dugove koje Vlada naslijedila. Mi nismo krenuli od nule i mi smo krenuli od minus sto. Mi vraćamo nešto što nam se kroz godine nakupilo i odjednom eskaliralo baš kad je došla kad se promijenila Vlada u Kantonu Sarajevo. Tako da građani te stvari trebaju da znaju. I dan-danas kroz sanaciju odnosno kroz sporazume sa poreskom upravom mjesečnim tranša vraćamo mnoge poreske dugove koji su nastali u prethodnim periodima i koje su na kraju nama isporučene, a koje su se dugo godina gurali ispod tepiha. Znači mi moramo biti svjesni svega što se dešavalo i prije, ova priča populistička: ova Vlada se zadužuje, ova Vlada će našu djecu zadužiti, to naprosto nije tačno i svaki neki ekonomist koji imalo se razumije u svoju struku će vam ovo reći da je ovo u ovom trenutku jedini način ispravnog upravljanja financijama. Još jedna stvar, mi smo kao Vlada zatekli akumulirani deficit Kantona Sarajevo preko 45 miliona konvertibilnih maraka. Prošle godine smo taj akumulirani deficit smanjili za 21 000 000 KM, a evo ekskluzivno ću reći da će Kanton Sarajevo nakon ovog konačnog obračuna najvjerovatnije izaći iz deficita. Znači kroz vraćanje svih ovih dugova i svih ovih stvari koje su koje smo mi zatekli doveli smo Kanton Sarajevo u stanje što vi kažete finansijski ugroženosti. Kanton Sarajevo nikad nije bolje stajao. Mi ove godine znači nećemo imati akumuliranog deficita, vraćamo mnogo starih dugova tako da je ta sva priča populistička da smo mi doveli Kanton u nestabilnu poziciju. Kanton Sarajevo je itekako sad stabilan Kanton. Jedino što može dugoročno ugroziti likvidnost Kantona Sarajevo i financiranje svih stvari u Kantonu Sarajevo je ovaj donošenje izmjena Zakona o pripadnosti javnih prihoda koji je na ovaj način nakaradno uzeo, ne Kantonu Sarajevo, nego građanima Kantona Sarajevo je uzeo 110 miliona maraka. A tek ono kroz moje obrazlaganje prije smo rekli koliko građani Kantona Sarajevo uplaćuju poreza po indirektnim porezima u čitav Budžet odnosno kroz indirektnu poreze u Budžet i države i Federacija i svih ostalih nivoa vlasti. Tako da sva ta priča apsolutno ne pije vode. I što se tiče ovih zapošljavanja i broja radnika, vi ako uzmete tu strukturu broja radnika koji su povećani u ove posljednje 2 godine sve će vam biti jasno. Znači samo kroz strukturu možete vidjeti gdje su povećavane, gdje povećavan broj radnika i to u biti kroz obrazovanje, kroz civilnu zaštitu, kroz policiju, kroz sve ono gdje smo imali deficitarno da smo imali problem sa kadrovima. I imat ćemo ih u budućnosti ako nastavimo da za neke kadrove zadržavamo i da neke kadrove prije svega policiji, civilnoj zaštiti ne nađemo prostor da se pojačaju sve te službe. U kontekstu toga želio bih da kažem: puno je bilo rasprava i svi, jasno je meni, ja bih volio da sve ovo što su zastupnici 99 % svih zastupnika što su govorili da treba povećati Budžetu određenim resorima, i opozicije i pozicije, ja smatram apsolutno da te stvari trebaju biti uvrštene, ali isto tako mi kao Skupština u kontekstu situacije moramo odrediti prioritete. Šta su nam prioritete, koji su to prioritete jer imamo kao što su neki zastupnici ovdje rekli, imamo organ koji možemo prostrijeti koliko nam je dug jorgan. S tim u vezi znači sve ove prijedloge za povećanje po određenim resorima mislim da bi zastupnici trebali predložiti isto tako s kojih pozicija trebaju da se skinu odnosno gdje misle da ta sredstva nisu potrebna kako bi povećali određene pozicije tamo gdje misle da su potreba. Hvala.

Elvedin Okerić (Predsjedavajući)

Je li po starini ili neko prvi javio. Zastupnik Haris Zahiragić. Zastupnik Mahir Dević.

Mahir Dević (poslanik/zastupnik)

Hvala lijepo. Hvala i kolegi Zahiragiću. On će naravno poslije mene. Zahvaljujem predsjedavajući. Ne znam ministre zašto ste ovaj uvukli se u ovakav prostor iznošenje netačnih podataka o, vi ste spomenuli 20 godina loše vlasti, a vaše kolege to stalno koristi kao 30 godina loše vlasti, pa da vidimo kako izgledati 30 godina loše vlasti. To ovako izgleda. Od 96 do 98. je bila SDA 2 godine. Od 98. do 2001. Stranka za Bosnu i Hercegovinu 3 godine. Od 2001. do 2003. SDP 2 godine. Od 2003. do 2006. SDA 3 godine. Od 2006 do 2011 je bila Stranka za Bosnu i Hercegovinu 5 godina. Od 2011 do 12 SDP godinu-dvije dana. Od 12 do 18 SDA pet, šest godina. Od 18 do 20 Naša stranka, od 20 do 21. premijer SBB, od 21. do 23. Naša stranke. Ako izvadite pozicije premijera ovdje vezano za godine vidjećete da SDA imala premijera Kantona Sarajevo 11 godina od ovih 30. A u tih je 11, tih 11 je bio naš premijer vaš sadašnji šef koalicije gospodin Konaković i vi fakturišete kolegi Deviću, kolege Zahiragiću ovom klubu 20 godina loše vlasti. Nevjerovatno kakvim se vi spinovima bavite ovdje u Skupštini Kantona Sarajevo. Pa to je to je zaista mislim do te mjere degutantno i smiješno da je to nemoguće. Znači ovo su vam tačni podaci kada je ko bio premijer i nemojte ministre ulaziti u ovo polje, ne znam što ćete dobiti s tim.

Ako ste danas aludirali kad je u pitanju ovo zaduživanje ili evo ja konkretno sam ja govorio o tome da vi imate neefikasnost realizacije kapitalnih projekata kroz kredite, ali nam niste kazali ovdje građanima Kanton Sarajevo koliko ste platili penala za vašu neefikasnost. Recite to građanima, nemojte govoriti jesmo li zaduženi ili prezaduženi. Taj podatak kažete građanima ovdje od da su u pitanju stotine hiljada konvertibilnih maraka i milioni. To će govoriti o vašoj efikasnosti. Kad kažem vašoj, ne mislim naravno na vas sličnu nego mislim na ovu vlast koja je to zaduženje povećala za 300 % u odnosu na sve prethodne. Ne mislim na vas lično, vi ste tu ministar koliko, godinu dana. Ali nemojte generalizirati na ovakav način. 11 godina su ovdje bili premijeri gdje su imali direktnu odgovornost, a od tih 11 pola šef vaše ove neformalne dojučerašnje koalicije u Kantonu Sarajevo. Hvala.

Elvedin Okerić (Predsjedavajući)

Zastupnik Haris Zahiragić, replika.

Haris Zahiragić (poslanik/zastupnik)

Kolega Dević je uzeo dio diskusije koju sam ja htio da kažem, ali morao bih ga dopuniti samo, ali prvo da repliciram kolegi Samiru. Jeftini populizam kako je on nazvao to što mi se brinemo radi zaduženja i ona priča koju je Forto prvi premijer bivši premijer kazao da je 57 maraka rata kredita kad bi građanin imao 1000 maraka. To vi kući svojoj plate opteretite kreditima. Ovaj novac pripada građanima Kantona Sarajevo. 21 milion godišnje u ovom Budžetu ćemo platiti samo za kamate. Ja sam neko vrijeme nazivao ovu Vladu premijera Fortu prije svega šakalom međunarodnih kreditnih institucija, nije ni čudo količina podrške koju ova Vlade ima iz međunarodne zajednice zato što što šta god da vam ponude, koji god kredit, koliko god nepovoljan bio, vi ga prihvatate. Govorenje o zakonskom minimumu i maksimumu u kontekstu opšteg rasta dugai kreditnog zaduženja je problematičnost zato što ste ga povećali za preko 100 % . To je pravi postotak i broj o kojem trebate govoriti. I sad ovaj draži dio replike. Ponoviti ću za kolegom Devićem SBiH 90 98-01. SDP 01-03, SDA, ali kolega Deviću prvi, ne zapravo izvinjavam se drugi zamjenik predsjednika NIP-a je tada bio premijer gospodin Denis Zvizdić, jel te tako. Jesu li odnijeli kapital politički gospodina Zvizdića, glasove, ugled i tako. Pa ponesite i njegov mandat sa sobom. S BiH 06- 11. SDP 11.- 12.

U svakom slučaju evo Naša stranka posljednjih 3 godine, nije ova Vlada 2 godine, ova Vlada je 4 godine, evo peta, s izuzetkom 7 mjeseci Vlade Marija Nenadića. Dakle SDA u suštini u posljednjih 30 godina ako izuzmemo predsjednika NIP-a i drugog zamjenika, jel tako, drugi zamjenik, drugog zamjenika NIPa imala 2 premijera gospodina Suada Zeljkovića godinu dana, v.d. gospodina Kozadru par mjeseci i gospodina Adema Zolja par mjeseci. A idemo dalje. Pazite sada ovo građani treba da čuju, govorio gospodin kolega zastupnik o Grasu i 300 miliona duga. Ministarstvo saobraćaja SBiH, SDP, BPS SDA je imala samo gospodin Muharema Fišu kada je dug odveć bio ogroman. Idemo dublje sad. Sam Gras, prvi direktor SDA je gospodin Vatrić kada je Gras već bio devastiran. I ako hoće do kraja predsjednik sindikata koji gospodin Konaković svojevremeno kao primjer SDA dovodio ovdje da sprječava reformu ministra Bubice opet iz BPS-a je bio gospodin koji je na listama SDP-a.

Ako ćemo odgovornost za Gras onda ga morate podijeliti vi ste nekim drugim strankama, mi tamo apsolutno nismo imali nikakvih kadrova. I vidite kako ova iskrena

Elvedin Okerić (Predsjedavajući)

Vrijeme kolega Zahiragiću.

Haris Zahiragić (poslanik/zastupnik)

Evo imam samo da završim rečenicu. Vidite kako ova istina razbija neistine vrlo lahko. Svaki put kada spomenete 30 godina svakog kadra, svako ime, svakog čovjeka ćemo vam spomenuti. Vidim pitaju se ko je sindikat. Himzanija, gospodin Himzanija i njemu se obrate za tužbe, on je vaš kadar SDP . Hvala vam.

Elvedin Okerić (Predsjedavajući)

Vrijeme kolega Zahiragiću. Odgovor na repliku zastupnik Davor Čičić.

Davor Čičić (zastupnik)

Zahvaljujem predsjedavajući. Znači ja sam se referirao na sve vlasti zadnjih 30 godina i šta smo mi zatekli kad smo došli ovdje, tako da nismo krenuli ni od nule nego smo krenuli od -100 da vraćamo stare dugove. Referirao sam se na to. Druga stvar vi kada spominjete ove međunarodne kreditne ovaj kako ste vi to već nazvali kreditore koji samo ganjaju ovu Vladu onda bih vas podsjetio da je Vlada vašeg premijera Fadila Novalića samo u Budžet ove godine stavila preko milijardu maraka zaduženja od istih tih kreditora koji nama spočitavate. Znači iste te kreditore, po istim ugovorima koji rade po istim postupcima kao što mi radimo znači ista ta Vlada je stavila milijardu maraka u ovaj budžet za otplate duga od međunarodnih kreditnih kreditora. Tako da onda ako već kažete ovako pošto vidim da ste se pripremili ispada da niste vi nikako bili na vlasti onda se pripremite koje Vlade uzimale te kredite i ne nemojte nama spočitavati nešto da radimo, nešto mimo svega toga. Tako da sve Vlade u u BiH, pa i ja sam prošli put rekao, ja podržavam to zaduženje premijera Fadila Novalića ako se radi o kapitalnim projektima, infrastrukturnim projektima, ja ću odmah sutra potpisao sva ta zaduženja. Ali nemojte spočitavati drugima da rade nešto mimo svijeta kada sve Vlade u eto i ta federalna Vlada radi po istim principima, po istim postupcima, pustim uzancama djelovanja, po istim kamatama jer su tu kamate koje su propisane u EBRD-u. Znači sve te kamate koje uzima i Vlada onaj uzimamo mi. Tako da tu nema nikakve razlike. To je isto bitno da građani čuju. Znači u jednoj godini je preko milijardu povećan otplata duga za te međunarodne kreditore u Vladi Federacije. Ali ja kažem, podržavam, ako je to za autoputeve, ako je to za

ceste koje će se raditi u Kantonu Sarajevo, a znamo da u zadnjih 2 godine to i nije bio baš slučaj da se ulagalo s federalnog nivoa u ceste Kantona Sarajevo, ja ću apsolutno podržati i to zaduženje, ali onda nemojte vamo s druge strane spočitavati nekome da nešto ima neke posebne odnose s međunarodnim kreditima, kad možda još bolje odnose imaju Vlade u kojima vi participirate. Hvala.

Elvedin Okerić (Predsjedavajući)

Odgovor na repliku zastupnik Haris Zahiragić.

Haris Zahiragić (poslanik/zastupnik)

Vrlo često imamo ovakav scenarij, isto ono profesor kad izađete na usmeni ispit pa vas profesor pita jedno pitanje a vi odgovarate ono što znate. Nakon što smo mi razbili doslovno balon od 30 godina vlasti nabrajajući sve premijere, ministre saobraćaja, direktor Grasa, koje je prvi gospodin kolega spomenuo, on je otišao na Vladu Federacije. Ako već govorimo o dugovima Vlade Federaciju odmah ću vas obavijest da je npr Fond PIO-a pod vodstvom vašeg predsjednika bio zadužen 80 000 000 maraka u deficitu i penzije su kasnile po 2 mjeseca. A taj primjer Novalić kojeg vi spominje tako često kad god nemate šta drugo je podigao penzije za 11,1 % prije neki dan, a u ukupnom iznosu preko 30 % do kraja ove godine, ako Bog da ako uzme u obzir čitav njegov mandatni period. Kad govorite o vlasti nemojte se vaditi na Federaciju, govorimo o Kantonu Sarajevo, možemo o Gradu Sarajevu gdje ste ima gradonačelnika 4 puta SDP-a, 3 puta SDA. Možemo općine Centar gdje 30 godina vladate, gospodine Čičiću.

Pa trotoari su krezavi, rupe, cvijeća nema, posađenog cvijeta nema, infastruktura u katastrofi. Samo 1 mandat imao načelnik iz SDA. Dakle mi smo odlučili iskoristiti ovaj mandat da razbijemo sve balone kako bismo čista obraza ovi ljudi čestiti pored mene Faruk Kapidžić koji nikad nije imao nikakvu političku funkciju, do prije 2 godine ko je ekspert iz svoje struke. Gospodin Adi Kalem koji je također ekspert svoje struke. Faruk Selmanović, Smiljana Viteškić, Mahir Dević, Haris Zahiragić nisu adresa za grijeh vaših koalicionih partnera koje su s vremena na vrijeme znali činiti u naše ime.

Ovaj Budžet i generalno Kanton Sarajevo je prezadužen. Način na koji vi dižete kredite i ono za što ih dižete nije način na koji Federalna Vlada diže, ne pravite vi puteve. Kaže da Vlada nije investirala. Vogošćanska petlja, Prva transverzala. Ono malo što ste krenuli da radite u Kantonu Sarajevo cestovne infrastrukture sve vam je platila Vlada Federacije. I nije se išla slikati. Plaćala je da se vi idete slikati, a niste ni to završili. Ministar Šteta je pošten, on će priznati barem to za razliku od vas. I možemo mi zauvijek o tome govoriti samo vas upozoravam da kada govorimo o kontinuitetu vlasti i o tome svemu da ćete dobiti adekvatan odgovor svaki put.

Elvedin Okerić (Predsjedavajući)

Hvala zastupniku Zahiragiću. Replika zastupnik Čengić izvolite imate riječ.

Irfan Čengić (poslanik/zastupnik)

Hvala predsjedavajući. Ja Moram replicirati. Dakle izvršna vlast u Kantonu Sarajevo nije premijer. Dakle danas je u SDP-u vladi.

Elvedin Okerić (Predsjedavajući)

Nemojte dobacivati.

Irfan Čengić (poslanik/zastupnik)

Repliciram Davoru Čičiću.

Onaj, dakle izvršna vlast u Kantonu Sarajevo nije samo premijer nego Vlada. Danas je i SDP vlast. Ako ćete analizirati 22 godine od 27 godina u Kantonu je SDA činio vlast i u tih 22 godine većinu je imao ministra finansija od Kozadre, onoga Halebića, ne mogu sad, i Kozarića guvernera i sada ambasadora itd itd. To što ste rekli za penzioni fond ovaj se dio replike odnosi gospodinu Zahiragiću nije tačno. Dakle naslijeđeni dug 2011 je bio 180 miliona, ostavljeni dug 2015. je bio 120 miliona. Tada je penzioni fond bio zaseban za sebe, penzija maratovska je isplaćena 8. aprila 2015. godine. Dakle nije kasnila ni jedna penzija. To je neki mit koji je uspostavljen da su penzije kasnile u mandatu kada su zajedno SDA i SDP bili u Vladi Federacije. To je mit 8. aprila isplaćena martovske penzije 2015. godine. Sada možete naći tu vijest koju je objavio tada Fond PIO/MIO. I kada su u pitanju zaduživanja sve stranke ovoj Skupštini su podržale to zaduživanje jer to međunarodni ugovor koji je odobrilo Predsjedništvo Bosne i Hercegovine, Vlada Bosne i Hercegovine, Parlament Federacije Bosne i Hercegovine i Parlamentarna skupština Bosne i Hercegovine. Dakle sva međunarodna zaduživanja Kantona Sarajevo su odobrena od svih vlasti, na svim nivoima. Tako da nije tu ništa čudno rađeno. A s druge strane ja podržavam svako kreditno zaduživanje koje ide u kapitalne projekte a da ne govorimo Federaciji koliko se penala u Elektroprivredi i slično platilo. Ne bih želio da Nacrta Budžeta Kantona Sarajevo koristim da pričam federalnim plaćanjima neiskorištenih sredstava po kamata.

Elvedin Okerić (Predsjedavajući)

Zahvaljujemo se zastupnik Čengiću. Replika zastupnik Samir Avdić pa onda zastupnik Haris Zahiragić. Kome replicirate zastupniče Avdić.

Samir Avdić (poslanik/zastupnik)

Ja ću vrlo kratko s obzirom da smo prešli na temu razbijanja mitova i probijanja balona neistina itd već kako kako je nazvao temu kolega. Ja bih samo podsjetio da je od da je Ibrahim Jusufrić Bimo, žao mi je što ovaj rahmetliju spominjem, rahmet mu duši, bio 17 godina direktor Grasa, naravno bio iz SDA i to do 2006 godine. Znači tek od 2007 godine su ovi direktori Vatrić, Mujagić i ostali.

Elvedin Okerić (Predsjedavajući)

Replika zastupnik Zahiragić. Iako ja mislim da će se teško ovo replicirati.

Haris Zahiragić (poslanik/zastupnik)

Slažem se ja, vrlo ću ja to lako replicirati. Da su i ministri dio izvršne vlasti međutim premijer je nosilac najviše izvršne funkcije. Ako uzmemo činjenicu da su te politike vodile Kanton Sarajevo ne možete optužiti SDA za 30 godina loše vlasti, nego možete suoptužiti SDA ali u kapacitetu u kojem je ona bila. Baš tamo gdje SDA bila, a dobro ste rekli kolega Čengiću, u Ministarstvu financija kada bi bila gospodin Kozadra, gospodin Halebić su baš oni od ministara na koje samo duboko ponosni, između ostalog što su savjesno vodila financije u Kantonu Sarajevo.

120 000 000 hvala što ste me ispravili, ne 80 000 000, tu je u pravu kolega Čengić, nije bio u deficitu 80 nego 120 000 000 Fonda PIO, a također činjenica da prelaskom na budžet Fonda PIO ni jedna marka iz Budžeta mimo doprinosa dakle budžetske stavke koja se direktno na Budžet nije otišla na penzije. Složit ćete se kolega Čengiću. Penzije su kasnile, imam ja dedu, pa možete svi pitati ljude koji su koristili penzije.

Elvedin Okerić (Predsjedavajući)

Zamolio bih kolege da se vrate na tačku dnevnog reda.

Haris Zahiragić (poslanik/zastupnik)

Trebali ste moliti prije replika.

Elvedin Okerić (Predsjedavajući)

Evo replicirajte ali pokušajte da replicirati ono što se odnosi na tačku.

Haris Zahiragić (poslanik/zastupnik)

Tačku po tačku. Ne može, tačku po tačku na ono što mi je rečeno. Podrška zaduživanju kada je u pitanju da su sve stranke dale, Kanton Sarajevo pravi program kreditni i potpisuje ugovor, a saglasnost daju naravno viši nivoi vlasti jer Kanton nije država. A Ono na šta će se utroši sredstva, koliki će se iznos podići, pod kojim uslovima, određuje isključivo Kanton Sarajevo za kredite koje Kanton Sarajevo diže. Saglasnost viših nivoa, vi definišete uslove kredita gospodine Deliću. Sada ćete vi reći da Vijeće Ministara za vas diže kredit.

Bosna i Hercegovina kao članica Međunarodnog monetarnog fonda, kao država koja može jedina biti.

Elvedin Okerić (Predsjedavajući)

Vrijeme kolega Zahiragiću.

Haris Zahiragić (poslanik/zastupnik)

Nije mi isteklo vrijeme. Prekidali ste me tri puta, kasno ste me upalili. tek sam dvije minute bio. Mislim diskriminišete me ponovo predsjedavajući. Ali nema veze. Gospodin evo neću završit ću sa ovom replikom, otići na repliku gospodinu Samiru. Moram ga razočarati da gospodin Bimo kad ga je već spomenuo rahmetli čovjeka nije bio kadar SDA. Hvala vam.

Elvedin Okerić (Predsjedavajući)

Zahvaljujem se. Ima li još replika? Nema. Bolje da ne repliciramo više, dajte da idemo dalje. Zastupnica Jelena Pekić dugo čeka izvolite imate riječ.

Jelena Pekić (poslanik/zastupnik)

Zahvaljujem se predsjedavajući. Da se vratimo na temu trenutnog Nacrta budžeta Kantona Sarajevo za 2023. godinu. Zaista i svima nam je jasno koliki su izazovi kada je u pitanju ovaj Nacrt budžeta i koji su to iznosi koji su morali biti rezani u Budžetu Kantona Sarajevo a da se opet ispune one minimalne potrebe u interesu stanovništva našeg Kantona. Ono što naročito želim da pohvalim u ovom Nacrtu budžeta jeste da sredstva koja su planirana na poziciji Ministarstva za rad, socijalnu politiku i raseljena lica i izbjeglica Kantona Sarajevo nisu smanjivana te da su osigurana sredstva za one osnovne funkcije ovog Ministarstva, to je prava

shodno zaštita porodica i djece, što uključuje porodijske naknade, dječje dodatke, subvencije obdaništima za socijalne kategorije ovaj itd. oni su planirani u Budžetu od 60 000 000 konvertibilnih maraka. Također ovdje želim da naglasim da su povećana izdvajanja na poziciji socijalnih projekata koje uključuju i projekte kao što su uklanjanje arhitektonskih barijera za osobe sa poteškoćama u kretanju u javnim ustanovama, zatim transferi udruženjima putem javnih poziva za projekte iz oblasti rada, socijalne politike, raseljenih lica i izbjeglica. Sufinansiranje programa humanitarnih organizacija povećani su za iznos od 1 000 000 konvertibilnih maraka, što govori o senzibilnosti Vlade Kantona Sarajevo prema socijalno najugroženijim kategorijama stanovništva i to je vrlo pohvalno za ovaj budžet. Također želim da naglasim da je za nekih 500 000 konvertibilnih maraka povećana izdvajanja za sufinansiranje rada javnih kuhinja u 2023. godini, gdje ne smijemo zaboraviti da smo 2022. godinu završili sa preko 2.700 oko korisnika javnih kuhinja. I vrlo je pohvalno da implementacija Zakona o Srebrenici je planirano u iznosu od 2 miliona Km na poziciji resornog Ministarstva. Ja ću se u svojoj diskusiji ukratko osvrnuti i na poziciju Ministarstva privrede gdje ćemo, gdje i ovom prilikom želim da dam svoju podršku da se poveća iznos od 7 miliona konvertibilnih maraka na iznos 10 000 000 za podsticaj primarnoj poljoprivrednoj proizvodnji i što je stav svakako Komisije za poljoprivredu, šumarstvom, vodoprivredu i prehrambenu industriju koje sam i sama članica. Također i to ću pripremiti u toku ove javne rasprave, a vjerovatno kroz amandmane na Prijedlog budžeta nekada prethodnim sjednicama sam pokrenula inicijativu vezanu za izdvajanje u Budžetu Kantona Sarajevo za provedbu inicijative Sarajevo središta IT industrije kao strateškog cilja nove Vlade Kantona Sarajevo ovaj te vjerujem da će ovaj program naći svoju zasebnu stavku u budžetu Kantona za 2023. godinu. Također želim da i pohvalim da su u Budžetu planirana sredstva za realizaciju STEM sekcija i programa u srednjim školama o čemu je govorila resorna ministrica tokom odgovaranja na naša zastupnička pitanja. I zadnji dio moje diskusija fokusirati ću se na nabavku robnih rezervi o kojoj je govorio kolega Dević. Naime, u Budžetu su planirani iznos od 1,3 miliona konvertibilnih maraka. I ovdje želim da naglasim i vjerujem da će se ovaj iznos promijeniti kroz prijedlog budžeta ili kroz amandmane jer smatram da u ovim trenucima nakon pandemije, uslijed rata u Ukrajini, a pogotovo evo i sva ova dešavanja ovaj nemila dešavanja u Turskoj i Siriji ukazuju na potrebu kontinuiranog povećanja sredstava za nabavku zaliha robnih rezervi. Podsjetit ću vas da je Budžet pošli 2022. godine za nabavku rezervnih iznosio preko 11 miliona konvertibilnih maraka. I da je potrebno da se u Budžet za 2023. godinu da se bar obezbijedi minimalno 50 % sredstava od prošlogodišnjeg izvršenja budžeta a tzn. da minimalno ova pozicija od 1,3. miliona bude 5 000 000 konvertibilnih maraka. O efikasnosti implementacije projekata kada je u pitanju Vlada Kantona Sarajevo robne rezerve mogu reći da je zaključno sam 2022. godinom izvršenje budžeta od 11 000 000 bilo preko 95 %, što znači da su efikasno povećane zalihe robnih rezervi za razliku od Vlade Federacije koja je u svom Budžetu koji je po hitnom postupku ovaj došao pred delegati Doma naroda planirali su nabavku robnih rezervi u iznosu od 2 000 000 i zaista mi je žao što ni federalna Vlada nije ovaj imala razumijevanja za ovakvu situaciju da se povećaju finansijska izdvajanja za nabavku robnih rezervi. Vjerujem da će isto to tako biti ovaj promijenjeno kroz rebalans budžeta a izvršenje u prvih 6 mjeseci bilo 0 konvertibilnih maraka i mislim da je važno da to naglasim kako bismo vidjeli odnos Vlada prema strateškim robnim rezervama posebno u ovakvim okolnostima u kojima se mi trenutno nalazimo. I to ću naravno uputiti kao što sam rekla ovaj kroz javnu raspravu ovaj i eventualno kasnije kroz amandmane na Prijedlog budžeta, te vjerujem da ćemo kroz narednih 20 dana imati izuzetno ovaj kvalitetne prijedloge. Ja još jednom naglašavam da je u pitanju

Nacrt i da ćemo imati onako vrlo široke konsultacije kad je u pitanju sve potencijalne korekcija na budžet i svi moramo biti svjesni činjenice da kad tražimo određena povećanja drugim pozicijama se taj isti iznos mora umanjiti. Hvala.

Elvedin Okerić (Predsjedavajući)

Zahvaljujem se zastupnici Pekić. Dopredsjedavajući Vibor Handžić se javio riječ.

Vibor Handžić (Dopredsjedavajući)

Zahvaljujem predsjedavajući. Podržavam u potpunosti sve ono što je u svojoj diskusiju iznio moj kolega Davor Čičić jer smatram da je jako bitno ponavljati ono što je ustvari istina u kontekstu onoga što se trenutno dešava u kontekstu rada aktuelne Vlade, priče o prezaduženosti, priče o tome koliko je ustvari zaista Kanton Sarajevo zadužen za koje se stvari zadužuje itd itd. Naravno, desetine puta smo u raspravama ovdje čuli da je Kanton Sarajevo prezadužen, da su prezadužena i naša pokoljenja što dakle apsolutno nije istina. Čak je neko od kolega rekao da se taj procenat zaduženja gleda kada se posmatra država a da Kanton Sarajevo nije država, mora reći nažalost da je to klasično nepoznavanje propisa i da to nije tačno, nego da je taj procenat kojim smo mi ograničen sa našim zaduživanjem vezan za entitetski zakon, dakle za federalni Zakon o dugu zaduživanju i garancijama koji reguliše u svom članu 7 maksimalni iznos zaduživanja i koji kaže da se Kantoni, u stavu 2 kaže da se Kantoni ne mogu zadužiti više od 10 % od prihoda u protekloj godini. Dakle ne radi se o nikakvim državama.

Također u nekim od diskusija ranije zbog inflatorne krize koja nas je pogodila sugerisano je da Budžet za 2023. godinu mora biti isključivo socijalnog karaktera. I sad kada imamo u Budžetu na skoro svakoj stavci povećana izdvajanja na stavkama resora rada i socijale postavlja se pitanje paralelno zašto se smanjuju kapitalne investicije Budžetu.

Ili evo, ovo što je kolega Dević diskutovao, dakle u jednom kontekstu govorite da smo mi zbog tih kapitalna investicija a Kanton Sarajevo barem dok je ova Vlada tu se za kapitalne investicije isključivo se zadužuje dakle za kapitalne investicije, vi sad pitate se zašto se došlo zašto je došlo do smanjenja na kapitalnim investicijama a paralelno govorite da smo prezaduženi i da ćemo godinama stoljećima malte ne vraćati ta zaduženja. Jeste, saslušao sam pažljivo vašu diskusiju. A mogli ste me pustiti da završim nisam ni ja vas prekidao.

Ajd pustite vi kolega Devića nel ispravi krivi navod kad već prekinuo.

Elvedin Okerić (Predsjedavajući)

Ispravka krivog navoda zastupnik Mahir Dević.

Mahir Dević (poslanik/zastupnik)

Kolega ja ne znam da nije kolega Haris ili neko drugi kazao, ja nisam rekao ni u jednoj svojoj rečeno da je Kanton Sarajevo prezadužen. Ja ne znam šta ste vi slušali možda vi miješate diskusije nas u Klubu. Znači, takvu rečenicu ja nisam kazao.

To je ispravka krivog navoda.

Elvedin Okerić (Predsjedavajući)

Zahvaljujem. Možete nastavi dopredsjedavajući Handžić.

Vibor Handžić (Dopredsjedavajući)

Ma nisam ja govori da ste vi to rekli nego da ste problematizirali smanjenje stavke odnosno izdvajanja za kapitalne projekte, u to sam kontekstu rekao da je to bio dio vaše izjave. A to drugo za šta govorim aludiram na vaš klub, jeste kolega Zahiragić je govorio o tome. U pravu ste sto posto. Ono što vi jeste govorili a u kontekstu povećanja upošljavanja iz budžeta Kantona Sarajevo vi ste to predstavili kao da su to neke skrivene stavke koje ne može niko vidjeti. To se može, kompletna javnost Budžet Kantona Sarajevo i '20 godina i ' 21. i '22 i ova godina može se pronaći kada se u Googleu ukuca bilo koji od budžeta i svi ti podaci koje ste vi iznijeli su tačni. Dakle jeste došlo do povećanja zapošljavanja to nisu podaci koji se kriju i to stoji u Budžetu piše tu. I zato je ono što je kolega Avdić u svojoj diskusiji reko odlično u svojoj diskusiji rekao zašto mahom su povećavanja ovaj zapošljavanja se desila. Dakle 90 % su stavke koje se odnose na povećanje zapošljavanja u obrazovanju, povećanja broja vaspitača u vrtićima, vatrogasci, policijski službenici, itd itd. Ubjedljivo najmanji procenat zapošljavanja koji se u Kantonu Sarajevo dešava u zadnje 2 godine odnosi se na upravu. I to može provjeriti svako ko želi ozbiljno da se bavi ovom temom. Što se tiče generalno Budžeta i smatra da je to jako važno ponavljati. Dakle u vremenu kada inflatorna kriza diže Budžeta svakog nivoa vlasti dakle svakog nivoa vlasti federalni Budžet, primjera radi, ove godine u odnosu na prošlu godinu veći za preko milijardu konvertibilnih maraka upravo zbog inflacije. Kanton Sarajevo je jedini od svih nivoa vlasti endemski primjerak jer je naš Budžetu Nacrtu manji za 30 000 000 konvertibilnih maraka. Upravo zbog ove inflacije jeste samo 30 000 000, inače bi to bilo puno više, dakle 30 000 000 manje nego prošle godine. I umjesto da pričamo o Budžetu kojim ćemo taj inflatorni poraz za rast Budžeta što su drugi svi Kantoni i Federacija u mogućnosti pokriti odnosno planirati neke stavke kojim ćemo sanirati tu inflaciju mi ta sredstva više nemamo, mi sad ovde pričamo kako ćemo zadržati ove stavke koje smo finansirali u proteklim godinama. Zato što nam je budžet manji. Dakle ovo treba jasno reći, Budžet Kantona Sarajevo je u Nacrtu sada milijardu i 190 miliona konvertibilnih maraka, a da nije usvojen nakaradni Zakon o pripadnosti javnih prihoda, jesu, sve su ga stranke mimo Kantona Sarajevo usvojile, apsolutno nije sporno, pa o tom smo diskutovati svi u javnom prostoru, on bio bio milijardu i 300 miliona konvertibilnih maraka. Dakle da nije usvojen taj nelogični zakon, tako da kažem, današnji Nacrt budžeta bi bio milijardu i 300 miliona konvertibilnih maraka. Dakle teza da je on samo 30 miliona manji u ovom kontekstu je potpuno pogrešna i ne treba na taj način uopšte posmatrati ovaj proces. Bez obzira na sve ove probleme s kojima se suočavamo ja vjerujem da će ljudi koji vode Kanton Sarajevo ili nova Vlada koja to bude radila znati i umijete se suočiti sa ovakvim stvarima. Što se tiče nekih konkretnih stavki evo ja ću ići kako je Budžet po stranicama tekao. Ono što je meni važno, ja mislim da to nije nikakav fantomski ured koji smo mi pretvorili u instituciju. Ja pozdravljam dodatno kadrovske kapacitiranje Ureda za borbu protiv korupcije kako bi se adekvatnije proveli propisi i Uredbe koje je donijela Skupština Kantona Sarajevo ili Vlada u prošlom mandatu. Smatram da je od ključne važnosti u resoru saobraćaja da se bez obzira na stanje sa budžetom u maksimalnoj mogućoj mjeri iznađu način da se nastave svi infrastrukturni projekti u Kantonu Sarajevo koji se od ključne važnosti za ukupni razvoj Kantona Sarajevo. Jedan od najvažnijih segmenta ugodnog življenja u bilo kojoj sredini, pa tako i u Kantonu Sarajevo. To sa naravno odnosi na nastavak rekonstrukcije tramvajske pruge, nabavak vozila, Centar za adaptivno upravljanje saobraćajem, početak izgradnje tramvajske pruge Ilidža -Hrasnica itd. O tome smo također danas dosta diskutovati, smatram da je od ključne važnosti u Ministarstvu privrede nastaviti proces finansiranja, kako važnih infrastrukturnih projekata unutar preduzeća koja djeluje u sklopu ovog Ministarstva,

tako i nastavak finansiranja realizacije programa koje Ministarstvo provodi svake godine u kontekstu male privrede i smatram da će se ova budžetska stavka do prijedloga povećati u skladu sa pratećim zakonom koji definiše ovu oblast. Mene posebno raduje najava ministra Delića da će se ovi programi u narednoj godini digitalizirati, da se ne bi više dešavalo da dobri projekti zaista iz bizarnih razloga ono fali jedan papir propadaju i da ne dobiju i da ne povuku sredstva. Posebno u ovom finansiranju infrastrukturnih projekata potičem i pozdravljam, ali evo istaknutu ću tu firmu zato što su neke druge kolege govorile o nekim drugim firmama pa da ne ponavljam se, povećanje sredstava za infrastrukturne projekte u ZOI. Govorim naravno isključivo o projektima sportsko rekreativne prirode. Čuli smo i ministra Delića koji kaže da koliko taj menadžment gore dobro radi, moram spomenuti da ljudi imaju preko 100 miliona spremnih projekata koji se mogu gore implementirati i mi nažalost ne možemo ih finansijski pratiti. To koliko oni dobro gore rade. Tako da pozdravljam ovu stavku, čini mi se da je ona sa 10 na 13 miliona narasla u Nacrtu budžeta, nadam se da ako se iznađe mogućnost da se može izdvojiti više sredstava za ZOI da nastave sa svojim infrastrukturnim projektima u ovom preduzeću. Ono za šta ću se ja nastaviti zalagati u okviru Ministarstva finansija Kantona Sarajevo je ova nabavka automata za taxe pri ZK uredu i Općinskom sudu u Sarajevu. Meni je neprihvatljivo niti jedno obrazloženje koje ima za posljedicu da građani izlaze iz zgrade i kupuju taksene marke na trafikama izvan zgrade ZK Ureda i Općinskog suda. Ja koliko ima informaciju postoje određeni plan da se ovaj cijeli proces digitalizira što apsolutno pozdravljam i podržavam. Međutim ja garantujem da će i dalje postojati jako veliki broj građana i to je sasvim prirodno koji će i dalje koristi ovaj tako da kažem fizički način kupovine taksene marke i smatram da je ovaj projekat potrebno itekako realizovati i dalje. U okviru Ministarstva za odgoj i obrazovanje pozdravljam i podržavam nastavak izdvajanja sredstava za infrastrukturne projekte u smislu rekonstrukcije obrazovnih objekata. Ono što smo imali u prošloj godini prema mojim saznanjima u komunikaciji s ministricom ta su sredstva prebačena na opštine koje su nadležne za te infrastrukturne projekte i ne znam evo dokle je tačno realizacija. Vidim da ovdje u Budžetu ima novih projekata koji planiraju finansiranje infrastrukturnih projekata u obrazovanju. I naravno da očekujem nastavak procesa kupovine udžbenika i sufinansiranja boravka djece u privatnim vrtićima. Što sam govorio na početku u resoru rada i socijalne politike, vidim da su skoro na svim stavkama povećana sredstva, što pozdravljam naravno uprkos činjenici da je budžet manji nego što je bio, o čemu smo govorili. Ono što ću se također zalagati u okviru Civilne zaštite Kantona Sarajevo je vraćanje finansiranja rada dobrovoljnih vatrogasnih društava kao što smo to uradili 2021. godine, a prošle godine moram reći na moje veliko nezadovoljstvo, nismo. Pozdravljam kadrovsko kapacitiranje Profesionalne vatrogasne brigade ali ja smatram da je jako važno istaknuti značaj rada dobrovoljnih vatrogasnih društava što zbog tradicije njihovog rada, što zbog njihovog značaja generalno, jer su ta društva osim što asistiraju profesionalnoj brigadi u gašenju požara po potrebi obavljaju i mnoge druge obaveze čišćenja ulica, odvoda, transporta vode za piće u naselja koja to nemaju. Napominjem i njihovu jako važnu ulogu u vrijeme pandemije kada su radili na poslovima dezinfekcije ulica druge kategorije. Ja sam iz godine u godinu, ovo ponavljam, može sam i dosadan više stvarno, ako mi neko ne vjeruje može sa mnom otići u posjetu bilo kojem takvom društvu pa se uvjeriti u ono šta oni rade. Ja mislim da je potrebno također razmisliti i krenuti u pravcu dodatnog kadrovskog kapacitiranja Zavoda za pružanje besplatne pravne pomoći. Mi imamo naš Zavod koji bi morao da bude Zavod od velikog značaja, dok paralelno izdvajamo milione konvertibilnih maraka za finansiranje odbrana po službenoj dužnosti, a ponavljam, dakle imamo svoj Zavod gdje sjede ljudi koji primaju platu, između ostalog iz tog razloga. Prošle

godine smo dakle oko 1 200 000 konvertibilnih maraka potrošili na odbrane po službenoj dužnosti, ove godine je izdvojeno nešto manje sredstava ali ja predlažem da ovo bude jedan od pravaca u kojem se treba djelovati. Također ovaj Zavod može imati jako značajnu funkciju u pružanju pravne pomoći prijaviteljima korupcije u smislu provedbe zakona koji je stupio na snagu od ove godine, te iz tog aspekta ističem njegov značaj i potrebu da se on dodatno kadrovski kapacitira. Od Ministarstva prostornog uređenja očekujem nastavak realizacije infrastrukturnih projekata koje ovo Ministarstvo provodi, utopljanja javnih objekata u Kantonu Sarajevo, kao i projekta stambenog zbrinjavanja mladih i rekonstrukcija vodovodne mreže itd. I u okviru Ministarstva visokog obrazovanja, iako je zbog Budžeta nešto smanjena u odnosno prošlu godinu stavka za finansiranje naučno istraživačke djelatnosti, pozdravljam stavku izgradnje Akademije scenskih umjetnosti za koje je u ovom je planirano 1500.000 KM. Evo završavam. Predsjedavajući zahvaljujem.

Elvedin Okerić (Predsjedavajući)

Zahvaljujem se dopredsjedavajućem Handžiću. Zastupnica Vildana Bešlija se javila za riječ.

Vildana Bešlija (poslanik/zastupnik)

Hvala predsjedavajući. Evo evidentno je da ćemo biti jedini nivo vlasti u državi koji će imati manji Nacrt budžeta jer je povećanje prihoda od indirektnih poreza Kantona Sarajevo napunilo znači više Budžet, a ono što će se vratiti kroz ponder neće održavati pravu sliku toga tzn. da će Kanton Sarajevo u raspodjeli javnih prihoda dobiti već u više navrata smo čuli otprilike 110 miliona konvertibilnih maraka manje za ovu godinu, što će sigurno narušiti funkcionisanje Kantona, svih Kantonalna institucija i ustanova, te isplatu svih ugovorima ranije preuzetih obaveza. Moram ovdje naglasiti i to da na ostalim приходima u okviru poreznih prihoda je zabilježeno povećanje. Dakle ovaj Nacrt budžeta je odraz usvajanja izmjene Zakona o pripadnosti javnih prihoda koji je bio na štetu Kantona Sarajevo<, kojim se željelo umanjiti ili usporiti napredak i razvoj Kantona Sarajevo i zamah koji Vlada Kantona Sarajevo imala zadnjih godina, a koji je posebno vidljivo u godini iza nas, kroz mnoge olakšice, podršku građanima, unapređenju javnog prijevoza, kupovinom novih trolejbusa tramvaja, i opremanja škola, kupovine udžbenika, obezbeđenja vrtića za svako dijete, povećanje porodiljnih naknada, promocijom kulture, izlaskom kulture na ulice, raščišćavanjem Kampusa, osposobljavanje Bjelašnice gdje ovih dana svjedočimo jednom evropskom takmičenju u skijanju, rekordno izdvojenim sredstvima za naučne istraživačke radove, pomoć mladim kupovinu prve nekretnine, uvođenje preventivnih programa u cilju sprečavanja raka grlića materice i mnogo drugih aktivnost. Zastupniče Zahiragić, ugovor o izgradnji tramvajske pruge možda niste vidjele, ali trolejbus sigurna sam da jeste, nove nakon 40 godina, a uskoro ćete vidjeti i tramvaje. Građani su to vidjeli zato uopšte ne čudi podrška velikog broja građana upravo ovoj koaliciji koja je pokrenula procese nakon dugogodišnjeg nerada i nebrige tadašnje vlasti u Kantonu Sarajevo u ovom segmentu nabavke trolejbusa i tramvaja recimo nakon 40 godina, ali i ostalim segmentima života u Kantonu Sarajevo. Kada su u pitanju ranije pomenute oronule fasade, želim podsjetiti da se samo u jednoj godini planirala i da se dešava obnova i utopljanja 40 javnih objekata. Ovdje su u pitanju znači škole, vrtići, Dom zdravlja itd. što je bilo revolucionarno jer u svim godinama ranije urađeno ukupno možda desetak. Uprkos smanjenju sredstava po osnovu pondera želim istaći i pohvaliti da su u Nacrtu budžeta povećana sredstva za zaštitu porodica sa djecom. Također smatram da bi trebalo uraditi dodatnu promociju za korištenje porodiljnih naknada kako bi ovo povećanje dalo još bolje

rezultate jer važno je da edukujemo građane i roditelje da i očevi, posebno oni koji su nezaposleni po osnovu zakona mogu primati ovu vrstu naknade i na taj način možemo doprinijeti ravnopravnosti spolova i pomoći porodicama u planiranju proširenja. U rashodovnom dijelu Budžeta uvrštene su izmjene na poziciji bruto plata, naknada i doprinosa kod svih budžetskih korisnika u skladu sa potpisanim kolektivnim ugovorima i planiranim povećanjem u 2023. godini, kao i povećanje ostalih rashodovnih pozicija definisanih zakonom, kao što su npr zaštita porodice sa djecom, novčano egzistencijalna naknada za pripadnike boračke populacije i drugo. Povećanje bruto plata za 5 % u suštini predstavlja povećanje od 86 miliona konvertibilnih maraka. Kroz današnje diskusije vezano za Nacrt budžeta više puta se spominjale plate pa evo ja bih dala jedan manji osvrt u tom pogledu, povećanja broja zaposlenih u Nacrtu budžeta Kantonu Sarajevo za 23. godinu u odnosu na budžet Kantona za 22. godinu u najvećoj mjeri odnosi se na uvođenje u sistem velikog broja uposlenika za koje se izdvajala možda ista finansijska sredstva ali su radnici godinama angažovani sa privremenim ugovorima o radu, sa ograničenim ugovorima na par mjeseci tokom godine itd. 506 zaposlenika u osnovnom i srednjem obrazovanju, a to navedeno povećanje se ne odnosi na nova zapošljavanja, nego se radi o usklađivanju planiranog broja zaposlenih sa stvarnim stanjem koje je dostavljena od strane resornog Ministarstva. Znači mi imamo Kanton Sarajevo davali smo plate ali nikad nismo uspostavili sistem i kroz ovu stavku, evo nastavit ću i dalje ovaj to obrazlagati, mi vidimo u suštini što je namjera ove Vlade, šta je cilj i što smo imali ovako kao ne vidi se neka strategija, nit ove Vlade. Kroz sve jedan potez vam mogu obrazložiti da se to jasno vidi. Znači 506 zaposlenika u osnovnom i srednjem obrazovanju, osoba koje uče našu djecu. Ne bi htjela da koristim neke teške izraze ali evo mogu reći da nismo se adekvatno odnosili prema tim ljudima. Sad ove godine, ova Vlada, ova većina je odlučila da ih konačno stavi tamo gdje im je mjesto, da ih konačno stavi u sistem gdje pripadaju. Zatim 92 zaposlenika u Javnoj ustanovi Djeca Sarajeva. To je otvaranje novih vrtića. 23 zaposlenika u Javnoj ustanovi Institut za razvoj preduniverzitetskog obrazovanja Kantona Sarajevo. 46 zaposlenika u Kantonalnoj upravi Civilne zaštite, to je prije vatrogasaca, 49 zaposlenika na Rektoratu univerziteta u Sarajevu Zemaljski muzej. 24 zaposlenika u ustanovama socijalne zaštite. Ovo su sve cifre koje se nalaze ovo moram stvarno dati kratko obrazloženje zbog gledalaca koji satima slušaju prepirke i raznorazna obrazlaganja da su ovo cifre koje se nalaze u zvaničnom dokumentu Nacrta budžeta. Ovo nije Vildana dobila negdje na neki način, ovo su javno dostupni podaci, isto tako kao i svi oni registri transparentnosti koje odlikuju ovu Vladu i većinu koja je uvela u zadnjih par godina. Osim naprijed navedenih povećanja broja zaposlenih kod pojedinih budžeti budžetskih korisnika došlo je do smanjenja broja zaposlenih te konačan broj zaposlenih u Nacrtu budžeta Kantona Sarajevo tačno iznosi 15. 118. Kada je u pitanju Ministarstvo osnovnog i srednjeg obrazovanja u ovom budžetu postoje potpuno nova radna mjesta za 100 asistenata u nastavi u školama i po prvi put u vrtićima. 60 psihologa to je bio hronični nedostatak psihologa koji je iskazan sa brojem 72, evo planirano je 60 i tek su uvedene od septembra 22. godine u ovu školsku godinu. Tu je isto pozicija koje su trajno rješenje za cijelu godinu a ranije su radili po 9 mjeseci u godini. To je ono što se maloprije govorila. U povećanje bruto plata uključeni su svi novi kolektivni ugovori, kao i povećanje od 5 % za 2023. godinu. Evo i ovo da jednom završimo možda tu priču po pitanju sindikata, nezadovoljstva radnika, zaposlenih raznoraznih da ono što smo pričali da smo u više navrata da je Vlada radila povećanje i u prošloj godini i 5 % znači povećanje u 23. zapravo tek smo se počeli približavati pedagoškim standardima i normativima u oblasti obrazovanja. Poređenja radi, evo što smo zakleta zatekli po pitanju inkluzije 2018. godine. Školska 2018/ 19. 0

asistenata u nastavi u vrtićima. '19/ '20. 100 asistenata u nastavi u vrtićima. Ja bih voljela da nakon moje diskusije opet ponovimo ko je kad bio premijer i ko je činio većinu. 2020/21. 84, 21/ 22.- 175., 22/ 23.- 274 asistenta u nastavi po prvi put u vrtićima. To vam je u ovom Budžetu koji ima znači manje sredstava i sve ono što ste govorili 274 asistenta u nastavi po prvi put u vrtićima. Kada je u pitanju broj članova i članica mobilnog stručnog tima za pružanje podrške inkluzivnom obrazovanju 18/ 19.- 0. ,19/20- 38, 22./ 21.- 48, 21./22.- 54, 22./23.- 78 i to smo planirali ovom Budžetu. Želim pohvaliti sve škole Kantona Sarajevo za doprinos unaprjeđenju odgojno obrazovnog rada sa djecom sa poteškoćama, te se nadam da će se taj trend i dalje nastaviti u korist čega govore i konkretni podaci o povećanom broju asistenata i članica i članova mobilnog stručnog tima. Nadalje smatram da je neophodno planirati sredstva za poklon Bon paket kulturnog sadržaja za mlade koji pune 18 godina, minimalno na nivou prethodne godine, koja je iznosila 70 000 konvertibilnih maraka za 7 institucija kulture, jer smatram da ova stavka mora postati stalna u svim narednim budžetima Kantona Sarajevo jer smo na ovaj način omogućili velikom broju mladih da kao rođendanski poklon posjete Historijski muzej Bosne i Hercegovine, Narodno pozorište Sarajevo, Pozorište mladih Sarajevo, Sarajevski ratni teatar, Ratni muzej itd. Ove godine možda bi mogli ići sa proširivanje kulturnih institucija koje mladi mogu posjetiti tako da...

Elvedin Okerić (Predsjedavajući)

Oprostite zastupnice Bešlija, govorite u ime Kluba?

Vildana Bešlija (poslanik/zastupnik)

U ime Kluba naravno jer sam šefica Kluba. U protekloj godini sam u ime Kluba Naše stranke pokrenula inicijativu za renoviranje kotlovnice, to jeste objekta 28 u Kampusu. U 2022. od strane Univerziteta objavljen je konkurs za izradu idejnog rješenja sanacije i rekonstrukcije objekta stare kotlovnice sa međunarodnim žirijem gdje su nagrađena 3 rada. U objektu su planirani sadržaji Centra za ljudska prava, Direkcije za izgradnju i održavanje kampusa, Centra za interdisciplinarnu studiju "prof. dr. Zdravko Grebo", Centra za istraživanje i razvoj, Ureda za podršku studentima, Ureda za profesionalni razvoj nastavnog i profesionalnog osoblja, te ostali zajednički i prateći prostori koji će se koristiti za razne edukacije, izložbe i slično. Zato tražim da se obezbijede sredstva u ovogodišnjem Budžetu za pripremu projektne dokumentacije za obnovu kotlovnice, to jeste objekat 28 u sklopu Kampusu u iznosu od 50 000 konvertibilnih maraka. U domenu unapređenja procesa javne uprave predlažem da povećanje sredstava za digitalizaciju javne uprave znači na postojećoj stavci u Ministarstvu pravde koje sada iznosi 50 000 bude povećano za dodatnih 150.000 konvertibilnih maraka. Također želim istaći u domenu zdravstva važnost uspostavljanja hospisa u Kantonu Sarajevo jer je veoma nelogično bilo da Kanton Sarajevo nema hospis dok recimo imaju Tuzlanski Kanton, zatim Mostar, Čapljina. Tako da je nedavno Ministarstvo zdravstva dalo saglasnost za rad jedne takve ustanove. To je inicijativa koju su pokrenule u Junu prošle godine, te cijenim da bi u tom pravcu trebale osigurati dodatna sredstva u Budžetu Kantona Sarajevo ili kroz budžet Zavoda zdravstvenog osiguranja. Segment koji bi dodatno trebao biti pojačan je podrška programima za malu privredu koji bi doprinijeli na neki način poboljšanju poslovne klime u Kantonu Sarajevo i punjenju budžeta sa olakšavanje procedura prilikom registracije obrta. Smatram da je važno da se omogući prekvalifikacija ili dokvalifikacija nezaposlenih kako bi utjecali na smanjenje nezaposlenih i dodatnu promociju deficitarnih zanimanja možda u saradnji sa Službom za zapošljavanje. Domaćinsko upravljanje budžetom je vidljivo kroz neke od

pokazatelja koje sam navela, ova godina će biti izazovna i drugačija od mnogih dosad jer suočeni sa smanjenjem prihoda zbog povećanja pondera u iznosu od cca 110 miliona konvertibilnih maraka, ali se nadam da ćemo i ovaj put naći najbolja rješenja i planirati Budžet u korist građana Kantona Sarajevo na najbolji mogući način i nadam se da će prijedlog budžeta pretrpiti izmjene u tom pravcu. Hvala vam.

Elvedin Okerić (Predsjedavajući)

Zahvaljujemo se šefici Kluba Naše stranke Vildani Bešliji.

Zastupnik Rusmir Pobrić, izvolite imate riječ.

Rusmir Pobrić (poslanik/zastupnik)

Hvala predsjedavajući. Bila je zanimljiva diskusija o periodu kad su penzije kasnile, a kad su se na vrijeme isplaćivale. Mislim da bi suština priče trebala biti zašto je penzioni fond prešao na Budžet. Zbog toga što je krahirao. A to je uvjetovano time što je razvoj privrede uveliko ograničen dovoljnim brojem kvalifikovane radne snage. Prošlogodišnji budžet imao je 1 demografski pečat i to je za svaku pohvalu. I mislim da je važno ovo što je zastupnica Pekić naglasila, a to je stavka za porodijske naknade koja je tu, s tim da je ne bi okarakterisao kao socijalno davanje nego kao investiciju i novu demografsku politiku. I mislim da tu Vlada Kantona Sarajevo je napravila iskorak pa u odnosu na cijelu Bosnu i Hercegovinu. Zahvaljujem se i zastupnici Vujović što je još jednom podcrtala zaključke sa Tematske sjednice o mladima iz 2019. godine. I ja ću nastojati da budem kratak ali ne bih volio ove godine da nam taj demografski pečat na Budžetu imalo izbljedi. Značajne su stavke koje su ostale prije svega, dakle porodijske naknade, stavka za besplatne udžbenike i mnogo toga o čemu su kolege govorile, međutim volio bih da se fokus stavi na preostali dio zaključaka sa Tematske sjednice o mladima koji nije ispoštovan. Ja ću podsjetiti da su među zaključcima bile tada, 2019. godine, izgledalo je malo apstraktno, prvi put Tematska sjednica mladima u Kantonu Sarajevo da je prva tačka da su bile porodijske naknade tada. Da je također među zaključcima bio i besplatan studij deficitarnih zanimanja i da se nakon toga realizovalo je besplatni studiji IT zanimanja za granu privrede koja se najbrže razvija. Međutim u tim zaključcima je bilo i to da se i za druga deficitarna zanimanja izdvoje sredstva, dakle za perspektivne studije i u ovom Budžetu očekujem da barem za još jedan perspektivni studij, a slušali smo kolege koje su danas govorila i o nedostajućem medicinskom kadru. Dakle da makar još jedan besplatan studij za perspektivna zanimanja i ona koja nam trebaju, kako za razvoj privrede, tako i za samo društvo, da budu uvrštene u Budžet ove godine. Nisam, dobrim dijelom odgovora ministar sam zadovoljan, jednim dijelom nisam ili nisam ih ni dobio. Subvencija kupovine stanova je tu i ta je budžetska stavka vidjeli smo nedovoljna za standard koji je postignut prošle i pretpošle godine. I da ne zaboravimo tu još jedan iskorak koji je napravljen, a to je subvencija najma za mlade bračne parove koji nisu kreditno sposobni. Ove godine, a evo na razmatranje i Ministarstvu finansija i resornom Ministarstvu da se uđe sa još jednim programom, a to je možda izgradnja vlastitih stanova kako bismo po povoljnim najmovima zadržavali deficitarne kadrove u Kantonu Sarajevo. U uvodu kao ispred Komisije za mlade Skupštine Kantona Sarajevo sam naveo i važnost projekta uvođenja dualnog obrazovanja i ministrica nije ovaj diskutovala o tome. Ovdje je riječ o važnoj stvari da nam se pored odliva radne snage suši izvor nove radne snage. I da taj teret uvođenja dualnog obrazovanja, dijelom u školu, dijelom u firme, ne smije pasti na teret samo privrede nego da ga mora dijeliti i Vlada i stim u vezi mislim da bi se budžetska stavka u tom kontekstu trebala predvidjeti. Imamo dolazak, imamo već uveliko

povećan dolazak stranih radnika i taj trend može biti ozbiljan izazov za Kanton Sarajevo i za cijelu Bosnu i Hercegovinu i to nije samo pitanje potreba privrede, to može postati socijalno i sigurnosno i svako drugo pitanje. Zahvaljujem se ministru Deliću što je pojasnio dakle sredstva za razvoj preduzetništva mladih i otvaranje Centra za preduzetništvo su predviđena ili će biti u prijedlogu ovo za Centar za razvoj preduzetništva. I da za još neka Ministarstva naglasimo ono što mogu naći u zaključcima sa Tematske sjednice, a to je da su tamo predviđeni dakle zaključci koji su jednoglasno usvojeni u ovoj Skupštini i oko razvoja amaterskog školskog sporta u srednjim školama, zatim besplatni sistematski pregledi s ciljem prevencije itd. Dakle da se u svim resorima, ima ih dosta, koji ovi zaključci obuhvataju, uzmu u obzir prilikom pripreme prijedloga budžeta. Shvatamo ograničenja uzrokovana smanjenjem pondera, ne možemo to je li, nikako minimizirati 110 miliona je u pitanju i s obzirom na fiksne troškove koje Kanton ima, taj udar je još teži. Međutim mislim da bez obzira je li svi imamo neke i i većina i opozicija i stranke interese da se nešto nađe Budžetu, mislim da je pitanje demografije i demografska politika mora ostati i dalje taj snažan pečat i Budžetu za 2023. godinu. Hvala.

Elvedin Okerić (Predsjedavajući)

Zahvaljujemo se zastupniku Pobriću. Replika zastupnik Zahiragić.

Haris Zahiragić (poslanik/zastupnik)

Izvinite nisam zaista imao namjeru, nije ništa, replika je što kaže kolega Marjanović, često možda zvuči kao neki pogrešan naziv za komentarisanje zapravo onoga što je on kazao. Nisam mogao da ne primijetim da je spomenuo dolazak radne snage i predstavio to kao sigurnosni problem i problem privrede. Ja ne mogu a da ne kažem na ovom mjestu gdje sam u značajnoj mjeri izabran i od strane radnika koji su kod tih privrednika u Kantonu Sarajevo radili decenijama za 500 maraka, 6 sati sedmično, 12 sati dnevno i da vam kažem mislim da je ova stabilizacija tržišta rada da stabilizacija u kojem ne želi niko da bude rob u 21. stoljeću, pa onda oni nalaze alternativne izvore radnika je dobra za ovo društvo. S tim u vezi, a kad već govorimo o budžetu, mislim da možemo možda više uložiti u radnička prava, u pojačan inspekcijski nadzor, u dokapacitiranje inspekcija na način da ti radnici i ti privrednici veliki koji često se kunu u vjeru u Boga i državu, a drže ljude za 500 maraka, prestanu to raditi, da svaki radnik dobije pravo 5 radnih dana, 8 sati radni dan sa barem jednim danom odmora, sa platama dostojnim čovjeka, pa ako one džipove od 300 000 maraka, kojih je pun Kanton Sarajevo, parkiraju u garažu, pa tada ti radnici neće dolaziti iz zemalja trećeg svijeta rade ovdje. Nemojte me pogrešno shvatiti, hoću da kažem da je to što se desilo u Kantonu Sarajevo i generalno u Bosni i Hercegovini jedna od rijetkih pozitivnih stvari koja se dešava u poslednjih par godina. Hvala.

Elvedin Okerić (Predsjedavajući)

Zahvaljujem se zastupniku Zahiragiću. Za riječ se javio zastupnik Faruk Selmanović.

Faruk Selmanović (poslanik/zastupnik)

Zahvaljujem predsjedavajući. Cijeneći da je poprilično kasno ja neću dužiti sa svojom diskusijom, ali evo ovaj vrlo često ovdje u diskusiji o Nacrtu budžeta čuli smo u tom ponderu 2. I čujemo kako su građani Sarajeva žrtve upravo ovog Zakona. Građani, moramo im reći istinu, on doista jesu žrtve, ali ne pondera 2 već Vlade trojke koja se nije domaćinski odnosila prema Budžetu, prema Kantonu Sarajevo, pa samim tim i prema građanima.

Ponder 2 je fer raspodjela sredstava, te cijenjene kolege i kolegice morate biti svjesni da Sarajevo nije Republika, Sarajevo je Kanton i to 1 od 10 u Federaciji za koje važe isti propisi i isti zakoni, kako u ostalim Kantonima, tako i u Kantonu Sarajevo.

Razgovarali smo o Budžetu što je on, da li je investicioni, razvojni, socijalni, ekonomski, ja bih rekao da je on troškovni Budžet. Ja ću samo navesti dva primjera ovdje gdje se nije domaćinski postupalo i gdje je Budžet otprilike troškovni. Imamo smanjenje budžeta a povećanje izdavanja za neka udruženja građana za koja baš nismo sigurni šta rade, čast izuzecima, al za većinu nismo sigurni. I drugi primjer je opet kupovina tog famoznog helikoptera i hangara. Preko 17 miliona je određeno sredstava za to, a naši policajci hodaju bez uniforme ili uniforme kupuju od svojih sredstava. Nema ih dovoljno, vidjeli smo da je u budžetu planirano smanjenje za 100 uposlenika u MUP-u, nemaju adekvatno naoružanje, nemaju adekvatnu opremu, a kupuje se helikopter. Ovdje ne vidimo da su planirana sredstva za održavanje, gorivo, rezervne dijelove, obuku pilota, pa onda pitamo da li je ta kupovina radi kupovine ili doista radi stvarne potrebe. A ne smijemo zaboraviti da je covid bio prije 2 godine te da se članovi ove Vlade privatno vakcinisali u svojim kabinetima, pa onda odatle proizilazi zabrinutost da će se isti ovaj helikopter koristi za privatne ekskurzija članova ove Vladi ili nove, više nismo sigurni koja je Vlada trenutno na snazi. Zahvaljujem.

Elvedin Okerić (Predsjedavajući)

Replika kolegi Selmanoviću. Kolega Selmanoviću ova Vlada u kontinuitetu, kao i sve druge Vlade su poseban akcenat davale na sigurnost. U prošloj godini Vlada je izdvojila oko 10 miliona kad je u pitanju nabavka materijalno tehničkih sredstava. U prošloj godini 2022. godini izdvojeno je preko 20 miliona za Upravu policije koja nije bila u stanju da kapacitira Upravu policije sa materijalno tehničkim sredstvima.

Ono što govorite, govorite neutemeljeno. Potrebe helikoptera, vi ste jedan od rijetkih zastupnika u Skupštini Kantona Sarajevo koji kažu da je on višak. To su govorile i stranke koje su dolazile iz SBB, DF-a pa su im građani pokazali 2020 godine šta misli o takvom razmišljanju. Više puta je u javnosti razložen potreba helikoptera za Kanton Sarajevo pa su mnogi mediji mnogi pojedinci manipulirali sa tim ciframa. Ministar unutrašnjih poslova je vrlo jasno decidno objasnio o čemu se radi, da se radi o nabavci odnosno kupovini zemlje, izgradnji hangara, školovanju policijskih službenika, odnosno pilota, zatim kupovina i nabavka helikoptera i to je projekcija, da bi nešto kupili i nabavili, moramo imati projekciju. I Kanton Sarajevo dok god bude trojka na vlasti neće odustati od kupovine helikoptera i sredstva će se naći za kupovinu helikoptera zato što je on neophodan jednom u glavnom gradu, administrativnom centru, ekonomskom centru zato što Bosna i Hercegovina, pogotovo Federacija Bosne i Hercegovine nema moderan helikopter koji može da odgovori na savremene izazove, ne samo na nepogode evo koje imamo i u Republici Turskoj, Siriji. Mi smo ovdje imali poplave, imali smo neke druge vremenske nepogode gdje nažalost nismo imali, nismo imali takva materijalno tehnička sredstva kako bi olakšali našim građanima pomoć u tako teškim situacijama. Toliko.

Replika zastupnik Haris Zahiragić..

Haris Zahiragić (poslanik/zastupnik)

Hvala predsjedavajući. Replika vama. Kazali ste da je ova vlast uložila puno u sigurnost na način da je sigurnost na nekom zadovoljavajućem nivou. S druge strane prije nekoliko dana ste

nam kazali da je sigurnosna situacija poprilično usložena i zabrinjavajuća a u kontekstu rada Uprave policije i njihovih nabavki itd.

Također onda kada sam ja na primjer kao zastupnik u prošlom mandatu upozoravao da se u Sarajevu dešavaju pucnjave kao u Bronxu svi su se ovdje pravili nevješti, nije bilo podrške jer tada je valjda kolega ili gospodin Nusret Selimović bio odgovarajući komesar, a kada je prestao da očito sluša, prestao je biti, pa je sigurnost usložena. Bez obzira ko bio na čelu Uprave policije, kako se zvao komesar, koja je bila njegova lična, politička ili bilo koja druga preferencija, iako političke barem javno ne bi smio imati, mi smo uvijek bili za sigurnost građana, ja prije svih i drago mi je da ste i vi u konačnici došli do toga da je sigurnosna situacija zaista u Kantonu Sarajevo, ako uzmete u obzir obračune bandi koji dolikuju favelama, koji nikada nisu bile imanentne ovom gradu, vrlo usložnjavajuća Vučić zaista jest. Kada je helikopter u pitanju ja na primjer sam također bio jedan od onih koji je govorio da helikopter od 40 000, 47 čini mi se tada, previše skup. Ja našao na Guglu puno jeftiniji, isti helikopter. Konteksti radi.

Elvedin Okerić (Predsjedavajući)

Ispravka krivog navoda. Nikad se cifra od 47 miliona nije spominjala. To je jedan spin, jedna laž koji je došao iz medija, prije svega Dnevnog avaza. I stranke SBB koja je tad zaspinovala i pokušala na takav način da sruši Vladu šestorke, a onda je srušila sama sebe. Tako da vas popravljam, pogledajte zvanične izvještaje, pogledajte zvanični prijedlog budžeta, pogledajte zvanične cifre o nabavci helikoptera, vidjećete da se ne radi o toj cifri koju ste vi kazali.

Haris Zahiragić (poslanik/zastupnik)

Kada je to bilo aktuelno ja nisam bio zastupnik pa ne mogu znati gdje prvi put informacije o tome pojavila se, evo vi kažete u Dnevnom avazu i SBB -u, ne mogu vas demantovati jer nisam zaista siguran, tada sam ja pronašao taj helikopter lično jednim jednostavnim istraživanjem tržišta helikoptera po tri puta, četiri jeftinoj cijeni. Dakle tada smo mi bili protiv nabavke helikoptera. Ukoliko se helikopter može nabave za pristojan iznos, svakako da smo mi za to da se nabavi helikopter po cijeni koja jeste vrijednost tog helikoptera. Međutim činjenica da već četiri ili pet godina se o tome, evo četvrtu godinu o tome govori, da već godinama se primaju plate za uposlene koji treba da imaju helikopter. MUP Kantona Sarajevo danas ima helikoptersku jedinicu, a nema helikopter. Pare na to su potrošene i također se postavlja pitanje predsjedavajući sposobnost dobre Uprave policije, izvinjavam se, ona je u MUP, trebate znati da je Uprava policije MUP-u, to je samostalna, to je upravna organizacija u sastavu Ministarstva unutrašnjih poslova., Samostalna upravna organizacija, al da vam ja ne bi objašnjavao administraciju, tu ću stati, taj helikopter je do sada mogao biti nabavljen da se bilo sposobnosti. 4 godine se nabavlja helikopter, svake godine se pozicije u Budžetu prikazuju. I Ono što na kraju, zadnji dio moje replike, možda i najdrži, neće vi meni zamjeriti, mi često imamo tako simpatične doskočice, kazali ste kada su bile poplave nije bilo helikoptera i zaista je loše. Na svu sreću bio je na bager na kojem ste vi herojski izvlačili uposlenike dole na Ilidži, antologijska slika koja je nastala, vas i ministra Delića i gospodina Konakovića. Vjerujte mi vrijedi meni i dan danas kada se sjetim popravi raspoloženje. Tako da se nadam da više nikada nećemo morati gledati ne daj Bože takve slike, a ako ne daj Bože u budućnosti budu poplave da ćete vi u helikopteru ovaj put spašavati potrebe ljudi. Samo da ga konačno nabavimo. Hvala.

Elvedin Okerić (Predsjedavajući)

Odgovor na repliku kolegi Zahiragiću. Kolega Zahiragić trebali biste da znate da se dijela cijene prema namjeri. I nemojte vi zavirivati u tuđa srca ko je kakvu imao namjeru da pomogne kome. Prepustite to dragom Bogu, nemojte vi to odlučivati i nemojte se vi u to petljati. Ovako, savjetujem vam ljudski, kolegijalno.

Zastupnica Smiljana Viteškić se javila za riječ. Replika. Replika oprostite prije zastupnice Smiljane Viteškić replika zastupnika Mahira Devića. Replika zastupnik Zahiragić, odgovor na repliku.

Haris Zahiragić (poslanik/zastupnik)

Predsjedavajući u pravu ste, zaista nisam namjerno da ulazim da li je vama bio, nisam uopšte rekao da su imali pogrešan nijet. Kazao sam da ste spašavali u bageru zaposlenike ili građane, zaista nisam mislio da niste imali želju. Elektro energetske sektor Federacija i slažem se da se djela vrijednuju prema nijetu i da svako treba da taj svoj nijet da za sebe sačuva, ali evo da vas nadopunim pošto smo prešli na taj teološki teren, treba ga i svaki dan čistiti. I ja ću u cilju čišćenja nijeta sada prestati s ovom replikom jer ispast će da mi nijet da se kolege smiju, a to zaista nije. Hvala.

Elvedin Okerić (Predsjedavajući)

Kolega Dević imali ste repliku izvolite.

Mahir Dević (poslanik/zastupnik)

Hvala lijepo predsjedavajući. Imam nekako osjećaj da vi nama prije svega kolegi Selmanoviću naravno i Klubu SDA kao nešto vi da nam prijetiti da ćete vi kupiti taj helikopter. Tako nekako se stekne taj dojam da vi nama ono u nedostatku argumentacije ono kada u toj nekoj predizbornoj naučenoj govoranciji sjeckate govor pa nam ono prijetite, mi ćemo to kupiti taj helikopter bez obzira šta vi mislite ili vi ne mislite i tako.

Naši stavovi su tu kristalno jasni od starta bili, mi smatramo da je to jedna ovaj ozbiljna stvar, da to nije za vas, da je također ono što ste vi radili na bageru poplavama bilo iskreno, ne mislimo da je to bilo neiskreno, uopće da ste vi tamo nešto glumili. Tačno se ta skrušenost vaša vidjela ovaj.

Elvedin Okerić (Predsjedavajući)

Kolega Deviću hoćete se okrenuti temi i hoćete li odgovoriti na repliku. Ukoliko budete koristili ovu Skupštinu da pravite predstavu isključit ću vas i evo sad sam vas upozorio.

Mahir Dević (poslanik/zastupnik)

Niti pravim predstavu, niti zloupotrebljavam već vama repliciram na vašu diskusiju prema kolegi Faruku Selmanović u smislu nabavke tog helikoptera.

Elvedin Okerić (Predsjedavajući)

Vi nema potrebe replicirati meni na diskusiju sa kolegom Selmanovićem. Kolega Selmanović.

Mahir Dević (poslanik/zastupnik)

To je moje pravo.

Elvedin Okerić (Predsjedavajući)

Ima svoje pravo.

Mahir Dević (poslanik/zastupnik)

kao Predsjednika Kluba da repliciram

Elvedin Okerić (Predsjedavajući)

da replicira meni ako ima potrebu. Vi niste advokovat ničiji.

Mahir Dević (poslanik/zastupnik)

Ja sam advokat kluba SDA kao predsjednik Kluba SDA.

Elvedin Okerić (Predsjedavajući)

Ja nisam govorio Klubu SDA.

Mahir Dević (poslanik/zastupnik)

Vidite jednu stvar kada vi pokušavate da umanjite i relativizirate ulogu Kluba SDA onda se javi predsjednik da vam kaži na šta je to vaše zalaganje izgledalo. Ja ništa van poslovnički ne radim. Imam pravo na repliku, tražio sam riječ, dobio je, nemojte mi upadati u riječi i vratite mi vrijeme.

Elvedin Okerić (Predsjedavajući)

Vrijeme za repliku vam je isteklo. Idemo dalje.

Mahir Dević (poslanik/zastupnik)

Nije mi vrijeme, vi ste ga.

Elvedin Okerić (Predsjedavajući)

Jeste. Zastupnik Elvis Vreto je sljedeći. Replika zastupnik Selmanović se javio za repliku.

Faruk Selmanović (poslanik/zastupnik)

Hvala predsjedavajući. Hvala vam za informacije o sredstvima koja su dodijeljena MUP-u a nisu provedene nabavke i i onda nećete zamjeriti našu zabrinutost da neće se moći, odnosno neće biti sposobni da provedu tender za nabavku rezervnih dijelova i održavanje helikoptera, koja je ozbiljna stvar. I zahvaljujem vam se za informaciju da bi isti bio korišten za gašenje požara i želim pošto smo evo ovdje stalno spominjali Vladu Federacije da vas podsjetim da je upravo NIP uložio amandman na Budžet Federaciji kojim je skinuta letjelica, specijalna letjelica za gašenje požara, tako da to nismo kupili na nivou Federacija, al evo sreća pa ćemo to kupiti na nivou Kantona, vjerovatno ćemo onda posuditi Federaciji. Hvala vam.

Elvedin Okerić (Predsjedavajući)

Hvala. Poslovnička intervencija zastupnik Dević.

Mahir Dević (poslanik/zastupnik)

Klub SDA pauza pola sata radi konsultacija.

Elvedin Okerić (Predsjedavajući)

Možemo li završiti sa ove dvije diskusije pa onda pauza? Zastupnica Smiljana Viteškić se javila, izvolite.

Smiljana Viteškić (poslanik/zastupnik)

Zahvaljujem predsjedavajući. Ja ću kratko kao i obično, osvrnut ću se na odgovore koje sam dobila od ministara. Znači Ministarstvo za visoko obrazovanje nauku kulturu doduše nije ovdje bila ministrica, nisam dobila odgovor koliki je transfer Nacionalnoj Univerzitetskoj biblioteci Bosne i Hercegovine. Zatim Hadžiahmetović ministar nije mi odgovorio koliko će sredstava iz prihoda sa parkirališta 550 000 biti uloženo u rekonstrukciju parkirališta? Svakako sam zadovoljna odgovorom ministrice za rad, socijalna pitanja i izbjeglice i projekti koji će se realizovati u okviru ovog Ministarstva humanitarnim organizacijama i uklanjanju arhitektonskih barijera su za svaku pohvalu. I kad smo kod ovih humanitarnih organizacija i izdvajanju ovoliko velikih sredstava možda ne bi bilo loše da u dogledno vrijeme i na ovom nivou i na većim nivoima razmotrimo donošenje Zakona o socijalnom ugovaranju.

Ministarstvo zdravstva na stavci prevencija očuvanja unapređenja zdravlja stanovništva Kantona Sarajevo za 2023. godinu ima 1.102.757 konvertibilnih maraka nadam se da će se naći dio sredstava za inicijative za nabavku bioloških sredstava za liječenje reumatoidnog artritisa, psorijaze i Crohnove bolesti, što su danas inicirale 3 zastupnice iz 3 različite političke opcije, bar dio sredstava za ove lijekove. Smanjenje tekućeg transfera Kantonalnom javnom komunalnom preduzeću Veterinarska stanica za 300 000 konvertibilnih maraka ne bi trebalo biti realizovano jer imaju nova upošljavanja u azilu u Prači a više radnika Veterinarske stanice oboljelo je od profesionalnih oboljenja Q groznice i Bruceloze. Ne želim vjerovati da se smanjenjem transfera Veterinarskoj stanici svjesno umanjuje značaj ove službe u sprječavanju i zaštiti od zoonoza. I malo će se nadovezati na diskusiju kolege Magode, znači u Kantonu Sarajevu nedostaje svih ljekara, u primarnoj zdravstvenoj zaštiti, nedostaju i pulomolozi i neuropsihijatriji, pedijatri, evo čuli ste iz diskusije kolege Bandića da čak specijalisti obiteljske medicine, ali to nije u našoj nadležnosti, to je u nadležnosti Federalnog Ministarstva zdravstva koje donosi plan specijalizacija i subspecijalizacija na osnovu iskazanih potreba zdravstvenih ustanova, pa evo i zdravstvenih ustanova u Kantonu Sarajevo, jedino što ono mi možemo uraditi da možda izvršimo preko Ministarstva pritisak da se te specijalizacije što prije realizuju. I puno smo pričali o ponderu, evo ja sam možda trenutno jedini sudionik donošenja tih izmjena Zakona o pripadnosti javnih prihoda trenutno u sali bio je kolega Čampara i moralam vam stvarno reći da smo mi iz Kantona Sarajevo svi kao jedan bez obzira na na političku opciju iz koje dolazimo bili protiv donošenja tog pondera. I Vibor, izvinjavam se Vibore. I Vibor je bio tu. Znači nema nikakvog prebacivanja na nas a ovi s Federacije bili su brojni i donijeli su naravno taj, te izmjene Zakona o pripadnosti javnih prihoda. Hvala.

Elvedin Okerić (Predsjedavajući)

Zahvaljujem se zastupnici Viteškić. Zastupnik Elvis Vreto se javio za riječ.

Elvis Vreto (poslanik/zastupnik)

Hvala predsjedavajući. Prije svega koristim priliku da se zahvalim na odgovorima na postavljena pitanja. Bez obzira što je to bilo jel ti odgovori su bili već davno. Jasno je iz tih odgovora po pitanju vezano za uplatu iznosa PDV-a iz Kantona Sarajevo. Čuli smo te podatke i drago mi je na osnovu ove diskusije i kolegice Viteškić jasno se vidi da se ne radi o nikakvim

političkim ako gledamo Kanton Sarajevo, o političkim mišljenjima različitim, već da su svi bili jedinstveni da je Zakon o raspodjeli javnih prihoda nepravedan prema Kantonu Sarajevo. Međutim što je tu je. Ja želim da čestitam prije svega Vladi koja je predložila ovaj Nacrt, naravno puno je toga što smo danas čuli od kolega zastupnika kako iz pozicije i opoziciji i nadam se da će bit na kvalitetan način da će Vlada te stvari razmotriti jer smo čuli dosta dobrih stvari. Želim da istaknem da smo današnju raspravu nekako što je meni drago, nije mi je drago naravno zbog razloga zbog kojeg se dešava, a to je ponder, i smanjenje od 110 miliona u Budžetu, ali nekako 50 % rasprave smo proveli o prihodovnoj strani, što je po meni jako pozitivno i moram reći osnovu svog skromnog iskustva da nikad nisam čuo ni kod prijedloga budžeta ni kod Nacrta budžeta da se ovoliko vodila rasprava oko prihodovne strane koja je ključna za rashodovnu stranu koja dolazi naravno je li onaj poslije. Čak nisam u ovom mom skromnom iskustvu nisam čuo ni nikad ni amandman da je neko podnio i na prijedlog bilo kakvog Budžeta gdje se povećava prihodovna strana.

Elvedin Okerić (Predsjedavajući)

Ispravka krivog navoda zastupnik Haris Zahiragić.

Haris Zahiragić (poslanik/zastupnik)

Izvinjavam se samo bih želio reći da je iskustvo kolege Vrete sve osim skromno. Hvala.

Elvedin Okerić (Predsjedavajući)

Nastavite zastupniče.

Elvis Vreto (poslanik/zastupnik)

Uredu. Hvala predsjedavajući. Pa nemam komentar zaista za ispravku krivog navoda, mislim da je to neki moj pristup odnos da li je, ja ga smatra skromnim, ostali neka cijene i neka cijene građani. I dalje ono što želim da istaknem po pitanju ovog Nacrta budžeta da je pored inflatornog kretanja jako važno koje se mjere, puno smo pričali jel' u ovom dijelu nekako o radu Vlade jer je usko vezano i neka diskusija se mogla tretirati kao diskusija o izvršenju budžeta za prethodnu godinu al obzirom da je Nacrt razumijem i taj razumijem taj pristup al treba istaći zaista određene stvari koje su povučene i određeni koraci u prošlosti kako bi danas možda ovom Nacrtu ipak raspravljali sa prihodovne strane na jedan pozitivniji način, naravno osim indirektnih poreza. Ako se sjećate pandemije mnogi zastupnici su bili u ovim klupama Vlada Kantona Sarajevo na prijedlog Ministarstva privrede je prva u Bosni i Hercegovini koja je odlučila aktivno pomoći realnom sektoru koji je zapao u probleme, odnosno uposlenicima u tom realnom sektoru, što nam se danas bukvalno vraća. Pogledajte prihodovnu stranu da da su sve stavke na prihodovnoj strani znači ne samo zbog inflacije rasle i to znatno rasle i da se da se planiraju prihodi puno veći u odnosu nego na 22. godinu. Sigurno je to odraz rada i kvaliteta rada same Vlade, tako da sigurno ima i stvari koje treba popravljati. Ova Vlada i ova zastupnička je li parlamentarna većina nikad nije bježala od stvari koje je u momentu nekad pogriješila, bili smo uvijek spremni prihvatiti grešku, promijeniti stvari i krenuti dalje. Mislim da je to ispravan put i drago mi je apsolutno ova kapitalna ulaganja koja su planirana, investicije, to je nešto što je neophodno ovom Kantonu, da ne govorimo o prošlosti zašto je to tako, zašto su te stvari bile onaj potrebne, građani će to prosuditi, ono što želim da kroz javnu raspravu što više građana i svih onih koji će biti uključeni u javnu raspravu se uključi kako bi

dali svoje prijedloge i kako bi u konačnici do prijedloga budžeta mi popravili ovaj Nacrt maksimalno koliko je to moguće u korist građana. Toliko predsjedavajući. Hvala vam.

Elvedin Okerić (Predsjedavajući)

Zahvaljujem se zastupniku Vreti. Zastupnik Faruka Kapidžić se javio, ovo bi trebala bit druga rasprava. Izvolite imate riječ.

Faruk Kapidžić (poslanik/zastupnik)

To je neki vid opće replike al eto druga rasprava. Zapravo htio samo ovo da kažem. Ja trebalo mi je malo vremena dok uhvatim kako ko radi i šta priča i onda sam shvatio da je jednostavno sa politikom trojke raditi. Ono što oni govore za sebe treba samo okrenuta obrnuto i ovaj i uhvatit se u tu mantru. Tako sam slušao prošlo usvajanje budžeta i ovo usvajanje budžeta premijer Forto je nakon 20,30 godina postojanja Kantona našao je nevjerovatno jednostavnu formulu koju niko prije nije uspio da ovaj da to skonta, kako da Budžet se napravi i kako da se Vlada ovim Kantonom vrlo jednostavno. Kaže slušajte građani i onda samo to primijenite u Budžet, šta građani traže vi ih poslušate i to primijenite u Budžet. I onda jadni građani ne shvataju da je zapravo reko nećemo slušati građane jer građani već 2 godine vrište ovaj o recimo pumpi kod aerodroma, pa naravno ne slušaju se. O Regulacionom planu na Čengić vili pa se ne čuju. O nekom trgu Alije Izetbegovića garaži pa se ne slušaju. Uglavnom mogao bi sad nabrajati koliko niste slušali građane nego ste radili svoje. A ja opet sam počeo da slušam građane baš iz tog razloga i oni su mi samo govorili zaustavite, smijenite ih, zaustavite ih, spasite nas, u tom smislu. Naravno nije to tako drastično i ne izgledate tako drastično, ali ako već čujem da recimo da ovaj Budžet ima neku politiku jel svoju što kolegica moja Vildana kaže da se jako fino vidi politika i pravac ovog Budžeta onda onda bi eto da građanima kažem kakva je to politika kad imate 12 i kusur miliona za boračku populaciju a onda je u ovom Budžetu smanjite na neka 3 miliona odnosno 4 puta, gdje postoji jedan opravdani razlog, a to je da se investiranje u stanovima se smanjilo jer je ostao vrlo mali broj još kojima treba da riješi stambeno pitanje, ali se smanji 4 puta i pri tome ne dadne se ni jedan socijalni program za boračku populaciju odnosno taj pravac politike je da borci su za godinu ili 2 završeni i da više neće postojati u ovom Kantonu. A ti borci recimo sada imaju od 47, 48 godina pa navise, što znači da jedan socijalni program od neka 4 miliona boračkoj populaciji bi jako dobro došao. A ovdje je fiktivno cijelih skoro 8 miliona je skinuto sa Budžeta boraca, a pri tome na primjer istovremeno je podignuto Stomatološkom fakultetu 4 miliona neobjašnjivo, po treći put to radite, gdje je samo 2,5 miliona rekonstrukcija. Pa mi onda kažete neformalno fasade, koja se rekonstruira svake godine od 2,5 miliona.

Elvedin Okerić (Predsjedavajući)

Vrijeme kolega Kapidžić.

Faruk Kapidžić (poslanik/zastupnik)

Evo završavam. Znači samo nek uporede dva pravca gdje niko od vas ne može da kaže nekom dekanu Stomatološkog fakulteta da ne može dobiti rekonstrukciju na rekonstrukciju, ali se može borcima reći da im ne treba ništa. Hvala.

Elvedin Okerić (Predsjedavajući)

Zastupnik Mahir Dević druga diskusija.

Mahir Dević (poslanik/zastupnik)

Hvala lijepo. Predsjedavajući vas ću još jednom zamoliti da ne zloupotrebljavate Poslovnik kao što ste maloprije uradili, zaista nemam nikakvih loših namjera, nemojte to raditi, to vam ne stoji i na kraju krajeva to neće proći u Skupštini Kantona Sarajevo. To vrijeme discipliniranja od prije dvije, tri, četiri godine je prošlost i to vas ne vodi nigdje. Ovo vam je najdobronamjerniji savjet. Ja razumijem da kolegica Vildana imala potrebu da pohvali Vladu na neki način kroz neke projekte i to je meni okej, mislim treba ljude pohvaliti za neke stvari ovaj ako su dobro uradili, treba i one prethodnike kritikovati ali započinjati stvari da je svijet od vas postao na način da zanemarite sve činjenice koje su bile prije toga jednostavno nije uredu radi građana i moraćemo to ponoviti znači.

Projekat nabavke trolejbusa i tramvaja, rekonstrukcije pruge je pokrenuo 2018. godine premijer Adem Zolj. Prije njega je premijer gospodin Elmedin Konaković dva puta tu tačku skidao sa sjednica Vlade. To je istina.

Vi se danas kitite tim perjem samo ste zaboravili da kažete ove činjenice. Druga stvar, kolegice Vildana nije inkluzija u Kantonu Sarajevo počela s vama i sa vašim inicijativama, inkluzije je bilo prije vas 2018. godine kada je nije bilo, ako već tvrditi i tražite ime premijera, on je bio gospodin Elmedin Konaković. A već kada je došao Adem Zolj a mislim da je čak to bilo u vrijeme Elmedina Konaković tada, s inkluzijom se radilo također na bazi projekata koji su finansirali određene međunarodne institucije, čini mi se ako se dobro sjećam jer sam tada radio u obrazovanju, bilo je nekih 500 000 konvertibilnih maraka. Naravno da taj obim i obuhvat finansijskih sredstava nije bio dovoljan. Da li je to nešto što je ova Vlada uspjela popraviti, pa i ona 20-te da prati u pandemiji. Tačno i na neki način pohvalno, međutim nemojte zaboraviti i drugu činjenicu, da su ovi predvodnici tada imali Budžet 750 miliona, a vi milijardu i sto, dvjesto miliona konvertibilnih maraka. Vaša kultura na ulici koju ste nam prezentirali prije samo nekoliko mjeseci mi daje za pravo da vas zamolim da za savjetnika za oblast kulture primite naše kolegu Harisa Zahiragića pa da vam on ponovo obiđe te vaše kulturne sadržaje koje ste ponudili građanima Kantona Sarajevo upravo na onakav način kako je to prošli put uradio, da odbrani ovaj grad od kulture koju ste vi i vaša vlast i vaša Vlada donijele na ulice Kantona Sarajevo. O drugim događajima koje ste stavljali u prioritet finansiranja vlasti ponašajući se rastrošno dalje ne bih govorio. Znači počinjati teze da je sve ono što ste vi uradili kao dobro a ono što je uradila neka vlast prije vas nije dobro još to ostavljati ovim ljudima koji nisu u tome učestvovali to jednostavno nije korektno. Zahvaljujem.

Elvedin Okerić (Predsjedavajući)

Replika zastupnica Vildana Bešlija.

Vildana Bešlija (poslanik/zastupnik)

Ma evo samo kratko ovaj ne bih stvarno do ulazim u ovo, ja i prošli put sam rekla i evo opet da kažem, zaista ja svoje djelovanje u Skupštini Kantona ne vidim na to i ne želim ga svesti na davanju ili pridavanju važnost bilo kome ovdje pojedinačno. Mi radimo u interesu građana. Ja ću se samo bez obzira na sve ono što je rekao zastupnik Dević, samo ću se ovaj vratiti na ono što ste rekli da sam pričala samo ovoj Vladi, a da sam minimizirala ili ne znam šta već radila sa svim prethodnim itd. To zaista nije tačno, ja sam spomenula prethodne Vlade, samo što je bilo 0. Ja sam to rekla, znači 0 asistenata u nastavi, oni podaci koje sam ja iznijela, ono na što sam se ja referisala, zamolila bih vas ako već replicirate da onda idemo na to, znači ja sam

spomenuo 2018 godina 0, 40 godina nije bilo novih tramvaja ni trolejbusa, 0 znači u timovima i to je to. Znači jedino to sam rekla, nisam zanemarila, upravo sam spomenula dostignuća i učinkovitost 40 ovih fasada, deset za sve ostale godine i to je to. Hvala vam.

Elvedin Okerić (Predsjedavajući)

Odgovor na repliku zastupnik Mahir Dević.

Mahir Dević (poslanik/zastupnik)

Ja sam vama već jednom objašnjava da to nije bila o, jer ste još jednom ovo ako se sjećate spominjali taj podatak pa sam vas vraćao u tu 2018, ovo vam kazao ali vi to namjerno izgleda nećete da čujete. Znači škole su i tada imala asistent samo nisu bili plaćani direktno kroz Budžet kao što je sada. To je bila razlika. Druga stvar naše Ministarstvo obrazovanja, predškolskog i osnovnog i srednjeg ima 5 ustanova koje su bile u funkciji rada sa tom djecu. Da li je taj radio dobar, kvalitetan, ja bih rekao da je najviše otvaranje ovih pitanja su stvari donijela ova naša ovaj udruženja nova predsjednica Ines Kavalec, čini mi se. Njen rad i rad drugih udruženja su uspjeli da stave fokus na te teme. I mi smo davali ovaj podršku tim temama. Kad su u pitanju fasade, energetska efikasnost pošto ste to sada dodali , bilo je fasada i prije toga direktno svake godine prema svim općinama u Kantonu Sarajevo su išle po najmanje dvije, tri fasade samo se morati informisati. I prije toga Kanton je cijeli bio srušen pa je postakljen i tako dalje, što ne znači da mi umanjujemo ulogu te Vlade i kažemo da ministar Filipović to tada nije dobro ovaj taj projekat osmislio i tako dalje. Mi smo to pozdravili vidjeli benefite ovaj svega toga i to je nešto što je za pozdraviti ali nije kolegice da nije bilo, bilo je, kroz Ministarstvo prostornog uređenja pitajte ministra Čede Lukića, evo možda il kolegu Okerića koji je tada bio zastupnik koliko je fasada tada urađeno u Kantonu kroz svaku budžetsku godinu. Desetine. Nije da nije bilo nego nećete možda da kažete.

Elvedin Okerić (Predsjedavajući)

Replika zastupnik Faruk Kapidžić.

Faruk Kapidžić (poslanik/zastupnik)

Zahvaljujem. Ma samo da se uključim vezano za fasade. Obzirom da me je na stolu dočekao završen projekat EBRD-a koji je trebao da se pokrene tada, znači i ministar ovaj Filipović je ostavio i trebao sam potpisati, to je trebalo krenuti tada. To je bio taj mart početak Marta. Naravno ja kad sam vidio taj projekat ovaj EBD kredita koji je bio nekih 18 miliona, a 2 miliona bila grant sredstva itd. onako primamljivo izgleda, međutim kad sam vidio strukturu kako ste ga pripremili onda sam shvatio da ili nemate pojma ili idete im na ruku. Znači taj kredit je bio pripremljen u smislu da je se plaća i odvojeno projektovanje, izvođenje i nadzor. Svako dolazi u svojoj fazi i tako završava. I naravno da da bi se ta fasada raspala u roku 2 godine tog grejs perioda i mi bi faktički morali uzimati novi kredit na kredit. Takvi krediti nas uništavaju. Ja sam tada zaustavio i čak toliki su pritisci bili od svih političkih opcija svih stranaka pojedinaca i Satlera i čudesa iz kojekakvih banaka itd. da to potpišem i da to ide. Kad nisam to uradio i kad su onda rekli pa šta da radimo, ja sam im dao kako se radi i projektovanje i projektantski nadzor i nadzor na terenu i izvođenje i to samo tako može da funkcioniše. I onda su oni rekli pa dobro ovaj tako ćemo uraditi. Zašto? Zato što tako radi u Švajcarskoj i u Francuskoj odande odakle nam dolaze kredit. Dakle samo i jedna stvar, ja ne znam šta ste vi uradili poslije kad ste smijenili naravno pod pritiskom i tih banaka ste smijenili Vladu tu zato što to njima ne odgovara

naravno. Ja ne znam šta ste vi uradili ali pitao me nedavno jedan uposlenik jedne škole zašto su poslije tog projekta završenog identični računi za struju i grijanje odnosno za grijanje kao i prije nego što se uradilo utopljavanje? Nemam kontrolu, ne znam šta ste izmijenili u godinu dana čekanja onog, to ne znam, možda je urađeno dobro, možda nije, ali ono što ja postavio je sigurno dobro zato što 25 godina sam po skelama visio i znam kako se to radi. A ono kako ste vi postavili je bilo bacanje para i zaduživanje. U tom smislu odgovaram i gospodinu Čičiću nisam ja ovaj pao s neba pa da ne znam da se da se investicije vode preko kredita, pogotovo veliki kapitalni projekti. To se vodi preko kredita ali vi na način kako uzimate i kako pokušavate da sprovedete je nešto što ni jedna zemlja čak ni u trećem svijetu sebi ne dozvoljava. To je vrlo zahtjevna stvar.

Elvedin Okerić (Predsjedavajući)

Diskusija druga zastupnik Haris Zahiragić.

Haris Zahiragić (poslanik/zastupnik)

Šokantno ovo što ću gospodina Kapidžić i možda je on na jedan najbolji mogući način prikazao kako se funkcioniše kada se postave šakale međunarodne kreditorski kadrovi, kako se ustvari djeca zadužuju. Diže se kredit da bi se nešto uradilo što će ponovo trebati dići kredit da bi se to ponovo isto uradilo. Hvala kolegi Kapidžiću puno je on jednostavnije primjerom uspio prikazati ono što ja vidim i osjetim sve ovo vrijeme, ne znam, nisam imao priliku da direktno pregovaram i vidim kakve pritiske ucjene prave na naše kadrove za podizanje tih nepovoljnih kredita. Kada se radi o prihodima koje je kolega Vreto spominjao, da govorili smo o prihodima al opet uglavnom žaleći se na pondere koji nam nikada barem posljednjih 20, 15 godina nakon što se Sarajevo u značajnoj mjeri obnovilo od agresije i tih svih šteta koje je kao glavni grad zaista trebao da ima taj ponder 2, niko nije ovdje spomenuo, niti smo dobili ni jedan novi izvor prihoda. Vladati znači biti inovativan, Vladati znači imati viziju. Ja sam na primjer na izmjeni propisa koji reguliše oporezivanja nekretnina predlagao da se svaka naredna nekretnine koja se kupi oporezuje za dodatnih 10 %. Tako da kad neko nema ni jednu nekretninu a kupi je, može biti oslobođen poreza. Ko ima jednu nekretninu kupi drugu, treba ima 20 % poreza, na treću 50 %, na 5 100 %. Na takav način bismo u značajnoj mjeri povećali prihode Kantona Sarajevo ali i taj mrtvi kapital koji se nalazi u tim nekretninama stavili u funkciju privrede a ta privreda bi generalisala nova sredstva kroz direktne i indirektno poreze u Kantonu Sarajevo. Također mnogi štede u stanogradnji, u kupovini stanova pa postoje pojedince koji u Sarajevo imaju po 50 ili 100 stanova a plaćaju porez kao da imaju 1. Također to treba imati hrabrost pa propisati poreze pa ćete tu dobiti tih 100 miliona, samo u stanovima, oporezivanju stanova. Razni porezi. I razni nameti su u nadležnosti Kantona Sarajevo samo treba imati viziju i hrabrost da se provede takvo nešto u djelo a ne realizirati želje baš tih koji imaju po 50 stanova od sjednice Skupštine do sjednice Skupštine. Rashodovna strana sa druge strane potpuno je bez vizije također. Troškovnik Budžet Kantona Sarajevo je, predsjedavajući ako možete samo malo. Hvala to. S druge strane rashodovna strana Budžeta je također prikazana kao troškovnik u kojem zaista uz najbolju namjeru ne možemo vidjeti opredjeljenje ove Vlade prema ni jednoj kategoriji društva. Okej projekti. Bili ste mi prekinuli vrijeme pa nisam sigurno 3 minuta.

Elvedin Okerić (Predsjedavajući)

Evo 5, 6 sekundi. Pričamo čitav dan.

Haris Zahiragić (poslanik/zastupnik)

Projekt koji se rade kapitalni preko kredita okej, prihvatam, ali nema nijedan program kada izvrsnost u pitanju, kada su mladi u pitanju, kada je obrazovanje na koje trošimo skoro 500 000 000 u pitanju. Zbog toga klub SDA neće podržati Nacrt budžeta, a da ne bismo bili zlonamjerni glasat ćemo suzdržano dat ćemo vam šansu da do prijedloga budžeta prihvatajući neke amandmane konačno dobijete podršku Kluba SDA za Budžet. Hvala.

Elvedin Okerić (Predsjedavajući)

Zahvaljujem kolega Zahiragiću.

Zaključujem raspravu i pozivam zastupnice i zastupnike da se izjasne o inicijativi klubova stranaka u Skupštini Kantona Sarajevo koji su podnijeli inicijativu prema Vladi Kantona Sarajevo da planira finansijska sredstva u Prijedlogu budžeta Kantona Sarajevo za 2023. godinu za pomoć narodu Turske i Sirije koji su pogođeni razornim zemljotresima a koji su za posljedicu imali gubitak hiljada ljudskih života.

Djela se cijene prema namjeri kolega Čengiću, nemojte se ljutiti, nema potrebe. Nema potrebe. Zaključujem glasanje. Molim službu da objavi rezultate glasanja.

Za je glasalo 25, protiv i suzdržanih nije bilo. Konstatujem da je Skupština usvojila zaključak ili inicijativu klubova Skupštine Kantona Sarajevo.

Zamolio bih zastupnice i zastupnike da se izjasnimo o Nacrtu budžeta Kantona Sarajevo za 2023. godinu.

1. Utvrđuje se Nacrt budžeta Kantona Sarajevo za 2023. godinu
2. Javna rasprava održat će se u Kantonalnim organima, jedinicama lokalne samouprave, naučnim i stručnim ustanovama i trajat će 20 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga budžeta Kantona Sarajevo za 2023.godinu.

Zamolio bih zastupnice i zastupnike da se izjasne.

Zaključujem glasanje. Molim službu da objavi rezultate glasanja.

Za je glasalo 21 zastupnik, protiv ništa, suzdržanih 6.

Konstatujem da je Skupština donijela ove zaključke.

AD-4.

NACRT ZAKONA O IZVRŠAVANJU BUDŽETA KANTONA SARAJEVO KAO DIO OVE PRETHODNE TAČKE.

Nacrte ste dobili uz poziv za sjednicu.

Molim da li ima potrebe da? Nema potrebe. Da li predstavnici radnih tijela žele riječ? Nema. Ima li pitanja? Nema otvaram raspravu. Nema. Ima pitanja.

Poslije ovoga.

Poslije ovoga zato što smo dogovarali odluke da ćemo ići.

Imamo li pitanja po ovoj tački dnevnog reda? Imamo. Ko se javio? Zastupnik Dević izvolite imate riječ.

Mahir Dević (poslanik/zastupnik)

Predsjedavajući ne možete prijeći na novu tačku jer sam tražio pauzu. Vi ste rekli da tražili ste ustvari od mene da odustanem, da se završi diskusija 2 zastupnika. Ja sam to pristao, evo i završili smo glasanje.

I sada vi meni kažete ima li ko pitanja i ponovo nastavljate da to.

Elvedin Okerić (Predsjedavajući)

Tačka je vezana za ovu tačku prethodnu, a pauza može na slijedeću zato što smo dogovorili.

Mahir Dević (poslanik/zastupnik)

Ali sam ja tražio prije toga, već vam jednom izašao ususret i sad je bilo vama to malo i sada i dalje nastavljate da to radite.

Elvedin Okerić (Predsjedavajući)

Hoćete li sad pauzu ili poslije ovoga.

Mahir Dević (poslanik/zastupnik)

Jer treba da završite ovu tačku još? Treba da završite tačku. Imam pitanje. Jesmo li otvorili tačku. Jeste li otvorili pitanje? Pitanje glasi tamo u izvršenju budžeta to sam kazao u diskusiji zamolit ću ministra finansija jer je on predlagač tačke dnevnog reda, tamo se kaže da će se izvršavanje budžeta vršiti u skladu sa Zakonom o javnim nabavkama i drugim aktima i jel se to misli na onu spornu Uredbu koju smo mi cijelo vrijeme problematizirali, koju ste vi ovaj donijeli nezakonito nivou Kantona Sarajevo? Ili nešto drugo. To je pitanje.

Elvedin Okerić (Predsjedavajući)

Evo ministar će ponuditi odgovor. Imamo još jedno pitanje pa sačekajte ministre pitanje. Zastupnici Marijela Hašimbegović se javila za riječ.

Marijela Hašimbegović (poslanik/zastupnik)

Zahvaljujem se predsjedavajući. Dakle moje pitanje glasi na osnovu kojeg zakonskog propisa je utvrđena visina osnovice u Zakonu o izvršenju budžeta jer visina osnovice Zakonom o kolektivnom ugovoru definiše se pregovorima Vlade i sindikata. Ja koliko znam pregovor nije završen a vi ste uvrstili visinu osnovice za obračun plaća u ovaj Zakon o izvršenju budžeta. Hvala.

Elvedin Okerić (Predsjedavajući)

Zahvaljujem. Zamolio bih ministra Čačića da ponudi odgovore na postavljena pitanja.

Davor Čičić (ministar)

Prvo pitanje znači odgovor je ovaj Zakon o izvršenju Budžeta u biti iz godine u godinu, pogotovo u toj stavci u biti jednak, tako da tu nismo ništa mijenjali, ali evo, ako imate nešto sporno možemo nakon javne rasprave razmotri da se tu nešto promijeni, ali kažem ovo je nešto jedna stavka koja se iz godine u godinu ponavlja na isti način, tako da nije bilo izmjena. A drugo pitanje vezano za sindikate, Vlada je obavila razgovore odnosno pregovore sa sindikatima. U tom momentu kada je to bilo nije postignut dogovor i Vlade je odlučila da će ostaviti osnovicu jednaku a podići bod za 5 %, odnosno podići plaće svim budžetskim korisnicima na osnovu boda za 5 %. Nakon toga je na osnovu inicijative dogovorene su nastavak pregovora Vlade Kantona Sarajevo i Koordinacije sindikata a po pitanju načina kako će se raspodijeliti u Budžetu ova stavka, odnosno do Prijedloga budžeta i ovo se može promijeniti na način kako se Vlada i sindikati dogovore.

Elvedin Okerić (Predsjedavajući)

Zahvaljujem. Otvaram raspravu. Zastupnica Marijela Hašimbegović, izvolite imate riječ.

Marijela Hašimbegović (poslanik/zastupnik)

Zahvaljujem se predsjedavajući. Imam ponovo pitanje za uvaženog ministra ili zastupnika Čičića. Zanima me visina osnovice koja je definisana, koju ste jednostrano odlučili dakle da je podignete za pola boda, da ona bude 1,05 i vrijednost osnovice za obračun plaća koji ste opet jednostrano utvrdili kako kažete ostavili ste onakva kakva je bila ranije, da li je ovo promjenjiva jedinica, da li se ona može izmijeniti u Zakonu nakon što se utvrdi dakle Prijedlog Budžeta Kantona Sarajevo, jer ja se bojim da mi ako sada usvojimo ovaj dokument to će ostati tako definisano, a naprosto odluka je jednostrana i ona nije u skladu sa Zakonom o kolektivnom ugovoru, koji ponovo ponavljam, precizira da se ovi elementi postižu samo dogovorom između Vlade i sindikata. Hvala.

Elvedin Okerić (Predsjedavajući)

Uključite zastupnika Čičića.

Davor Čičić (ministar)

Znači ponavljam, pregovori su što je Vlada imala obavezu obavljani i u tom trenutku kada su obavljani proglašeni su u biti neuspješnim i ta Vlada je imala obavezu da ne smije puštati pravo, odnosno davati manja prava nego što su prije bila i to je tih 330 maraka kako je bila prije, a Vlada je imala pravo kao što imaju i druge Vlade da svojom odlukom poveća bod i to nije bio prvi put slučaj ovdje, i u Federaciji prošle godine je bio slučaj da je Vlada povećavala bod, a ne osnovicu, ali evo nakon izmijenjenih okolnosti, ovo je znači Nacrt budžeta i sve se može mijenjati do Prijedloga budžeta, ali znači Vlada i sindikati su na osnovu inicijative nastavljaju razgovore pa ćemo vidjeti do prijedloga Budžeta što će se dogovoriti.

Vibor Handžić (Dopredsjedavajući)

To je to jel zastupniče Čičić, zastupniče- ministre Čičić. Zastupniče Dević, izvolite.

Mahir Dević (poslanik/zastupnik)

Hvala dopredsjedavajući. Znači Zakon o izvršavanju budžeta član 20, Nabavke roba, radova i usluga. Propisano je da se budžetski korisnici moraju pridržavati Zakona o javnim nabavkama,

koji je državni zakon što nam je jasno , e sad vi kažete tu: "kao i procedura i postupaka propisanih podzakonskim aktima".

E sad, ja sam pitao ministra pitanje o kojima podzakonskim aktima je riječ ovdje, jer je ovo nedefinisano onako kako se kazali. Ministar je rekao da je to tipska neka ova neko tipsko rješenje. Znači naša sugestija je ministre sljedeće, ako ćete zapamtiti, jer ovo za nas kao Klub vrlo sporno da vi primjenjujete nezakonite uredbe o trošenju 100 miliona konvertibilnih maraka sredstava u Kantonu Sarajevo. Znači naše sugestije da se ovo promijeni jer mi drugačije to nećemo dati podršku, da stoji znači, "procedura i postupaka propisanih na osnovu Zakona o javnim nabavkama". Nikakvih tu podzakonskih akata nema.

Znači procedure i postupci koji su propisani samim Zakonom, to izmijenite i OK. S obzirom da je ovo Nacrt naravno ne možemo sad uložiti amandman, ali vam ovo govorim za prijedlog. Ta Uredba ako se na nju već pozivate, al niste mi dali odgovor, ali pretpostavljam da to ubacujete, ako je to ona Uredbe o kojoj smo mi govorili da je neustavna i nezakonita, mi nećemo nikada dati ovaj podršku za izvršenje Budžet. Tako da evo ovo shvatite kao dio javne rasprave od nas Kluba SDA i promijeniti ovu stvar, držite se Zakona koji ovu materiju propisao, to je Zakon o javnim nabavkama državni. Evo to je to. Hvala.

Vibor Handžić (Dopredsjedavajući)

Hvala. Dakle vi vjerovatno zastupniče Dević govorite o Uredbi koja je bila predmet zahtjeva za ocjenu ustavnosti pred Ustavnim sudom Bosne i Hercegovine koje je pokrenuo gospodin Džaferović? Jel na to mislimo, samo da.

Pa jeste vi mislili na tu Uredbu? Dobro, dobro, nema veze, uglavnom Ustavni sud nije ništa u toj apelaciji ocijenio sporno, ali hajmo dalje zastupniče Čengić izvolite.

Irfan Čengić (poslanik/zastupnik)

Hvala predsjedavajući. Dakle ja imam jednu opasku što se tiče Komisije za kulturu i sport. Mi smo tu dostavili Izvještaj i šta bi potrebno bilo izmijeniti u Zakonu da bi se naši amandmani proveli, ali svoju diskusiju kao zastupnik želim da fokusiram na nabavku vojne i policijske opreme. Dakle ono što smo svjedoci u izvršenjima budžeta proteklih godina da naša Uprava za policiju, dakle Uprava policije ne uspijeva nabaviti opremu i ono što je problematično. Ako može Nihade samo malo tiše?

I ono što je problematično jeste da mi na javnim nabavkama kupujemo pištolje, municiju, transportere, svu vojnu i policijsku opremu, dok u drugom entitetu u Republici Srpskoj te sve nabavke vrše u skladu sa Zakona o javnim nabavkama pod oznakama tajno. I šta mi imamo u praksi? Da se naši se tenderi obaraju od firmi iz Republike Srpske i mi, prvo svaki kriminalac zna bročano stanje naoružanja MUP-a u Kanton Sarajevo jer to kupujemo preko tendera i slično. Dakle ja predlažem da se doda jedan član koji bi glasio: "Da na prijedlog komesara Vlada Kantona Sarajevo može staviti oznaku tajno na nabavku vojne i policijske opreme iz budžeta i na taj način izvršiti u skladu sa Zakon o javnim nabavkama članovi 10. e), 10 d) i 10 f) nabavku vojne i policijske opreme za potrebe Uprave policije u Kantonu Sarajevo". Dakle da se to formuliše kao jedan član kako bi komesar i Vlada Kantona Sarajevo imali zakonsko uporište da stave vojne oznake dakle i policijska bezbjednosno, sigurnosne oznake na svu kupovinu naoružanja, municije, transportera koje ćemo ako Bog da konačno kupiti i slično i na taj način olakšamo nabavku svih policijskih i vojnih struktura, pardon, policijskih struktura u Kantonu Sarajevo jer se to radi u drugom entitetu Bosne i Hercegovine, dok MUP godinama ne utroši ona sredstva koja mu Skupština Kantona Sarajevo ostavi za te namjere. Dakle ovo je

dio javne rasprave, ako treba i pravno pismeno da dostavim Vladi prijedlog tog člana, ja ću to učiniti u narednom periodu.

Elvedin Okerić (Predsjedavajući)

Dostavite vi kolega Čengiću i pismeno. A evo svakako će obuhvatiti i javnu raspravu. Dopredsjedavajući Vibor Handžić se javio za riječ, izvolite.

Vibor Handžić (Dopredsjedavajući)

Zahvaljujem predsjedavajući. Dakle kratka diskusija. Shvatio sam znači na šta je kolega Dević mislio. Dakle taj zahtjev za ocjenu ustavnosti koji je bio predmet apelacije pred Ustavnim sudom Bosne i Hercegovine dakle Ustavni sud se, donio je Presudu da nema ništa sporno u vezi toga. To je jedan dio, a drugi dio čisto zbog kolegice Hašimbegović i njenog pitanja, ja mislim da sam ja shvatio na što ona misli u svom pitanju, čisto zbog pojašnjenja. Dakle u starom u starom Zakonu o budžetima Federacije Bosne i Hercegovine nekada se osnovica za plate utvrđivala kroz potpisivanje kolektivnog ugovora između Vlade i sindikata. Izmjenama federalnog Zakona o kako se zove, ne o budžetima nego o platama i naknadama u organima vlasti u Federaciji Bosne i Hercegovine, dakle tim izmjenama je propisano da se osnovica za obračun plata utvrđuje Zakonom o izvršenju budžeta svakog nivoa vlasti. Dakle to je Odluka Vlade, više nije predmet kolektivnog ugovora. Dakle Vlada kroz zakon utvrđuje osnovicu a predmet pregovora i kolektivnog ugovora su koeficijenti na plate uposlenih u javnom sektoru. Eto, samo zbog pojašnjenja, dakle ne mora osnovica u zakonu biti predmet.

Elvedin Okerić (Predsjedavajući)

Ispravka krivog navoda zastupnik Irfan Čengiće.

Irfan Čengiće (poslanik/zastupnik)

Koeficijenti nikako ne mogu biti predmet razgovora, dakle koeficijenti su zakonski propisani, jedino što može biti predmet razgovora sindikata i Vlade jeste bod eventualno i osnovca, a koeficijenti su propisani i fiksirani i ovo što smo igrali sa koeficijentima u prošlom mandatu ovih samostalnih uprava i to je problematično.

Elvedin Okerić (Predsjedavajući)

Jel možemo završiti ovo? Zastupnik Haris Zahiragić, replika zastupniku Čengiću.

Haris Zahiragić (poslanik/zastupnik)

Samo želim da kažem da je kolega Čengiće kada su u pitanju koeficijenti i osnovica potpuno u pravu. Koeficijenti su propisani zakonom, a osnovicu svakako se ugovara i pregovara. Evo kolega Vibor kaže da je lapsus napravio da se slagao s tim, međutim ono što je on kazao da smo se igrali s koeficijentima nije samo stvar lapsusa, ova parlamentarna većina kolega Čengiću je davala sebi za pravo štošta, pa i da na takav način mijenja, dakle postoje posebni rukovodioci samostalnih upravnih organizacija, posebni od drugih. Evo kolegica Pekić maše glavom jer je ona bila direktorica jedne ustanove, na primjer, koja je ima manji koeficijent od nekog drugog direktora neke druge ustanove, vjerovatno zato što nije imala snažnu političku podršku unutar Skupštine Kantona Sarajevo. Hvala.

Elvedin Okerić (Predsjedavajući)

Zastupnik Davor Čičić.

Davor Čičić (ministar)

Samo kratko. Znači jesu koeficijenti definisani kolektivnim ugovorima, Zakonom su definisani za državne službenike a koeficijenti za obrazovanje, koeficijenti za su definisani u kolektivnim ugovorima. Tako da ima razlika između jednog i drugog.

Elvedin Okerić (Predsjedavajući)

Zaključujem raspravu.

Predlažem da Skupština po Nacrtu zakona o izvršavanju Budžeta Kantona Sarajevo za 2023. godinu donese sljedeće Zaključke:

1. Utvrđuje se Nacrt zakona o izvršavanju Budžeta Kantona Sarajevo za 2023. godinu;
2. Javna rasprava održat će se u Kantonalnim organima, jedinicama lokalne samouprave, naučnim i stručnim ustanovama i trajat će 20 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o izvršavanju Budžeta Kantona Sarajevo za 2023. godinu

Molim zastupnike zastupnike da pristupi izjašnjavanju o predloženim zaključcima.

Zaključujem glasanje. Molim službu da objavi rezultate glasanja.

Za je glasao 21 zastupnik, protiv ništa, suzdržanih 6.

Konstatujem da je Skupština donijela ove zaključke.

U konsultacija sa kolegom Devićem da ispoštujemo predstavnike institucija za ove prethodnih nekoliko odluka brzih da ih prođemo.

Tačka pet.

AD-5.

PRIJEDLOG ODLUKE O DAVANJU SAGLASNOSTI ZAVODU ZA IZGRADNJU KANTONA SARAJEVO I DIREKCIJI ZA PUTEVE KANTONA SARAJEVO, ZA ZAKLJUČIVANJE UGOVORA O KUPOPRODAJI PRIVREMENOG OBJEKTA RADI RUŠENJA, IZMEĐU KANTONA SARAJEVO, MINISTARSTVO SAOBRAĆAJA - DIREKCIJA ZA PUTEVE KANTONA SARAJEVO I ZAVODA ZA IZGRADNJU KANTONA SARAJEVO SA JEDNE STRANE I TUCAKOVIĆ ILIJAZA SA DRUGE STRANE, U SVRHU IZGRADNJE „IX“ TRANSVERZALE - RONDO U UL. SAFETA ZAJKE, A U SKLADU SA ODLUKOM O USVAJANJU OKVIRA ZA OTKUP IMOVINE I NAKNADE RADI REALIZACIJE PROJEKTA IZGRADNJE GRADSKIH SAOBRAĆAJNICA U KANTONU SARAJEVO BROJ: 01-04-19714/21 („SLUŽBENE NOVINE KANTONA SARAJEVO“, BROJ: 18/21)

v.d. ministrica, v.d. premijerka Darja Softić-Kadenić se javlja. Izvolite, imate riječ.

Darja Softić-Kadenić (ministrica)

Molim da ovu tačku 5 povučemo sa dnevnog reda.

Elvedin Okerić (Predsjedavajući)

U redu. Iz tehničkih razloga ovu tačku povlačimo.

Prelazimo na tačku šest.

AD-6.

PRIJEDLOG ODLUKE O DAVANJU SAGLASNOSTI ZAVODU ZA IZGRADNJU KANTONA SARAJEVO I DIREKCIJI ZA PUTEVE KANTONA SARAJEVO ZA ZAKLJUČIVANJE UGOVORA O KUPOPRODAJI PRIVREMENOG OBJEKTA RADI RUŠENJA, IZMEĐU KANTON SARAJEVO, MINISTARSTVO SAOBRAĆAJA – DIREKCIJA ZA PUTEVE KANTONA SARAJEVO I ZAVODA ZA IZGRADNJU KANTONA SARAJEVO SA JEDNE STRANE I TUCAKOVIĆ ILJAZA SA DRUGE STRANE, U SVRHU IZGRADNJE „IX“ TRANSVERZALE – RONDO U UL. SAFETA ZAJKE, A U SKLADU SA ODLUKOM O USVAJANJU OKVIRA ZA OTKUP IMOVINE I NAKNADE RADI REALIZACIJE PROJEKTA IZGRADNJE GRADSKIH SAOBRAĆAJNICA U KANTONU SARAJEVO („SLUŽBENE NOVINE KANTONA SARAJEVO“, BROJ: 18/21 i 5/23).

Prijedlog odluke ste dobili u dopunskom materijalu. Nema potrebe za obrazlaganje. Da li predstavnici radnih tijela žele riječ? Ima li pitanja? Nema. Otvaram raspravu. Zaključuje raspravu.

Molim zastupnike da pristupe izjašnjavaњу o Prijedlogu odluke koju sam pročitao.

Zaključujem glasanje. Molim službu da objavi rezultate glasanja. Za glasalo 26 zastupnika, protiv i suzdržanih nije bilo.

Konstatujem da je Skupština donijela ovu odluku

Tačka sedam.

AD-7.

PRIJEDLOG ODLUKE O DAVANJU SAGLASNOSTI ZAVODU ZA IZGRADNJU KANTONA SARAJEVO I DIREKCIJI ZA PUTEVE KANTONA SARAJEVO ZA ZAKLJUČIVANJE UGOVORA O KUPOPRODAJI BESPRAVNO IZGRAĐENIH OBJEKATA RADI RUŠENJA, IZMEĐU KANTON SARAJEVO, MINISTARSTVO SAOBRAĆAJA – DIREKCIJA ZA PUTEVE KANTONA SARAJEVO I ZAVODA ZA IZGRADNJU KANTONA SARAJEVO SA JEDNE STRANE I „BOSNAPLAST“ D.O.O. SARAJEVO SA DRUGE STRANE, U SVRHU IZGRADNJE „IX“ TRANSVERZALE – RONDO U UL. SAFETA ZAJKE, A U SKLADU SA ODLUKOM O USVAJANJU OKVIRA ZA OTKUP IMOVINE I NAKNADE RADI REALIZACIJE PROJEKTA IZGRADNJE GRADSKIH SAOBRAĆAJNICA U KANTONU SARAJEVO („SLUŽBENE NOVINE KANTONA SARAJEVO“, BROJ: 18/21 I 5/23)

Nema potrebe za obrazlaganje materijala. Prijedlog odluke ste dobili u materijalu. Predstavnik predlagača nema potrebe da podnese uvodne napomene. Da li predstavnici radnih tijela žele riječ? Ne žele. Ima li pitanja? Nema. Otvaram raspravu. Zaključujem raspravu.

Molim zastupnice i zastupnike da pristupi izjašnjavanju o Prijedlogu odluke o davanju saglasnosti onako kako sam pročitao tačku dnevnog reda.

Ovo je čisto. Ovo je čisto, ovo se radi o nekoj nastrešnici, sve sam provjerio da znate. Tako. Zaključujem glasanje. Za je glasalo 26, protiv ništa, suzdržanih ništa.

Konstatujem da je Skupština donijela ovu odluku.

Tačka osam.

AD-8.

PRIJEDLOG ODLUKE O DAVANJU SAGLASNOSTI ZA ZAKLJUČENJE UGOVORA O KUPOPRODAJI BESPRAVNO IZGRAĐENOG STAMBENOG OBJEKTA, ŠTALE, SUŠNICE I PLASTENIKA SVE IZGRAĐENO NA K.Č 173, 174/1 I K.Č 174/3, K.O. KOBILJA GLAVA, IZMEĐU DIREKCIJE ZA PUTEVE KANTONA SARAJEVO I ZAVODA ZA IZGRADNJU KANTONA SARAJEVO SA JEDNE STRANE I SIVAC SALIHA SA DRUGE STRANE U SKLADU SA ODLUKOM O USVAJANJU OKVIRA ZA OTKUP IMOVINE I NAKNADE RADI REALIZACIJE PROJEKTA IZGRADNJE GRADSKIH SAOBRAĆAJNICA U KANTONU SARAJEVO („SLUŽBENE NOVINE KANTONA SARAJEVO“, BROJ: 18/21) RADI RUŠENJA U SVRHU IZGRADNJE SAOBRAĆAJNICE I TRANSVERZALE, TUNEL KOBILJA GLAVA

Prijedlog odluke ste dobili u dopunskom o materijalu. Nema potrebe za predstavnikom predlagača da podnesu uvodne napomene. Predstavnici radnih tijela ne žele riječ. Nema pitanja. Otvaram raspravu. Zaključujem raspravu.

Molim zastupnike da pristupe izjašnjavanju o Prijedlog odluke o davanju saglasnosti za zaključenje ugovora o kupoprodaji kako sam naveo u nazivu tačke.

Zaključujem glasanje. Molim službu da objavi rezultate glasanja. Za je glasalo 25 zastupnika, protiv i suzdržanih nije bilo.

Konstatujem da je Skupština donijela ovu odluku.

Tačka devet.

AD-9.

PRIJEDLOG ODLUKE O DAVANJU SAGLASNOSTI ZAVODU ZA IZGRADNJU KANTONA SARAJEVO ZA ZAKLJUČIVANJE UGOVORA O KUPOPRODAJI NEKRETNINE OZNAČENE KAO K.Č. BROJ 22 GRADILIŠTE K.O. SP SARAJEVO MAHALA LXVIII, ŠTO PO NOVOM PREMJERU ODGOVARA K.Č. BROJ 2386/1 K.O. SARAJEVO V, IZMEĐU ZAVODA ZA IZGRADNJU KANTONA SARAJEVO SA JEDNE STRANE I UNIVERZITETA U SARAJEVU SA DRUGE STRANE

Prijedlog odluke ste dobili u dopunskom materijalu.

Predstavnik predlagača nema potrebe da podnosi uvodne napomene. Predstavnici radnih tijela ne žele riječ. Jeste li vi predstavnik nekog radnog tijela? Niste.

Ima li pitanja. Jel se zezate ili ozbiljno mislite? Nećete jel tako? Nećete. Nema pitanja.

Otvaram raspravu. Zaključujem raspravu. Molim zastupnike da pristupe izjašnjanju o Prijedlogu odluke o davanju saglasnosti Zavodu za izgradnju Kantona Sarajevo za zaključivanje ugovora onako kako sam pročitao u samom nazivu tačke.

Zaključujem glasanje. Molim službu da objavi rezultate glasanja. Za je glasalo 23 zastupnika, protiv i suzdržanih nije bilo.

Konstatujem da je Skupština donijela ovu odluku.

Zahvaljujem se kolegicama i kolegama, prekidamo rad sjednice Skupštine Kantona Sarajevo, o nastavku bit ćete blagovremeno obaviješteni.

STENOGRAM
NASTAVKA ČETVRTE RADNE SJEDNICE
SKUPŠTINE KANTONA SARAJEVO
ODRŽANOG 27.03.2023.GODINE

Elvedin Okerić (Predsjedavajući)

Otvaram prvi nastavak Četvrte radne sjednice Skupštine Kantona Sarajevo. Himna Bosne i Hercegovine.

Pozdravljam uvažene kolegice i kolege zastupnike, članove Vlade i uvažene goste, kao i predstavnika medija koji prate rad na današnjoj sjednici. Svima nama želim uspješan rad i ugodnu radnu atmosferu.

Prema evidenciji službe sjednici prisustvuje 24 zastupnika što je dovoljan broj za punovažan rad i odlučivanje.

Izostanak sa ove sjednice opravdali su zastupnica Vedrana Vujović, zastupnik Damir Marjanović, zastupnik Rusmir Pabrić i zastupnica Admela Hodžić.

Podsjećam vas da smo na prethodnom zasjedanju koje je održano 8. 2. 2023. godine razmatrali prvih 9 tačaka dnevnog reda, te nam za nastavak preostaju sljedeće tačke:

10. Prijedlog Odluke o davanju saglasnosti na Finansijski plan Javne ustanove „Služba za zapošljavanje Kantona Sarajevo“ Sarajevo za 2023. godinu sa Odlukom o izvršavanju Finansijskog plana Javne ustanove “Služba za zapošljavanje Kantona Sarajevo“ Sarajevo za 2023. godinu.
Malo sam tiše kolege.
11. Prijedlog Odluke o postojanju javnog interesa za osnivanje Javne ustanove Osnovna škola “ROSULJE” Vogošća;
12. Prijedlog Odluke o osnivanju privatne srednje škole pod nazivom - Privatna međunarodna gimnazija QSI International School of Sarajevo – QSI Međunarodna kvalitetna škola Sarajevo;
13. Prijedlog Odluke o davanju saglasnosti na prijedlog Ugovora o zakupu poslovnog prostora Poslovne zgrade KJP Centar “Skenderija” d.o.o. Sarajevo koji zaključuju Ministarstvo saobraćaja Kantona Sarajevo i KJP Centar „Skenderija“ d.o.o. Sarajevo.

Prelazimo na realizaciju tačke 10.

AD-10.

Prijedlog Odluke o davanju saglasnosti na Finansijski plan Javne ustanove „Služba za zapošljavanje Kantona Sarajevo“ Sarajevo za 2023. godinu sa Odlukom o izvršavanju Finansijskog plana Javne ustanove “Služba za zapošljavanje Kantona Sarajevo“ Sarajevo za 2023. godinu

Prijedlog odluke ste dobili u dopunskom materijalu. Molim predstavnika Predlagača da podnese uvodne napomene.

Zamolio bi vas zbog stenograma da nam se predstavi.

Edina Ljubuškić (v.d. direktor Službe)

Dobar dan. Ja sam Edina Ljubuškić vršiteljica dužnosti Službe za zapošljavanje Kantona Sarajevo. Nadzor Finansijskog plana prihoda i primitaka, rashoda izadataka Javne ustanove Služba za zapošljavanje Kantona Sarajevo za 2023. godinu donesen od strane Upravnog odbora u zakonskom roku do 30. septembra, prihvaćen isto tako od strane Nadzornog odbora a urađen je u skladu sa Odlukom o metodologiji izrade i donošenje programa mjera programa rada izvještaja o radu Vlade Kantona Sarajevo i kantonalnih organa. Sve potrebne saglasnosti, odnosno mišljenja dobili smo našeg resornog Ministarstva 19. 10. i od Ministarstva finansija 13. 10. Na Vladi je bilo početkom novembra 2022. Isto tako ovaj je Finansijski plan izrađen je u skladu sa Zakonom o posredovanju u zapošljavanju socijalnoj sigurnosti nezaposlenih osoba

u Kantonu Sarajevo. Isto tako i sa Zakonom o budžetima u Federaciji Bosne i Hercegovine, kao i Zakonom o posredovanju i zapošljavanju i socijalnoj sigurnosti nezaposlenih osoba u Federaciji Bosni i Hercegovini. Finansijskom planu Javne ustanove Služba za zapošljavanje Kantona Sarajevo ua 2023. planirani su prihodi u ukupnom iznosu od 71 533 824 konvertibilne marke i to su prihodi od poreza 37.409.319, neporezni prihodi 304 000, tekući transferi Ministarstvo saobraćaja i Federalnog zavoda za zapošljavanje za aktivne mjere politike zapošljavanja u iznosu 3. 340.487 konvertibilnih maraka, primici u iznosu 5000 i prenesena sredstva iz prethodne godine planirana u iznosu 30 475 018. S obzirom na uravnoteženost Budžeta i ukupni rashodi su u ovom istom iznosu. Sastoje se iz plaća i naknada troškova zaposlenih 5.903 755, doprinosa poslodavaca i ostalih doprinosa 581.355, materijala, sitnog inventara i usluga 1 617 342 transfer Fondu za invalide kao zakonska kategorija 347. 689 i ostali transferi PIO/MIO u iznosu 4.110.180, tekući transferi pojedincima u je okviru novčana naknada i doprinos za zdravstveno osiguranje nezaposlenim licima 20.420.000 i aktivna politika zapošljavanja 37.418. 627 konvertibilnih maraka. Drugi tekući rashodi, doprinosi u ranijim godinama i drugi tekući rashodi u iznosu 100 000 i kapitalni izdaci u iznosu 1 034.876. Ono što je vrlo bitno napomenuti pri donošenju ovog Finansijskog plana da smo mi 2023. godini na privremenom finansiranju i da već imamo s obzirom da je danas. 27. mart imamo određene poteškoće u realizaciji, prvenstveno mislim na aktivne mjere politike zapošljavanja i ove obaveze koje imamo po Programu mjera za socijalno zbrinjavanje radnika koji su u procesu stečaja ili ostali bez posla, tu prvenstveno mislim na radnika Grasa. To bi bilo uvodna napomena a sve ostalo što treba tu smo na raspolaganje da vam damo dodatna pojašnjenja.

Elvedin Okerić (Predsjedavajući)

Zahvaljujem se. Vi se možete vratiti na svoje mjesto. Da li predstavnici radnih tijela žele riječ. Ima li pitanja.

Zastupnik Haris Zahiragić se javio za riječ.

Haris Zahiragić (poslanik/zastupnik)

Zahvaljujem predsjedavajući. Zanima me da li i zašto nema programa zapošljavanja mladih doktora, imajući u vidu činjenicu da je Skupštine Kantona Sarajevo, a na moju inicijativu, takvu vrstu zaključka usvojila. Tako da bi tako nešto bi se trebalo naći i u Finansijskom planu svakako. Hvala.

Elvedin Okerić (Predsjedavajući)

Zastupnik Muamer Bandić se javio za riječ.

Muamer Bandić (poslanik/zastupnik)

Hvala predsjedavajući. Selamim i pozdravljam sve prisutne, kao one koji nas prate putem malih ekrana. Ja mislim da je na ovoj cijeni trebao biti Program rada Službe za zapošljavanje ali evo nažalost nismo to uvrstili tako da će Služba ponovo ostati u narednom periodu u nekom nedostatak po pitanje funkcionisanja. Okolnost da ćemo ukoliko usvojimo Financijski plan a nismo usvojili još program rada. Ono što mene zanima jeste sljedeće; v.d.direktorica je u svom izlaganju iznijela 37 miliona čini mi se prenesenih sredstava ili 30 miliona prenesenih sredstava ima. Jedan ogroman iznos za nerealizaciju aktivnih mjera politika za zapošljavanje. Pa me zanima iz kojih razloga su ti novci preneseni, zašto nisu te mjere realizirane? To je jedno pitanje. A drugo pitanje kako je direktorica navela da se izdvajaju sredstva za nezaposlene

osobe odnosno za zaposlene radnike u Grasu. Ono što mene zanima jeste koliko novca služba za zapošljavanje izdvaja za tu namjenu i po kojem osnovu? Koliko se ja sjećam da nije nikad napravljen ozbiljan sanacioni plan Javnog komunalnog preduzeća Gras ali da ipak Služba za zapošljavanje izdvaja taj novac. Čak se sjećam da nisu ni bila ni pozitivna sva mišljenja prilikom dobijanja tog sanacijskog plana pa me zanima da li mi može direktorica u nekom narednom periodu kompletnu tu dokumentaciju koja je vezana za izdvajanje novca za radnike Grasa dostaviti? Mislim da ovo nije pitanje pretjerano vezano za njen mandat nego za neke prethodne mandate, ali koliko ja znam da je ta Odluka bila potpuno nezakonite i da mi sada izdvajamo novac praktično za osobe koje rade dole, koje su zaposleni u radnom odnosu, a generalno taj novac treba biti namijenjen za nezaposlene osobe. Hvala.

Elvedin Okerić (Predsjedavajući)

Zahvaljujemo se zastupniku Bandiću. Zastupnica Marijela Hašimbegović se javila za riječ.

Marijela Hašimbegović (poslanik/zastupnik)

Zahvaljujem se predsjedavajući. Srdačno vas sve pozdravljam. Ja sam evo imala gotovo identično pitanje kao kolega Bandića po pitanju prenesenih sredstava za programe zapošljavanja u iznosu preko gotovo 30 miliona. Dakle o kojim se preprekama tu radi? Koji su alati i mehanizmi uspostavljeni da bi se osiguralo trošenje ovih sredstava u ovoj godini? Takođe htjela bi istaći da programske aktivnosti koje se tiču zapošljavanja imaju jako kratke rokove za realizaciju i s tim u vezi podsjećam da sam evo upravo danas vidjela da se na web stranici Službe za zapošljavanje nalazi otvoren javni poziv sa, nećete vjerovati, trajanjem od samo 2 dana. Možete i sami zaključiti ko će biti u prilici pregledati web stranicu Službe za zapošljavanje u ovom takvo nevjerovatno kratkom roku, tako da ću zasigurno pratiti ovaj proces koji se sproveo putem sad ovog privremenog finansiranja jer je to trebalo biti isto tako moje pitanje kako smo uopšte mogli sprovesti bilo kakvu tendersku ili bilo koju proceduru kada nismo usvojili finansijski plan.? Primijetila sam skokove na pozicijama tekućeg održavanja i ugovorenih usluga i s tim u vezi se slažem sa kolegom Bandićem da nemamo program rada i nemamo plan javne nabavke i samim tim je jako teško donijeti bilo kakvu odluku po pitanju ovog materijala. Za sada toliko. Hvala.

Elvedin Okerić (Predsjedavajući)

Zahvaljujemo se zastupnici Hašimbegović. Za riječ se javio zastupnik Mahir Dević.

Mahir Dević (poslanik/zastupnik)

Hvala predsjedavajući. Kolega Bandić i kolegica iz DF-a su otprilike podcrtali ono što sam i ja htio da kažem odnosno da postavim pitanje. Mi smo kao Klub jako kritikovali ne samo za prethodnu godinu nego i godinu prije realizaciju Budžeta Zavoda za zapošljavanje Kantona Sarajevo. Ovo je njihov Budžet na neki način koji bi trebao da bude realiziran u procentu 90 %. Znači ovdje se radi o javnim pozivima, nemate nekih javnih nabavki za neke radove, trotoari itd-. Tako da prosto je nevjerovatno da postoji ovakva cifra u ovako važnoj instituciji neutrošenih sredstava kada Kanton Sarajevo, država Bosna i Hercegovina ima problem sa nezaposlenošću. Te dvije stvari se nikako ne uklapaju. Tako da moje pitanje glasi sljedeće da li ste vi u menadžmentu Zavoda i Upravnom odboru izvršili ikakvu analizu vaših javnih poziva? Šta se dešava s tim javnim pozivima kad oni ne uspiju? Mi smo u jednom moment čini mi se preračunavali da vi na kraju imate javni poziv gdje mladi čovjek sa visokom stručnom

spremom dobije platu čini im se negdje ispod 1000 konvertibilnih maraka, ako nije bilo za ove asistente, neku ste grešku napravili ako se dobro sjećam. Zlatne značke. Tako bruto 1000 maraka imali. Naravno da vam se ljudi tu neće prijaviti. Znači pitanje je sljedeće, da se ovo ne bi pretvorilo u diskusiju, da li ste vršili ikakvu evaluaciju, analizu vaših javnih poziva i zašto je užasno loše izvršenje budžeta ove institucije? Hvala.

Elvedin Okerić (Predsjedavajući)

Zahvaljujemo se zastupniku Deviću. Zastupnica Vildana Bešlija javila se za riječ. Izvolite.

Vildana Bešlija (poslanik/zastupnik)

Hvala predsjedavajući. Pozdravljam sve koji prate naš rad. Ja bih imala pitanje vezano za poticaje samozapošljavanja za osobe srednje starosne dobi. Mislim da pored mladih vrlo često je ova kategorija onako zapostavljena, a mislim da su to osobe za koje sam navela u inicijativi kada sam je u više navrata podnosila i mislim da postoji taj program, osobe koje imaju radno iskustvo bar nekih 10 godina, koji mogu sami započeti svoj biznis, koji su vrlo značajni u našoj zajednici, koji vrlo često ostanu bez egzistencije, a onda se nekako ne obraća dovoljno pažnje na njih. S obzirom da je uspostavljen taj program ja bih zamolila ako može par informacija vezano za to i mišljenje da li je bio uspješan i naravno poređenje neko sa ostalim programima koji su u toku. Hvala vam.

Elvedin Okerić (Predsjedavajući)

Zahvaljujemo se zastupnici Bešlija. Zastupnica Mersiha Mehmedagić se javila za riječ.

Mersiha Mehmedagić (poslanik/zastupnik)

Hvala uvaženi predsjedavajući. Pozdravljam sve prisutne kao i građane Kantona Sarajevo koji prate današnje zasjedanje. Ja ću zamoliti za pojašnjenje samo za ovu stavku programa koji se prenosi iz prethodnih godina. Program sufinansiranja zapošljavanja pripravnika vatrogasaca je iz 2020. godine, program sufinansiranja zapošljavanja Zlatna značka iz 2021. godine, program sufinansiranja zapošljavanja žena 40+ je također iz 2021. godine, a dole ispod taksativno navedenih programa stoji da svi programi otprilike programi sufinansiranja otprilike traju 12 mjeseci, pa bih ja zamolila v.d. direktoricu samo za pojašnjenje da li postoje neke objektivne okolnosti zbog kojih se ovi programi još uvijek nisu realizirali pa da radimo na otklanjanju tih problema ukoliko postoje ili pak problem druge prirode kad još uvijek imamo nerealizirane ove programe? Hvala.

Elvedin Okerić (Predsjedavajući)

Zahvaljujemo se zastupnici Mersihi Mehmedagić. Za riječ se javio zastupnik Davor Čičić.

Davor Čičić (zastupnik)

Zahvaljujem predsjedavajući. Pozdravljam sve prisutne i sve naše građane ispred malih ekrana. Kolege prije su se dotakle mnogih stvari koje sam ja htio da pitam, ali evo postaviti ću neka pitanja koja evo nisu se, barem ih ja nisam čuo da su postavljena. Volio bih samo da se osvrnete na to koji su bili najuspješniji programi poticaja zapošljavanju u prethodnoj godini, a koji program su podbacili? Planirate li kroz javne pozive redefinirati uvjete za programe koji su podbacili kako bi ove godine bili uspješni? Drugo, planirate li uvođenje nekih naravno ne sad kroz ovaj Financijski plan, ali kroz neke rebalanse ili nešto pošto vidim da nije bilo nekih novih

programa, a li planirate li uvođenje nekih novih programa prateći aktuelna zbivanja na tržištu rada u Kantonu Sarajevo? S obzirom na to da su ovi dosta postojećih programa već stari, ponavljaju iz godine u godinu, a tržište rada se već značajno promijenilo, da li imate u planu razvijanje nekih novih programa jer očito i zanimanja koja su deficitarna su se značajno promijenilo u proteklim godinama i da li imate tu neku da tako kažem koordinaciju sa Udruženjem poslodavaca koji bi vam prenijeli neke svoje potrebe i stanje na tržištu rada sa kojim se oni susreću. Isto tako primijetio sam da rashodi za plaće rastu, pa molim samo kratko obrazloženje koliko su planirana povećanje plaća zaposlenika, da li je to u nekom linearnom iznosu kao što je dogovoreno s Koordinacijom sindikata za budžetske korisnike koji se prima plaću iz Budžeta Kantona Sarajevo 100 maraka ili je to neki drugi modus kako ste planirali povećati plaće u Zavod za zapošljavanje? Hvala.

Elvedin Okerić (Predsjedavajući)

Zahvaljujemo se zastupniku Čičiću. Za riječ se javio zastupnik Samir Avdić.

Samir Avdić (poslanik/zastupnik)

Zahvaljujem predsjedavajući. Najprije pozdrav prisutnima i građanima koji prati naš rad putem medija. Ja bih imao dva pitanja. Možemo vidjeti iz ovog plana ovaj da se prenosi nekih tridesetak miliona maraka, mene zanima u kojem iznosu od tog iznosa se prenosi za Program zapošljavanja šehidskih porodica i porodica poginulih boraca budući da taj program traje duže godina, čini se da se radi o 8,5 milijuna, da li sam u pravu? Ovaj i drugo pitanje u vezi sa nečim što možemo nazvati izvještaj o utrošku sredstava od strane različitih firmi, većinom privatnih firmi koje su korisnici programa Službe, koji su rokovi njihovog izvještavanja odnosno u kojem roku oni moraju dostaviti Službi izvještaj o utrošku tih sredstava odnosno da su uradili sve u skladu sa onim što je javnim pozivom traženo? I da li je to jedan od razloga ovoliko velikog iznosa prenesenih sredstava i da li je eventualno u tom dijelu potrebno uraditi neke izmjene i da li ustvari upravo zbog toga što još uvijek čeka Služba na izvještaj o utrošku sredstava od velikog broja firmi korisnika, da li je to jedan od razloga ovako velikog iznosa prenesenih sredstava i da li smatraju u Službi da je taj koncept potrebno mijenjati? Hvala.

Elvedin Okerić (Predsjedavajući)

Nema više prijavljenih. Izvolite. Možete ponuditi odgovore na postavljena pitanja.

Edina Ljubuškić (v.d. direktor Službe)

Prvo pitanje, odgovor na pitanje uvaženog zastupnika gospodina Harisa Zahiragića da li i zašto nema mladih doktora. Ovo je Finansijski plan u kojem je izražen ukupan iznos sada 30 i nešto miliona. Služba za zapošljavanje Kantona po usvajanju ovog finansijskog plana zajedno sa resornim Ministarstvom i sa Ministarstvom privrede formira interresornu komisiju koja će donijeti mjere aktivne politike zapošljavanja. Ono što smo mi kao Služba radili u prethodnom periodu da smo otprilike planirali 1 program zapošljavanja mladih doktora jer nažalost prema našim evidencijama jutros koje su bile na birou imamo 91 doktora medicine i 10 doktora specijalista, tako da smo planirali zaposliti ,naš je prijedlog 50 doktora, a u periodu od 2018. godine do 2022. godine što je Služba realizirala programa odnosno finansirala programe zapošljavanja, mi u ovom periodu smo uspjeli zaposliti 151 doktora i negdje koncem 2021. da na birou nije bilo niti više jednog doktora. Ne samo da kada ova komisija ako i donese u ovom pravcu mjere nismo samo predložili zapošljavanje doktora, čak smo, ovaj predložiti

zapošljavanje i medicinskih sestara jer i njih ima na birou puno puno više nego što ima doktora. Što se tiče pitanja uvaženog zastupnika ministra Bandića, zastupnika Bandića vezano za aktivne mjere politike dobit će taj pismenu informaciju vezano za ovo pitanje za Ministarstvo saobraćaja. Od 2017. godine transfer, imamo svake godine transfer Ministarstva saobraćaja i to su ona sredstva koja se koriste za plaćanje ovih hajde kažem dokupa staža ovim radnicima i moram vam reći da su to iznosi otprilike od nekih 15,a pa čak znaju biti do 30 000 konvertibilnih maraka. Što se tiče programa za 2022. godinu Služba je planirala u 2023 godinu ukupan iznos od 6 959 000 mjera aktivne politike zapošljavanja i još 14,3 miliona mjera koje su prenesene iz 2022. godine, odnosno usvojene su Izmjenama i dopunama Finansijskog plana 27.Januara 2022. usvojen je i rebalans, pa prema tome zbog ovog privremenog finansiranja nismo uopšte mogli ni krenuti u realizaciju ovih mjera. Što se tiče pitanja uvažene zastupnice Marijele Hašimbegović, ono što smo u ovoj godini uradili a to je da nećemo više ići na klasičan način kod raspisivanja aktivnih mjera politike zapošljavanja, okrenuli smo se davanju vaučera za posao, što znači smo da smo prema našim procjenama otprilike negdje 2 mjeseca smo skratili tu proceduru tako da svaka nezaposlena osoba dobit će vaučer i onda će moći ići u službe u odnosno u kompanije ako imaju interes za njih onda ćemo ih zapošljavati. Ono što smo planirali isto tako da realizacija ovih mjera bude na način da maltene svake sedmice ono jer je što pregledamo smatramo da je ispravno da šaljemo na Vladu Kantona Sarajevo da bi ona donijela odluku, tako da ćemo taj sigurno postupak skratiti sigurno minimalno za 2 mjeseca. Što se tiče ovih mjera koje su objavljen 27. 3. jutros na Stranci službe za zapošljavanje, to mogu samo biti mjere Federalnog zavoda za zapošljavanje jer Služba za zapošljavanje Kantona Sarajevo niti jednu mjeru nije mogla objaviti iz jednog jednostavnog razloga zato što nemamo usvojen Finansijski plan za 2023. Čak smo u situaciji zadnjih 10 dana apsolutno ne plaćamo nikakve mjere aktivne politike zapošljavanja jer nemamo više nedostajućih sredstava jer sami znate da smo mogli trošiti samo četvrtinu budžeta. Što se tiče pitanja uvaženog zastupnika Mahira Devića vezano za Zlatnu značku i da li se ovi ostali programe, jesmo pravili analize, jesmo. Ove godine planiramo povećati ukupne iznose. Ono što predstavlja problem nama a i oni koji zapošljavaju ovaj naše studente koji imaju Zlatnu značku je to što su što mi u principu idemo na proces sufinansiranja. Mi sufinansiramo sredstva u iznosu onolikom koliko smatramo da možemo, međutim dešava se da fakulteti ili druge ustanove sa timom ljudi mladi ljudi zapošljavaju nemaju dovoljno sredstava da bi mogli to isfinansirati i onda je to jedan od razloga zašto imamo tu slabu realizaciju ovih programa. Što se tiče pitanja uvažene zastupnice Vildane Bešlije za ove programe, ja moram reći ovaj program 40 plus koji je obuhvatio žene preko 40 godina starosti, mi smo imali prošle godine 2 puta proširivali smo. Program se pokazao kao dobar. Program koji se nije pokazao kao dobar to je ovaj program 10+. U realizaciji za prošlu godinu smo imali jako puno programa koji se realizuju tako da program koji stvarno pokazuje najbolje rezultate to je ovaj program Posao za sve. Program sufinansiranja ovih samozapošljavanja mladih osoba do 35 godina. Program koji nam se nije pokazao dobar, to je Program prilika za sve 1+1, na jednog zaposlenog koji mi damo sredstva za sufinansiranje potrebno je i da firma odnosno kompanija u kojoj su da ista sredstva za dodatnog još jednog primi. Taj program pokazao kao nepovoljan za Službu zapošljavanja. Što se tiče pitanja uvažene zastupnice Mehmedagić. Ovaj imamo analizu zašto vatrogasci. Vi znate da oni moraju biti primljeni po Zakonu o državnoj službi. Mi smo ovaj poslovni obezbijedili ta sredstva. Jako dugi rokovi su bile vezano za žalbe pa je zato i nekoliko puta smo produžavali upravo iz ovoga razloga tako da mislimo da smo ovaj program hajd da kažem iscrpili bar prema onom što smo uradili zadnjem periodu. Nemamo namjeru raspisivati više program za vatrogasce jer gdje je

god pripremanje ovaj u firme koje ovaj podliježu ovoj Agenciji za državne službu imamo jako velike te rokove žalbe i zbog toga se ti programi oduže, a predstavljaju i nama problem istovremeno jer onda moramo produžavati rokove za realizaciju programa.

Pitanje uvaženog zastupnika Čičića vezano za programe i za jesmo li imali sastanak sa Udruženjem poslodavaca. Jesmo imali smo sa Udruženjem poslodavaca, predsjednikom udruženja poslodavaca Federacije, predsjednikom Udruženja poslodavaca Kantona Sarajevo gdje smo upravo razgovarali o ovim problemima i gdje smo se dogovorili u narednom periodu, ono što je obaveza po Statutu službe da imamo sajam za zapošljavanje, da organizujemo jedan sajam zapošljavanja gdje će Služba biti nosilac aktivnosti a udruženje poslodavaca će participirati u tome. Što se tiče broja zaposlenih i povećanja plata moram napomenuti da u Službi od 2016. godine nije bilo povećanja plata. Zadnje povećanje je bilo u avgustu prošle godine u iznosu 4,8 %. Mi se zadržimo kolektivnog ugovora i Pravilnika o radu. Morate znati da je ovaj Finansijski plan pravljen u septembru prošle godine gdje je bila vizija da će se ići na novu sistematizaciju, gdje je bila odluka da će se primiti nekih dodatnih 8 zaposlenih gdje smo te plate gdje smo plate za te zaposlene planirali, međutim mi ćemo plate usaglašavanje sa kolektivnim ugovorom, odnosno sa indeksom potrošačkih cijena i inflacijom, odnosno porasta troškova života. I što se tiče pitanja uvaženog zastupnika Samira Avdića ako vezano za ove šehidske porodice i to, ako nije problem s obzirom da se radi o ciframa da ne bih sad nešto pogriješila i pogrešan iznos dala, da vam se pismeno dostavimo tu informaciju. Što se tiče ovog dijela da li projekti kasne zbog toga što ide ovaj loša refundacija. Vi znate da Služba za zapošljavanje radi na procesu, radi na sistemu refundacije. Firme prime zaposlenike, isplate im plaću po ugovoru koji mi s njima ovaj dogovaramo, imaju rok od mjesec dana dostave refundaciju. Ono što smo sad poboljšali u prethodnom periodu da te refundacije idu elektronskim putem. Tako da stvarno tu nema, hajde da kažem nema zastoja. Jedini zastoj koji se stvarno pokazuje zastoj ovoga privremenog finansiranja koji mi imamo evo nekoliko zadnjih godina jer sve ono što bi realno trebalo početi početkom godine nama kasni kvartal. Evo upravo to će se desiti i sada jer mi planiramo ako dođe do usvajanja ovog Finansijskog plana već u narednih desetak dana, najkasnije do 10. aprila i ove programe završiti i iznijeti aktivne mjere politike zapošljavanja na način da što prije krenemo u realizaciju. Mi prema našim planovima mislimo da je mjesec juni prvi mjesec kad ćemo uspjeti krenuti sa refundacijama. Ne znam jesam li na sva pitanja odgovorila ili.

Elvedin Okerić (Predsjedavajući)

Jeste, hvala vam. Otvaram raspravu. Zastupnik Irfan Čengić se javio za riječ.

Irfan Čengić (poslanik/zastupnik)

Hvala predsjedavajući. I hvala v.d. direktorici na ovim odgovorenim pitanjima jer dala mi je dosta inspiracije za diskusiju. Dakle, zapošljavanje je jako bitna tema, nalazi se u programima svih političkih stranaka koje su ovdje u Skupštini Kantona Sarajevo i ne bi trebalo da samo tako pređemo preko ove teme jer danas na dnevnom redu imamo kao 37 miliona za aktivne mjere zapošljavanja. Dakle tih 37 000 000 kad bi se zaista uložilo u zapošljavanje dalo bi velike rezultate u Kantonu Sarajevo. Ali znate onu izreku: isto vam je nemati i imati, a ne znati. I mislim da se iz godine u godinu ovdje ponavlja da mi imamo novca a ne znamo da ga potrošimo, što je paradoks jer ja sam uporedio Izvještaj o izvršenju budžeta zadnje 4 godine, ne samo ovu dakle. 2019- 11,4 miliona, 2020. -13,62, 2021. - 15 miliona i ova zadnja godina samo 9 miliona, od toga na mjere iz te godine 2022. 3,9 miliona, ako se ne varam. I to pokazuje

najbolje kako se radi odnosno kako se ne radi. Kada kritikujem sva ova izvršenja ne mislim samo na Službu zapošljavanja, to se odnosi na Skupštinu Kantona Sarajevo i na Vladu, jer ovo nije nešto što sama javna ustanova treba da radi već da Vlada utvrđuje politike i provodi ih. Dakle po izvršenjima budžeta mi možemo zaključiti odmah da ovi 37 miliona neće biti utrošena ni u 2023. godini. Već ste nam rekli evo 3 mjeseca su prošla dakle vi nećete moći pokrenuti na vrijeme ni mjere i to nije vaša krivica, to je naša krivica, ali očigledno da nam trebaju ozbiljne reforme. Dakle premijeru, ministrice u ovoj oblasti ćete itekako imati puno posla jer ste to obećali vaše ekspozeu kada ste rekli ćete reformirati Službu za zapošljavanje i uskladiti aktivne mjere zapošljavanja. Dakle programi se moraju raspisivati blagovremeno. Moramo misliti malo i izvan kutije. Dakle ovde gledam samo se kopiraju programi; pripravnici, žene, 50 plus, Posao za sve, iz godine u godinu. Eventualno ako Skupština nešto zaključi pa vas natjera, onda vi takav program uvrstite. Imamo susjednu Srbiju gdje vidimo kako programi aktivnih mjera zaista daju rezultata gdje izvršna vlast ode u neku državu Njemačku, nađe kompaniju i kaže napraviti ćemo program za vas. Nije Air Srbija otvoren u Srbiji zato što su dobri tamo uslovi, nego zato što im država plaća doprinose i plate na određeni broj godina pa se toj kompaniji isplati doći u Srbiju. Mercedesu i drugim kompanijama. Nikada niko nije ni pokušao napraviti program za kompaniju koja bi možda u Vogošći industrijskoj zoni otvorila 200 radnih mjesta zato što ćete im reći da ćete im pokriti platu i doprinose 2 godine i na taj način osigurati dugotrajno zapošljavanje jer program pripravnika nije dugotrajno zapošljavanje, to je samo stručno osposobljavanje naših mladih kako bi izašli na tržište rada. Tačno je da je dosta do pravdanja sredstava ali dosta je bilo i to da su ljudi čekali 3 mjeseca ugovor da dobiju od Službe zapošljavanje nakon što su im rekli da je sve u redu. Ja znam niz privrednika koji su u 2022. godini odustali od mjera zapošljavanja zato što vam je trebalo 3 mjeseca da potpiše ugovore. Ne znam koji su bili razlozi i nisu dobili ugovore na vrijeme. Ja imam jedan primjer zanatlije iz Starog Grada koliko smo nefleksibilni. Momak je skinuo se sam s biroa u novembru mjesecu, htio je da pokrene svoj obrt, sve sam uradio i nije dobio niti jedne KM od Kantona zato što tada nema nikakvih mjera, nismo usvojili rebalans, nije usvojen novi budžet i momak je to sve sam uradio, otvorio obrt u Starom Gradu, deficitarni zanati i sve, nije dobio podršku nikakvog Kantona jer tad nije bilo otvorenih mjera. Mislim da upravo mjere moramo držati otvorene tokom čitave godine. Taj primjer vaučera za posao jedna od takvih mogućnosti gdje ćemo u svakom trenutku kada osoba pronađe posao obratiti se birou i dobiti svoj novac. To je zaista pohvalan projekat i to će vam zaista povećati efikasnost. Također imate federalne programe gdje nije važno da ste u tom momentu na birou. Ako je neko skinut između 2 javna poziva, dakle nisu to programi biroa, odmah da se ne bi, nego drugih ministarstava dakle ukoliko je neko skinuo se biroa osobu između 2 javna poziva on se smatra da na tom javnom pozivu može dobiti novac jer je ili se samozaposlio ili je skinuo osobu sa biroa u periodu između dva raspisana javna poziva i očigledno ne vara ništa tu nego se čovjek sam zaposlio, jer ne može neko čekati 3 mjeseca u privrednom procesu da se raspiše javni poziv. Dakle osobe koje su imale želju nekoga da zaposle u decembru, evo do aprila neće imati tu mogućnost. I kada krene izbor i dobiju program onda 3 mjeseca treba da mu neko potpiše tamo u Službi zapošljavanja ugovor pa tek onda kreću refundaciju. Dakle ti programi moraju se prilagođavati tržištu rada i moraju se prilagođavati kompanijama, jer ipak su kompanija te koje zapošljavaju. I također program javnih radova trebaju biti češći i otvoreni jer bili smo nezadovoljni čišćenjem snijega, al mi smo mogli mnoge zaposliti putem javnih radova jer znamo da snijeg pada u januaru i februaru i na vrijeme planirati javne radove, npr za rad gdje bi povećali broj osoba koje tu mogu raditi. Tako da danas ću ovo podržati ali nadam se da će izvršenja biti što veće, ali svjesni

smo ograničenja koje Skupštine nažalost svo mi danas odgovorni ovdje tek nakon prvog kvartala ćete vi dobiti Budžet pa pripremit programe, potpisati programe i kako da onda tražimo izvršenje kad će vaša prva isplata krenuti, sami ste rekli u junu, julu i normalno da nećete moći realizovati njene programe koje donesete, a da ne govorimo o programima koji su zapravo neće ni donijeti, s tim da jeste primjetno da u 2022. godini imali ste najgore izvršenju u posljednje četiri godine, a i od tog izvršenja 60 % su zapravo bile mjere iz 2021. a ne aktivne mjere zapošljavanja iz 2022. godine što samim tim znači da ćete imati mali udio i mjera iz 2022. u 2023. što će vam dodatno otežati izvršenje budžeta.

Elvedin Okerić (Predsjedavajući)

Zahvaljujemo se zastupniku Čengiću. Za riječ se javio zastupnik Mahir Dević.

Mahir Dević (poslanik/zastupnik)

Hvala predsjedavajući. Ja mislim da je ovo jedno od pitanje u kojoj u Skupštini Kantona Sarajevo bi sigurnog postojalo jedno potpuno jedinstvo da se ova institucija učini funkcionalnijom, efikasnijom, a sve u cilju zapošljavanja što većeg broja ljudi. Ova naša Služba za zapošljavanje Kantona Sarajevo bi se mogla nazvati Služba za zapošljavanje Kantona Sarajevo budžetskih korisnika. Taj model, način rada je davno prevaziđen. Mi smo u kampanji u platformi koju je napravio Kantonalni odbor SDA Sarajevo nudili jedno od rješenja o kome smo govorili da kroz Ministarstvo privrede Kantona Sarajevo u saradnji naravno i sa ovim Ministarstvom nadležnim za ovu ustanovu bi bilo dobro da se evidentira 100 brzorastućih kompanija u Kantonu Sarajevo. Doći do takvog podatka mislim da uopće nije problem u Ministarstvu privrede. Ukoliko mi ne znamo kao Budžet napraviti radna mjesta, postoje te brzorastuće kompanije kojim stvarno su potrebni ljudi, potrebni radnici, ali su im potrebni radnici od 1. januara da rade i da dobijaju platu upravo ovo što je kolega Čengić kazao. Znači mi smo evo sada suočeni zbog naravno evo političkih odluka, razvlačenje formiranja vlasti ovdje čekanja Federacija, čekanja Budžeta. Znači u idealnoj situaciji izvršenje ovo će biti za pola godine. Ogromna je šteta, da ne kažem velika je grehota da toliki milioni konvertibilnih maraka stoje, a imate nezaposlene ljude. Znači iskoračite u realni sektor. Ovo pitanje vaučera, u konačnici se i ono pretvori u politiku znate. Dođe ona stranka kaže on ima onaj tamo znate dajte mu vaučer idi javi se ovoj ustanovi ,moj direktor je tamo, itd itd. Ona je napravila malo sistem prohodnijim, ali ne efikasnijim. Vi gospodo morate izaći u realni sektor. Budžet Kantona Sarajevo i upošljavanje u Budžetu ne mogu realizirati toliko sredstava. Mislim to vam se govori iz godine u godinu da vam ostaje 15 miliona, 17 miliona, 30 miliona, a paralelno s tim imate ovaj realnu tržišnu ekonomiju, imate kompanije koje drže cijelu Bosnu i Hercegovinu, Federaciju Bosne i Hercegovine, Kanton Sarajevo i tako dalje. Pomozite te ljude. Imate sigurno takvih kompanija u KS. Napraviti takve programe. Dajte tim ljudima sredstva, dajte im poticaja pa ćete vidjet će u Kantonu Sarajevo doći do rapidnog rasta broja zaposlenih. To treba da bude ovaj politika. Naravno mi kao Klub sve što je proaktivno u ovom smislu da se popravi ekonomsko stanje, da se poveća broj zaposlenih u Kantonu Sarajevo ćemo ovaj podržati. Međutim morate biti malo inovativniji, morate napraviti iskorake jer ovo je stvarno šteta da iz godine u godinu se ovo dešava sa ovaj finansijama unutar ove instituciji. S obzirom da je u pitanja plan naravno evo mi ćemo na neki način dati podršku jer smo dovedeni u ovu situaciju koju smo dovedeni, ali mislim da se ovdje koncept potpuno mora promijeniti. Znači resorno Ministarstvo, ustanova, Zavod treba da naprave iskorak ka realnom sektoru. Tražite

100 brzorastućih kompanija u Kantonu Sarajevo, dajte im sredstva. Na takav način ćete ta sredstva oplemeniti i vratiti ih duplo Budžet. Hvala lijepa.

Elvedin Okerić (Predsjedavajući)

Zahvaljujemo se zastupniku Devčiću. Za riječ se javila dopredsjedavajuća Jelena Pekić.

Jelena Pekić (dopredsjedavajuća)

Hvala predsjedavajući. Ovom prilikom želim da pozdravim sve prisutne i građane koji nas prate putem TVSA. Kada je u pitanju Finansijski plan ono što na početku svoje diskusije želim da naglasim jeste da u ovakvim dokumentima moramo imati izvršenje finansijskog plana prethodne godine, pa čak ako nije moguće s obzirom da vidim da su ovi materijali rađeni u septembru prošle godine mogli smo imati izvršenje do u ovaj septembra kako bismo mogli vrednovati da li smo dobro planirali prethodnu godinu pa na bazi tog planiranja da li dobru planiramo i narednu godinu. Podaci o izvršenju budžeta za 2021. jesu korisni ali ne i dovoljni za donošenja ovaj dobrih odluka kada je u pitanju planiranje jer ukoliko niste izvršili planirana sredstva znači da imate propuste kako u planiranju, ali tako i u samoj realizaciji i implementaciji mjera što vidimo i u ovim podacima kada je u pitanju prenesena sredstva iz 2022. na 2023. godinu i molim da u narednom periodu kada su u pitanju ovakvi dokumenti moramo imati podatke o izvršenju iz prethodne godine i ako ih nemamo u tom momentu ovaj moramo imati bar procjenu izvršenja jer to rukovodstvo ustanove koje upravlja tom ustanovom mora imati ovaj takve procjene, a da ne kažem da ste mogli uraditi dopunu ovog materijala za Skupštinu Kantona Sarajevo, svi obračuni su završeni sa krajem februara, tako da vi sada ovaj bar instituciju koju sam ja ovaj radila, tako da vi sad u ovom momentu već imate tačno izvršenja ovaj Finansijskog plana za 2022. godinu. A ja bih se s obzirom da je obaveza Javne ustanove Službe da do početka aprila dostavi programe rada nadležnim institucijama ja zaista očekujem da ćemo vrlo brzo imati Program rada ovdje u Skupštini Kantona s obzirom da evo sad ćete ovaj imati Finansijski plan. I ono što jako bitno u tom programu jesu mjere aktivne politike zapošljavanja. I ovde naročito želim da naglasim s obzirom da ćete pripremati taj plan da uradite evaluaciju analizu postojećih mjera aktivne politike zapošljavanja o kojoj su već govorili dosta moje kolege zastupnici i zastupnice i što vam upućuje interna revizija iz 2021. godine. Dakle očigledno ima određenih popusta u toj analizi dok vam je interna revizija sugerisali da se urade analize postojećih mjera aktivne politike zapošljavanja. I ovdje jako bitno da vidimo efekte rješavanje pitanja zaposlenosti, tačnije postizanja zaposlenosti na duži period. I molim vas da u pripremu ovaj Program rada koji će se bazirati na Finansijskom planu koji će ja danas svakako dati podršku, jeste da vodite računa o mjerama na način da nije dovoljno tako što ćemo zaposliti osobu na godinu dana a nakon godinu dana ta osoba sa vrati na biro. Dakle mi ovim mjerama trenutno samo na neki način vršimo zakup radnih mjesta, zapravo ne rješavamo strukturalnu nezaposlenost i ja bih vas zaista zamolila da ovu moju diskusiju koristite u tom pravcu da kada govorimo o mjerama aktivne politike zapošljavanja govorimo o dugoročnom rješavanju nezaposlenost. A ne nakon godinu dana većina tih programa s obzirom da sam i sama imala priliku koristiti te programe. Nakon godinu dana jel ta osoba se uglavnom vrati na biro. Dakle ovde ne govorim o pripravnici. Također već su kolege spominjali da neki program datiraju iz 2020 i 21. godini što je definitivno potrebno izvršiti revidenciju tih programa i prilagoditi ih novim izazovom i trendovima na tržištu rada.

U dokumentu koji je danas pred nama se navodi da je planirano povećanje prihoda na osnovu izdavanja ino dozvola za rad uslijed nedostatka domaće radne snage. A pritom imamo 55 000

oko 55,5 hiljada nezaposlenih osoba na evidenciji prema podacima Zavoda za informatiku statistiku Kantona Sarajevo, pa u tom pogledu pitam što je sa programima prekvalifikacije, dokvalifikacije i znam situaciju da takve programe mogu provoditi samo akreditovani ustanova, ali isto tako smatram da Služba za zapošljavanje mora inicirati takve reforme kojima će se omogućiti prekvalifikacije za zanimanja za koje postoji potražnja trenutno na tržištu rada od IT industrije pa do zanimanja koja nisu nimalo ovaj nova, dakle stara zanimanja koja danas su itekako tražena kao što su projekt asistenti, event asistenti, asistenti za digitalni marketing itd. Dakle potrebne sam prekvalifikacije za nove vještine ali evo i da razmišljamo ako već uvozimo radnu snagu koji su to profili radne snage koju mi uvozimo, a pritom imamo ljude a ovaj koji su na birou za zapošljavanje i takve programe usmjeriti prema njima. Jako je bitno da pored direktnih finansiranja koja trenutno imamo, fokus se stavi i na usavršavanja odnosno edukaciju nezaposlene radne snage kako bi osnažili njihovu poziciju na tržištu rada. Dakle to je ključno. Nije dovoljno samo što direktno finansiramo plate i doprinose jako je bitno da osnažimo a nezaposlene osobe na evidenciji Službe kako bi on bili spremni za tržišta rada i kako bi zapravo došli do dugoročni zaposlenosti ,o čemu sam već ovaj govorila.

I takođe podržavam diskusiju kolege Devića da pored toga što imamo programe koji su usmjereni na javni sektor ima tu i dobrih programa poput javnih radova za koje u nekim razgovorima sa kolegama su se pokazale efikasnim ali smatram da itekako fokus treba biti na realni sektor i podršku realnom sektoru pronalaženje novih radnika da pri tome je služba osigura ovaj finansiranje troškova dati radne snage plus finansiranje troškova edukacije obrazovanja i osnaživanja nezaposlenih kako bi se pripremili za tržište rada. Tako da molim kolege iz Javne ustanove Služba za zapošljavanje da prilikom pripreme programe rada koji će biti baziran na ovim, na ovom Finansijskom planu za koji vjerujem da ćemo ga danas usvojiti da uzmete u obzir moju diskusija, a isto tako vam je mogu i pismeno dostaviti. Hvala.

Elvedin Okerić (Predsjedavajući)

Zahvaljujem se dopredsjedavajućoj Jeleni Pekić. Zastupnik Davor Čičić se javio za riječ.

Davor Čičić (poslanik/zastupnik)

Zahvaljujem predsjedavajući. Mislim da smo danas čuli dosta dobrih diskusija po po pitanju ove službe. Ono što bih ja u biti pokušao skrenuti pažnju, a postavio sam pitanje u tom smjeru, u kontekstu da li se mi uopće prilagođavamo tržištu rada kroz sve ove programe koje imamo. Ja evo 90 % svoje neke karijere sam radio u privatnom sektoru i imam nekad osjećaj da mi uopće ne slušamo što nam poslodavci govore, a generalno tržište rada se puno dinamiziralo u posljednjih pogotovo, da ne kažem 5 godina, puno je dinamičnije, puno se različitih stvari dešava na tržištu rada koje možda prije nisu se dešavale i po meni to je jedan odrazloga zašto mi se ove programe i ubiti i ne stignemo sve izvršiti jer su potrebe tržišta rada jedno, a mi pravimo i kopiramo program iz godine koji možda više nisu tako da kažem adekvatni, odnosno donekle su adekvatni, dok ostatak očito imamo problem i da potrošimo ta sredstva. Po meni reforma čitave službe bi trebalo da ide nekako. 2 smjera 1 smjer sad da li je potrebno donijeti zakonske i podzakonske akte bi trebalo da vidimo analizu postojećih ljudi koji su prijavljeni na biro za zapošljavanje, odnosno nezaposlene, strukture nezaposlenih ljudi. Imam osjećaj da ima puno i tu zloupotreba, odnosno da je tamo prijavljeno puno ljudi koji u biti aktivno ne traže posao nego su tu biti nekih drugih razloga, prije svega podmirivanja tako da kažem penzionog i zdravstvenog fonda a da ti ubiti ljudi ne traže aktivno posao nego se bave nekim drugim da tako kažem, ne želim reći neki ružan izraz ali eto u biti radom na crno i sigurno ćemo morati

tu neku reformu voditi u tom smjeru da u biti pročistimo ko je stvarno nezaposlen, ko aktivno traži posao, ko aktivno ne traži posao i da svi oni koji nakon što bude ponuđeno nekoliko puta, sad koliko je to puta, to moramo svi zajedno procijeniti, da jednostavno budu skinuti sa spisak spiska zavoda za zapošljavanje nezaposlenih je ubiti oni realno ne traže posao, bave se nečim drugim. Sigurno da tu puno sredstava potrošimo i kroz taj vid financiranja. Znači po meni bi se trebalo napraviti neka detaljna analiza, pa čak kako treba mijenjati zakonske i podzakonske akte da se napravi u biti stvarno stanje zaposlenih i nezaposlenij jer ovo stanje kroz razgovore sa Udruženjem poslodavaca nije stvarno stanje nezaposlenih i nije to stvarni broj ljudi koji zaista aktivno traže posao. Svi naši poslodavci kad dođu na službu i zatraže spisak i ponude nekim ljudima posao oni uopće ne žele prihvatiti poslove i tu bi trebalo napraviti jedan iskorak da zaista onaj ljudi ne mogu koji su, a ispunjavaju naravno uslove za taj posao, ne mogu tek tako odbijati ponuđene poslove sa Zavoda za zapošljavanje. Druga reforma, tu će se složiti sa više zastupnika koji su ovdje rekli, po meni trebamo napraviti to ciljno usklađivanja sa tržištem rada. Ja Imam osjećaj da sada mi kad radimo te neke programe, ajde plastično ću se izraziti pucamo iz sačmarice, odnosno svi ti naši programi se nekako raspršena na 100 strana a nijedna od tih programa da donese suštinske efekte koje želimo svi zajedno ovdje da postignemo. Po meni, mi trebamo ciljno ciljati u određene sektore, pa čak i evo mogu reći, ciljno poticati na primjer proizvodni sektor. Proizvodnja je nešto što nam svima znači. Pa evo imamo programe za proizvodni sektor da napravimo i osmislimo projekte, pa čak i za ciljane kompanije koje je evo kolega Dević to spominjao, znači za ciljane kompanije koje će doći u Kanton Sarajevo, donijeti neku novu vrijednost, proizvodnju i da napravimo i osmislimo projekte, ne mora to biti jedna, nego za više kompanija koji bi došli i ponudili neku dodatnu vrijednost odnosno proizvodili nešto na nivou Kantona Sarajevo. Pa isprati za njih neki program. Ja ću jednu inicijativa koju ću podnijeti u narodnom periodu, a bit će vezana za ovaj Zavod za zapošljavanje da se osmisli projekat, evo vi mi možete biti svjedoci mi se generalno želimo pozicionirati kao Kanton Sarajevo i grad Sarajevo kao neka turistička destinacija. Mi već sada ako razgovarate sa privrednicima ako razgovarate sa Udruženjem poslodavaca imamo jako veliki nedostatak radne snage pogotovo koraka segmentu. Znači mi ćemo ulagati u dovođenje turista, turisti će dolaziti, a mi nećemo imati ko da im pruži uslugu odnosno nećemo imati radnika koji će na adekvatan način pružiti usluga tim turistima koji dolaze u Kanton Sarajevo. Imate, svjedoci smo da mnoge agencije iz regije evo već počnu sa zimom pa početkom već godine čak sajmove prave u Kantonu Sarajevo kako bi odvucli radnu snagu iz Kantona Sarajevo po nekima na regionalnim turističkim destinacijama. I sad ćete imati početkom aprila kada se otvaraju hoteli na Jadranu imat ćete jedan val radnika iz Kantona Sarajevo koji će otići, prije svega na Jadran. A po meni bi trebali da se osmisli jedan adekvatan program kroz ovu Službu za pomoć znači našim da tako kaže horeka segmentu, odnosno da se da poticaj zapošljavanju ljudi u taj segment i to će biti jedna od mojih inicijativa koju ću podnijeti na narednoj sjednici Skupštine Kantona Sarajevo da se mora osmisliti kvalitetan program kako bi ove ljude koji odlaze ovde zadržali, kako bi imali razloga da ostanu ovde, da rade a kako biti naši poslodavci koji nude takve usluge imali neku dodatnu podršku od Kantona kako bi mogli dodatno ubiti animirati te ljude da ostanu Kantonu Sarajevo je svako kome se ponudi ja, ja se nadam da je tako, kome se ponudi adekvatna plate i adekvatni uslovi naravno uz podršku Kantona će prije svega ostati ovde. Biti sa svojom obitelji raditi ovdje ovdje pružati te usluge turistima a ne otići na Jadran na 34 mjeseca pa se ponovo vraćati ovdje u neku neizvjesnost. To je ubiti neka suština čitave priče da moramo ciljno kroz ove programe ići baš i usmjeriti sve te novce, kojih evo očito imamo, a koji se neadekvatan način, neadekvatan način,

opet vraćam se na to jer mislim da nisu nisu kvalitetni programi s obzirom na situaciju na trenutnu situaciju na tržištu rada. I Kada bi ciljano išli prema proizvodnji, prema firmama koje će donijeti dodatnu vrijednost, prema našim turističkim djelatnicima mislim da će ova sredstva biti adekvatnije puno bolje puno bolje utrošena i da će ćemo imati gdje da tako kažem izvršiti ovaj Budžet. Zahvaljujem.

Elvedin Okerić (Predsjedavajući)

Zahvaljujemo se zastupniku Čičiću. Za riječe se javio zastupnik Haris Zahiragić.

Haris Zahiragić (poslanik/zastupnik)

Zahvaljujem vam se predsjedavajući. Nisam želio da repliciram kolegi Čičiću imajući u vidu činjenicu da je imao jedno izlaganje pa nisam želio da ga prekidam. Penzioni fond nije pokriven. Zavoda ne pokriva penzioni samo zdravstveni fond, samo zdravstveno osiguranje. Ništa, ništa, nije problem, samo radi javnost, a mi kao društvo SDP naročito kao Socijaldemokratska stranka prema programima i vašim internim aktima koja često imam priliku da čitam se zastupat za zdravstvo sve- tako da je evo samo jedan od modela na kojem određena kategorija ljudima pravo da bi zdravstveno osiguranje. Ja se nadam da niko od vas ovdje ne želi, bez obzira kojoj kategoriji iz kojih razloga je neko bio na birou za zapošljavanje stvoriti uslove da neko zato što nije na biro za zapošljavanje zato što nije dobio posao, ne dobije zdravstveno osiguranje jer to je stvorilo dalje socijalne probleme, tako da možda ovaj dio sredstava koji Zavod uplaćuje Fondu zdravstvenog osiguranja u suštini ostaje unutar sistema Kantona Sarajevo to je najmanji dio odbačenih sredstava u Kanton Sarajevo. Jel replika? Samo dok završim pa onda imate. Po Poslovniku, kad ja završim diskusiju vi može replicirati. Onda ispravak krivog navoda ako želite. Evo dajte kolegi Čiču riječ ukoliko želi da mi ispravi neki navod. Samo ispravak krivog navoda.

Elvedin Okerić (Predsjedavajući)

Zastupnik Davor Čičić.

Davor Čičić (poslanik/zastupnik)

Ja se izvinjavam kolega zastupniče stvarno nisam imao namjeru da prekidam, nije bila intencija da se nekome ukine pravo nego čisto da se spriječe zloupotrebe, ako ih ima, a koliko ja znam često dolaze do nas stvari da ih ima. Samo u tom kontekstu a ne da se nekome oduzme pravo po bilo kom osnovu.

Elvedin Okerić (Predsjedavajući)

Zastupniče Zahiragić možete nastaviti.

Haris Zahiragić (poslanik/zastupnik)

Hvala. U suštini htio sam samo da kažem da to nije socijaldemokracija nego jedan kapitalistički princip i evo kolega Čiči se ispravio i slažem se da postoje određeni broj zloupotreba, međutim to u kontekstu cijelog iznosa Financijskog plana zavoda nije toliko sporan dio imajući u vidu posebno činjenicu da ti novci opet završe u kantonalnom budžetu zdravstvenog osiguranja. Direktorica Ljubuškić je kazala kako je ovo Finansijski plan. Kao da ja to nisam dobro vidio. 30 juna 2022 godine ova Skupština je na moju inicijativu iz petog glasanja dakle 5 puta smo podnosili tu inicijativu ja i kolege iz Kluba SDA tek 30 juna 22. usvojen zaključak koji citiram:

"Zadužujemo Vladu i Skupština Kantona Sarajevo zadužuje Vladu i Zavod za zapošljavanje Kantona Sarajevo da za ovu godinu, dakle prošlu 2022. ali i za svaku narednu napravi i realizira program prvog zapošljavanja svih mladih dr. iz Kantona Sarajevo na period od godinu dana kako bi stekli prvo radno iskustvo i uslove za specijalizaciju. To je program koji je ranije kroz Zavod postojao i koji je imao korektne rezultate u svojoj primjeni. U prošloj godini to nije desilo ,evo ni u ovoj godini, a da da bi se nešto desilo mora se kroz finansijski plan taj program barem spomenuti, kao što su spomenuti neki drugi .Naravno ovaj finansijski plan stvara okvir da vi u perspektivi takvu vrstu programa napravite ali bilo bi lijepo da ste u prošloj godini barem formalno krenuli nešto takvo realizirati, a imajući u vidu da je ovo se desilo na tački dnevnog reda Program rada Zavoda za zapošljavanje Kantona Sarajevo. Ne moram govoriti koliko su značajni razlozi. Mladi ljudi koji su najtraženiji na tržištima rada vani dobiju priliku da ostanu ovdje, mislim da smo to više puta elaborirali da postoji društveni koncenzus oko te teme. Spomenuli ste medicinske sestre. Slažem se da je veliki problem nezaposlenosti, ali je još veći problem činjenica da Ministarstvo obrazovanja se ni na koji način ne bavi činjenicom da je na desetine odjeljenja medicinske škole u Sarajevu i da mi proizvodimo možda i višak medicinskih sestara a sve s ciljem izvoza naše radne snage vani. I također je vaš posao direktora, kao Zavoda ne vas konkretno nego generalno posao Zavoda je da kaže Kantonu Sarajevo, halo imamo previše medicinskih sestri, naredne dvije godine ne možete ima po 10 odjeljenja jer nemojte školovati djecu da ih šaljemo u Njemačku da se bave nekim poslovima koju su možda ispod nivoa dostojanstva. Ako će država vršiti svoju funkciju regulatora i tržišta rada, ako neće, ako ćemo biti Eldorado onda ćemo takvim tempom nastaviti imati puno ljudi na birou a u perspektivi će ljudi svi odlaziti iz države Bosne i Hercegovine u države zapadne Europe, što nadam se nikome ovdje nije cilj. 30 000 000 prenesenih sredstava je došlo do već par godina imamo 60-70 000 000 iznos sredstava u suštini vaši prihodi iako su na historijskom nivou su ove godine 40 000 000 i to je neki okvir u kojem se vi možete kretati. I kad uzmemo u obzir 40 000 000 od toga je barem pola sredstava već obojeno, uslovno rečeno, mi imamo 20 000 000 eventualno na godišnjem nivou po trenutnom prihod sredstava da raspolažemo i sve ove programe radimo. I nisu to novci kao što mi možda na momenat pomislimo da jesu i ne možemo baš na taj način uvesti ogroman broj firmi i kupiti neke strane investitore, posebno ako se budemo željeli baviti socijalnim mirom i sklapanjem nekoliko kategorija koje možda jesu od društvenog značaja ovdje. Tako da treba razmisliti o propisima na koji način ih finansijski dodatno kapacitirati Zavod za zapošljavanja Kantona Sarajevo, a to Kanton Sarajevo može svojim posebnim fiskalnim i parafiskalnim nametima kojih svakako imamo previše. Možemo neki od njih usmjeriti na zapošljavanje i na uvoz novih firmi, a za to treba imati neku vrstu vizije, ideje, liderstva, kakvog nažalost u Kantonu Sarajevo već godinama unazad nema ni na mapi. Kad, je kad su u pitanju obojena sredstva rast za plate, naknade sa 3,8 na 5,3. 1,5 milion maraka rastu plate i naknade. Naknade sa 400 na 940 000 i nije mi jasno da li su rasli topli obrok, regres i druga davanja radnicima, nisam ja naravno protiv toga da radnici iz Zavoda u vremenu inflacije imaju povećanje određena naknada i plata al to ne može biti prioritet i najveća stavka finansijskog plana pogotovo ako od tog Zavoda ne dobivamo rezultate kakve mi kao Skupštine i kao društvo od njega očekujemo. Tekuće održavanje sa 56 na 125.000 također velik rast bez kvalitetnog obrazloženja zašto je takav rast. Kad su programi zapošljavanja u pitanju oni su loši, neadekvatni i u najgorem nemaštoviti .Dakle mi kao društvo očito nismo u stanju da inoviramo neki novi program, neku novu vrijednost, kako je fragmentirana politička situacija u Kantonu Sarajevo, kako su isti ljudi došli u Kanton i počeli sa njim vladati 10 godina unazad tako je zaleđena i programi su zaleđeni i Skupština je zaleđena

i Vlade je zaleđena i svaki segment ovog društva je zaleđen. Mi smo postali taoci nerealnih ambicija nekolicine pojedinaca koji su Kanton Sarajevo koristili kao privatno sredstvo za pravljenje političke karijere koja jednom kada je napravljena Kanton Sarajevo ostao iza njih kao pust, bezidejan, umrtvljen u svakom svom segmentu a na ovom finansijskom planu Zavoda ako uzmete posljednjih 10 vidjet ćete da se pripisuje sve. I sve je to rezultat rada tih ljudi. Kolega Bandić je dobro pitao za radnike Grasa i za nezakonito davanje Zavoda koje treba da ima svoj historijat, od kada je to davanje nametnuto Zavodu za zapošljavanje? Nije od gospođe Ljubuškić, niti od ovog aktuelnog saziva Nadzornog i Upravnog odbora Zavoda nego od kada je gospodin Konaković bio premijer Kantona Sarajevo i taj segment je on uspio da zahvati, tako da njegov rad kao premijera i nastavak njegove ove političke većine se osjeti i dan danas u Kantonu Sarajevo i posljedice tih nezakonitih odluka ćemo dugoročno ovdje u Skupštini morati ispravljati. Sufinanciranje poslova kada se već dešava kažete u odgovoru kolegi Deviću da je dio sredstava za Zlatne značke bio neadekvatan zbog toga što fakulteti nisu imali para i Univerzitet da daju više. Naravno da su imali pogledate koliko Rifat Škrijelj rektor Univerziteta troši na javne nabavke, pogledate koliko dekani troše na javne nabavke, pogledajte koliko dnevnicu oni sebi isplaćuju, imaju oni i te kako novca. Poenta je što mi dajemo taj novac bez da uslovljavamo onoga ko aplicira, aplikanta, da on mora dati punu platu. Vi kroz program svoj možete usloviti Univerzitet da ako im vi date za Zlatnu značku 1000 maraka, oni moraju dati još 1500 maraka. I to mora biti koncept na koji način Kanton treba davati sredstva. Postoje neke privatne firme a i ranije sam ovdje govorio da ne bih izdvajao neke od njih, ne što ne želim, ne smijem, nego da ne bi druge izostavio, koji sa jednim ili dva radnikom godinama su korisnici jel tako tih programa Zavod i sa tim tašna-mašna firmama generišu sirotinju u Kantonu Sarajevo na način da primaju djecu na tih 400-500 maraka iz godine u godinu. Niko od te djece nije ostao duže od godinu dana. Završe jedni, dođu drugi, a te gazde voze auto 300 000 maraka i po televiziji izigravaju uspješne privrednike. Dakle ako neko iskoristi program jedne godine a u narednoj godini nikoga od tih ljudi nije zaposlio trajno nema prava ponovo dobiti šansu da zapošljava nove ljude, ne može biti Zavod ne može se neko pretplatiti na džabne radnike, to generiše loše stvari u društvu po više nivoa, tako da i to prilikom programa trebate imati u vidu da ako neko nije iskoristio priliku, nije kvalitetno odabrao ljude, nije ih stručno osposobio na način da im budu potrebnu i narednu godinu nakon jedne godine, oni ne treba više nikada imati šansu, barem bar par narednih godina da prima džabne radnike, da im daje tako niske plate i da ustvari Kanton Sarajevo plaća njegovo redovno poslovanje. Također kada se govori o upisnim politikama vi kao Zavod treba da se i na taj način imate kapacitiranost, imate sistematizovani, a skoro popunjeni broj radnih mjesta, evo imati korektne plate i trebali bi ste imati kapacitete da ljudima, ne vi, nego generalno Zavod da Vladi Kantona Sarajevo puno više se upetljate prilikom provođenja upisnih politika. To je ta usklađenost s tržištem rada koju mi stalno govorimo i spominjemo, evo ovaj saziv Skupštine i prošli na svakom Budžetu, na svakom finskom plan Zavoda, isto spominje se nikad se ni jedno slovo nije promijenilo. Također uvoz i dovođenje firmi što je kolega Čengić spomenuo je jedna od stvari koje vi trebate predložiti ovde, a Skupština Kantona Sarajevo može kroz Budžet poseban program koji bi ste vi realizirali mimo vaših sredstava. I to je način na koji mi možemo uvoziti ozbiljne kompanije i otvarati radna mjesta u Kantonu Sarajevo i strateški razvijati privredu Kantona Sarajevo, što se nažalost također godinama unazad dešava. 55 000 kažete nezaposlenih ima i kolega Čičić je također kazao da bi smo trebali vidjeti zašto su oni tu, zašto ne žele da kada ih se ponudi posao ako ne žele da treba ih skinuti. Opet tu dolazimo do onoga kakav posao kome treba ponuditi. Također Zavod tu nije dovoljno jednom teta sa Službe za

zapošljavanja zovne osoba godišnje kaže da li tražiš još uvijek posao, da li bi neki posao promocije Helmans majoneze u Intereksu. To nije ponuda posla za obrazovanog čovjek. Treba Zavod tačno znati šta neko od tih ljudi koji su na birou šta bi mogao raditi, što bi želio raditi, šta mu fali, zašto nije u stanju da radi taj posao, da li ima takvu priliku pa je nije iskoristio, što bi to Zavod mogao pomoći, na koji način da dobije taj posao. U tom smislu bi se puno manje para trošilo za nezaposlene ljude na biro. Možda bi se kratkoročno više potrošilo, ali dugoročno sigurno bi se napravio sistem u kojem ljudi neće biti godinama na birou i godinama na tom zdravstvenom osiguranju i malo je drugih benefita koji se tim povodom ovde koristi. Generalno smatram da gospođa Ljubuški kao, evo s obzirom da je kolega Dević govorio kraće mogu li ispred Kluba, vidim gleda me kolega Okerić. S obzirom da gospođa Ljubuškić ovdje više rezultatom nestabilne političke situacije u Kantonu Sarajevo ja se njoj želim zahvaliti što je uopšte nakon njene smjene prihvatila da bude v.d.direktora zbog toga što Vlada Kantona Sarajevo nije bila u stanju ni tu ustanovu na adekvatan način da vodi, tako da nemojte ove shvatiti lično diskusije, šta-više mislim da ste vi tu da na neki način kolokvijalno se izrazim, držite vodu dok majstori odu. I tako je u svim javnim preduzećima, službama i zavodima otkada je ova parlamentarna većina na vlasti. Majstori su, uslovno rečeno majstori, su otišli na više nivoe vlasti a sada je nama ostao Kanton Sarajevo devastiran u svakom njegovom segmentu i nadam da će ova parlamentarne većine i nova Vlada ipak imati kapacitet da popravi sve ono što je prethodna Vlada Kantona Sarajevo na jedan suštinski dubinski način razvalila u svakom segmentu Kantona Sarajevo. Hvala vam.

Elvedin Okerić (Predsjedavajući)

Zahvaljujemo se zastupniku Zahiragiću. Za riječ se javio zastupnik Muamer Bandić.

Muamer Bandić (poslanik/zastupnik)

Hvala predsjedavajući. Današnja tačka dnevnog reda je Finansijski program ali evo mi smo svi dali svoje neko mišljenje o radu, odnosno programskim aktivnosti Službe za zapošljavanje Kantona Sarajevo što možda trebamo ostaviti za neki drugi put kad bude ta tačka dnevnog reda, ali u svakom slučaju te diskusije će dobro doći u smislu izrade programa rada. Maloprije je kolega Čičić rekao jednu dobru konstataciju a to je vezano za broj nezaposlenih 55 000 osoba. Veliki broj osoba u Kantonu Sarajevo se nalazi na evidencijama za nezaposlene a koji nisu aktivni tražioci posla već ostvaruju neko drugo pravo koje im omogućava status nezaposlene osobe, kao što je pravo na zdravstveno osiguranje kao što je on to rekao. Mislim da nigdje u Europi osim u bivšim socijalističkim državama osobe nezaposlene dakle ostvaruju tu vrstu prava zdravstvenog osiguranja. Generalno u Europi sve osobe imaju status zdravstvenog osiguranika i nije im potrebno da se javljaju na evidencije za nezaposlene što u narednom periodu smatram da treba da se izmijeni u Kantonu Sarajevo. Okolnost da je u bivšim socijalističkim državama posredovanje nezaposlenih osoba poslodavcima se baziralo na doslovnom tumačenju ustavnog načela da svi moraju imati pravo za zaposlenje pod jednakim uslovima tako i Bosna i Hercegovina je generalno preuzela taj narativ i on se nije baš pretjerano izmijenio ni do dan-danas. Službe za zapošljavanje u Federaciji Bosne i Hercegovine su organizatori realizatori vladine politike tržišta rada, tako da ne trebamo pretjerano stavljati prigovor na rad same Službe za zapošljavanje. U tu svrhu oni implementiraju usluge i aktivnosti za aktere na tržištu rada a to su poslodavci i nezaposlene osobe. Tržište rada čine ponude i tražnja za radnom snagom. Stanje na tržištu rada je rezultat različitih faktora a jedan od njih jeste potreba poslodavaca, a što bi Služba za zapošljavanje trebalo da definira. Trendovi razvoja

privrede, odnosno pojedinačnih privrednih grana, usklađenost obrazovnog sistema sa potrebama poslodavaca i tražilaca posla, ekonomska, privredna i fiskalna politika, razvoj novih usluga i tehnologija, strane i domaće investicije i kvalifikaciona struktura i radna kompetentnost radne snage, kao i kultura okruženja. Zadatak svake države je da svojim intervencijama omogućava poboljšanje funkcionisanja tržišta rada sa različitim elementima kao što su mjere, usluge, programi i slično. Međutim aktivnim mjerama zapošljavanja mi nećemo smanjiti strukturnu nezaposlenost. To je jedan složen posao gdje treba da učestvuje kompletna Vlada. Kad kažemo kompletna Vlada maloprije vršiteljica dužnosti direktorice objasnila ko ustvari kreira aktivne mjere zapošljavanja ,odnosno koja Ministarstva sudjeluju u tim aktivnostima i po njenom iskazu dakle tu je Ministarstvo privrede. Nažalost u dosadašnjoj praksi Ministarstvo privrede nije imalo posebno izraženu saradnju sa službama zapošljavanja u smislu koje su neki od zastupnika naveli da bi trebalo da osiguraju sredstva, jer službe za zapošljavanje dakle daju sredstva za nezaposlene osobe a što im poslodavci refundiraju. Nažalost oni ne daju start up sredstva kako bi neko mogao da registriira firmu i kako bi im olakšao taj posao. U tom kontekstu mislim da je neophodno da Služba za zapošljavanje zajedno sa Vladom donese poseban akcioni plan na temelju kojeg će izraditi aktivne politike zapošljavanja jer aktivne politike zapošljavanja su generalno dokument koji su utvrđuje na nivou federalnom i one su u svim kantonima skoro, skoro pa iste i ne daju nikad neke posebne rezultate. Ono sa čime trebala bi ova Vlada da se pozabavi a to jeste otvaranje novih radnih mjesta. Bosna i Hercegovina je zemlja koja se suočava s kritičkim izazovom brzog gubitka stanovništva, svog najdragocjenijeg resursa. Svake godine hiljade ljudi napusti zemlju u potrazi za boljim životom. Da bi se ljudi motivirali da ostanu bit će potrebno ispunjavanje njihovih želja za boljim životom za njih same i za njihove porodice, što aktivni mjerama sigurno nećemo uspjeti. Unapređenje zdravstva i obrazovanja će biti od ključnog značaja za omogućavanje produktivnog života za ljude u Bosni i Hercegovini. Zbog slabosti zdravstva i obrazovanja ljudski kapital se gubi, kvalitet zdravstvenih usluga je slabiji nego u zemljama koje na zdravstvo troše znatno manje novca. Slabost u obrazovanju rezultiraju velikim razlikama između vještina i kompetencija koje se traže na tržištu rada i onih koje se stiču u školi. Reforme zdravstvene zaštite i obrazovanja su neophodne uz fokusiranje na upravljanje kvaliteta usluga i relevantnosti nastavnih programa. Prije svega ova Vlada Kantona Sarajevo mora prijeći sa rasta zasnovanog na potrošnji javnog sektora na rast zasnovan na konkurentnosti i produktivnosti privatnog sektora. Kanton Sarajevo mora prijeći sa ekonomije zasnovane na potrošnji na ekonomiju zasnovanu investicijama. Investicije su od ključnog značaja za održavanje raste i povećanje potencijala ekonomije i otvaranje novih radnih mjesta, ali neizvjesnost, nestabilna politička situacija i nepoštena konkurencija javnim preduzećima sputavaju investicije. Politička nestabilnost smanjuje domaće i strane investicije u zemlji. Političke nesuglasice uzrokuju negativnu percepciju zemlje što smanjuje njenu privlačnost kao destinacije za strane direktne investitore jer svi investitori traže političku stabilnost prilikom donošenja odluke o tome gdje će ulagati svoj novac. Maloprije je kolega iz Stranke demokratske akcije rekao da bi Služba zapošljavanja trebala da obraća pozornost na obrazovanje čini mi se medicinskih kadrova. Služba za zapošljavanje se ne bavi tim poslom dakle. Usklađenost potreba tržišta rada odnosno sistema obrazovanja sa tržištem rada nije imanentno samo za Kanton Sarajevo, to je dakle prisutno u cijeloj Bosni i Hercegovini i nadam se da narodnog perioda će Vlada iznaći rješenje kako bi taj problem riješili. Sve ove možda aktivnosti i naše konstatacije koje smo naveli mogu biti od koristi evo direktorici, Upravnom odboru i u konačnici Vladi Kantona Sarajevo prilikom izrade programa rada i nadam se da će

u narednom periodu Vlada Kantona Sarajevo se potruditi da se ne miješa pretjerano da kažemo u realizaciju ovih novčanih sredstava pa na taj način se onemogućuje službe za zapošljavanje da ih utroše. Mislim da će imati malo više senzibiliteta i više otvorenog prostora za rad službi jer generalno oni samo provode dakle Vladine politike, ne možemo im ovo prigovarati kao njihov neki nedostatak. Također kolega je na naveo da je povećan iznos sredstava za izdvajanja za plate zaposlenih u Službi zapošljavanja. Postoje kolektivni ugovori na temelju kojih se utvrđuju sredstva za rad zaposlenih u Službi za zapošljavanje i mislim ukoliko su usklađeni kolektivni ugovori sa sadašnjim prijedlogom u finansijskom planu ne treba da stavljamo to kao prigovore jer ćemo u narednom periodu samo imati određene troškove po pitanju utuživanja tih zaposlenika ukoliko im ne omogućimo ostvarivanje njihovih prava koje im garantuje kolektivni ugovor. Zato ja ne bih puno pažnje posvećivao povećanju plate zaposlenih u Službi za zapošljavanje. Mislim da njihov posao i nije sasvim jednostavan, okolnost da imaju savjetodavce koji radi sa nezaposlenim osobama, koji im daju i usmjeravaju njihove aktivnosti kako da pronađu posao, a znamo da se radi nezaposlenim osobama, koji evo da kažem vjerovatno nemaju baš ni pretjerano strpljenja u svemu ovome dok pronađu svoj posao, tako da ne bismo trebali da stavljamo poseban fokus na izdvajanje sredstava za plate zaposlenih u Službi za zapošljavanje. Sa ovim ću završiti svoje izlaganje i hvala vam predsjedavajući.

Elvedin Okerić (Predsjedavajući)

Zahvaljujemo se zastupniku Muameru Bandiću. Za riječ se javio zastupnik Elvis Vreto.

Elvis Vreto (poslanik/zastupnik)

Hvala predsjedavajući. Pozdravljam sve prisutne i građane koji nas prate. Pa što se tiče Financijskog plana Zavoda za zapošljavanje, odnosno Službe za zapošljavanje prva stvar koju mi nismo uradili ovih proteklih 25 godina ili 27 koliko je od 95. godine, jeste da ovu Službu prilagodimo ako ništa bar prvo nazivom shodno novom vremenu, tržišnoj ekonomiji, liberalnom tržištu i onom što je doživjela transformaciju za ovih 27 godina. Ovaj naziv nosi naziv Služba za zapošljavanje kao i u sistemu prethodnom socijalističkom gdje ona zaista imala aktivnu ulogu ili ulogu 95 % upošljavanja je išlo preko te Službe. I Ona je imala opravdan taj naziv. Ova Vlada znači i evo kao što kolega Zahiragić kaže podijeljena neka odgovornost koliko je ko odgovoran u ovom sektoru, ko je Vlada pa me baš mi je zanimljiva ova teza da onaj u posljednjih 25 godina mi možemo preuzeti odgovorna samo za ove 2 godine prethodne. Zašto to nismo uradili evo u ovu neku reformu kad se kad tiče Službe za zapošljavanje, a s druge strane pogledajmo koje su okolnosti da se radi određena reforma. Bio je period pandemije i bukvalno ta Služba je u jednom periodu evidentirala povećan broj nezaposlenih a nije se bavila politikama zapošljavanja. I period neki od 25 godina zašto se nije poboljšao taj odnos. Znači prvo što mora uraditi ova Vlada je ono što pokušat ću bit onaj da skratim ovu diskusiju, što treba uraditi ova Vlada jeste promijeniti prvo naziv ove ustanove. Da to bude Zavod za podršku i posredovanje kod zapošljavanja. I onda krenuti u ozbiljnu reformu. Služba, ja zaista ne želim na teret da stavljam na ljude koji radi u toj Službi, oni rade ono što im poslodavac naloži i provodi politiku Vlade, odnosno ove Skupštine, tako da sigurno da su spremni da će se prilagoditi i da će biti inovativniji ako im Vlada i ova Skupština da nalog na koji način i u kom pravcu da se kreću. Mislim da je prvi korak promjena njenog naziva, usklađivanje sa realnim stanjem jer zaista rogovatno je slušati Služba za zapošljavanje. Pa ispada da je ona dužna da svi koji se jave da ih zaposle, što apsolutno ne odgovara činjenicama

i stavlja i teret na samu Službu, neki koja ona nema obavezu, jer ona indirektno zapošljava. Ne, nije nikako za zapošljavanje. Eto toliko hvala.

Elvedin Okerić (Predsjedavajući)

Zahvaljujemo se zastupnika Elvisu Vreti. Zastupnica Marijela Hašimbegović druga rasprava.

Marijela Hašimbegović (poslanik/zastupnik)

Zahvaljujem se predsjedavajući. Radi naših sugrađana pročitat ću koliko osoba može ostvariti svoja prava u navedenom materijalu Službe za zapošljavanje. Dakle naknadu za nezaposlene ostvarit će 8900 osoba, doprinose za zdravstveno ostvarit će 49 000 osoba i 22 000 članova porodica, penziono invalidsko ostvarit će 63 osobe, pravo na uplatu do 3 godine staža ostvarit će 200 osoba. Još na kraju želim reći da me jako raduje energija cjelokupne Skupštine po pitanju današnje teme dakle zapošljavanja, politike zapošljavanja i politike na koji način možemo spriječiti ovoliki broj nezaposlenih, gotovo evo kako statistika kaže preko 50 000 koji su bili u prošloj godini. Dakle sjajno je ići prema novim reformama koje će zasigurno donijeti neke nove prilike ali mi kao Skupština moramo biti svjesni svojih prava i odgovornosti i djelovati u skladu s tim pa pozivam svoje kolege da koriste načine putem svojih zastupničkih inicijativa ili bilo kojih drugih načina kako bi pružili svoj doprinos ovoj temi i svakako djelovati u pravcu da u toku ove godine usvajanje budžeta zaista bude u aktualnoj godini za narednu kako bi korištenje sredstava za ovu Službu bili prohodni već sa početkom sljedeće godine. Toliko. Hvala lijepa.

Elvedin Okerić (Predsjedavajući)

Zahvaljujem se zastupnici Hašimbegović. Zastupnik Jasmin Šaljić se javio za riječ.

Jasmin Šaljić (poslanik/zastupnik)

Kolega Vreto je rekao da da bi trebala da promijeni ime ova Služba. Ja kad sam čuo sva izlaganja i izvještaje direktorice najbolje da se ova Služba zove službe za prijenos sredstava iz godine u godinu. To je najbolje joj ime i naziv mogao biti. Ja sam zapanjen, a vjerojatno ljudi koji ovo prate da Služba za zapošljavanje 30 miliona maraka prenese. Biroi puni, pa jel dotle došlo da toliko kreativnost nema da možemo makar pare potrošiti koje je neko odobrio. Ova služba, ovdje je zrelo pitanje za jednu tematsku sjednicu isključivo o Službi za zapošljavanja pa da vidimo šta to iz godine u godinu, pozovite sindikat, poslodavce. Evo što kaže kolega Mahir i i Čengić pa ove direktore firme uspješne pa kreirajte prema njima. Pa ja ne mogu da shvatim da ne možemo potrošiti pare, kako bi ih zaradili ljudi. Znači gotove pare ne možete nego iz godine u godinu. I sad ćemo mi, kaže plan je preskočit ćemo ove. Ne znam eto, ja vas slušam gospođo. Vi ste v.d..pa ja ne bih to prihvatio da radim. Eto ja, izvinjavam se što lično vama moram, volio bih da je neko tu ko je odgovoran, a odgovoran je znači onaj ko kreira politiku. Koliko imamo, evo čuli ste zastupnika Čengića kako ste to u Srbiji radi. Ja sam to vidio isto. Pa jel možete ljudi poslati ekipu ljudi u te firme, sjedite, plaćeno gorivo, pitajte kako da vam omogućimo da uposlite ljude, evo imamo pare. Šta bi da nemamo pare. Eto izvinjavam se ja znači i što rekli zapanjen činjenicom da ne možemo potrošiti trideset miliona u zapošljavanje. Hvala vam.

Elvedin Okerić (Predsjedavajući)

Zahvaljujemo se zastupniku Jasminu Šaljiću. S obzirom da nema više prijavljenih zaključujem raspravu.

Zamolio bih zastupnice i zastupnike da pristupe izjašnjavaњу o Prijedlog odluke o davanju saglasnosti na Financijski plan Javne ustanove Služba za zapošljavanje Kantona Sarajevo za 2023. godinu sa Odlukom o izvršavanju finansijskog plana Javne ustanove Služba za zapošljavanje Kantona Sarajevo za 2023. godinu.

Zaključujem glasanje, Molim službu da objavi rezultate glasanja.

Za je glasalo 26 zastupnika, protiv ništa, suzdržanih ništa.

Konstatujem da je Skupština donijela ovu odluku.

Prelazimo na tačku 11.

AD-11.

Prijedlog odluke o postojanju javnog interesa za osnivanje Javne ustanove Osnovna škola "Rosulje" Vogošća.

Prijedlog odluke ste dobili u dopunskom materijalu. Molim predstavnika predlagачa da podnese uvodne napomene. Ministrica Naida Hota-Muminović. Izvolite imate riječ.

Naida Hota-Muminović (ministrica)

Uvaženi predsjedavajući, dopredsjedavajuće, uvažene zastupnice i zastupnici u Skupštini Kantona Sarajevo, cijenjeni građani i građanke, pred vama je danas Odluka o utvrđivanju postojanja javnog interesa za osnivanje Javne ustanove Osnovna škola "Rosulje" Vogošće. Mi smo u Ministarstvu proveli svu potrebnu proceduru nakon što je Općinsko vijeće opštine Vogošća uputilo Ministarstvu za odgoj i obrazovanje dokumentaciju za potrebe izgradnje osnovne škole u naselju Rosulje koja obuhvata dokaz o izmjeni Regulacionog plana i druge elemente propisane zakonom kao sastavni dio elaborata o osnivanju. Općina Vogošća je sa Ministarstvom za tadašnje obrazovanje, nauku i mlade potpisala sporazum o namjenskom doznačavanju sredstava za realizaciju izrade glavnog projekta od 100 000 konvertibilnih maraka. Zavodu za izgradnju Kantona Sarajevo upućen je akt broj kako piše u materijalima 22. godine kojim se ova ustanova obavještava da je Ministarstvo za odgoj i obrazovanje obezbijedilo sredstva za dodatno projektovanje i provođenje postupka javne nabavke tj. pribavljanje potrebnih saglasnosti kod nadležnih kantonalnih komunalnih javnih preduzeća. Ova procedura je u toku. Izvedbeni projekti su završeni te se sada pristupa pribavljanju dozvola kako bi se osigurala građevinska dozvola. Opštinski načelnik opštine Vogošća Ministarstvu za odgoj i obrazovanje 2019. godine uputio je podnesak u kojem se traži da ovo Ministarstvo uputi Prijedlog odluke za utvrđivanje postojanja javnog interesa za osnivanje Javne ustanove Osnovna škola Rosulja u Vogošći. U prilogu predmetnog podneska dostavljen je elaborat o društveno-ekonomskoj opravdanosti za osnivanja Javne ustanove osnovna škola. Prema ovom elaboratu pitanje potrebe izgradnje objekta osnovne škole razmatrano je prvenstveno kroz regulacioni plan Rosulje a usluge osnovnog odgoja i obrazovanja pruža 5 osnovnih škola čiji je broj učenika prema pregledu broja učenika u stalnom porastu od školske 2009/10. godine. Opština Vogošća donijela je zaključak broj kako piše 2019. godine kojim se utvrđuje interes ove opštine da sa Kantonom Sarajevo izgradi osnovnu školu naselju Rosulje. Molimo da date saglasnost odnosno usvojite ovu odluku. Mi smo u Prijedlogu budžeta planirali dodatna

kreditna sredstva u iznosu od 1 000 000 konvertibilnih maraka kako bi se pri pribavljanju potrebnih dozvola za građenje krenulo u izgradnju ove nove škole u jednom naselju koje je se širi.

Elvedin Okerić (Predsjedavajući)

Zahvaljujemo se uvaženoj ministrici Hota-Muminović. Da li predstavnici radnih tijela žele riječ? Ima li pitanja?

Zastupnik Mahir Dević je li pitanje ili ispred radne grupe? Diskusija. Otvaram raspravu. Zastupnik Mahir Dević se javio za riječ. Izvolite.

Mahir Dević (poslanik/zastupnik)

Hvala predsjedavajući. Općina Vogošća već duži niz godina dokazuje da je mjesto ugodnog življenja i čini mi se u proteklih nekoliko godina da se broj stanovnika u općini Vogošća povećao za nekih pet-šest hiljada ovaj novih stanovnika. Naravno ne treba napominjati da je SDA tamo na vlasti, mislim to se podrazumijeva, je li. Napredak je tu vidljiv. Malo sam se naravno ovaj našalio. Želim da kažem sljedeće ministrici za obrazovanje. Mi smo ušli u jednu proceduru već hajde da kažem nekih skoro desetak godina pravljenje novih škola za kojim ima potrebe u Kantonu Sarajevo, a bojim se da nekada smo bili u situaciji da smo htjeli da pravimo i neke škole u kojim smo to radili nekada na bazi elaborata, nekada na bazi političkih odluka i ovo sve diskutujem jer se bojim da ćemo ući u jednu potpuno drugu fazu u kojoj ćemo Kanton Sarajevo dovesti u jednu ekonomsku situaciju kada je obrazovanje u pitanju koja će po nas biti neizdrživa. Ovo je vrlo opravdana odluka, naravno mi ćemo nju kao Klub podržati jer ova Osnovna škola, čini mi se da se zove "Mirsad Prnjavorac" u Vogošći ima više od 1000 učenika. Kada popolovite tu školu dobićete dvije potpuno u ovaj da kažemo u srednjem broj učenika odvojene javne ustanove i ona će sigurno imati ovaj što kažu razlog svog osnivanja, građenja, pravljenja i otvaranja. I bit će onako funkcionalna i moći ćemo vrlo jednostavno riješiti. Međutim mi bi, odnosno vi bi ministrice kao Ministarstvo trebali izaći s nekom vrstom prijedloga načina na koji način ćemo mi upravljati sa ovim našim školskim objektima. Bili ste direktor škole, vama je jasno šta znači održavati jednu školu, jasno vam je kolika su to finansijska sredstva na godišnjem nivou, to su milionske cifre. Pravimo, povećavamo broj škola, što je dobro. Naravno s jedne strane to je za pozdraviti, s druge strane imamo pad broja učenika. Imamo smanjenje normi časova na jednu tendenciju olakšavanja rada i imamo potpuni pad kvaliteta našeg obrazovanja. Prosjek, ne znam, kod učenika u osnovnim školama je maltene da su svi odlični. Znači tu nešto ne štima. Znači ovdje se nešto mora izanalizirati. Bojim se da smo ušli u neku vrstu više kvantiteta nego kvaliteta. I Kanton Sarajevo u ovom momentu to finansijski može da izdrži, međutim prateći evo neke najave da da da svaka politika na neki način koja želi da pomogne ovaj i učenicima često puta to i zloupotrijebi. Neodržive su situacije za nas. To nemaju daleko razvijenije zemlje da nam u jednom odjeljenju bude jedan učenik, a imali smo takve prakse. Te su odluke ovdje donešene. Jedan učenik u cijelom razredu kome predaje 10 profesora. Prema tome ja vas zaista pozivam znači da se kad je ova stvar u pitanju dobro to sve izanalizira, da se vidi evo na kraju krajeva ako trebamo napraviti neki novi objekat, napraviti ćemo ga. A šta ćemo sa nekim starim? Kako ćemo fuzionisati neke objekte? Šta da radimo? Mi ovako samo idemo u trošak. Taj trošak u Ministarstvu obrazovanja se povećava iz godine u godini i kada bi ste vi sada uporedili izdvajanja u Ministarstvu za obrazovanje od prije 10 ili 15 godina i danas vi ćete vidjeti da su stotine miliona KM da neka, dobro možda ne stotine, ali desetine miliona ovaj budžetska sredstva rastu. Neka rastu ukoliko

imamo potrebu za tim, ukoliko postizemo ciljeve i rezultate i treba da raste, ali ukoliko baš nije tako, a bojim se da u nekim slučajem nije tako, a po ovom što se najavljuje evo za budućnost to će stanje još biti kompliciranije. Što se nas tiče kao Kluba mi ćemo dati podršku ovoj ovakvoj odluci, smatramo da je ona opravdana, da će ona ovaj odgovoriti postavljenim ciljevima jer imamo zaista tu veliki broj učenika. Ali imamo isto tako škola desetak, petnaest u Kantonu Sarajevo koje je po broju učenika u najurbanijim dijelu grada, znači ja ovdje ne pričam ni o osnovnoj školi u Srednjem, ne pričam ni osnovnoj školi u Šabićima koje geografski imaju problem ovaj da kažemo nataliteta, iseljeno je stanovništvo, u najurbanijem dijelu grada Sarajeva imamo škole koji je pitanje da li bi danas po pedagoškim standardima ovaj mogle bi škole, a pravimo dalje i dodajemo. Znači povedite malo računa o tome. Mi ćemo naravno glasati za jednu ovakvu odluku, smatramo da je ona u ovoj konkretnoj situaciji opravdana. Hvala.

Elvedin Okerić (Predsjedavajući)

Zahvaljujemo se zastupniku Deviću. Zastupnik Muamer Bandić se javio za riječ.

Muamer Bandić (poslanik/zastupnik)

Hvala predsjedavajući. Evo kako kolega Dević kaže da je općina Vogošća kao jedna opština ugodnog življenja i na bazi ovaj ove današnje odluke želim da mu kažemo evo da je ova Vlada opredijeljena da općini Vogošća da svoj doprinos da bude još bolja općina ovaj. Što se tiče dakle.

Elvedin Okerić (Predsjedavajući)

Ispravka krivog navoda zastupnik Dević.

Mahir Dević (poslanik/zastupnik)

Mislim da je ovo odluka prethodne Vlade kolega. Naravno podržavam vašu želju i inicijativu, ali mislim da je ovo odluka prethodne Vlade. Ali evo ministrica je u kontinuitetu tako da ćemo to prihvatiti da je to djelo i ove Vlade.

Elvedin Okerić (Predsjedavajući)

Zastupnik Muamer Bandić, uključite.

Muamer Bandić (poslanik/zastupnik)

Hvala. Koliko ja znam Odluka je danas na dnevnom redu ove skupštinske većine. Dobro kolegi Deviću. U svakom slučaju dakle mi ćemo podržati ovu Odluku u Klubu Stranke za Bosnu i Hercegovinu će podržati odluku ovu produženu od strane ministrice, s tim da ja želim da skrenem samo jednu pažnju, a to sam već ministrici govorio na jednom konsultativnom sastanku koji je bio vezan za novi zakon. Dakle Zakonom o principima lokalne samouprave u Federaciji Bosne i Hercegovine je propisano u čijoj nadležnosti je osnivanje osnovnih škola. Ne mislim da je ova Odluka sada da kažem nezakonita ili neustavna, ali svakom slučaju moramo obratiti pozornost na ovaj Zakon koji sam rekao i da u budućnosti ovaj pripremimo svu našu legislativu u skladu upravo s ovim zakonom jer postoje presude Ustavnog suda koje mi daju za pravo da iznesem ovu konstataciju odnosno tvrdnju. Ali u svakom slučaju, kao što sam već rekao, Klub Stranke za Bosnu i Hercegovinu će podržati ovu Odluku. Hvala.

Elvedin Okerić (Predsjedavajući)

Zahvaljujemo se zastupniku Bandiću. Nema više prijavljenih. Zaključujem raspravu.

Molim zastupnice i zastupnike da pristupe izjašnjavanju o Prijedlogu odluke o utvrđivanju postojanja javnog interesa za osnivanje Javne ustanove Osnovna škola "Rosulje" Vogošća.

Zaključujem glasanje. Molim službu da objavi rezultate glasanja.

Za je glasalo 26 zastupnika, protiv i suzdržanih nije bilo. Konstatujem da je Skupština donijela ovu odluku.

Prelazimo na tačku 12.

AD-12.

**PRIJEDLOG ODLUKE O OSNIVANJU PRIVATNE SREDNJE ŠKOLE POD NAZIVOM -
PRIVATNA MEĐUNARODNA GIMNAZIJA QSI INTERNATIONAL SCHOOL OF
SARAJEVO – QSI MEĐUNARODNA KVALITETNA ŠKOLA SARAJEVO**

Prijedlog odluke ste dobili u dopunskom materijalu. Molim predstavnika predlagača da podnese uvodne napomene. Ima li potrebe? Ima potrebe. Ministrice Hota-Muminović, izvolite imate riječ.

Naida Hota-Muminović (ministrica)

Hvala lijepo. Ovdje je pred vama danas odluka kojom se daje saglasnost za osnivanje privatne srednje škole pod nazivom Privatna međunarodna gimnazija QSI International School of Sarajevo- QSI međunarodna kvalitetna škola Sarajevo. (Nerazumljivo) podnijela je zahtjev za utvrđivanja opravdanosti osnivanja privatne međunarodne gimnazije QSI International School of Sarajevo QSI međunarodna kvalitetna škola Sarajevo. Vlada Kantona Sarajevo donijela je odluku o postojanju društveno ekonomske opravdanosti osnivanja privatne škole pod nazivom kako je navedeno u materijalima. Nakon što je Vlada kantona Sarajevo donijela odluku o postojanju društveno ekonomske opravdanosti osnivanja pod nazivom kako je navedeno od podnosioca zahtjeva za osnivanje zatraženo je da dostavi informaciju o, da dostavi informaciju o načinu davanja garancije za osnivanje pomenute srednje škole u skladu sa Zakonom o srednjem obrazovanju u Kantonu Sarajevo. Međutim pojavila se komplikacije u smislu da je predložena imovina kao garancija nije bila na teritoriji Bosne i Hercegovine ta se pristupilo reviziji ovog procesa. Nakon što je otklonjena ova smetnja Vlada Kantona Sarajevo je tad uputila ovaj materijal Skupštini Kantona Sarajevo kako bi se dobila saglasnost za osnivanje privatne međunarodne gimnazije QSI International School of Sarajevo. Riječ je o školi koja gimnazijskog četverogodišnjeg tipa nakon čijeg obrazovanja nakon kojeg obrazovanja se mogu steći 4 različite vrste diploma, onako kako je navedeno u materijalima. Pretežno ovu školu pohađaju učenici strani državljani porodice koji su privremeno tu u Sarajevu bilo u diplomatskim misijama ili u realnom sektoru, a u posljednje vrijeme bilježi se i interes bosanskohercegovačkih građana da pohađaju jednu ovakvu vrstu obrazovanja. Stoga predlažemo da Skupština Kantona Sarajevo da saglasnost za osnivanje ovakve škole.

Elvedin Okerić (Predsjedavajući)

Zahvaljujemo se ministrici Hota-Muminović. Da li predstavnici radna tijela žele riječ? Ima li pitanja? Pitanje ili rasprava. Pitanje. Zastupnik Mahir Dević se javio za riječ. Izvolite.

Mahir Dević (poslanik/zastupnik)

Zamolio bih ministricu naravno ovaj da mi malo šire odgovori radi javnosti koji je sada javni interes Kantona Sarajevo odnosno Skupštine Kantona Sarajevo da donese ovaj Prijedlog odluke o osnivanju ovakvog tipa srednje škole u Kantonu Sarajevo? Zašto bi mi kao Skupština Kantona Sarajevo danas trebali da glasamo za osnivanje jedne ovakve škole?

Elvedin Okerić (Predsjedavajući)

Zastupnik Haris Zahiragić se javio za riječ.

Haris Zahiragić (poslanik/zastupnik)

Zahvaljujem. Da li ministrica može odgovoriti ili Vlada Kantona Sarajevo ko stoji iza kapitala koji stoji iza ove škole? Ja znam da to formalno u dokumentaciji nije bitno, piše ko su osnivači škole itd, ali mislim da imajući u vidu javni interes moramo znati tačno koji fond, koja fizička i pravna lica zapravo stoje iza kapitala i iza cijelog projekta ove međunarodne škole, a kako bi smo mi znali da li javni interes da zaista takva vrsta srednje škole na teritorij Kantona Sarajevo postoji ili ne postoji. Drugo pitanje je koliko postoji međunarodnih privatnih srednjih škola u Kantonu Sarajevo? Treće pitanje koliko postoji internacionalnih programa u javnim gimnazijama u Kantonu Sarajevo i da li ovakve škole stvaraju konkurenciju tim internacionalnim programima naših javnih sarajevskih gimnazija? A znam da skoro sve ili barem njih 3 imaju internacionalne programe.

I da li u suštini 4 vrste diploma koje bi mogli srednjoškolci dobiti u ovakvoj vrsti srednje škole govore da ovo nije samo gimnazije da je ovo neka mješovita gimnazija, prva takve vrste u Kantonu Sarajevo s obzirom da gimnazije koliko je manje poznato, a imajući u vidu isti plan i program ako ne uzmemo internacionalne programe daju u Sarajevu iste diplome svim svojim učenicima bez obzira na koji smjer školovanja išli. Hvala vam.

Elvedin Okerić (Predsjedavajući)

Zastupnica Marijela Hašimbegović se javila za riječ.

Marijela Hašimbegović (poslanik/zastupnik)

Ja nekako uvijek podržavam osnivanje novih obrazovnih institucija. I s tim u vezi pozdravljam jednu ovakvu inicijativu i gledajući ovaj materijal iznimno sam zahvalna na kvalitetu nastavnog programa i rada ove međunarodne škole što može biti urnek svima nama koji budemo radili na novim planovima i reformama u obrazovanju. Međutim imala bih primjedbe na samu proceduru koja je predočena materijalom pa ću postaviti 2 pitanja uvaženoj ministrici a tiče se dakle komisije koja je sprovodila pitanja koja se tiču rješenja i elaborata o potrebi osnivanja ove međunarodne gimnazije. Konkretno pitanje se odnosi na sastav komisije jer sam uočila da se među članovima komisije pojavljuje ime osobe koja je ujedno i direktorica Osnovne međunarodne škole koja dolazi dakle iz istog okrilja i s tim u vezi zanima me da li postoji sukob interesa po ovom pitanju. Ja ne želim da navodim ime gospođe koja je predočena u materijalu ali vi ćete pretpostavljam znati o kome se zapravo radi. Također, Poslovníkom o radu komisije definisali ste da ova komisija ima pravo na naknadu koja je korištena od strane budžetskih sredstava i zanima me kolika je naknada ostvarena za rad ove komisije. Drugo pitanje odnosi se na hipoteku koja je uložena koja jeste u skladu sa Zakonom o srednjem obrazovanju. Međutim nije mi sada jasno jer u svom izlaganju ste rekli da je prvobitno rješenje bilo vraćeno iz razloga što hipoteka nije bila na teritoriji države Bosne i Hercegovine, ali ja

sam razumjela u materijalu da je upravo prihvaćena hipoteka ove škole iz Podgorice u iznosu od preko 1.700.000,00 EUR. I zanima me zašto nismo imali mišljenje pravobranioca po ovom pitanju jer se radi o hipoteci imovine iz strane države? A s tim u vezi me zanima dakle da li se tu da li tu imamo pravne nesigurnosti i šta o ovome misli ministrica pravde i uprave dakle po ovom pitanju? Treće pitanje je isto tako je definisano Zakonom o srednjem obrazovanju a tiče se to je pitanje koje se tiče organiziranje nastave iz nacionalne grupe predmeta za državljane Bosne i Hercegovine. Dakle nisam vidjela u nastavnom planu programu da je integrirano ovo pitanje. Evo toliko za sada. Hvala lijepa.

Elvedin Okerić (Predsjedavajući)

Zahvaljujemo se zastupnici Hašimbegović. Nema više pitanja. Zamolio bih ministricu Hota-Muminović da ponudi odgovore na postavljena pitanja.

Naida Hota-Muminović (ministrica)

Hvala lijepo. Prvo pitanje se odnosi na postojanje javnog interesa koji je uputio zastupnik Dević. Dakle komisija koja je pripremala prijedlog ovog rješenja odnosno odluke prvo Vlade Kantona Sarajevo pa potom i ovog materijala upravo se referirala analizirajući ukupnu društvenu ekonomsku opravdanost postojanja jedne ovakve škole. Naravno da nam kvalitetno obrazovanje itekako može samo obogatiti obrazovni prostor u Kantonu Sarajevo i u tom smislu jedna ovakva škola nije ništa novo, ona je potpuno uobičajena kao institucija za osnivanje širom svijeta, pogotovo u glavnim gradovima gdje se međunarodni programi nude upravo za državljane koji su najčešće u tranziciji, dakle privremeno borave u Kantonu Sarajevo zbog posla ili diplomatskih misija. Tako da nećemo sigurno biti ni prvi ni jedini. Zapravo izuzetno je važno imati upravo jednu ovakvu školu koja nudi ovakve obrazovne programe. Drugo pitanje uvaženog zastupnika Zahiragića u kontekstu ko stoji iza kapitala itd. Ministarstvo za odgoj i obrazovanje nije ulazilo u analizu personalno dakle ko su vlasnici kapitala. Rukovodili smo se važećim ispravama koje su dostavljanje u postupku osnivanja i svim onim relevantnim podacima koje su dostupne dakle svih registara u skladu sa praksama uzusima međunarodnog poslovnog prava. A pitali ste koliko imamo gimnazija privatnih Kantonu Sarajevo. Imamo ih 5. A da li postoje javne ustanove u kojima se nudi međunarodni program. Postoje u Kantonu Sarajevo 2 srednje škole u kojima se nude 2 akreditovana međunarodna programa. Međutim i te su dakle škole svojim kapacitetima takođe pune, veliki je interes građana Bosne i Hercegovine odnosno Kantona Sarajevo za međunarodne akreditovani programe u javnim ustanovama pa nam sigurno predstoje u narednom periodu da međunarodni akreditovane programe počnemo nuditi i u osnovnim školama dakle kao javnim ustanovama, što nas naravno neće spriječiti da i privatne dakle inicijative podržimo u smislu kada one ispune uvjete za osnivanje. Da li će to biti konkurencija, pitao je uvaženi zastupnik Zahiragić. Mislim lično smatram da je konkurencija jako dobro u svakom segmentu, pa tako i obrazovanju. Ona samo može pospješiti kvalitet rada posebno to može učiniti u javnom sektoru, tako da očekujemo da će se i ovdje desiti usklađivanje kvaliteta nakon osnivanja jedne ovakve škole. Uvažena zastupnica Hašimbegović pitala je za za komisiju. U materijalima imate imena članova i članica ove komisije. Tu su predstavnici Ministarstva, tu je jedan direktor sarajevske gimnazije i tu je također jedan član kojeg je inače po pravilima dakle predlaže upravo onaj pravno lice ili fizičko lice koje podnosi zahtjev za osnivanje škole. Nema u suštini nikakve prepreke da takvo lice bude imenovano i za direktora škole kasnije. Uvjeti za direktora škole osnovne i srednje je ranije su propisani već zakonom tako da iako to bude ova osoba to nije ništa ovaj neobično što

više česta praksa da se upravo izrada elaborata učešće u izradi i procjene društvene ekonomske opravdanosti i koncipiranje škole teoretsko koncipiranje škole povjeri kasnije u praksi upravo osobama koje su u taj proces bili uključeni. To nije ništa novo, to je tako vrlo veoma česta pojava kod osnivanja novih škola. A što se tiče založne isprave vidjeli ste da je ovdje, mi smo obavili konsultacije naravno sa Pravobranilaštvo Kantona Sarajevo iako to nismo morali uraditi po Zakonu o srednjem obrazovanju u Kantonu Sarajevom i predloženi materijal je tu, prošao je dakle sve potrebne a instance koje je potrebno proći, založna izjava je dakle upravo tu. O naknadi komisije ja vam sad ne bih mogla reći konkretno, ona je donesena u skladu sa odlukom Vlade o visinama i iznosima naknada komisije. Ako je izuzetno važno ja vam taj odgovor vrlo rado mogu dostaviti pismenim putem. I mislim da sam ovaj odgovorila. Nastava Aha. Nastave za državljane Bosne i Hercegovine koji bi eventualno pohađali školu također je bilo pitanja uvažene zastupnice Hašimbegović. Sadašnji propisi odnosno Zakon o osnovnom odgoju i obrazovanju i Zakon o srednjem obrazovanju ostavlja jednu veliku širinu u smislu potreba državljana Bosne i Hercegovine u obrazovnom sistemu odnosno u školama kojima je međunarodni prefiks. Mi smo u prijedlogu Zakona o odgoju i obrazovanju osnovnoj i srednjoj školi koji će se uskoro naći u skupštinskoj proceduri, nadam se, predvidjeli upravo jednu obavezu da se za državljane Bosne i Hercegovine napravi takav koncept koji će osigurati i učešće onih školskih predmeta koji će omogućiti pismenost u onome što se zove nacionalna pismenost državljana Bosne i Hercegovine, tako da će tu postojati jedna obaveza po važećim propisima ona ne postoji, ali evo to je jedno od unaprjeđenja koje očekujemo da će donijeti novi Zakon o odgoju i obrazovanju u Kantonu Sarajevo. Evo toliko, nadam se da sam odgovorila na pitanja.

Elvedin Okerić (Predsjedavajući)

Zahvaljujemo se ministrici Hota Muminović. Zastupnik, otvaram raspravu.

Prvi koji se prijavio zastupnik Haris Zahiragić. Izvolite imate riječ.

Haris Zahiragić (poslanik/zastupnik)

Zahvaljujem predsjedavajući. Kolegica Margeta je ispravno pitala da li bi mogao biti sukob interesa i kolegica zapravo gospođa Hota-Muminović je kazala kako članica komisije prema propisima treba dolazi iz reda onoga ko je podnio zahtjev za osnivanje. Međutim ja postavljam pitanje da li gospođa koja nije državljanka Bosne i Hercegovine uopšte razumije jezik na kojem komisija radi. Ja vamo u zapisniku nisam vidio da je komisija radila na nekom engleskom ili bilo koje drugo internacionalno jeziku, a sumnjam da gospođa govori, koja nije državljani BiH, naš maternji jezik na način da bi mogla punopravno i adekvatno učestovati u radu komisije, niti sam vidio da su dokumenti ili zapisnici i bilo koji drugi akti u postupku procesa registracije tom članu komisije bili prevedeni od strane sudskog tumača niti je to zapisnički konstatovano. Tako da mislim iz formalnih razloga i suštinskih razloga gospođa ne znam da li je mogla biti član osim ako ima dokaz da govori zaista bosanski jezik na tom nivou da može biti članica naše komisije. Također me zanimaju propisi koji regulišu da li može biti neko ako nije državljani Bosne i Hercegovine član komisije. Moram priznati da to ne znam ali čisto sumnjam da bi mogao biti član naše komisije koja daje mišljenje opravdanosti osnivanja škole neko ko nije državljani Bosne i Hercegovine. Eto nek ostavi svima nama za razmišljanje. Konkurencija ministricice naravno da jeste dobra. Kada mi znamo za početak ko je vlasnik kapitala. Dakle je prema pojedinačnoj školi ili pojedinačnom subjektu nemam apsolutno ništa protiv, šta-više

čitao sam malo vaš izvještaj imamo, malo sam preko toga više i nije škola koja zaista ne postoji u određenim dijelom svijeta, međutim ni Harvard kako ga vi predstavljate ovde.

Šta god vi na engleskom nama donesete ovdje, mi bi smo trebali biti fascinirani s tim. Rezultati ove internacionalne škole u međunarodnom pravu njen položaj nije zaista položaj koji treba nam nešto imponovati. Uostalom najbolje nam govori činjenica da podružnica ove škole iz Podgorice se ovdje pojavljuje kao suosnivač ove škole. Ako mi nismo spremni kao društvo da bez obzira iza koje zastave bilo koja škola stajala saznamo ko je zaista vlasnik kapitala koje mi ovom danas odlukom dajemo ovlaštenje društva da u naše ime, u našem društvu, na našem prostoru, pa čak i našim državljanima vrši proces nastave, onda mi nismo zaslužili uopšte da imamo demokratiju, suverenitet i državu. Dodatan problem koji vi na tako jedan banalan način prelazite jeste suštinski najvažnije pitanje koje smo svi mi postavili jeste nacionalna grupa predmeta. Može li, da vas ovako pitam Haris Zahiragić i Naida Hota -Muminović i Marijela Margeta, da ne budemo sad homogeni do te mjere, Hašimbegović, izvinjavam se molim vas, izvinjavam se molim vas da li mi možemo otići u Veliku Britaniju osnovati školu bez da u svojem programu imamo nacionalnu grupu predmeta Velike Britanije? Da li mi možemo u Veliku Britaniju učiti historiju Bosne, historiju svijeta i Europe, a ne učiti historiju Velike Britanije, niti imati opciono tu vrstu predmeta za državljane Velike Britanije? Da li možemo otvoriti školu u Britaniji bez da ima opcije britanskog jezika, engleskog jezika tj. Mislim da ne može. Mislim da propisi koji su na snazi Kantonu Sarajevo kao što je kolegica Hašimbegović dobro kazala propisuje da to također ne može. Nekim širokim vašim tumačenjem mi smo evo predložili pozitivnu odluku u tom smislu. Ako nema te grupe predmete i ako uopšte se to ni na koji način ne spominje, ako im je direktorica škole strani državljanin, ja vjerujem da će zaposlenici te škole u najvećoj mjeri biti strani državljani. Izvor financiranja koji je predviđen kroz ovu komisiju su školarine i potencijalno grantovi, ali u suštini to su školarine. Dakle jedan isključivo prvoklasni komercijalni projekat određene škole. Oni za razliku od nas i od naših javnih škola nemaju neki javni interes u pitanju. Oni imaju uslove koje trebaju ispuniti i sve ostalo komercijale. I oni na takav način posmatraju to. To što su tu nerezidenti, tšto su privremeni rezident nazvali prolazni stanovnici Sarajeva u pitanju u najvećoj mjeri, ne znači da mi imamo za pravo da u tom dijelu obrazovanje to prepustimo tako tržištu i liberalizma i programima koji su nastali negdje izvana. Oblast obrazovanja je najznačajnije društvena oblasti. Ako već otvaramo evo šestu srednju međunarodnu školu onda mi trebamo ovdje imati puno više informacija od onoga što elaborat i ovaj izvještaj komisije propisuje. To su suštinski važna pitanja. Ja vidim da veliki broj kolega sa mnom slaže samo vjerovatno neki dio njih iz vladajuće većine kada vide nešto na engleskom misle da se to mora usvojiti. Ne mora. Ne zbog Šmita, radi, raznih Šmitova inih. Dakle nešto što je na engleskom se ne mora usvojiti. Nije to nešto strašno. Evo ja na primjer prvi neću glasat za pa ćete vidjeti da to ništa nije strašno. Ne kažem ja da zbog toga što je na engleskom se nešto ne treba, daleko od toga. Nego hoću vam reći kada već donosimo tako bitne odluke, jednostavno moramo imati puno više informacija. Nemoj da s fasciniramo izvještajem. Nije to škola harvardskog tipa, nije to škola koja nešto posebno kotira u međunarodnim krugovima i siguran sam da ni prvorazredni diplomati i privrednici neće svoju djecu u tu školu upisati. Ima i ovih malo privatnijih i malo ozbiljnih domaćih međunarodnih škola u kojima idu i djeca političara, djeca ambasadora i tu se vjerovatno kreiraju rješenja za budućnost našeg društva i države i naše djece koja ne idu u te međunarodne škole. Znae na koje škole mislim. Pripadnici neke stranke su bliski tim školama tako da evidentno ste vi dijelom tog društva u kojem nezgodljivost te međunarodne zajednice vas nekolicine i tog stranog kapitala je prioritetan interes u odnosu na interese Kantona

Sarajevo i države Bosne i Hercegovine. Zbog toga ja, a imajući u vidu da nisam dobio zaista dovoljno informacija, neću moći glasati za. Hvala vam.

Elvedin Okerić (Predsjedavajući)

Zahvaljujemo se zastupniku Zahiragić. Za riječ se javio zastupnik Irfan Čengić.

Irfan Čengić (poslanik/zastupnik)

Hvala predsjedavajući. Pa ja bih samo iskoristio priliku da pozovem zastupnike da zaista glasaju za ovakvu odluku jer ovo zaista jeste interes i grada i Kantona Sarajevo. Dakle ja sam imao priliku surađivati s ovom školom u svojim poslovima i znam dosta i kakva je ovo škola i šta je škola. Dakle kada je riječ o vlasnicima, ovo je neprofitna organizacija stara 52 godine, a gospodin (nerazumljivo) je vlasnik te neprofitne organizacije, ako vam išta znači ime, vjerovatno ne znači kao ni meni jer se ova škola osnovana prije 52 godine i sjedište je na Malti. Dakle nije u Podgorici, to su njihove ispostave u Podgorici, vjerovatno su koristili najbližu državu da stave hipoteke i slično. Dakle osnovni smisao ove škole jeste obrazovanje djece diplomata i ljudi koji su u misijama. I ova škola jeste naš javni interes jer ta djeca ako nema jednu ovakvu školu će završiti u našem obrazovnom sistemu i opteretiti naš obrazovni sistem koji mi plaćamo. Dakle dijete svakog ambasadora, diplomate, međunarodnih organizacija ima pravo dok je ovdje da pohađa naše škole. I mi njima moramo pružiti besplatno obrazovanje. To besplatno obrazovanje nije besplatno za građane Kantona Sarajevo jer oni finansiraju to obrazovanje. Dakle ukoliko bi djeca ambasadora išla u naše škole oni bi se finansirali od naših budžetskih sredstava i trošili bi se resursi na tu djecu. Dakle ova škola postoji u 29 zemalja, imaju 35 škola i osniva se isključivo za potrebe diplomata i svih diplomatskih misija. Imaju pravo da idu u domaći rezidenti u takve škole koji mogu plaćati školarinu. Poznavajući kolika je školarina u ovoj školi vrlo vrlo malo ljudi iz Kantona Sarajevo i Bosne i Hercegovine će se odlučiti da svoje dijete pošalje u ovakvu školu jer smisao ove škole nije da bude konkurencija domaćim školama u Kantonu Sarajevo već je smisao da omogući programe za djecu koja su u tranziciji, dakle djecu diplomata, međunarodnih organizacija, nevladinih organizacija koji imaju sjedište u Bosni i Hercegovini i oni su bili godinama smješteni u Vogošći, dakle u onom dječjem vrtiću pa sreća da je taj dječji vrtić sada vraćen "Djeci Sarajeva", a ne tu. Ako ćemo govoriti o međunarodnim školama trebalo se puno više onda paziti kada smo prije neke škole usvajali, pa prijateljske zemlje nam sad traže da te škole zatvorimo, pa mi varamo te zemlje, pa prebacujemo iz jedne države vlasništvo u drugu državu, ako hoćete da pričamo o tim problemima. Tako da ova škola i te kako jeste javni interes, osim što ćemo biti privlačnija destinacija kada diplomata bira u koju će državu doći, dosta bolje uslove će imati u Sarajevu nego u nekoj drugoj državi. Isto tako ćemo rasteretiti naš obrazovni sistem, ali isto tako i pomoći našim radnicima jer u toj školi rade domaći radnici. Dakle niko neće od njih dovesti sve žive radnike u škole nego uzimaju naše ljude kojima daju puno veće plate nego što naš obrazovni sistem može pružiti. Dakle oni našim ljudima omogućavaju bolje uslove rada. Da li imati jednu ovakvu školu ili nemati, bolje je imati nego dakle nemati jednu ovakvu školu. Ovakva škola nikako ne šteti interesima ni djece Kantona Sarajevo niti javnim interesima Kantona Sarajevo, isključivo im doprinosi. Dakle strani novac koji bi bio ušteden, jer ovo diplomate plaćaju od svojih plata ili im ambasade pokrivaju taj novac, ne bi bio investirano u Bosni i Hercegovini jer bi oni vjerovatno pohađali naš redovni obrazovni sistem i opteretili naš obrazovni sistem. Na ovaj način oni taj novac daju u školu, plaćaju naše radnike i još ne opterećuju javni sistem. Zaista ja pozivam sve zastupnike da podrže jednu ovakvu školu jer

svaka obrazovna institucija je dobrodošla u Kantonu Sarajevo, pogotovo ona koja nije na teretu građana Kantona Sarajevo i koja rasterećuje naše budžetske kapacitete kao što je ovdje slučaj.

Elvedin Okerić (Predsjedavajući)

Zahvaljujemo se zastupnik Čengiću. Replika zastupnik Haris Zahiragić.

Haris Zahiragić (poslanik/zastupnik)

Nisam očekivao da će kolega Čengić i moj prijatelj Čengić na ovakav način. Ja sam očekivao da će neko iz SDP-a se upecati na moj diskusiju, zadnji za kojeg sam očekivao da je to kolega Čengić. Evo imajući u vidu činjenicu zaista status koji je on nezasluženo loš ima u trenutnoj centrali SDP-a jer dok je on bio sekretar SDP je dobro funkcionisao, imao dobro finansije, a kasnije su morali početi izdavati centralu kada im je prestalo izdavanje.

Elvedin Okerić (Predsjedavajući)

Kolega Zahiragiću možete li se vratiti na temu.

Haris Zahiragić (poslanik/zastupnik)

Replika je. Tema je replika. Kolega Okeriću, naučite više Poslovnika, molim vas. Replika. Ono što je kolega Čengić kazao ja mu odgovaram. To je replika, nije više tačka dnevnog reda.

Elvedin Okerić (Predsjedavajući)

Uvod vam je bespotreban. Uvoda vam je bespotreban.

Haris Zahiragić (poslanik/zastupnik)

Pa vrlo je bitan, sad ću vam reći zašto. Zna li gdje je škola plaća kiriju i kome. Socijaldemokratskoj partiji Bosne i Hercegovine. Ona zgrada u Alipašinoj ulici, ona roza, što je Vlada Federacije 16 godina plaćala, pa kada je Vlada otišla morali su nekome naći i našli su privatnu školu kojoj su rekli hajde vi uzmete osnovnu a mi ćemo obezbijediti da nastane srednja i tako se vjerovatno saznalo ko je gospodin Gilson, koja fondacija. Ja protiv gospodina Gilsona, ma ko on bio, sam ako dobro zapamtio, nemam ništa. Ne može on biti vlasnik fondacije, može biti direktor, predsjednik ili osnivač fondacije. Zato kapital nije ni važan jer to je neprofitna fondacija i tako dalje. Ali suština je da ovaj tu postoji određeni kako reći, ne formalni ali suštinski sukob interesa, tako da pozivam zastupnike iz SDP-a da ne glasaju o ovoj tački, to bi bilo najpoštenije. Najpoštenije, ako treba glas možda vam mi obezbijedimo koji i drugi dio također replike kolegi Čengiću, slažem se apsolutno. Neodgovorno se davalo određenim stranim državama, čak su mnogi funkcioneri išli tamo, otvarali te škole, slikali se, a kasnije kada su nas prijateljske države upozorile da te škole su povezane sa terorističkim organizacijama, Kanton Sarajevo, pogotovo ova Vlada Kantona Sarajevo aktuelne ja sam pokušavao na više načina i više puta da tu temu ovdje baš problematiziram, nije imala sluha. Također činjenica da mi kada damo saglasnost da se osnuje neka škola. I to mislim da moramo mijenjati propisi hitno jer ovo je drugi put da ja govorim. Dakle kada se statusne promjene određene škole vrše na način da se mijenja vlasnik škole, mi ne dajemo ponovnu saglasnost. To je vrlo opasno, slažete se vjerovatno. Da osnivač. Dakle mi damo saglasnost da određena škola se osnuje, sutra se promijeni vlasnik ili osnivač te škole. Ni jedan, ni jednu odluku više Kanton Sarajevo u tom formalnom smislu ne donosi. I tu možemo doći duboko. Mislim da ne postoji liberalnije mjesto za osnivanje osnovnih i srednjih škola nego što je to Bosna i

Hercegovina i specifično Kanton Sarajevo i mislim da bez obzira na konkretnu školu da to u budućnosti može biti vrlo ozbiljan problem, jer nemamo tu kako da kažem kontrolu sistema obrazovanja koji bi trebalo da bude, s obzirom da, ako želimo da imamo određenu vrstu suvereniteta i nezavisnosti da upravljamo, da vršimo funkciju države u ovom društvu. Hvala vam.

Elvedin Okerić (Predsjedavajući)

Odgovor na repliku zastupnik Irfan Čengić.

Irfan Čengić (poslanik/zastupnik)

Pa samo na vašem mjestu ne bi spominjao tu odluku i gdje je ta škola zato što je to najbolji primjer kako je SDA i Federalna Vlada na čelu s Novalićem oštetila građane Federacije Bosne i Hercegovine. Dakle godinama je Vlada Federacije bila u toj zgradi i plaćala kiriju koju niko ne bi davao koju im je dala Socijaldemokratska partija, a onda su otišli da plaćaju veću kiriju. I to dovoljno govori o, po kvadratu, i uslovima koje imaju. To dovoljno govori dovoljno kako se ponašate u javnom novcu, a naravno da Socijaldemokratska partija u skladu sa zakonima ima pravo da svoje nekretnine daje u zakup kome ona želi, a u ovom konkretnom slučaju mi smo željeli da dajemo po niskim cijenama Vladi Federacije, ali Vlada Federacije je mislila da će tako naštetiti SDP-u pa su otišli da plaćaju po većoj cijeni, a nama se otvorio prostor da i mi onda dajemo po većoj cijeni. Al time su oštećeni građani Federacije.

Elvedin Okerić (Predsjedavajući)

Odgovor na repliku zastupnik Zahiragić.

Haris Zahiragić (poslanik/zastupnik)

Kolega Čengiću, ja mislim da činjenica da je skuplja kirija u Energoinvestu nego u SDP-u nije oštećen budžet ni građani Federacije, nego mislim da bi bilo ispravnije dat 100 maraka po kvadratu Energoinvestu nego marku po kvadratu SDP-u. To je moj subjektivni stav, tako da ja molim Vladu Federacije da ako imaju još neki prostor da uzima od SDP-a da hitno raskine svaku vrstu ugovora. Možemo mi govoriti o vlasništvu nad tom zgradom, o nasljedstvu, pravnom sljedništvu SDP-a nad svom imovinom Centralnog komiteta, ali to je posebna tema i otići ćemo zaista od teme.

Elvedin Okerić (Predsjedavajući)

Slažem se kolega Zahiragiću.

Haris Zahiragić (poslanik/zastupnik)

kolega Okerić više puta o tome govorio. Ja ponavljam i predlažem da kolege iz SDP-a, a imajući u vidu činjenicu da je SDP direktno involviran u elaborat što bi kolega Dević kazao, izostavi glasanje. A ako vam je neophodno za većinu možemo vam mi možda izaći u susret i neke kolege iz SDA možda mogu podržati tu školu. Ja ovo govorim prije svega radi vaših glasača, radi vaše savjesti i nemojte da nam kirije rukovode procesom visokog, srednjeg ili osnovnog obrazovanja, jer u tom slučaju i ovo loše obrazovanje će u perspektivi postati još lošije. Hvala.

Elvedin Okerić (Predsjedavajući)

Zahvaljujem se. Zastupnica Marijela Hašimbegović se javila za riječ.

Marijela Hašimbegović (poslanik/zastupnik)

Zahvaljujem se predsjedavajući. Također zahvaljujem se odgovorima koje je uputila uvažena ministrica Hota-Muminović. Međutim ne mogu prihvatiti njen odgovor kao adekvatan jer smatram potpuno neprihvatljivim da je direktorica Osnovne škole QSI bila član komisije koja raspravlja o elaboratu i opravdanosti osnivanja Međunarodne gimnazije QSI. Dakle sam naziv govori dakle da se radi o jednostranom interesu. S druge strane založna izjava koja se nalazi u materijalu nema broja protokola, nije potpisana, nema pečata. Samim tim ja kao zastupnice zaista ne mogu da usvojim takav materijal, posebno te vrste, kao adekvatan na osnovu kojeg mogu podržati jednu ovakvu inicijativu. Dakle u pravnom, pravni normativi su trebali biti predstavljeni na način koji treba da zadovolji ovu strukturu. I na kraju ću postaviti još jedno pitanje. Tačno, konkretno, ko su osnivači ove Međunarodne gimnazije? Hvala lijepa.

Elvedin Okerić (Predsjedavajući)

Zastupnik Mahir Dević se javio za riječ.

Mahir Dević (poslanik/zastupnik)

Hvala predsjedavajući. Ja sam naravno kao neko dolazi iz oblasti obrazovanja, doduše ne srednjeg, više osnovnog, postavio ministrici namjerno jedno pitanje na koje mi nije dala odgovor. Malo je ona pokušala politički ovde kao na nekim predizbornim skupovima da zaobiđe, a evo svjedoci smo zašto je to ministrica uradila. Znači pitao sam samo jedno pitanje. Što je naš javni interes tu. I naravno onda smo došli ovdje do nekih ekonomskih interesa na relaciji ne znam neke međunarodne škole i određenog broja kvadrata ispred određene političke partije. Ovo je plastičan primjer koliko je pogrešno da imate obrazovanje na nivou Kantona Sarajevo kao ustavnu kategoriju. Onda vam je dovoljno da skupite samo na jednom mjestu 15, 16, 17, 18 ruku kolega koji će vjerovatno danas dići ruku da bi to izglasali zato što su to dužni po nekom političkom dogovoru, a niste imali nikakve ozbiljne mehanizme kontrole. Da je u normalnoj situaciji u pitanju država ili Federacija da ovo sve izanalizirate. Znači mi smo danas ovdje ostali uskraćeni za niz vrlo važnih pitanja. Evo da da otklonimo ovaj dio oko etičnosti, da li SDP treba da učestvuje u ovom procesu ili ne treba, u smislu samog glasanje jer je direktni korisnik usluga te ovaj škole. Međutim mi smo trebali dobiti odgovore. Evo ja slušam kolegicu Marijelu koja dva, tri puta postavlja najvažnije pitanje, ko su ljudi, ko su sredstva, ko stoji iza toga i šta je javni interes svega toga. I vi nama ovdje to zamotavate cijelo vrijeme s pričom da je nama potrebna jedna takva škola, a ne dajete nam odgovore na najvažnija pitanja. Mene kao zastupnika koji nije učestvovao do sad čini mi se u donošenju ni jedne odluke o osnivanju srednje škole, a znam da u onom mandat od nekih godinu dana kad smo vlast bili pokušavali su bili da se otvaraju neki privatni univerziteti u Sarajevu na štetu i uništavanje odgojno obrazovnog sistema u Kantonu Sarajevo. Mislim da jedan od razloga bio da je koalicija razbijena na takvim tačkama. Ali mi iz principijelnih razloga nismo bili ovaj spremni davati svoju podršku takvim projekt. Tako da zaista vi nas kao klub ovdje niti ste ubijedili šta je naš javni interes u konkretnoj situaciji, ko su ljudi koji stoje iza toga, ko su finansijeri, šta su nema garancije, šta je elaborat koji će praktično značiti koji će se praktično odnositi na učenike srednjih škola u Kantonu Sarajevo. Ono što smo saznali je da je očigledno jedna politička opcija i kroz elaborat i kroz komisiju i kroz koalicionog partnera očigledno ovaj u vidu ministra

pripremila nama ovu tačku na dnevni red. Mi ovo vidimo kao čistu politiku koja će nanijeti vjerovatno možda i više štete nego koristi ovaj u Kantonu Sarajevo. Možda neke ekonomske koristi nekim političkim partijama jednokratno, ali je ovo nešto o čemu ste trebali da nas izvijestiti transparentnije, jasnije i da porazgovaramo na ovu temu, a ne da nam krijete ovdje da mi u toku Skupštine ustvari ovaj saznajemo gdje se ti ljudi nalaze, u kojim prostorijama, itd. Tako da ne možemo vam dati u najmanju ruku jednom ovakvom ovaj neetičnom pristupu a i pravno za nas nejasnom podršku. Iako smo uvijek za obrazovanje ali ovo nije nešto što klub SDA treba da podrži. Mi kao Klub bi podržali svaku stvar koja je transparentna, jasna, međutim vidimo ovdje potpise jedne političke partije od izrade elaborata, da ne govorimo o imenima ljudi koji su u toj komisiji, o njihovim političkim opredjeljenjima, preko pripreme tačke dnevnog reda kroz Ministarstvo, koaliciono, do ovog momenta kada mi to trebamo da izglasamo. Mi ne možemo se na ovakav način odnositi prema bilo kom nivou obrazovanja u Kantonu Sarajevo. Hvala.

Elvedin Okerić (Predsjedavajući)

Zahvaljujemo se zastupniku Deviću. Zastupnik Samir Avdić se javio za riječ.

Samir Avdić (poslanik/zastupnik)

Zahvaljujem predsjedavajući. Kada se želi biti maliciozan nađe se milion argumenata i ovaj naravno onda ćemo učestvovati u diskusiji kako smo maloprije mogli čuti. Činjenica da se da SDP raspolaže određenim prostorom u Alipašinoj ulici je činjenica. Činjenica je i da se radi o veoma atraktivnoj lokaciji i s obzirom na to ona je interesantna između ostalog i za svrhe poput svrhe koju je prepoznala fondacija koja je osnovala osnovnu školu koja već postoji u tom prostoru. Meni je jasno da iz političkih razloga kolege iz SDA žele od ove priče napraviti vrhunsku aferu i dovesti nas u nekakvu da kažem etičku nedoumicu, moralnu nedoumicu da li mi trebamo glasati ili trebamo biti izostavljeni iz glasanja. Sebi daju za pravo da izmišlja neke nove zakone ili ne znam kako to nazvati o sukobu interesa ovaj ali to i nije prvi put od strane tog kluba, s obzirom ako im nije problematično da po postojećem kantonalnom zakonu ovaj se u isto vrijeme može biti i direktor javne ustanove i zastupnik, onda onda mi je jasno i da obrnutom logikom sada nas postavljaju iz SDP-a pred nekakav, pred nekakvu moralnu nedoumicu. Mi po, ne postoji nikakav zakon po kojem bi mi trebali pa ni etički biti izostavljeni iz glasanja. Kada se žele izmišljati razlog zbog čega nešto treba osuditi ili napraviti lošijim nego što jeste onda se dolazi do argumenata poput onoga koji ne mogu da vjerujem da sam ga čuo, a to je ovaj da li trebamo prihvatati nešto što je na engleskom jeziku ili ne. Ja lično ovaj mislim da ne treba nam to biti nikakav nikakav argument niti kriteriji, moglo se raditi i o ruskom ili o kineskom jeziku ja lično bih podržava ukoliko se radi o dobroj priči jer to nije okretanje niti na jednu, niti na drugu stranu. I taj engleski ni po čemu nije nikakav kriterij. Također i ovo ko je investitor odakle porijeklo tog kapitala itd. ja ne znam da postoji neki zakon koji predviđa da bi Ministarstvo i mi kao Skupština koji donosimo ovu odluku trebali da uradimo i nekakvu istragu o samom porijeklu kapitala. Ja razumijem i kolege iz SDA da su osjetljivi na to porijeklo kapitala s obzirom da su učestvovali 2011. godine i malo ranije u određenim odlukama ovaj kada su u pitanju neke obrazovne ustanove na opštini Ilidža pa je kapital jednog čovjeka u jednom trenutku bio zdrav i poželjan za ovu zemlju, međutim kada su se političke prilike u nekoj drugoj zemlji, ne u našoj zemlji, promijenile onda se promijenio odnos tih ljudi prema tom kapitalu, pa odjednom kapital jednog fakulteta ovaj na Ilidži nije zdrav i nije poželjan našoj zemlji, kapital drugog fakulteta na Ilidži je poželjan. Ja se sjećam

tog vremena, evo i kolega Vreto je tada bio vijećnik kada su slična rasprava vodila u Općinskom vijeću na Ilidži s obzirom da smo mi trebali kao opština da prodamo neko zemljište za uspostavu određenih obrazovnih institucija na Ilidži bio je određeni broj ljudi koji su bili protiv toga, to je čak diskusije su u jednom trenutku se graničile sa ksenofobijom šta će nama ne znam ti strani studenti, šta će nama studenti iz Turske itd. da bi se hvala Bogu ipak usvojile te određene odluke i da bi se na kraju pokazalo, poslije se pokazalo da je to bilo jako dobra odluka i da se od Ilidže u tom smislu napravio jedan studentski centar gdje imamo nekoliko međunarodnih obrazovnih institucija. Gdje je javni interes za ovu srednju školu, to je donekle kolega Čengić a i ministrica se dotakli toga, a to je da mi smo u Sarajevu, glavnom gradu, u Kantonu Sarajevo koji nije jedna palanka nego je grad i Kanton u kojem se nalazi najveći broj međunarodnih organizacija, ambasada itd. i sasvim je normalno i prirodno da nam je kao Kantonu i kao gradu Sarajevo stalo i da da želimo da privučemo što veći broj i međunarodnih organizacija, ambasade su svakako tu, a između ostalih načina da privučemo te ljude kao što je kolega Čengić rekao neke od međunarodnih dužnosnika da izaberu upravo Sarajevo kao mjestu gdje će doći u svoju misiju jeste i to da će imati ovaj osnovne i srednje škole, fakultete gdje može, gdje mogu upisati svoju djecu. Znači javni interes ako ništa drugo jeste i pokazivanje grada kao glavnog grada, kao otvorenog grada i kao grada koji želi u sebe primiti što veći broj ljudi i izvan ove zemlje. Naravno mi iz kluba SDP-a ćemo glasati zato što ne postoji ama baš ni jedan razlog zbog kojega bismo trebali biti ovaj isključeni iz ovog glasanja.

Elvedin Okerić (Predsjedavajući)

Za riječ se javio zastupnik Haris Zahiragić, jel replika ili? Uključite zastupnika Harisa Zahiragića.

Haris Zahiragić (poslanik/zastupnik)

Ne znam kako nakon ovog izlaganja kolege Avdića uopšte mogu išta govoriti. Duboko me ganulo njegova potreba za popravljajem diplomatske ponude Sarajeva. Prema svim onim silnim diplomatama koji prilikom donošenja svoje odluke ukucaju Google i provjere da li Sarajevo ima baš ovu školu. Pazite kolega Avdiću, vi ste pristojan i pošten dečko, ja vas takvog znam. Zaista nisam očekivao da će od svi ljudi nakon kolege Čengića, koji je sigurno pristojan i pošten dečko se javiti i vi za kojeg pretpostavljam da ste takav i ovo braniti. Je li vam malo indikativno da niko od kolega iz drugih stranaka osim vas iz SDP-a se nije javio. Svima je ovo jasno, evo podsmjehljivo slušaju vaše diskusiju. Nemojte to sebi raditi, vi ste mladi ljudi. Ja razumijem, izdato, dogovoreno, treba se, pa evo u konačnici da je politički nalog ako vi poštujuete stavove centrale stranke, pa glasati. Ali nema potrebe dizati na vitalni, diplomatski nacionalni i svaki drugi interes osnivanje srednje škole kad već postoji 5 međunarodna škola u koju već idu ta djeca tih ambasadora, baš zato što osnovna škola pa kasnije i srednja će biti u centrale SDP-a i plaćati vama veliki iznos kirije iz koje će primati platu stručne službe koje na primjer vrlo ružno pišu evo prvo o meni. Naprimjer, portparol vaše stranke koji prima platu od ove naknade tako ružno piše po internetu o mnogim zastupnicima u ovoj Skupštini da vjerujete mi sve i da želim da glasamo za školu ne možemo jer znamo za šta će taj novac otići.

Elvedin Okerić (Predsjedavajući)

Poslovnička intervencija zastupnik Samir Avdić.

Samir Avdić (poslanik/zastupnik)

Zahvaljujem se kolega Zahiragiću na lijepim riječima i mišljenju, ali stvarno ja ću vas zamolit kad vas već predsjedavajući nije zamolio da se vratite na temu. To što neki PR SDP-a piše u bilo kome od nas stvarno nije tema, nema nikakve veze sa tačkom sa tačkom dnevnog reda, a vi kolega Deviću dobro znate koji član Poslovnika, ovaj nisam ja tu da vas podsjećam, a kasnije ću replicirati svakako kada kolega Zahiragić završi.

Elvedin Okerić (Predsjedavajući)

Zastupnik Haris Zahiragić. Zamolio bi vas da ovu temu privodimo kraju pošto.

Haris Zahiragić (poslanik/zastupnik)

Kaže kolega Dević se ne javlja. On vrlo dobro zna koji član Poslovnika, a kolega Avdić ne zna, pa zbog toga ga je pitao koji član. Ja razumijem da zastupnik se dužan držati teme o kojoj govori, vjerovatno ste na to mislili, ja sam vama replicirao kolega Avdiću. Kada je replika ja se držim vaše diskusije i na nju odgovaram, tu više nema tačke dnevnog reda. Trebate konačno svi jednom naučiti da je replika isključivo vezana za vašu diskusiju. Jest ovo je duplika, bravo kolega Bandiću. U suštini, mi smo razloge rekli, nismo mi naravno i 2011. godinu spominjete. Tada je Fikret Musić bio premijer čini mi se, nisam opet ja, iz SDP-a tada je osnovana ta škola i ja ne mislim da je ni jedna škola sporna i da je ni jedan kapital pogrešan ukoliko se ta organizacija koja je vlasnik određenog kapitala se ne proglasi terorističkom organizacijom. Ja tada to smatram opasnim po društvo i državu. Ja sam više puta o tome govorio i ne znam zašto vi na takav način banalizujete zaista jednu ozbiljnu promjenu paradigme i globalne svijesti o toj organizaciji koja kod nas btw je vrlo infiltrirana i u Kanton Sarajevo i Vladu i ovu Skupštinu, pa i u procesni sistem visokog obrazovanja. Nije to banalno tek tako kao što vi mislite. Ali da ne bismo dalje dužili, ja ne kažem da ljudi koji stoje ili fondacija koja stoji iza ove škole je i na koji način sporna. Tražio sam reference škole, one su, hajmo u najmanju ruku korektne na nekom međunarodnom planu, ništa izvrsno, ali korektne za naše uslove. Iz tog aspekta nemam ništa protiv podržim takvu vrstu škole. S druge strane imam protiv činjenica da zaista SDP iznajmljuje prostor toj školi i da mislim da nije formalno pravni kolega Avdić ali jeste suštinski moralni sukob interesa glasat za ovakvu odluku ako ste zastupnici SDP. Eto toliko, hvala.

Elvedin Okerić (Predsjedavajući)

Odgovor na repliku Samir Avdić zastupniku Zahiragiću.

Samir Avdić (poslanik/zastupnik)

Zahvaljujem se predsjedavajući. Da, kolega Zahiragiću, vi ste odgovorili na moju repliku a ne u tački dnevnog reda ali ja nisam spominjao ovoga PR SDP-a, ali ne se da ovaj da se ne vraćam na to, ja ću samo reći ovaj jednu stvar vrlo važnu jer se ovde se plasira jedna neistina da bi usvajanjem ove odluke se ostvario određeni finansijski interes veći nego što se već ostvaruje a ja ću samo ovaj kolege informisati a ja vjerujem oni ovaj jako dobro već znaju ali se prave da ne znaju da već postoji osnovna škola i već je iznajmljen cijeli prostor, ako ćemo već pričati ukoliko evo je sada tema prostora. Ono već postoji, osnova škola već postoji. U istom prostoru ovaj bi se se nastalu vrati i to neće uzrokovati, iako to nije tema, ali neće uzrokovati nikakve veće finansijske dobiti nego što je to sada za SDP.

Elvedin Okerić (Predsjedavajući)

Druga replika. Zastupnik Haris Zahiragić.

Haris Zahiragić (poslanik/zastupnik)

Predsjedavajući, kolege je sad Samir Avdić rekao nešto potpuno novo što možda otvara novu temu. Kaže da se neću koristiti novi kvadrati nego da će u sklopu postojećih kvadrata gdje je osnovna škola se otvoriti srednja škola. Sada imam pitanje i za ministricu i za komisiju koja je radila elaborat, da li ste vi provjerili ispunjenosti uslova te srednje škole i kako se može u prostorijama predviđenim za osnovnu školu koja je time zauzeta baviti se i srednjom školom. Kako u isto vrijeme se mogu vršiti dvije vrste djelatnosti u istom prostor ili je možda neko od kolege Samira Avdića sakrio da ide malo veća kirija i nešto tako dalje. To su neke vaše interne stvari u SDP-u, ali ja sam uvjeren da će se morati dodatna količina prostora uzeti od SDP-a. (nerazumljivo).

Elvedin Okerić (Predsjedavajući)

Odgovor na repliku zastupnik Samir Avdić. Poslovnička intervencija zastupnik Elvis Vreto.

Elvis Vreto (poslanik/zastupnik)

Hvala predsjedavajući. Ja mislim stvarno da ova ova tema, ove replike, ova diskusija, polemika koja se vodi apsolutno nema nikakvih veze sa tačkom dnevnog reda. Ja vas zaista molim predsjedavajući da se vratimo da ove replike onaj zaustavite koje nemaju veze sa onim o čemu raspravljamo. Ulaze u nešto potpuno drugo što nije uopšte onaj tačka dnevnog reda i dajte da se vratimo da ovu tačku završimo i molim kolege stvarno zastupnike da se uozbilje oko ove teme da ne izokreću određene činjenice. Uvlače, svjestan činjenice da žele da uvuku neku drugu dimenziju, da daju potpuno u ovom slučaju, onda prave jedan zaista, kao što radi kolega Zahiragić i Dević, jednu diskriminaciju prema privatnim javnim ustanovama koje se iz obrazovanja kritikujući ih kako ugrožavaju naš javni sektor. Umjesto kao što kaže ministrica Naida Hota-Muminović da je svaka konkurencija dobrodošla i da se treba da se takmiče u razvoju boljim stvarima. Zaista molim predsjedavajućeg da ovu diskusiju i ove prepirke, replike nepotrebne i udaljavanje od tačaka dnevnog reda prekine. Hvala.

Elvedin Okerić (Predsjedavajući)

Zastupnik Mahir Dević se javio za riječ. Evo onda prvo ministrica Naida Hota-Muminović imate potrebu za odgovorom ili da učestvujete u raspravi. Može.

Naida Hota-Muminović (ministrica)

Po Poslovniku da se uključim jer predlažem tačku.

Elvedin Okerić (Predsjedavajući)

Samo malo ministrice. Zamolio bih kolege za mir u sali. Ministrica ima pravo da učestvuju u raspravi. I evo dajemo joj pravo, javila se. Izvolite.

Naida Hota-Muminović (ministrica)

Hvala lijepo. Ovdje je pred vama jedna tačka koja se zove Davanje saglasnosti na osnivanje jedne srednje škole. Bilo kakve primjese o tome o političkim afilijacijama članova komisije koje su utvrđivale društveno ekonomsku opravdanost ove škole ne dolaze u obzir i oštro ih zaista odbacujem, o tome nema riječi, ovo su službenici Ministarstva za odgoj i obrazovanje koji su učestvovali u radu ove komisije. Nadalje, želim reći da pitate za lica koja stoje iza osnivanja. Zakon propisuje da školu.

Elvedin Okerić (Predsjedavajući)

Oprostite ministrice imamo poslaničku intervenciju zastupnik Muamer Bandić.

Muamer Bandić (poslanik/zastupnik)

Predsjedavajući treba da koristite Poslovnik onako kako je propisano i da prekinemo s ovim konstatacijama kroz replike koji nisu tačka dnevnog reda. Tačka dnevnog reda nije utvrđivanje javnog interesa o čemu mi cijelo vrijeme govorimo. Ministrica je dobro navela Prijedlog odluke o osnivanju privatne srednje škole i pod kojim nazivom. Dakle ukoliko po zakonu ova privatna javna škola ima ispunjava sve uslove ne vidim uopšte razlog zašto pričamo o nekim elementima koji mogu biti dio ovog procesa, ali koliko su oni nezakoniti ministrica nam ne bi mogla donijeto ovo ovdje kao tačku dnevnog reda. Tako da vas molim da za svaku ovu repliku, za svaku poslovničku intervenciju neko kaže ustvari po kojoj tački Poslovnika se javlja kako bi mogli da završimo ovu sjednicu a ne da odemo u nedogled.

Hvala.

Elvedin Okerić (Predsjedavajući)

Ministrica Hota-Muminović možete nastaviti.

Naida Hota-Muminović (ministrica)

Dakle pitali ste za lica ljude koji stoje iza osnivanja. Ako ste pažljivo pogledali materijale koji su pred vama nije riječ o fizičkim licima, riječ je o pravnim licima. Nadalje po pitanju nepostojanja potpisa i pečata vezano za založnu izjavu, mi smo vam tu upravo želeći vam predstaviti transparentno cjelokupni proces kako smo formirali materijal za ovu tačku na Skupštini dostavili ukupnu i prepisku sa osnivačima potencijale škole. Vi ćete u materijalima također naći rješenje o hipoteci koje je mjerodavno u ovom slučaju ovjereno potpisano i ono je mjerodavnije, ali smo vam dali i druge materijale na uvid kako biste mogli imati što kompletniji uvid u sami postupak koji je definisan zakonom. I upravo zakon definiše kako se osniva škola. Ako neko fizičko ili pravno lice dostavi sve dokaze da ispunjava uslove i ako je ispunio uslove propisane zakonom, obrazovne vlasti ili vlasti općenito, u ovom slučaju Vlada pa Skupština u obavezi su da dovrše ovu proceduru.

Samo se u totalitarnim režimima licima koja ispunjavaju uslove stane na put i ne dozvoli im se osnivanje. Stoga je vrlo važno da se držimo onog što piše u propisima, što piše u važećem zakonu, mi smo se toga dosljedno držali, vrlo smo pažnjom dobrog stručnjaka vodili ovu proceduru i stojimo zaista iza svakog slova u ovom materijalu, tako da zaista što se toga tiče možete smatrati da je procedura u potpunosti zaokružena, a što se tiče samog doprinosa ove škole obrazovnom sistemu Kantona Sarajevo nema sumnje da će ono dodatno obogatiti odgojno- obrazovnu ponudu, to je u liniji svih drugih obrazovnih praksi u svijetu i jako je dobro da Kanton Sarajevo prati takve trendove kakve postoje u regiji i u svijetu.

Elvedin Okerić (Predsjedavajući)

Druga rasprava zastupnik Mahir Dević se prvi javio.

Mahir Dević (poslanik/zastupnik)

Hvala predsjedavajući. Znači pitanje javnog interesa je nešto što se stavlja u vrh prioriteta rada Skupštine Kantona Sarajevo u svim segmentima djelovanja. Ovo je pitanje javnog interesa u najvažnijoj oblasti, a ta oblast je obrazovanje. Formalno mi dajemo saglasnost kao Skupština Kantona Sarajevo za osnivanje određene škole, ali je to u pitanju javni interes, nije u pitanju opći dojam bilo koga od nas ovdje šta mi mislimo u nekom, jel to neka politika jel to ne znam neki ekonomski interes itd itd. Evo to se kroz ovu raspravu kristalno jasno pokazalo pred svim građanima Kantona Sarajevo da jeste.

Ali ja se opet vraćam na ono što sam pitao, koji je javni interes da mi danas glasamo za ovu stvar osim ovog nekog ekonomskog interesa u smislu iznajmljivanja prostora koji je potpuno može biti legalan i legitiman itd.

Postavio sam pitanje koji, pogotovo što kolega Zahiragić govorio, ako već imamo postojeće škole, ako već imamo odjeljenja, šta to mi obogaćujemo, koju tu vrstu ponude mi obogaćujemo, što to mi nudimo novo našoj djeci itd itd? Koje to nove smjerove mi nudimo? Jel to sad mješovita srednja škola ili je klasična gimnazija ,o čemu pričamo, koje diplome izdajemo, ko stoji iza toga. Kapital, finansije, sredstva i sve drugo. Nemojte te stvari ljudi pakovati u politiku i banalizirati. U pitanju je javni interes šta će biti sa odgojno obrazovnim sistemom Kantona Sarajevo. Ja kada glasam kao zastupnik ovdje i moje kolege u Klubu prvo gledamo u to. Znači prvo gledamo to. Nismo dobili odgovore na ta pitanja osim što smo dobili određen broj replika u kome pojedini zastupnici iz SDP-a pravdaju sad taj odnos kirija ko kome izdaje to i po kojoj cijeni. Imali smo tu vrstu rasprave. Ali odgovore koje smo mi tražili niste nas ubijedili damo podršku na ovakav način da se na ovakav način postavlja pitanje javnog interesa i da se ono ovaj što kažu ovaj relativizira i tako. Znači mi ne možemo dati podršku ovaj jednom ovakvom projektu koji je za nas itekako politički motiviran, itekako politički su ljudi u njega involvirani, suštinski nam niste objasnili zašto bi mi trebali glasati za to. Da ste nas ubijedili evo mi bi glasali. Znači mi ćemo biti suzdržan po ovoj tački dnevnog reda.

Elvedin Okerić (Predsjedavajući)

Zastupnik Haris Zahiragić se javio za riječ, druga rasprava.

Haris Zahiragić (poslanik/zastupnik)

Iskoristit ću ja drugu diskusiju da ne bih replicirao, pa eto da ne uzimam od vremena previše. Dakle postavljena su sasvim jasna pitanja. Kolegicama Marijela najveći broj njih i možda najsvrsishodnijih, najadekvatnijih, ni na jedno nije adekvatno odgovoreno, ni na ono da li je članica komisije poznavala jezik, koji sam ja postavio. I na ono da li su nacionalne grupe predmeta uključene a propisani su da budu.

Niko nije kazao da su fizička lica, ali lica su i pravna lica. Ovdje su osnivač dva pravna lica, nije fondacija. Fondacija je osnivač ovih pravnih lica. E sada kada govorimo o javnom interesu onda mi moramo znati ko stoji iz fondacije, pa hoće koja vrsta agende. Ne postoje fondacije same radi sebe koje su same sebi svrha, to trebate znati. I tu dolazimo do odluke skupštine.

Dakle ministrice uz dužno poštovanje vi vršite provjeru kriterija i formalnu ispunjenost uslova i komisija Ministarstvo. Onog momenta kada dođe ovdje mi donosimo isključivo prvoklasnu političku odluku, ne politikansku, ne političke stranke naše, nego političku odluku jer se u ime

građana za njihov račun ovlaštene da se staramo baš o tom javnom. Dakle mi ne gledam ovde ispunjenost uslova mi gledamo podobnost, ako vas tačno zanima, podobnost određene vrste škole za osnivanje u Kantonu Sarajevo. U tom smislu jeste propis taj da Skupština donosi konačnu odluku. Na takav način Skupština jedino može štititi društvo, ne od ove škole, nego od raznih drugih mogućih potencijalnih oblika osnivanja osnovnog obrazovanja, srednjoškolskog ili visokog obrazovanja. Na primjer, mislim da je prvoklasni interes da Kanton Sarajevo nema osnovane škole i fakultet iz Širokog Brijega a koje je pokušala vaša Vlada, prva, niste vi bili tu, je li bila ona u prvoj vladi, nije, nije izvinjavam se, prva vlada Edina Forte pokušala na snagu da progura pa onda je kasnije Vlada Marija Nenadića zahvaljujući pojedinim ministrima koji to nisu dozvolili. Dakle interes i lobi je ogroman da se škole izŠirokog Brijega ovdje uvuku i zbog toga na primjer Skupštine ima svoj konačan sud o takvim vrstama odluka. Ne zato što je neko ispunio ili nije ispunio uslov. Nemojte molim vas ovako značajnu temu svoditi na ispunjavanje formalnih uslova koje ste vi evidentirali kroz tu svoju komisiju u kojoj je bila žena koja ne govori bosanski jezik a, niste imali sudskog tumača.

U suštini nismo dobili odgovor na pitanja, imamo dilemu oko sukoba interesa zastupnika SDP-a i zbog toga ćemo vjerovatno kao što kolega Dević kazao biti suzdržan, a voljeli bi smo da smo dobili odgovor na sva pitanja i zaista čista obraza glasamo za ovakvu jednu vrstu odluke.

Elvedin Okerić (Predsjedavajući)

Vrijeme kolega Zahiragiću, zahvaljujem se. S obzirom da nema više prijavljenih zaključujem raspravu.

Molim zastupnice i zastupnike, prije svega zamolio bih službu da pozove samo ako ima još neko u hodniku da uđe prije izjašnjavanja.

Molim zastupnice i zastupnike da pristupe izjašnjavanju o Prijedlogu odluke o davanju saglasnosti za osnivanje privatne srednje škole pod nazivom Privatna međunarodna gimnazija QSI- International School of Sarajevo - QSI međunarodna kvalitetna škola Sarajevo.

Zaključujem glasanje. Molim službu da objavi rezultate glasanja.

Za je glasalo 18, protiv ništa, suzdržanih 7. Konstatujem da Skupština donijela ovu odluku.

Zamolio bih sekretarku Skupštine da prozove pojedinačno zastupnike.

Aida Zeković (Sekretar Skupštine)

Dobar dan. Molim da se izjasnite.

Avdić Samir za

Bandić Muamer za

Bešlija Vildana za

Čampara Aljoša za

Čengiće Irfan za

Čičić Davor za

Dević Mahir suzdržan

Gaković Elza za

Gavrankapetanović-Smailbegović Fatima za

Handžić Vibor za

Hašimbegović Mariela suzdržana

Hodžić Admela opravdano odsutna
Izetbegović Sebjia odsutna
Kalem Adi suzdržan
Kapidžić Faruk odsutan
Kapo Belma za
Klarić Sanela za
Kristić Danijela za
Marjanović Damira opravdano odsutan
Mehmedagić Mersiha za
Melank Miomirka za
Memića Arijana za
Okerić Elvedin za
Pekić Jelena za
Pilav Ilijaz odsutan
Pobrić Rusmir opravdano odsutan
Selmanović Faruk suzdržan
Šaljić Jasmin suzdržan
Viteškić Smiljana suzdržana
Vreto Elvis za
Vujović Vedrana opravdano odsutna
Zahiragić Haris suzdržan
Zuhrić Albin suzdržan.

Elvedin Okerić (Predsjedavajući)

Za je glasalo 18 zastupnika, protiv ništa, 8 suzdržanih.
Konstatujem da je Skupština donijela ovu odluku.

**Prelazimo na posljednju 13. tačku
AD-13.**

Prijedlog Odluke o davanju saglasnosti na prijedlog Ugovora o zakupu poslovnog prostora Poslovne zgrade KJP Centar "Skenderija" d.o.o. Sarajevo koji zaključuju Ministarstvo saobraćaja Kantona Sarajevo i KJP Centar „Skenderija“ d.o.o. Sarajevo.

Prijedlog odluke ste dobili u dopunskom materijalom. Molim predstavnika predlagača da podnese uvodne napomene.

Tarik Bašović (pomoćnik ministra saobraćaja)

Dobar dan i poštovanje. Moje ime je Tarik Bašović. Ja ću u opravdanom odsustvu ministra Adnana Štete pokušati obrazložiti današnju tačku. Dakle, Vlada Kantona Sarajevo je donijela Odluku o usvajanju kapitalnog projekta adaptivnog upravljanja je saobraćajem još u aprilu 2021. godine. Prošli smo je li sve diskusije i saglasnost na taj projekat, međutim da bi se takav jedan projekat mogao uspostaviti potrebno je uspostaviti i jedan Nadzorni centar, gdje bi se iz Nadzornog centra sve moglo upravljati, nadgledati, detektirati greške, uspostavljati protočnost saobraćaja, kažnjavati saobraćajni prekršaji itd. Dakle u sklopu projekta na uspostavljanju centra za upravljanje saobraćajem će biti smještena znači kompletna oprema za adaptivno upravljanje saobraćajem u Kantonu Sarajevo na svim semaforiziranim raskrsnicima u Kantonu

Sarajevo. Moram napomenuti da će tu biti znači zaposleni uposlenici raditi 24 sata 365 dana u godini. Dakle 24 sata će centar raditi iz kojeg će se moći nadzirati saobraćaj u Kantonu Sarajevo. Nakon razmatranja više potencijalnih lokacija Ministarstvo saobraćaja je izabralo lokaciju u poslovnom centru Skenderija koja ispunjava sve zahtjeve za jedan ovakav centar, dakle i lokacijski i sadržajno i sve ono što treba jedan centar da sadrži. Razlozi koji se opredijelili za izbor ove lokacija su blizina kako sam rekao centra lokaciji Ministarstva, mogućnost veoma brze realizacije uspostavljanje centra na predloženoj lokaciji jer u pitanju postojeća zgrada koja bi se samo rekonstruirala i gdje bismo vrlo brzo mogli je li uspostaviti i upravljanje. Nakon više sastanaka sa Centrom Skenderija pripremljen je nacrt ugovora o zakupu, definisani su odnosi između strana potpisnica. Stručna služba za zajedničke poslove je zadužena za upravljanje svim prostorijama koje koriste organi uprave Kantona Sarajevo, a u Budžetu za ovu godinu će biti planirana sredstva za troškove uspostavljanja centra. Potpisivanjem ovog ugovora će se steći preduslov za nesmetanu realizaciju projekta. Pribavljano je također pozitivno mišljenje Ministarstva finansija, kao i Pravobranilaštva Kantona Sarajevo, a nakon usklađivanja teksta ugovora isti je ponovno dostavljen na mišljenja Pravobranilaštvu Kantona Sarajevo gdje smo dobili je li i pozitivno mišljenje na predloženi nacrt ugovora. Dakle imate ispred sebe materijal za ovu tačku današnje Skupštine. A kako je znači članom 8 Zakona o imovini Kantona Sarajevo propisano da imovinom Kantona upravlja Skupština Kantona Sarajevo predlaže se Skupštini Kantona Sarajevo da donese odluku kao u prilogu. Hvala.

Elvedin Okerić (Predsjedavajući)

Hvala. Zahvaljujemo se na uvodnom izlaganju. Da li predstavnici radnih tijela žele riječ? Ima li pitanja? Zastupnik Haris Zahiragić se prvi javio, izvolite imate riječ.

Haris Zahiragić (poslanik/zastupnik)

Zahvaljujem se. Želim pitati koliko je ukupno kreditno zaduženje u konvertibilnim markama za sistem adaptivnog upravljanje saobraćaja i šta taj sistem podrazumijeva da je u njemu nabavljeno ili da će biti nabavljeno, imajući u vidu činjenicu da je 2021. godine taj projekat pokrenut ,koliko novca do sada povučeno kreditnih i koliko je utrošeno na taj predmetni projekat ? Centar koji je najavljen za što prostorije danas se iznajmljujemo, u kojoj formi će biti organiziran? Da li u sastavu Ministarstva, da li izvan Ministarstva, da li kao samostalna upravna organizacija, da li uopšte kao organizacija, da li kao neka vrsta zavoda, u kojem formalno pravnom subjektivitetu i svojstvu će taj biti centar osnovan? Ko će sve raditi u tom centru i koju vrstu poslova? Za što treba 800 kvadrata i 5 parking mjesta, ukoliko već treba 800 kvadrata i 5 parking mjesta zašto nije to navedeno tačno kojih 5 parking mjesta i kojih 800 kvadrata u ugovoru, što je između ostalog i prigovor Pravobranilaštva od kojih nemate pozitivno mišljenje na ovaj Nacrt ugovora. I u konačnici koliko novca je planirano da Kanton Sarajevo i kroz koju poziciju utroši na opremanje tog centra i kada očekujete da bi taj centar, ako bismo mi danas krenuli plaćati vrlo visoku kiriju Centru Skenderija bio osposobljen da svoje konačne funkcije s obzirom da još nema ni jedna marka predviđena za opremanje tog centra, koji su novac koji je izvan tog kreditnog zaduženja koje očito treba da se plati određenoj firmi. I da, da li je izabrana firma koja treba da dobavi taj sistem ili šta već obuhvata taj sistem adaptivnog upravljanja saobraćaja što smo platili toliki iznos kredita. Hvala.

Elvedin Okerić (Predsjedavajući)

Zastupnik Mahir Dević se javio za riječ.

Mahir Dević (poslanik/zastupnik)

Zanima me da li je ovaj materijal bio na Zakonodavno-pravnoj komisiji i ako jeste kakvo je mišljenje dala Zakonodavno-pravna komisija? Drugo pitanje, da li ima pozitivno mišljenje Pravobranilaštva Kantona Sarajevo s obzirom da je u pitanju Nacrt ugovora? Treća stvar, ukoliko hipotetički dođe do realizacije navedenog ugovora, koliku novaca će građane Kantona Sarajevo će koštati adaptacija navedenog prostora ovaj za potrebe ovoga adaptivnog centra? I evo još jednom radi građana Kantona Sarajevo da se ponovi koliko je građane Kantona Sarajevo koštalo ukupno finansijski i uvođenje jednog ovakvog a sistema u Kanton Sarajevo, kada se očekuje da to počne raditi? Hvala.

Elvedin Okerić (Predsjedavajući)

Zastupnica Marijela Hašimbegović se javila za riječ.

Marijela Hašimbegović (poslanik/zastupnik)

Zahvaljujem se predsjedavajući. Moje pitanje će biti materijal koji je ponuđen ne tretira precizno lokaciju ovog centra odnosno gdje će se tačno u Skenderiji nalaziti ovaj centar jer mi čitanjem ne možemo zaključiti u kojem dijelu Skenderije se nalazi u se planira iznajmiti prostor za ovaj centar? Također, iznos rente koji je predviđen za najam ovog centra ostavljen je kao varijabilan. Smatram to lošim. Mislim da ta cijena treba biti fiksna. I također pojavljuje se jedan nonsens kaže radno vrijeme bit će prilagođeno radu Skenderije, a znamo da centar treba da radi 24 sata dnevno. Toliko za sada. Hvala lijepa.

Elvedin Okerić (Predsjedavajući)

Zahvaljujemo se zastupnici Hašimbegović. Možete li ponuditi odgovore na postavljena pitanja.

Tarik Bašović (pomoćnik ministra saobraćaja)

Zahvaljujem zastupnicima. Pokušat ću ukratko ovaj obrazložiti pitanja na pitanja koja ste ovaj postavili odgovore. Kada je pitanje bilo od zastupnika Zahiragića vezano za pozitivno mišljenje Pravobranilaštva, imamo drugo pozitivno mišljenje Pravobranilaštva na tekst znači ugovora kad smo uskladili tekst samog ugovora, tako da znači imamo pozitivno mišljenje Pravobranilaštva. Kada je riječ o visini zakupa poslovnog Centra Skenderija on je definisan članom 4. Ugovora o zakup poslovnog prostora i iznosi 10 maraka po kvadratu, a to je cjenovnik Skenderije, dakle prema svima isto. Odgovor na pitanje što ste postavili za radno vrijeme. Obaveze Skenderija su očitavanje, obezbeđenje itd. međutim Centar će biti potpuno odvojeno od Centra Skenderija a ovo što se tiče radnog vremena Skenderije, iz tog razloga rad njihovih službenika koji vrše obilazak i očitavanje nekih mjerila, iz tog razloga je rečeno da će to biti u ovaj radnom vremenu uposlenika Skenderije. Ne bih dalje ulazio u raspravu o samom projektu jer je to '21. godine usvojen projekat i prošlo je sve ostale je li sugestije primjedbe i na kraju je taj projekat usvojen, tako da ne bih dodatno obrazlagao ni visinu ni sam projekat adaptivnog upravljanja saobraćajem. Mogu samo reći da je to ukupna ovaj ukupna cijena i uspostavljanja centra i uspostavljanje sistema upravljanja semaforiziranim raskrsnicama, znači tako da je sve to u jednom u sklopu kreditnih sredstava EBRD-a iz centar za sam sistem na raskrsnicama. Lokacija, pardon, lokacija i upravna zgrada Centra Skenderija da vam približe

objasnim tj. to je zgrada koja je znači na djelu desnom koji nije rekonstruisan nikako, samim ovim ulaganjem u ovakav jedan centar će se i dio Skenderije koji nije je li ovaj adaptiran na neki način adaptirati i urediti na način da bude je li kao ova lijeva strana Skenderije na adekvatan način uredna i rekonstruisana. Dakle zgrada je ulaz u garažu Centra Skenderije, zgrada iznad.

Elvedin Okerić (Predsjedavajući)

Vi se možete vratiti na svoje mjesto. Otvaram raspravu. Za riječ se javio zastupnik Mahir Dević.

Mahir Dević (poslanik/zastupnik)

Hvala predsjedavajući. Znači prvo je problem što nemamo pozitivno mišljenje pravobranioca na ovakav ugovor. Ima jel? Sa primjedbama. Nisam upratio, izvinjavam se. Izvinjavam se.

Elvedin Okerić (Predsjedavajući)

Ispravka krivog navoda dopredsjedavajući Vibor Handžić.

Vibor Handžić (Dopredsjedavajući)

Poslužio sam se ovim mehanizmom jer nemam nikakvu drugu opciju a kako bi ovu temu na neki način arhivirali. Dakle u prvom ugovoru koji je dostavljen na mišljenje Pravobranilaštvu od 25. 7. 2022. godine, Pravobranilaštvo zaista jeste dalo rezervno mišljenje i uputilo na određene korekcije koje moraju biti izvršena od strane onoga tko predlaže ovaj nacrt ugovora i kada su oni urađene dakle mišljenja Pravobranilaštva od 11. 8. konstatovano je da više ovaj tekst ugovora nema nikakvih pravnih, tako da kažem, nema problema po tom pitanju.

Mahir Dević (poslanik/zastupnik)

Znači ispravljeno je.

Elvedin Okerić (Predsjedavajući)

Ispravka krivog navoda zastupnik Zahiragić.

Haris Zahiragić (poslanik/zastupnik)

Istina je da je Pravobranilaštvo donijelo novo mišljenje, ali isto tako je istina da ono što je iz prvog mišljenja konstatovano je ostalo u ugovoru do danas. Nije ugovorom definisan jasan broj parking mjesta, jasan prostor, ostavljena je varijabilna opcija utvrđivanje troškova, tako da vjerojatno smo i jedni i drugi u pravu, i oni koji tvrde da postoji pozitivno mišljenje Pravobranilaštva, a i oni koji tvrde da razlozi prvobitnog negativnog mišljenja su ostali prigovor, barem koji je nama dostavljen. Hvala.

Elvedin Okerić (Predsjedavajući)

Zastupniče Dević nastavite.

Mahir Dević (poslanik/zastupnik)

Hvala predsjedavajući. Dobro evo nek bude da imamo pozitivno mišljenje pravobranioca, ali da su primjedbe na neki način ostale iste, i to je zanimljivo kako se onda ta mišljenja mijenjaju ako se navedu kao neke primjedbe onda izgleda kada odstoji određen broj mjeseci kao kiseli

kupus onda to bude u redu, barem tako sada izgleda kolega Zahiragiću kako sam vidio to pravo kako ga tumači ovdje barem u Skupštini Kantona Sarajevo. Zakonodavno pravna komisija za mene nije izgovor da nije imala kvorum. Mi kad smo formirali skupštinske komisije tražili smo da Zakonodavno pravna komisija svaki materijal pregleda. To što nije imala kvoruma, zbog koga nije imala kvoruma.

Zbog koga nije imala kvorum, zbog može da opozicije, jel?

Pa ne bi se baš reklo. Jel Imate većinu u toj komisiji i sad to treba da vam bude kao mehanizam jel nemamo mišljenje Zakonodavno pravne komisije koja bi trebala biti za nas najvažnija, pa barem kad su ugovori ovi u pitanju. Ja bih razumio da je na neku drugu tačku, ali na ugovor da da mi nemamo mišljenje, to je naravno potpuno pogrešno. I molio sam vas na početku rada u ovom mandatu da se vodi računa o zakonitosti stvari, vi naravno i to ovaj što kažu nećete ispoštovati. O čemu su ovdje ustvari radi, zašto je ovo za nas ponovo jedna priča u konačnici ekonomska koja sama po sebi nema nikakav cilj, smisao, ovaj ideju, niti je dobra za građane Kantona Sarajevo. Znači iz ovoga vidimo sljedeće: 800 kvadrata prostora po 10 konvertibilnih maraka 8000 konvertibilnih maraka mjesečno, ako sam dobro razumio, jel tako puta godina dana 96 000 maraka čini se, puta ugovor na 10 godina 960 000 konvertibilnih maraka. Ako samo ovo ja dobro sve sračunao, možda sam pogriješio jel. To praktično znači da vi nama nudite gospodo ovdje ponovo ugovor u kome smo mi mogli takva 2 prostora potpuno nova izgraditi, staviti u funkciju građanima Kantona Sarajevo. Ne, vi ponovo donosite jednu političku odluku u kojoj vi plaćate kiriju onome kome ste vi kao šef na neki način da biste popravili njegovu ekonomsku situaciju, pa da biste mogli kazati da je taj uspješan direktor. Takva ekonomija koju vi vodite i vaše pravo će nas odvesti u potpuni haos. Ovdje je samo sreća pa imate određenih sredstava da se na ovakav način rasipate. Da je neka druga situacija, da se nalazite u nekom drugom Kantonu u kome nemate ova sredstva ne bi nikad ovakav ovaj potez povukli. Znači vi ćete za 10 godina potrošiti 1 000 000 konvertibilnih maraka. Pa zar nije pametnije bilo da smo napravili sve te zgrade. Naravno. Pitao sam maloprije koliko će sredstava otići za ulaganje u taj prostor, niste ni to kazali. Tako da ove vaše odluke zaista nemaju smisla i onda kad mi kažemo ne možemo dati podršku, ne znam nekoj odluci, onda vi kažete pa dobro to je politički motivisano i tako dalje. Ja stvarno ne vidim koji zastupnik je evo spreman da prospe 1 000 000 konvertibilnih maraka građana Kantona Sarajevo bez ikakve potrebe a da se ne dobije nikakva nova vrijednost u smislu zgrade, prostora i tako dalje. Da ne kažem o tome da ste imali stotine drugih prostora koje ste mogli uzeti džaba, koji su naši. Sad bi bilo zanimljivo tražiti popis od pravobranioca da nam dostavi prostore u Kantonu Sarajevo evo na kojim imamo mi pravo raspolaganja. Koliko bi takvih prostora bilo? Kakva je ovo ekonomija, kakve su vaše političke odluke da pravite uspješne direktore. I ne radi se to samo u Skenderiji, to se radi u niz drugih preduzeća. To će se vidjeti kad dođu izvještaji. Tako da mi ne možemo dat podršku ovakvom načinu upravljanja u Kantonu.

Vibor Handžić (Dopredsjedavajući)

I jeste li vi? Gospodin Vreto se javio za ispravku krivog navoda u samom finišu vaše diskusije. Je li ostajete pri zahtjevu. Izvolite, uključite zastupnika Vretu.

Elvis Vreto (poslanik/zastupnik)

Hvala dopredsjedavajući. Ja zaista molim kolegu Devića da nam donese listu tih besplatnih poslovnih prostora kako bi se Vlada ubuduće mogla opredijeliti, obzirom da je iznio da postoje

besplatni poslovni prostori, ja bih volio, radim ispravka ili da nam donese tu listu besplatnih poslovnih prostora da dostavi Vladi kako bi ona ubuduće mogla to uzet u razmatranje. Hvala.

Vibor Handžić (Dopredsjedavajući)

Može. Ispravka ispravke krivog navoda izvolite kolega Deviću.

Mahir Dević (poslanik/zastupnik)

Hvala predsjedavajući. Kolega Vreto ja ne znam, možda vi mene niste razumjeli. Znači ja sam rekao da Kanton Sarajevo u svom vlasništvu ima niz prostora koje je mogao staviti u funkciju besplatno i nemate potrebe da bilo šta dezavuirate, da pričete o bilo kakvim listama besplatnih poslovnih prostora. Znači Kanton Sarajevo je vlasnik i tog preduzeća i svega onoga što se nalazi u okviru tog preduzeća, jedino ako vam to treba nacrtati sada na komad papira pa vam objasniti to. Mislio sam da to znate. Hvala.

Vibor Handžić (Dopredsjedavajući)

Zastupnik Zahiragić ima riječ. Izvolite.

Haris Zahiragić (poslanik/zastupnik)

Zahvaljujem dopredsjedavajući. Hvala. Ja sam postavio veliki broj pitanja, nažalost na većinu njih nisam dobio odgovori i dobio sam čak rečenicu nećemo sada ovdje voditi rasprave o tome kako je nešto što je projekat 2021. Ovo je prvi formalni akt, poznat Skupštini, kojim se pokušava realizirati taj projekt. Taj projekat je čini mi se vrijedan 16 miliona eura kredita, jel tako. Kod EBRD-a. Maraka, izvinjavam se. Kod EBRD-a na način da smo planirali riješi to kako se kaže za tili čas gužve u Sarajevu uz smanjenje električne energije, zagađenje zraka, itd. Tek 2 godine nakon toga, nakon 2 godine tek imamo nacrt ugovora o zajmu poslovnih prostora za koji će barem trebati godina ili dvije, ako nađemo sredstva koja neće biti obezbjeđena kreditom, 2 godine da se stavi u funkciju, što bi značilo da smo mi platili 2021. ili 2022 sistem softverski koji ćemo koristiti u 2026. Tada će to biti zastarjela tehnologija informaciona i zastario sistem informacioni jel tako? Ali to je trebalo pred kampanju platiti firmi BS Telecom, jel tako? Kao što ste svašta nešto platili firme BS Telekom iz ministarstva saobraćaja. Zašto? Zato što je vlasnik i osnivač te firme bivši direktor Elektroprivrede vaš istaknuti kadar kojem ste u zadnje 2 godine ili 3, dali desetina miliona ugovora. I ja o ovome govorim svjestan svega što sam izrekao i za ovo niko ne reaguje. Ni ovi hrabri, pravedni, pošteni, ni slobodni nezavisni mediji. Evo eksperiment. Sve nas prate, da li će ovo prenijeti i da li će istražiti gdje je 16 miliona maraka naših kredita, našeg novca otišlo i šta je Kanton do sada dobio zauzvrat? Evo prošle su 2 godine ili godina, evo manje, nije bitno. Imamo li to rješenje, jel u upotrebi? Isto tako smo platili avansno sistem zatvorenih stajališta, istoj firmi, 2 su stajališta zatvorena, nigdje sistema nema. Prošle 3 godine, avansno plaćeno.

Gdje je taj sistem zatvorenog stajališta. Ja, u tom momentu kad smo plaćali toj firmi avansno, predsjedavajući Skupštine je krio pečat po Kantonu Sarajevo. U tim danima je ministar.

Vibor Handžić (Dopredsjedavajući)

Ajmo na temu zastupniče Zahiragić.

Uzet ću vam riječ. Pa uzet ću vam riječ. Uzet ću vam riječ, nemojte se tako ponašati. Pa uzet ću vam riječ, nemojte se tako ponaša. Pređite na temu, pređite na temu, nemojte galamiti.

Pređite na temu. Nemaju zatvorena. Ja ne branim vama da pričate o zatvorenim stajalištima, ali napišite neki status. Dakle tema je Nacrt ugovora, izvolite.

Haris Zahiragić (poslanik/zastupnik)

Ovo je vrlo povezano i nemojte mi na takav način oduzimati riječ, nećete postići ništa na taj način. Nije vam ovo babovina gospodine Handžiću, ni moja, ni vaša. Ima Poslovnik i poštuju ga. Imam svoje vrijeme zastupnika, kad god govorim o sumnjivim ugovorima, uzimate mi riječ i ovdje pokušavate da me cenzurišete. To vam neće poći za rukom..

Vibor Handžić (Dopredsjedavajući)

Ma evo govorite o nečemu što je ovdje sumnjivo, ne uzimam vama riječ, hajde.

Haris Zahiragić (poslanik/zastupnik)

Sad odakle vam pravo da uzmete mi riječ kad vi hoćete? Nemate pravo na to gospodine Handžiću.

Nemate pravo. Sad ste mi opet uzeli riječ, prekinuli ste me, bez da ste mi rekli što mi oduzimate riječ.

Što kažete vi gospodine Vreto? Poslovnička intervencija gospodin Vreto.

Vibor Handžić (Dopredsjedavajući)

Hajde nastavite vi diskutovati o ovoj tački dnevnog reda molim vas.

Haris Zahiragić (poslanik/zastupnik)

I molim vas držite mir u sali kada govorim jer gospodin Vreto dobacuje, ja ne znam gdje taj.

Vibor Handžić (Dopredsjedavajući)

Evo držim mir u sali samo nastavite diskutovati o tački dnevnog reda.

Haris Zahiragić (poslanik/zastupnik)

Dobro, upozorite gospodina Vretu da mi ne dobacuje sljedeći put, molim vas. Vrlo povezano sve. Taj sistem zatvorenog stajalište je platio Kanton Sarajevo, pa isti je ugovor, ista je firma, hoćete li da se pravimo ludi, da zaboravimo šta je bilo? Nemojte me cenzurisati, vrlo je bitno da kažem. Avansno je plaćeno u momentu dok se krio pečat. Nikada nismo dobili taj softver .Evo drugi softver smo platili 16 miliona. Za dvije godine dobivamo Nacrt ugovora o iznajmljivanju prostorija. Gdje su ti softveri? Vi znate koliko se u cijene u IT sektoru i kako brzo softverska rešenja postaju prevaziđena i koliko brzo ima potreba za njihovim ažuriranjem. Da banalizujem do te mjere, treba mobitel kada godinu je star, Android IOS ili bilo koji drugi operativni sistem vam šalje ažuriranje toga. A mi plaćamo toliki iznos sredstava tako bitne ugovor. I u svemu tome šta imamo? Dobijemo ugovor u kojem ne piše gdje je taj prostor. Dobijemo ugovor u kojem ne piše gdje taj prostor. Pravobranilaštvo, ovo što je kolegica Mirijela primijetila napiše u izvještaju svom da se nije tačno odredio u ugovoru prostor. Naknadno Pravobranilaštvo da tačan pozitivno mišljenje koje ste vidjeli predsjedavajući Handžiću, a u ugovoru i dalje nije preciziran prostor. Igrom slučaja mi znamo gdje je taj prostor, preko puta Tabiz salona za ćilime, jel tako? E Tamo je cijeli trg uništen, devastiran, ruinisan. Cijeli plato tog trga koji ima preko 200 -300 kvadrata, plus taj prostor koji je devastira. Tu treba, da bi to bilo u pristojnom stanju, bez bez opremanja centra, samo da bi se građevinski

dobilo pristojno stanje treba 1000 maraka po kvadratu. To je 800 000. Za 10 godina kirije to je milion, dakle to je 1 800 000 maraka koji nisu u sklopu ovog kredita. To su dodatna sredstva koja će trebati ministarstvo saobraćaj ili Budžet Kantona Sarajevo davati za opremu adaptaciju tog prostora. I dobro je kolega Dević prepoznao potrebno je dati sredstva Centru Skenderija direktoru Trniniću valjda da platite onu kampanju što su vaše glave bile na Skenderiji bile gore poredane čitavom dužinom, što je CIK utvrdio da je zloupotreba javnog preduzeće. Moja nije bila glava nigdje. Tako da vjerovatno zbog toga nemam ni obavezu da glasam za ovaj ugovor. Pravobranilaštvo u svom mišljenju također navodi da Ugovori i iznos cijene ugovora, što je kolegica Marijela kazala, ne smije biti odrediv, nego mora biti, trebao bi biti određen, određen jeste. Ovdje je određen ali ostavljena je mogućnost Upravnom odboru, zapravo Nadzornom odboru Centra Skenderija da jednostrano mijenja visinu cijene ugovora, što je također problematično i mislim da nije povoljno za Kanton Sarajevo. Parking mjesta 5 koji smo rezervisali, ne znam u kojem svojstvu, za koga rezervišemo 5 radnih mjesta. A kako bi smo znali kada ne znam u kojem će taj svojstvu Centar raditi. Da li je to za 5 službenih automobila, da li će imati neku ophodnju ili za 5 auta zaposlenih. Ako je za 5 auta zaposlenih zašto ti zaposleni u tom Centru bi trebali imati parking mjesta, a ostali zaposleni državni službenici evo u Kantonu Sarajevo nemati, na primjer. Puno je pitanja, malo odgovora. Uglavnom ovaj ugovor kao i svi ostali ugovori se rade neozbiljno, na način da se kreditnim sredstvima ogromna količina sredstava prebacuje u privatni sektor, da se troše na jedan vrlo naročito bezobrazan drzak način javna sredstva građana Kantona Sarajevo, da se tenderiše, da se dodjeljuju poslovi javnim političkim firmama, da se o tome samo u Skupštini Kantona Sarajevo smije i to ograničeno i cenzuirasno govoriti, a da građani još uvijek uprkos preko 300 000 000 kredita u tom resoru, osim trolejbusa koji evo hvala Bogu su konačno stigli, koji se kvare i gase i spadaju sa trola, nismo vidjeli ništa opipljivo. Gospodine Vreto, upozoravam ja vas sad, posljednji put, ja kada govori vi molim vas da držite disciplinu. Ukoliko ne želite, ja ću prema vama početi drugačije vas tretirati kao nekulturnog zastupnika i ja ću.

Vibor Handžić (Dopredsjedavajući)

Nemojte kolege Zahiragiću, ja sam ovde da upozoravam, vi nastavite s diskusijom.

Haris Zahiragić (poslanik/zastupnik)

Pa upozorite ga, molim vas. Hoćete li ga upozoriti?

Vibor Handžić (Dopredsjedavajući)

Nemojte molim vas govorit više šta da radim. Završite diskusiju, dajem vam riječ.

Haris Zahiragić (poslanik/zastupnik)

Ne može u manirima, nije vam ovo Općinsko vijeće Ilidže.

Vibor Handžić (Dopredsjedavajući)

pa nemojte, evo izgubili ste minutu bez veze sada svoje diskusije, završite svoju diskusiju. Molim vas.

Haris Zahiragić (poslanik/zastupnik)

Upozorite ga molim vas kad ja govorim da me ne prekida.

Vibor Handžić (Dopredsjedavajući)

Završite diskusiju.

Haris Zahiragić (poslanik/zastupnik)

Pa šta je? Hoćete reći da ja ovdje imam pravo biti prekidan koliko puta Vreti naumpadne. Toliko puta ja mogu biti prekinut. Neću nastaviti diskusiju, napisat ću Facebook status kao što ste rekli, a kolega Vreto i vi kada budete govorili, iako rijetko šta govorite, kolega Vreto nikada ništa ne govori, samo prima platu preko 3000 ovdje preko četiri godine, promijenio tri stranačka dresa, vidjet će on kako ću ja njega prekidati.

Vibor Handžić (Dopredsjedavajući)

Zastupnik Avdić, izvolite.

Samir Avdić (poslanik/zastupnik)

Zahvaljujem predsjedavajući. Ja bih opet zamolio da se vratimo na temu , odnosno na tačku dnevnog reda o kojoj je riječ. Znači mi ovdje danas, odnosno u ovom trenutku trebamo da prihvatimo ili ne prihvatimo ovaj prijedlog ugovora o zakupu prostora za budući adaptivni odnosno centar za adaptivno upravljanje saobraćajem. Nije tema da li je da li se radi o dobrom ili o lošem projektu, da li se taj projekat finansira iz EBRD-ovih sredstava ili ne itd, itd. To je završena priča, to je sve usvojeno 2022. godine. Mi imamo ovdje i stručnjaka iz te oblasti u ovim klupama, to je uvaženi kolega Adi Kalem i evo nismo čuli zamjerke o tome, ovaj zato me, ali ustvari me i ne čudi od kolega, ukoliko se želi praviti cirkus ovaj s obzirom da ovaj Poslovník to dopušta jako, ovaj vrlo lako ga je i napraviti. Javio sam se radi da bih komentarisao cijenu i da bih komentarisao nešto što je maloprije uvaženi kolega Zahiragić pohvalio kao jedan dobar koncept i to je to jedna od rijetkih prilika kada smo u potpunosti saglasni obojica, a to je da je dobro javni novac opet ulagati u javno preduzeće ili ustanovu. Cijena od 8000 kako je maloprije kolega Dević nam izračunao tu kvadraturu mjesečno nije previsoka, znači u tom smislu ugovor nije štetan. Tih 96, odnosno 960 kako izračunao za 10 godina, hiljada ulaganja u KJP Skenderija je opet ulaganje u ovaj javno preduzeće koje, čiji je osnivač ova Skupština. U tom smislu to je pohvalno. A podsjetit ću da smo maloprije prilikom diskusije o davanju saglasnosti formiranje srednje škole spomenuli Energoinvest, kao jedno javno preduzeće i činjenicu da je Vlada Federacije odlučila da novac koji je do tada plaćala nekome drugom, od tog trenutka plaća u to javno preduzeće, pa je kolega Zahiragić, sasvim ispravno, to pohvalio kao jednu dobru praksu da javni novac vraćamo opet u javna preduzeća. Na taj način treba pohvaliti i ovu praksu, iako je ona maloprije ovaj odjednom nekako se obrnula logika, pa je odjednom sada postala to loša praksa odnosno loš koncept. Pa evo molim kolege nek sa sobom dogovore da li je dobro javni novac vraćati u javna preduzeća ili nije. Ja mislim da jeste i pohvalno je da će se on vratiti upravo u Javno preduzeće Skenderija. Što se tiče pitanja koja su postavljena u startu, dobili smo neke odgovore. Mislim da se radi o dobrim pitanjima. Ni meni nije bilo najjasnije gdje se nalazi tačno ovaj taj prostor. Sada mi je jasno s obzirom da je ovaj kolega iz Ministarstva nam to objasnio. Znači na Skenderiji u jednog dijelu ovaj Centra Skenderije koji vapi za renoviranjem i mi kao Skupština koja je osnivač preduzeća Skenderija smo davno za ovih koliko je prošlo od rata bili dužni da i taj dio renoviramo, on uopšte nije nevažan i lokacijski, na svaki drugi način, tako da ako ukoliko će ovo proizvesti efekat renoviranja tog dijela platoa Skenderije i tog dijela zgrade Centra Skenderije, to je još jedan od razloga zbog kojih je jako pohvalno to što se upravo Skenderija izabrala da na ovaj načinjoj se

i pomogne kao preduzeću, a s druge strane da se napravi, da se, da se pripremi odnosno prilagodi jedan prostor kakav dolikuje jednom vrlo modernom projektu koji će se realizovati, a to je Projekat adaptivnog upravljanje saobraćajem i evo zapamtit ćemo koliko ima onih koji su protiv tog projekta pa kada kada se taj projekat na kraju realizuje i završi da vidimo ko je bio za to, a ko ne, jer ćemo ga vjerovatno hvaliti kao što ćemo hvaliti i završetak ove rekonstrukcije, odnosno malte ne izgradnja nove tramvajske pruge Ilidža Muzej. Hvala.

Vibor Handžić (Dopredsjedavajući)

Zahvaljujem. Zastupnica Melank ima riječ. Izvolite.

Miomirka Melank (poslanik/zastupnik)

Dopredsjedavajući pozdravljam sve ovdje i one koji nas prate. Zahvaljujem se i mom prethodniku na ovome što je rekao prethodno, također sam htjela da o istoj stvari govorim o ulaganju u jedan objekat koji je, pa evo ne znam 30 godina, a sigurno još 30 prije toga bio zapušten i u koji se jako dugo nije ulagalo, a sada mu se konačno nalazi neka namjena u kojoj će se ulaganje moći izvršiti. A ne samo da će taj objekat biti obnovljen nego će i ta namjena doprinijeti povećanju kvaliteta života građana Sarajeva. Ne treba gledati u grah da se zna da SDA neće glasati za ovu stvar i za ovaj ugovor. Jasno je da također da bi njima bile drage nove gradnje na možda lokacijama koje su prethodno.

Vibor Handžić (Dopredsjedavajući)

Ispravka krivog navoda zastupnik Zahiragić izvolite.

Haris Zahiragić (poslanik/zastupnik)

Uvažena zastupnice Melank, mi iz SDA kad imamo neku dilemu ili dignemo ruke ili klanjamo istiharu, uglavnom ne bacamo grah, to je prva ispravka krivog navoda.

A druga ispravka krivog navoda je da smo se mi žučno u ovoj Skupštini dok vi niste bili tu, borili protiv izgradnje tornjeva na mjestu Skenderije, koje su htjeli donijeti vaši koalicioni partneri iz NIP-a. Tako da molim vas pravilno to adresirajte, nemojte nas. Mi smo bili ti koji smo branili prostor Skenderije, kulturu sjećanja Skenderije i sve ono što Skenderija kao jedan primjerak specifični gradnje, arhitektonskog zdanja i svega onoga što taj prostor čuva kao memoriju sjećanja ovog prostoru i svih uspomena građana Sarajeva mi smo to štitili. Nemojte nam sada to prebacivati, nije korektno od vas. Hvala.

Vibor Handžić (Dopredsjedavajući)

Uključite ponovo zastupnicu Melank.

Miomirka Melank (poslanik/zastupnik)

Hvala. Zahvaljujem se onima koji su štitili Skenderiju, ako je to bila SDA također ću se zahvaliti i poslanicima, zastupnicima koji su to radili u to vrijeme kada je bilo nužno da se uradi. Za ovaj grah sam rekla ne dao da ga baca SDA nego ga bacamo mi koji trebamo pogađati kako će glasiti. Dakle sam htjela naglasiti da umjesto da sada gradimo te objekte za milion maraka, koliko kada se saberu sve ove zakupnine koliko bismo dobili za ovih 10 godina je li, mogli bismo ulagati dakle taj objekat i ovo je jedinstvena prilika da se u taj objekat konačno uloži. I da pročitam dio iz ugovora, dio investicionog ulaganja koji se odnosi na građevinske radove i adaptaciju poslovnog prostora poslovne zgrade Centra Skenderija ukupne površine

876 m² koja je predmet ugovora o zakupu poslovnog prostora a realizuje se u sklopu kapitalnog projekta Adaptivnom upravljanje saobraćajem koji se finansira iz vanjskog zaduženja kredita Evropske banke za obnovu i razvoj će se računovodstveno evidentirati kao kapitalno ulaganje i KJP Centar Skenderija, što znači da dakle da ovo ulaganje će omogućiti da se obnove neki dijelovi Skenderije a da Kanton to neće morati raditi iz nekih drugih sopstvenih sredstava, a također će se pružiti prilika da od zakupnine Skenderija uloži u neke još svoje druge prostore, a ako ne u prostore, onda u kvalitetne programe koji nedostaju Sarajevu. Hvala.

Vibor Handžić (Dopredsjedavajući)

Zahvaljujem. Zastupnik Dević. Izvolite.

Mahir Dević (poslanik/zastupnik)

Hvala dopredsjedavajući. Kolega Avdić je maloprije čini mi se uporedio neke 2 stvari vezano za odnos Vlade Federacije prema Energoinvestu i sada konkretno Ministarstva saobraćaja prema Skenderiji. Nisu te dvije stvari kolega ovaj konkretno uporedio jer nisu dvije iste situacije i nisu uslovi u kojim se mi nalazimo istih. Znači ja sam maloprije kazao, potpuno sam siguran da Vlada i ministarstva, pa evo ako hoćete preciznije Ministarstvo saobraćaja ima prostore koje je moglo potpuno besplatno staviti ovu funkciju, šta više, nisam ni protiv da mi ovaj napravimo potpuno novi Adaptivni centar, ali da stvorimo neku novu vrijednost. Ako dajemo 1 000 000 konvertibilnih maraka za 10 godina a to je više od miliona jel. To će biti negdje otprilike 1,5 do 2 miliona konvertibilnih maraka, ja kao zastupnik da bi dao svoju ruku da glasam za jednu ovakvu odluku meni bi na umi bilo da glasamo za odluku iz koje će ostati određeni objekat pa će biti ne znam kako će se već zvati ovaj, nalazit će se tu i tu i dobit ćemo tu i tu zgradu. I onda smo napravili neki posao. Evo da kažemo nakon 10 godina kreditnog zaduženja izgradit ćemo je za dvije, tri godine, ostala je ta zgrada iza nas. Ovaj model da mi lošim menadžmentima naših kantonalnih javnih preduzeća punimo budžete na ovakav način i da pokušavamo da ih predstavimo sposobnim, ne stvaramo nikakvu novu vrijednost. Tu je znači problem. Bilo koji načelnik, evo pretpostavljam da bi načelnik Novog Grada Semir Efendić, Ilidže ili bilo koje druge opštine potpuno sigurno dao određeno Općinsko zemljište da se jedan ovakav objekat napravi. Znači ja upozoravam na tu stvar i kažem da ovo nije put kojim treba ići da se na ovakav način razbacuju sredstva građana Kantona Sarajevo, bez obzira što su mi najbogatiji Kantonu, što imamo najviše budžetskih sredstava, ja mislim da nije svejedno da se baci 1,5 miliona do 2 miliona konvertibilnih maraka u narednih desetak godina na nešto iz čega se neće stvoriti nikakva specijalno nova vrijednost. Pogotovo jer mi ovde miješamo Ministarstva, ali radimo politički jel tako? Ja nisam vidio da je ovo došlo kao prijedlog Ministarstva privrede jel, već iz Ministarstva saobraćaja. Iz tog razloga mi ne pravimo novu vrijednost, mi ne možemo dati ovaj podršku jednom ovakvom projektu, hvala.

Vibor Handžić (Dopredsjedavajući)

Samo ću vam kratko replicirati. Dakle nemam ja ništa protiv nove vrijednosti zaista ali ja mislim da je u ovom slučaju nova vrijednost iziskuje puno više miliona i puno više vremena kako bi jedan projekat za koji i vi i ja, evo slažemo se da itekako potreban Kantonu Sarajevo, trebalo da se uspostavi jel tako?

Odgovara na repliku.

Mahir Dević (poslanik/zastupnik)

Da li je bio potreban Kantonu Sarajevo i u kojoj formi vidjećemo. Nije Sarajevo evo grad koji ima 30 miliona stanovnika pa da su mu potrebni tako moćni sistemi. Mi pričamo ovdje o petnaestak kilometara puta, ali da se ne vraćam na tu temu. Kolega Zahiragić je maloprije kazao ja mislim, ja bih razumio ovaj vaš potez da će taj sistem profunkcionisati 1. januara 2024. Evo ja vas sad pitam hoće li profunkcionisati. Pa neće, to znamo i ja i vi. Vjerovatno možda neće ni za četiri, pet godina. Četiri, pet godina će nam trebati da. Znači za tih četiri pet godina ne da smo mogli izgraditi objekat, mogli smo izgraditi šta hoćete. Vaša diskusija bi imala smisla i bila potpuno tačna da je to sad nešto interventno da kaže trebamo to odmah uraditi, hajmo u ovom našem prostoru to opremiti. Međutim nije to baš stanje tako. Evo neka nam kaže neko, dobro ne može premijer jer je tek imenovan, da li će taj sistem zaživjet za četiri, pet godina? Ne vjeruje, ne vjerujem, odnosno bolje rečeno ubijeđen sam da neće.

Vibor Handžić (Dopredsjedavajući)

Vaše apsolutno pravo je da ne vjerujete, moje pravo je da apsolutno vjerujem da će zaživjeti taj projekat i mislim da je puno važnije i za Kanton Sarajevo koje, ma neću hajde da govorim, važan je itekako za Kanton Sarajevo u svakom saobraćajnom aspektu, zaista bez obzira što nije veliki grad, veliki problem imamo trenutno ovaj sa sistemom saobraćaja u Kantonu Sarajevo. Na kraju krajeva potreban je da ne bi kesama za smeće pokrivali semafore koje trenutno ne želimo da funkcionišu kao što je onaj na Marin dvoru koji se sad nalazi. Nema ovo su moje dvije replike sa kolegom Devićem. Nema veze sa tim, hajde se vi javite onda za drugu diskusiju. Ali ja sam replicirao kolegi Deviću. Hajd izvolite, replika. Uključite zastupnika Zahiragića.

Haris Zahiragić (poslanik/zastupnik)

E ovaj put ću se složiti sa vama. Također se slažem da je potreban projekat adaptivnog upravljanja saobraćajem, samo ne istih razloga koji ste vi rekli. Taj semafor na koji je stavljena kesa se može ugasiti i sada. Gužve u Sarajevu se neće time riješiti, riješit će se kada se napravi Prva transverzala, Južna longitudinala i ostale infrastrukture, Nulta transverzala, i tako dalje i svi ostali infrastrukturni projekt tada će se gužva u značajnoj mjeri smanjiti, a ne zbog toga što ćemo mi biti u stanju mobilno upravljati semaforima, jel. A ona suština koju smo i ja i kolega Dević govorili jeste da smo mi već 2021. rekli ste, taj ugovor je, zadužili Kanton za taj ugovor. Ili 2022, možda je prešlo u narednu godinu, ne znam ja rokove, kako ne dobivamo informacije iz Ministarstva saobraćaja o puno većim ugovorima, skriveni su nam, pa tako i taj nemamo. Dakle mi smo već platili 16 000 000 prije 2 godine nešto što neće biti još 5 godina, dakle još 3 godine dok se ovo završi, dok se otvori Centar, neće se implementirati. U tih 5 godina će biti skoro 40 000 000 utrošena na taj projekat koji kada dođe na red već tada će vjerovatno bit zastarjela tehnologije i morat će se novi informacioni sistemi za te novce puno lakše kupiti. To je bila poenta i mene i kolege Mahira Devića. Eto toliko. Hvala.

Vibor Handžić (Dopredsjedavajući)

Zahvaljujem. Ovo sa semaforom sam samo karikirao naravno, nisam previše ozbiljno mislio. Naravno da se može i sad ugasiti. Zastupnica Bešlija se javila za riječ.

Vildana Bešlija (poslanik/zastupnik)

Hvala. Ja bih evo da konstatujem jednu činjenicu da konačno pričamo da čujemo diskusiju od strane ovaj stranke SDA koja priča o futuru, ali na jedan opet način na koji ne bi trebalo to raditi, ali evo došli smo bar do točke da pričamo na neki način o budućnosti. Ono što je nas godinama opterećivalo i ovdje u skupštinskim klupama i u proteklom mandatu, a evo i sada je upravo nerad onaj koji je bio ovdje zastupljen dugogodišnji, gdje se ništa nije radilo i gdje je puno više miliona utrošeno, a u suštini nismo dobili ništa zauzvrat. Mi imamo jedan centar koji treba da doprinese boljoj situaciji u saobraćaju i znači prvenstveno zbog toga se osniva, imamo Skenderiju koja godinama nije znači održavana na način kao što je to trebalo da se uradi, imamo jednu Vladu koja je prepoznala tačke koje se trebaju popraviti, između ostalog, jer ih ima jako mnogo. Pa onda ako dođe ovakav prijedlog od ministra saobraćaja i ispred Ministarstva saobraćaja koji ima korelaciju na neki način sa Skenderijom, Ministarstvom privrede za mene je za svaku pohvalu, jer do sada nije bio slučaj. U ranijim vladama se nije razmišljalo interesorno, u radnim vladama nije se razmišljalo o dobrobiti građana, u ranijim vladama nije ih baš interesovalo kakav je saobraćaj, pa ranije vlade nisu započele rekonstrukciju ni pruge, pa ništa se nije uradilo. Mi sada već pričamo o nekim rokovima, o započeti stvarima, tako da ovaj mislim da je u svakom pogledu napravljen iskorak.

Elvedin Okerić (Predsjedavajući)

Ispravka krivog navoda, izvinjavamo se zastupnice Bešlija, zastupnik Adi Kalem.

Adi Kalem (poslanik/zastupnik)

Zahvaljujem predsjedavajući. Obzirom da se prvi put javljam prozivan sam od više kolega zastupnika ali evo ne mogu.

Adi Kalem (poslanik/zastupnik)

Ne reagujem na ovu činjenicu. Ne mogu, ja kažem, ne mogu da ne reagujem na činjenicu da govorite kako se ništa nije radilo o proteklom periodu. Prvo imam jednu tehničku ispravku a tiče se samog Centra. Ovo nije Centar samo za adaptivno upravljanje, ovo je Centar za kontrolu saobraćaja i Centar za kontrolu javnim prijevozom putnika u Kantonu Sarajevo, a da bi on bio funkcionalan treba nam infrastruktura. Sad to su te neke, trebaju nam tematske sjednice da pričamo sada o tome. Dal to treba graditi, treba svakako. I naravno da će se to završiti. A vezano za te rekonstrukcije, nekakve spominjete pruge itd. Molim vas provjerite tamo na zvaničnoj stranici EBRD-a datum kad je pušten tender za izgradnju i rekonstrukciju ove pruge. Hvala vam najljepše.

Elvedin Okerić (Predsjedavajući)

Možete nastaviti zastupnice Bešlija.

Vildana Bešlija (poslanik/zastupnik)

Samo da me uključe. Samo malo, sad ja pričam. Ovako, tačno, vi ste možda potpisali u onom periodu kada ste došli u sklopu ove Vlade petak 13. a ne zaboravite da je prije toga bila Vlada šestorke, pa ste onda vi to došli i vjerovatno je neko nešto i započeo pa ste vi potpisali. Sam čin potpisa ne znači ništa. Znači sam čin potpisa ne znači ništa. Treba nešto i uraditi. Ovaj ugovor i način na koji se ovo predlaže je, znači opet ću reći za svaku pohvalu, i mislim da što prije treba započeti s ovim. Ja samo razmišljam šta je u glavama građana naših koji ovaj ovo

slušaju i gledaju, koji stalno su u nekim gužvama, koji stalno nisu u stanju da, znači kasne na posao i sve ostalo i sa ovim naporima koje pokušavamo napraviti neki iskorak naprijed. I sad ćemo se mi baviti tim jel bolje da pravimo neku zgradu ili je to možda u reda da bude u Skenderiji ili nije. Mislim, dajte ljudi da nešto uradimo. Stvarno mi nije jasno čemu vodi ova diskusija, stvarno mi nije jasno, zaista. Pričamo znači opet ću reći o nekim milionima koji će se desiti u budućnosti, predviđamo kakav će rezultat svega toga biti, a prije svega nismo donijeli danas odluku o ovome. Hvala vam.

Elvedin Okerić (Predsjedavajući)

Zastupnik Adi Kalem je tražio ispravku krivog navoda. Izvolite imate riječ.

Adi Kalem (poslanik/zastupnik)

To što je neko nešto potpisao, radio, prvo treba da znate da svaki ovaj projekat su radile Vlade u kontinuitetu, pa i ona Vlada Adema Zolja prije toga je potpisala određene projektne ugovore da bi ovo sve moglo biti moguće, odmah to treba da znate. Treba da znate da je Vlada petak 13. potpisala i objavila tendere i za 15 novih niskopodnih tramvaja koji su se naručili. I to treba da znate. Treba da znate da smo pokrenuli tender za tunel Kobilja glava. I more mnogih dobrih projekata koji se tiču i ugroženih kategorija, od taktilnih traka itd, itd. A što se tiče projekta adaptivnog upravljanja, bez sumnje, znači to je neophodno gradu Sarajevu i to se treba što prije realizovati. Ovdje je više formalno-pravnog karaktera problem koji se desio, pravno mišljenje, odnosno mišljenja Pravobranilaštva ima li ga, nema li ga, i tako dalje. Uglavnom ima ga, ali nisu ispravljene neke stvari. Kolega Dević i kolega Zahiragić su to naveli, pa jednostavno eto zbog procedure ako postoji mogućnost da se to popravi, ispravi. Toliko od mene.

Elvedin Okerić (Predsjedavajući)

Zastupnica Vildana Bešlija.

Oprostite, ako je replika onda ima prednost ispravka krivog navoda, zastupnica Hašimbegović. Uključite zastupnicu Hašimbegović.

Marijela Hašimbegović (poslanik/zastupnik)

Samo želim da naglasim da koristimo pravilnu terminologiju. Centar za adaptivno upravljanje saobraćajem neće riješiti problem, ne smijemo stavljati građane u zabludu, nego će ublažiti problem. Ono što sam ja pročitala u medijima to je da će ublažiti do 30 % onoga što sada trenutno imamo i kakvo je stanje u saobraćaju. Dakle neće se riješiti nego ublažiti problem. Hvala lijepo.

Elvedin Okerić (Predsjedavajući)

Zahvaljujemo se zastupnici Hašimbegović. Zastupnica Vildana Bešlija replika.

Vildana Bešlija (poslanik/zastupnik)

Hvala. Oprostite samo jel mogu ja postaviti pitanje ko vodi sjednicu?

Elvedin Okerić (Predsjedavajući)

Izvolite, imate riječ zastupnice Bešlija.

Vildana Bešlija (poslanik/zastupnik)

Hvala vam. Znači ovako, kada, drago mi je da je kolega iz Stranke demokratske akcije koji sjedi iza mene u suštini i bivši ministar istakao ono što je stvarno problem danas i o čemu mi raspravljamo, a to su formalno-pravni ovaj problemi. Tako da tu se mogu složiti. Naravno da postoji neki kontinuitet u radu ili neradu. Ja ovdje govorimo o radu ove Vlade, vi govorite o nekom ranije i sve to ovaj jasno, ali mi je drago i sada je potpuno jasno i sami ste priznali da u suštini mi se danas i na ovoj tački bavimo nekim formalno-pravnim stvarima, kao što inače u većini slučajeva kada su u pitanju aktivnosti zastupnika iz Stranke demokratske akcije koji u suštini govore o tim stvarima formalno-pravnim, a evo ja bih više da se bavimo radom. Hvala vam.

Elvedin Okerić (Predsjedavajući)

Zastupnik Mahir Dević se javio, izvolite imate riječ.

Mahir Dević (poslanik/zastupnik)

Hvala. Nemojte predsjedavajući ovaj ako tražim poslovničku intervenciju ne može replika na ispravku krivog navoda, mogla je ispravka, ali replika nije mogla. Znači ja sam zato rekao, ali nemam ništa protiv naravno da kolegica kaže bilo šta. Kolegice Vildana vi ste vašu diskusiju počeli nekom pričom da neke Vlade nisu ništa radile pa ste to kao pokušali da prebacite ponovo ovom Klubu SDA ovdje.

Ja ću vas podsjetiti na diskusiju kolege Zahiragića sa prošle sjednice Skupštine Kantona, on vam je to detaljno pobrojao ko su bili ti premijeri ispred SDA koji su to vodili. Nema potrebe da vam on to ponavlja. Vjerovatno će vam biti jasno da su to sadašnji sadašnji vaši koalicioni partneri, šefovi čitave ove parade, njima se možete obratiti. Za ono što je klub SDA i evo ja kao predsjednik Kluba ovdje što smo učinili u ovoj Skupštini, a smatrate da nije bilo dobro, to isključivo fakturišite nama. Naravno da smo mi odgovorni za politike naših prethodnika, ali za taj nerad ste kazali to. Radi javnosti, sve ove procedure oko saobraćaja su bile već pokrenute u vrijeme premijera Adema Zolja. On je dolazio iz oblasti saobraćaja, pokrenuo sve ove procese, poslije je to preuzela Vlade šestorke, formalizirao naš ministar Adi Kalem i vi doveli u neku fazu realizacije. I uporno vi to nešto kroz medije pokušavate da napravite da je to neka vaša pamet, naravno da je to kolektivna pamet svih Vlada i mi ne bježimo od onoga što je dobro da pohvalimo i nemojte to relativizirati ono što je rađeno prije, jer ono što je rađeno prije puno bolje nego što vi danas raditi „suštinski“. Mi ovdje govorimo o 16 miliona konvertibilnih maraka sredstava za uspostavljanje određenog sistema. Pet prvih transverzala smo mogli vjerovatno za te pare uraditi, longitudinala, ne znam šta sve u Kantonu Sarajevo, nismo mogli uraditi da riješimo pitanje ovaj saobraćaja. Ali evo da ne ulazimo ni u to. Današnja tačka dnevnog reda jeste Nacrt ugovora. Naša diskusija je bila o nacrtu ugovora, potpuno naslonjena na ono što je kazalo Pravobranilaštvo, kao institucija čije mišljenje mi pratimo ovdje u našem radu u Skupštini Kantona Sarajevo. I pored toga još jedna stvar u smislu donošenja takve političke odluke gdje nas niko nije uvjerio da ćemo mi, bez obzira što uložimo sredstva, budemo plaćali kiriju na toliki broj kvadrata, imati tu instituciju u funkciji još ni za četiri, pet godina. Odgovorno tvrdim, kako sada stvari stoje, daj Bože da se nešto promijeni pa da mi to imamo od 1. januara 2024. super, ali nećemo to imati ako pogledamo sadašnje stanje na terenu mi to nećemo imati. I u tom segmentu smo mi, završavam, u tom segmentu smo mi kazali da ne možemo dat podršku jednom ovakvom nacrtu ugovora i to je naša diskusija bila. Hvala.

Elvedin Okerić (Predsjedavajući)

Sljedeći koji se javio riječ zastupnik Haris Zahiragić. Odustaje.

S obzirom da nema više.

Zastupnik Haris Zahiragić druga diskusija.

Haris Zahiragić (poslanik/zastupnik)

Hvala predsjedavajući. Nije druga diskusija nego replika kolegici Bešliji.

Govorila je o nekim koleracijama misleći vjerovatno na korelacije, konteksta, vremena Vlada itd. Ja, kolega Dević je spomenuo, ja ću ponoviti svaki put kada sa ovakav teatralan način počnu porediti mi- vi- oni. 2001 godine Nermin Pećanac SDP , 2003 Denis Zvizdić NiP, 2006 Samir Silajdžić SBiH, 2010 Zlatko Mešić SBiH, 2011, Fikret Musić SDP, 2015 Konaković tada SDA sada NiP, kratko Adem Zolj, pa dva puta Forto i kratko Mario Nenadić SBB. U tom cijelom ciklusu gospođo Vildana najmanje procesa, ako uzmemo u obzir činjenicu da su kolege iz NIP-a sada vaši koalicioni partneri predsjednik NIP-a i ne prvi i prvi zamjenik predsjednika NIP-a gospodin Ademović i drugi zamjenik predsjednika NiP-a gospodin Zvizdić, svi su tu sada sa vama. I nemojte za njihov rad ili nerad pokušavati nas optuživati. Uzeli ste njihov politički kapital, uzeli ste njihove političke glasove, uzmite njihov rad ili nerad u proteklom periodu i riješiti vi te odnose međusobno na način kako znate i umijete. Ona priča o tome kako ste vi za smanjivanje gužvi i tako dalje i na takav način pokušavate da u drugi plan gurnete ono što sam ja govorio, govorio sam o činjenicama da po ko zna koji put ministarstvo saobraćaja avansno plaća informacione sisteme koje u Kantonu Sarajevo ni do sada, a ni narednih par godina neće realizirati. Dakle slažem sa kolegom Kalemom, slažem sa svima koji smatraju da treba ovaj sistem, i treba da bude. Al ne da ga se plati unaprijed kreditom pa da tek za 5 godina dobijemo centar koji treba da implementira taj sistem. Isto tako je sa sistemom zatvorenih stajališta gdje su avansno platili istoj firmi nešto što nikada nije isporučeno. 5,8 milijuna sjećam. Gdje je molim vas taj informacioni sistem zatvorene naplate karata. I sada ćete vi meni na ovo odgovoriti tramvaj treba gradu. Grad Sarajevo kao grad treba da ima tramvaj. Naravno da treba, ali ne treba da avansno plaća tendere koji nikad neće biti realiziran. I nisu kolega Dević i vi ste imali diskusije čije su ovo pameti. Nisu ovo nikakve pameti. Kasnimo 20 godina, 30, 40 za državama zapadne Evrope. Promijeniti šine nije nikakva pamet , naručiti nove tramvaje kreditom nije nikakva pamet, bez obzira ko ih naručio. Pogotovo ne kreditnim sredstvima, to zna svako uraditi. Nemojte da se uopšte svađamo koje više sudjelovao u tim ne posebno pametnim projektima. Hvala vam.

Elvedin Okerić (Predsjedavajući)

Zahvaljujem. Zastupnik Jasmin Šaljić se javio za raspravu.

Jasmin Šaljić (poslanik/zastupnik)

Hvala. Ništa, ja bih se samo osvrnuo na ovaj Nacrt govora, jednostavno nedostaje nam zaključak Ustavno-pravne komisije, Zakonodavno-pravne komisije, hoću reći. Evo pored mene moj kolega Bandić on je predsjednik te komisije a nije učestvovao. Nije bilo kvoruma. I šta se dešava kada nema kvoruma, mišljenje pozitivno. Evo pitam da li je to tačno.

Elvedin Okerić (Predsjedavajući)

Zastupnica Vildana Bešlija, druga diskusija.

Vildana Bešlija (poslanik/zastupnik)

Znači samo kratko da kažem da pozitivno, evo pošto je ovaj složili smo se na kraju svega da je šta je tema današnja ugovor i mišljenja koje imamo od Pravobranilaštva i koje je ovaj pozitivno. Evo mogu i radi gledalaca možda to i pročitati ili ćete me opet, možda malo sam zapela, možda da me ispravite. Malo sam zapela. Znači mišljenje u skladu sa članom 15. stav 2 Zakona o Pravobranilaštvu utvrđena je obaveza organa i pravnih lica iz stava 1 ovog člana citiranog zakona da pribave pravo mišljenje ovog Pravobranilaštva prije zaključenja ugovora o kupoprodaji, zamijeni, zakupu, prenosu prava na korištenje stvari uz naknadu ili bez naknade, kao i drugih ugovora kojima se pribavljaju stvari ili prava ili raspolaze stvarima, odnosno materijalnim pravima, a što je učinjeno u konkretnom slučaju. U prilogu akta broj i datum veze, a postupajući po primjedbama ovog organa od 25. 7. 22. dostavili ste korigovani Nacrt ugovora o zakupu poslovnog prostora poslovne zgrade Centar Skenderija, ukupne površine 874,66 m² sa 5 parking mjesta, što čini predmet zakupa, član 1 ugovora sa određenom zakupninom iz člana 4 ugovora i trajanjem zakupa iz člana 10 ugovora, čime ovaj o obligaciono- pravni ugovor ima sve bitne elemente zakupa iz glave 11 Zakona o obligacionim odnosima. S tim u vezi ovo Pravobranilaštvo cijeneći formalno-pravni aspekt ugovora nema primjedbi, niti sugestija na dostavljeni tekst Nacrta ugovora, uz napomenu da se iskazanim mišljenjem nije cijenio postupak koji je prethodio sačinjavanju ugovora, a samim tim niti određivanju visine zakupnine, obzirom da izuzev ugovora druga dokumentacija nije dostavljena. Za sve dodatne informacije i konsultacija stojimo vam na raspolaganju. Hvala vam.

Elvedin Okerić (Predsjedavajući)

Replika Haris Zahiragić.

Haris Zahiragić (poslanik/zastupnik)

Neće mi kolegica Bešlija zamjeriti, nema tu nimalo ni seksizma, ni šovinizma šta više džentlmenski, ako smijem primijetiti da joj je nova frizura, pa u skladu s tim meni je također dobra, i samopouzdanje da sa mnom po ko zna koji put debatira o pravnim frizurama. Molim vas, evo gospodin Čampara ili Vreto opet hoće nešto da kažu.

Elvedin Okerić (Predsjedavajući)

Kolega Zahiragiću držite se teme.

Haris Zahiragić (poslanik/zastupnik)

Šta kažete? Čampara, molim vas, gospodin Čampara me vrijeda, ako možete to.

Elvedin Okerić (Predsjedavajući)

Molim vas smirite se da ovo završimo. Kolega Zahiragiću, nastavite diskusiju.

Haris Zahiragić (poslanik/zastupnik)

Evo hoću. Ja sam zaista bio najdobronamjerniji, zaista naglasio i ogradio se, to što u ovoj Skupštini očito se ne može put kolega kolegici ili kolegica kolegici ili kolega kolegi kompliment bez cinizma, čak sam se ogradio, jasno naglasio, ne znam zašto. Valjda svakoj boji svojom bojom. Ono što čovjek ima pri sebi i drugim stvarima i drugim ljudiam pričinjava. Htio sam da kažem da je kolegica Bešlija dobro pročitala mišljenja Pravobranilaštva, međutim ako se vratite na ugovor vidjet ćete da je prvobitno mišljenja Pravobranilaštva i dalje ostalo u

samom ugovoru. Dakle oni elementi rezerve Pravobranilaštva se nisu promijenili iako se promijenilo mišljenje Pravobranilaštva. I dalje je ostao neodređen prostor tačno koji se iznajmljuje, nemarkirana, neodređena parking mjesta, nije fiksna, dakle promjenjiva je ova kirija, zakupnina i one sve stvari koje su u prvobitnom mišljenju bile i dalje su ostale kao takve. Vjerovatno je neko ubijedio Pravobranilaštvo da se ne može na neki način to tačno odrediti itd. Da su to uslovi. Čak se Pravobranilaštvo, to ćete vidjeti, pažljivo pročitati, također daje pozitivno mišljenje s rezervom, i piše neke stvari da su cijenili samo formalnu valjanost ugovora sa aspekta ugovora o obligacijama i to je svakako tačno, ali ove stvari koje je Pravobranilaštvo zamjeralo i dalje su ostale u tom ugovoru. Hvala vam puno.

Elvedin Okerić (Predsjedavajući)

Zaključujem raspravu. Zamolio bih službu samo da pozove zastupnice i zastupnike iz hodnika ako neko ima. Dopredsjedavajući ima.

Molim zastupnice i zastupnike da pristupe izjašnjavanju o Prijedlogu odluke o davanju saglasnosti na Prijedlog ugovora zakup poslovnog prostora, poslovne zgrade Kantonalnog javnog preduzeća Centar Skenderija doo Sarajevo, koji zaključuju Ministarstvo saobraćaja Kantona Sarajevo i Kantonalno javno preduzeće Centar Skenderija d.o.o. Sarajevo.

Zaključujem glasanje. Molim službu da objavi rezultate glasanja. Za je glasalo 19 zastupnika, protiv ništa, suzdržanih 5.

Konstatujem da je Skupština donijela ovu odluku.

S obzirom da smo iscrpili sve tačke današnjeg dnevnog reda zaključujem rad na današnjoj Četvrtoj radnoj sjednici i zahvaljujem se zastupnicama i zastupnicima.